

集部第六〇冊目次

陳太史無夢園初集三十四卷(二)

〔明〕陳仁錫撰
明崇禎六年張一鳴刻本

一

存笥小草六卷附遺稿雜集一卷

〔明〕冒日乾撰 附 冒守遇撰
清康熙六十年冒春溶刻本

四八九

陳太史無夢園初集三十四卷（二）

〔明〕陳仁錫撰

明崇禎六年張一鳴刻本

山東省圖書館藏

陳太史無夢園初集

古吳陳仁錫明卿甫著

潛確居類書序

類從乾道起本乎天者親上本乎地者親下則各從其類也類聚而羣分惟本之是以聚之聚之是以親之親之是以從之如雲龍風虎之相從也則類如火之上同於天也則類類族辨物慎辨物居方大都本是類之時義大矣哉恒雜而不厭其稱名也小其取類也大類之不可忽

無夢園集 馬四

一

也如是竊怪學士家好言虛無耻類書而度閣下者疲神纂組誰爲呼吸雷風耐煩咀嚼其弊也曰弗類曰敗類誠懼之也此書十六歲時讀書瑤林之潛確居嘉興博碩据拾成帙而刻成於崇禎庚午六月渡江之辰續訂于辛未九月冊封之竣又明年六月始僦功蓋先君子見余沈沈讀書戒之曰勿迂儒勿腐儒經術以經世舅氏郭翁諱端明別號昇菴方正博聞君子也更互商確詞人宗歐陽率更藝文類聚徐學士

無夢園集 馬四

二

初學記白孔六帖或集子衆手或割裂章句或拘牽對偶事多傳附近唐類函頗据諸書卷帙浩繁不無重複于是隨乎抄記益以他書分曹標目凡三易稿乃就既讀書中秘齋宿承華與諸君子旁求閣本暨燕趙藏書世家斟酌損益捧節還里種松老矣竹方苞茂予嘗有言于荷花萬芙蓉慨然爲造物惜費爲吾生惜福釋我其中類乎否也書不盡言言不盡意夜半生子舉火視之惟恐類已也事有類之乃不類不類之乃以類者知類也可以同知惟恐類已也可以濟雖然又有名類而實不類者嘗有言古之善活人者則謂之秦越今之學傷人者則謂之父母與其父之母之而操挺也不如秦之越之而操藥也類書藥物也審脉定方顧用之何如耳嗟乎百聞不如一見邊防充棟也身歷關塞則邸報塘報邊志皆塵飯矣河道累牘也臨決河履新河則南北中洋洋灑灑之三志不礙深咀而盡力溝洫一語先不行于中州矣也

錢法人持一喙也質之屯軍饒賈精權子母者
豈不者矣考功指掌也匹馬田間與父老問治
狀別自有龔黃矣司馬軍政也張空拳昌白办
挈人頭挾生虜別自有衛霍矣郊社宗祀幸學
朝典崇禮也人清廟侍朝堂厠成均穆然遠矣
唐人早朝詩頗寒儉不類矣山水清音也五百
羅漢自鼓自鐘自唄誦而日與天龍神鬼相告
語逢虎逢豹奮髯自得游記末有也我將自其
類而求之是游于方之內也未可概也我將越
無邊國集 馬四 三

職跡焉所得孰多乎哉

六書故序

六書故三十年來戴先生侗有成書而不暇閱
孰知作書者之難哉雖然數百年後手摹其書
白日學者之心如許墅張氏獨延祐汴太守知
之耶行已有耻士之上耻莫耻于不識字耻莫
耻于年白首官要地而不識字耻莫耻于誦習
宓犧孔步顏超而不識字詰之曰不暇耳按子
生十年教六書六書者羣經諸子百家之通什
也六書通天下之書不註疏而劃然古十齡稚
無邊國集 馬四 日

予得傲今日老成人所不諳猶不汗浹否劉達
夫曰點畫小難橫目佯視篇韻之作願出繙門
章縫聞之猶不惶澀否又如漢故事學童十七
已上試史籀書郡移太史得殿最舉劾猶不戰
慄否靈帝時帥官詣酒家痛飲書其壁觀者爲
飲酒錢錢足減其字師每書輒削焚其拊於足
梁鵠益以板醉而竊拊鵠卒用能書官選部尚
書夫尚書位尊徒乎飲酒與劇衛不涌如湯否
昌黎云作者須稍識字義高才生哆口先秦西

京字且不識文焉用古猶不辭虧否文母也字
子也不識母者豈有無母之子哉猶不怵痛否
聲耳治也史目治也瞽史協而耳目治不識字
則瞽史所不治猶不摸索否刻畫竹木以爲識
惟蠻夷與俚俗用之今滔滔皆不識字亦將刻
畫竹木乎猶不發憤否然則如何曰請讀六書
故始余未覽此書喜沙門篇海集韻門法一種
又喜李太史韻會小補一種大都說文作於許
慎自顧野王修玉篇而字有形因聲作於沈約

無聲圖集

馬四

五

至唐韻廣韻韻會諸書而字有聲元魏用翻母
司馬作指掌圖而字有攝韓孝彥歸玉篇於五
音爲三十六母什戒璿增定迄成篇海而字有
子母蓋許氏說文出楊雄訓纂蔡邕石經之上
自漢以來孔安國劉向鄭玄賈逵馬融服虔多
主之其法協於象形諧聲二儀但子母無別耳
是以丁度輩求聲音以歸母考偏傍以入部篇
海主類形而形各係之諸母集類主類聲而聲
各本之諸母若其旁諮荒微重譯象胥天竺之

言或少麗禪子是有韻會補若曰字有韻猶生
有姓籍章變爲篆隸已數典而忘其祖矣以三
四音鍛爲一字古韻較今韻繁簡何如哉太史
愛黃魯直韻會證訛補缺梵俗悉汰總之爾雅
主義沈約主音以四音製韻可訝者六經古史
字叶讀轉注別爲古韻以殿之而江左裁風騷
韻爲韻門多崇尚其說太史率本三禮爾雅毛
詩春秋三傳以解經爲說字善乎周思皇曰漢
以前字在經緯編科斗其字簡字序讀爲數

無聲圖集

馬四

五

以被管弦而有餘漢以後字在於韻方言俚俗
其字襍合數音鍛爲一字譯以梵典而不足漢
以前之說字於解經得經之義斯得其字以一
義訓數字故字易漢以後說字主於修詞得
韻之字或不得其義以一字兼數用故用易窮
漢以前雖經有聯字而說字者有精旨漢以後
雖韻無脫字而說字者多抵牾此韻會補所以
作也宋戴概韻書家不以聲爲綱而鑒者以韻
訓辭聲相通則子孫之子遠祖韻相混則鍾純

之於僣爰書以正名之謂何相如雄務奇字不適於用至名天地曰蓋與穹壤名日月曰烏兔義娥曜靈望舒既誕且俚若者數於何起天胤于上地胤于下人胤于中工不工事不事總是立一以起數爲此書之首次二曰天本乎天者麗之次三曰地本乎地者麗之次四曰人次五曰動植次六曰工次七曰事七者備其歸餘於禱綴疑於末夫六書皆以形人聲有聲則形以麗形事以指事意以會意窮則因賴以諧之類

無夢園集 馬四

又窮則假借以足之至假借而義益難求矣諧聲若赤子僅能號呼其喜怒以相告諭然氣可通也假借則義無所因轉借其聲故曰聲形而上文形而下聲員而文方聲備而音不足徵顯闡幽當名辨物正言斷詞則備矣韻會補序擬輯爲六書會通首具體次別音次什義次紀事倘於此書有怡然以解者乎

高皇帝釐正洪武韻今制書之體僅用于章奏間餘仍沈約爲宗此於身爲災行已無耻而損

辱君命已學迷本原肆口雌黃不識字者猶甚卽如李斯作蒼頡篇諸山及銅人銘皆斯書記事煩猥隸人佐書曰隸夫旣隸人畜之斯意固不薄不獨斯也中車令趙高作爰歷篇太史今故毋敬作博學篇自秦有大篆小篆刻符蟲書摹印署書爰書隸書之八體可專罪斯乎漢頗因隸獨符印璽幡尚篆秦八書隸爲下漢乃因之漢罪乎斯罪乎王莽時有古文奇字篆書佐書謬篆鳥書六體夫奇字卽璽書中古而異者

無夢園集 馬四

莽罪乎斯罪乎况自斯以後有王次仲程邈史游劉德蔡伯喈並馳其爲所破壞者亦不少矣字無師說者誤漢各是其師說者亦誤文獻不足親記相沿見其聲不見其文則一字而假借數字傳其聲不見其本則一字而貿易數體既不窮經安能識字請極論之自刀筆改爲科斗玉箸柳葉皆譌本文况其他乎鐘鼎之文以多而省失之巧便符璽之文以省而多失之巧謬夫鐘鼎符璽之文未可盡信况下焉者乎司馬

遷受經於孔安國鄭玄受注於服虔許慎受說
於賈逵楊雄課字於卜侯芭今有書而不讀乎
班固輯孝經十一字以補雅小爾雅古今字附
之若曰說經卽解字爾晁无咎謂爾雅小學之
流不當附孝經得無繆其指乎魏初邯鄲淳師
古文汲冢人盜發魏襄王家得策書十餘萬言
是衛敬侯所書學於淳者也聲韻反切鄭康成
輩闕如則漢人學書之途狹矣今字學大明獨
保殘守缺挾恐見破也乎玄宗詔學士衛包改

無夢園集

馬四

上

古文以今文故六籍多用俗書惟國語儀禮史
漢誦習者少未盡變後人聚馬班字類頗有假
借不當物者如龜勉爲閔免可晒已乾坤天之
字也古書用刀乾爲刀坤一刀兩斷冰霜龍戰
刀斧斬然而坤之六也以疑以雜夫疑與雜固
定乾坤大手力六書故終之此有以哉八卦文
立而象孳入卦而六十四兩畫皆人畫故三十
篇人事居半有以哉

評資治通鑑序

孔子作春秋而前無一日不春秋無一日不史
也孔子作春秋而後無一日不春秋無一日不
史也作春秋作於天終日乾乾行天事天不變
編年亦不變天時作於上人事應於下故春秋
無事載其月疑事闕其文遂開編年之祖後儒
尊孔子曰獲麟絕筆也終日載天不知有春秋
安知有是非夫天所是千萬世不敢非天所非
千萬世不敢是作史者必是天之是而後謂之
是非天之非而後謂之非又必其人天所是也
而後可以是非天之所是而後可以是非
天之非大都以編年而體定以得人而史尊自
二十一史變爲表志傳紀而紀年畧自二十一
史命爲正史而梁通史六百卷唐編年四十一
家聊備乙庫之藏其有併書本末不著後先雖
曰編年仍是紀傳而史體混自編年紀傳實錄
分爲三宋分時政記起居注日曆爲三時政記
以宰相二人撰錄而史權分天垂象見吉凶聖

人象之太史觀之知天知人可以史矣史還目
文史星曆近乎卜祝之間何自待之非也況其
下者乎故謗牘也而史賊臣也而史寇蜀也而
史弊北酋也而史受賕也而史下代上琢也而
史狐媚也而史事數君也而史清談也而史蔡
卞蔡京也而史脫脫也而史正史猶爾況裨乘
哉宋治平三年初命司馬溫公編集君臣事迹
首呈通志凡八卷英宗悅爲置局秘閣賜名資
治通鑑神宗序之歷十有八載纂十六代開國
無夢圖集 馬四
家係生民善可法惡可戒者益以目錄考異故
曰斷以邪正要於治忽辭令淵源箴諫深切大
哉神宗之言公六就冗官聽書局自隨或疑治
平熙寧間紛爭國事蓋有託焉豈公之心也哉
大都冇是非之心不可冇是非之見去其偏心
先去其名心使是非定於天定於君定於天下
後世而不必公論自已出南史氏之筆范希文
之學司馬溫公之書是已齊太史數被刑而南
史執簡往聞大史書之矣乃還而不畱二月

之名希文在仁宗時以學職屬孫明復以中庸
授張千厚子是石守道胡翼之各以其學教諸
子而不畱一道學之名溫公自選碑官屬御府
供筆墨御筭供果餌出示龍圖天章閣三館秘
書而不畱一著書之名夫惟去其名心一意算
主庇民故足傳也天台胡三省身之有廣註有
十論有較讐通鑑凡例間關從軍軼亡別購入
考異于各文釐釋文爲辨誤駁海陵本非司馬
康筆康簡較文字官不應踈鑿而紹興金使聞
無夢圖集 馬四
溫公子孫遂訪其裔汲官之好事者撰前例以
屬汲故判爲贗本公註書精嚴之一端也仁鑑
憂居以宋杜戸卒業竊比于公抑感溫公言覽
者未終一紙已欠伸思睡能讀之終篇惟王益
柔爾于是探索鈎致就其闕鉅關鍵畧爲提撮
俾閱鑑而又閱胡註別樹赤幟閱評鑑而又閱
評註別開青眼試於集中簡一正人焉一正事
焉如奇雲寫碧漢如河洛出圖書如大海吐明
月一人不終焉一事顛覆焉若將隕深淵履泰

冰唯恐天不生人人不行事唯恐少壞聖賢常
撐之宇宙誤用百年有限之精神笑化爲泣泣
化爲慟至大慟有欠伸思臥者乎嗟嗟讀書不
大悅無以噬碩果不食之孤陽不大慟無以震
死灰不靈之愚魄故天下欲治常多亂常少讀
書欲慟常多悅常少又欲慟已多於慟人慟已
今日多於異日否則有代之慟者矣斯言也願
齋沐而質溫公兼以問世予閱鑑畢殫心宋史
有及達金元恭惟

無夢園集 馬四

主

太祖高皇帝卽位之明年詔修元史

成祖文皇帝戶續綱目而學士周敘疏譏宋史
柯公維騏成新編一書補李燾陳桎輩所未備
在勝國楊公維楨作正統辨黜遠金前人論之
嚴矣近世行王公宗沐本其旨謂元祐紹聖治
亂之界靖康建炎南北之界景定咸淳存亡之
界故編獨嚴予亦極目而尤善毘陵薛公應旂
本曰我不可不鑒於有夏亦不可不鑒於有殷
宋元今之夏殷也其詞危矣用人肇治亂之始

無夢園集 馬四

一曰

故一榜必書得某人儒學隱逸比溫公加詳溫
公刪繁削冗公謂裁減太過無以快心明目卽
四六亦不廢述揭侯斯之言曰修史在于得人
有學問文章而不知史事不可與有學問文章
知史事而心術不正不可與某於學問文章史
事未可妄議而心術則不敢不正予深是之通
鑑前編宋金履祥著鑑曰資治非以極博淵而
上之疑鬼疑神甚于黃熊臺駘杜回伯有之倫
不可垂後況左傳止哀公二十七年終趙襄子
事通鑑首之何疑是以置前編不錄而宋元取
薛本蓋常論之溫公尚左傳毘陵尚荀悅袁宏
范祖禹歐陽修胡氏父子亟稱章懷棗松之各
有原本也抑疑崇文置局詔劉恕趙君錫同修
元豐進呈列范祖禹劉恕劉攽名胡身之以前
漢歸攽三國迄南北朝歸劉恕唐歸范祖禹而
公不載其事豈同修官卽較定簡較之流亞邪
神宗語輔臣此書過荀悅及唐以悅書賜其臣
唐宋人上尊編年明矣故賜名加秩不以榮而

邇英經筵常令進讀則人臣啓沃之極思也噫
公之時何時也所上表不急夷狄而急民生豈
見用人太銳漸剝民以逞大壞軍興不減俸賜
不加搜刮之家法而以一書障其狂邪雖然溫
公望其君好善矜惡取是捨非薛本據事直述
善惡不掩故任天下之事必成天下之事不輕
以君子自予務勉其終不輕以小人予人務錄
其善作事有餘地持論有餘地必致君於堯舜
必長君子之奉必掃夷狄之氛必是非皎然懸
於天而百怪銷滅書曰資治意在斯乎

無夢園集

馬四

五

史記序

見善不喜見惡不怒此人主也文章亦然易喜
易怒文之下也不喜不怒難言矣見善不喜見
惡不怒其孰能與於此哉六經是已若夫可喜
而非無故以喜可怒而非無故以怒祥喜而亦
似真喜祥怒而亦是真怒史記一書耳嗟乎易
文章之法祖也詩文章之鈴鐸也至哉易乎書
不盡言言不盡意立象焉足矣又多言乎哉史
記毋乃少盡歟神而明之默而成之易也神而

無夢園集

馬四

六

默史也神而喧矣其近于詩乎詩之言興也興
辟雍之鼓鐘亦興卷阿之車馬興鞅掌之勞吏
亦興白駒之逸民興似續之古人亦興雞鳴之
夫婦興前驅之將帥亦興同仇之婦人既環天
下人可於可喁可風可雅不加品題貞淫自見
故世之治也用興與之失繁繁則可刪俗之流
也用氣氣之失驚驚乃日蔓是以孔子不惡繁
而惡蔓其於詩不尚氣而尚興此意唯太史公
知之他人不知也何也西漢有文章東漢有月

旦有文章人人喜於自見有月旦人人凜於自
避文如景星慶雲可見而不可避之物也太史
公於書無所不取可以不取而故存之於人無
所不收可以不收而故錄之何居以自成一家
言乎則夷然不欲以勅夫人立言立德立功即
三者無一焉而猶有翹翹自見之興太史公樂
矣嗟乎此一種樂意遂能釀百代能文之苦日
而使之甘桑百代評文之刻意而使之平俾覽
者真喜似喜律喜律不喜常若觸之可喜而不

無夢園集 馬四

喜者自在真怒似怒律怒律不怒常若擊之可
怒而不怒者自在太史公又樂矣嗟乎彈人人
所不欲也謗已已所不欲也譽人以彈人譽已
以謗已已與人所不欲也如萬石君傳刺客游
俠諸傳何嘗一字譽之哉間者擊節歎賞以爲
真譽之也噫此興象也天下明眼少而肉眼多
堂下人多而堂上人少使肉眼爭相曜以和其
心而堂下人交相舞以作其勢則事功興議論
止天下和平矣又如神仙諸傳何嘗誇人主哉

自謫也自謫而不諱卽彈人而不怒矣何以故
月旦之失非失於苛物而失於恕已也是書始
闕於丙寅歲除日可以解解之不可解置之太
史公不求甚解而強解之太史不甚求解人而
強索之皆遭也離文明之象萬物皆相見史記
古今文人皆相見之書也噫鼓之舞之以盡神
風水遭而造物不默能讀史記者可與言詩也
已矣亦可與言易也已矣

無夢園集 馬四

二

漢書序

余嘗勸讀史記與父兄言之甚力但子弟十餘
授誦十六脩工二十可巨擘詞林次亦稱伯山
谷及閱漢書更有進焉史記韻超布格刺含叙
事而漢書典重森嚴真廟廊之文也及余屢閱
漢書又有進焉初謂密裁弘構天上架樓臺耳
繼再三味之芬芳有香氣更張紅燈拭青眼
長劍惡與漢書對其色蒸鬱絢爛是真色非說
色蓋嘗謂史記爲古今大纖手臺臺萬千言漢

無夢園集 馬四

五

雅若無言漢書爲古今大染局錦江濯紅氈麗
光瑩皆莫及焉得兩家之門而入者寡矣學史
記而誤是賈人抱布也學漢書而誤是嫫母塗
脂也雖然有文心焉文章之色出于中心倡于
君父漢天子之文何如哉中正和平漢家詔書
近是自唐以後代言高制作之林每每嘗名書
官而漢詔不聞何官專撰何人雄擅則漢天子
之文固非其臣所能代也試舉一二民產子復
勿事二歲非高祖七年詔乎方春和時病吾民

不得與草木羣生有以自樂而惆悵爲民父母
將何如非文帝詔乎諸有親喪勿錄事使得收
飲遂終盡于道非地節四年詔乎已歿也惻其
喪未生也保其胎鰥寡孤獨困窮也悲哉樂草
木之無知彼金馬門天祿石渠諸彥能執簡道
一字哉此亦謂文章之心卽文章之色也漢天
子有色故漢廷臣有色而漢家文字亦有色博
學議郎與公卿商國家大事此議論之色也學
有專經以世其家此傳經之色也六曹掌故無
不專習此與故之色也斬將搢笏出使絕域此
封疆之色也如荀悅袁宏力能模史班顧寧安
其拙且誠不屑蹈二公餘嘯此文字之色也噫
得荀袁而與之說漢書是以無色爲有色也愈
于剽其色竊其韻家握一史漢者已

無夢園集 馬四

六

三國志序

予聞三國志鼓蓋泊舟濟陽之南池荷花盛開
飲至夜半若有人焉歌鶴鳴古太白酒樓也
慨然遐想獨立久之放舟援筆竊慨孫氏諸公
年太少才太奇志太銳惜予公瑾大江長征名
操漢賊子敬拒曹迎備勸借荊州多操敵自樹
黨孫吳忠計二人而已伯符義絕袁術襲許迎
帝猷甚壯卒中劍擊呼權叮嚀舉賢任能以保
江東安在哉曹操篡則篡耳有殺漢之實借操
無夢園集 馬四

三

漢之名若欲若慮親幸后臂二賊與曹而三之
若夫用兵用人奸雄能事古今奸雄亦未有過
操焉者也當時欲殺操不者董承劉陽魏諷金
禕耿紀韋晃吉本本子邈邈弟穆耳嗟予昭烈
之知孔明也非龐德公司馬德操徐元直不知
也及其若魚之得水也雖關張同牀而寢不能
奪也然博望燒屯自饒將畧豈盡出忠武哉漢
魏以來求不亂其方寸者難矣元直挈忠武昇
昭烈是予漢以方寸予魏以髮膚耳何亂之有

龐德公曰趨舍行止人之巢穴各得其棲宿而
已漢家方寸地此亦人之巢穴也季漢之君在
險愈貞後主立悉委丞相丞相亡三十年不變
法賢而守矣季漢之臣公琰文偉儒雅遵令伯
約不廢征討經軍國最久勤而瘁矣昭烈有北
地王孔明有瞻尚彤僉黃崇以死節若方寸炳
然有足多者予謂三國人才如春秋而陳壽紀
事不及左傳故辭命遜焉孔明類子產子產以
治鄭則有餘矣其善者政無越畔而亦苦謹嚴
無夢園集 馬四

三

無餘地故布局少狹雖然難言哉漢事大可爲
德操諸公或先之矣爲諸公易爲忠武難故忠
武不可及矣

奇賞 自敘

郭參軍曰 疏其壅閼聞其弗蕪領其玄致標其
洞涉庶逸 一文不墜於世奇言不絕於今愚非其
人也間嘗 折衷往古有一代大作手有一代持
世之文有 一代榮世之文各標而出之嗟嗟大
作手不數 苟不能以文持世也且勿辱手哉不
辱之文非 玉不源非雷不振非貞不絲非介不
廉非濯不 色非耻不刻非別不味非菽不淨非
理不感非 懼不醇非爛不化魯山有玉清其源

雷震子集 馬四

沸沸湯湯豈詎采繒駸駸肇激素飛清分風劈流
乎哉故曰玉以源之菱之皮爲鼓振以雷獸之
骨揚聲五百里故曰雷以振之錦濯蜀江而鮮
滌以它水錦色弱矣故曰濯以色之涓石柱有
村畱神與魯般語班令其形見曰貌穉醜卿等
圖物容畏卿不出故曰耻以刻之鯁奮鰭迴流
望濤直上爆鯁失濟故曰貞以絲之女靈山不
連崗以成高不託勢以自遠故曰介以嚴之有
人灘焉其石人面鬚髮皆具非人也貍貌音聲

麗妙如好頰女非婦女也連石魚形燒之作魚
膏腥雷風相薄山巔如驚顛頑非驚也非魚也
故曰別以味之鳥菽會稻春拔草根秋啄其穢
又若原君之殺鹽神也故曰菽以淨之楊威與
母遇虎負母以號虎見其情餌耳而去故曰理
以感之鳥音如庫多放士如吟大水如啄木大
絲如豚大旱如晨鵲大兵立言亦然故曰懼以
醇之劉蛻志文冢云慎無朽爲芝簡以怪入自
續慎無堅爲金鐵以行貨起爭慎無滴 體
以味手詔口故曰腐以化之噫騾國狼狽猶知
腐中饌金泥文宇乎所謂持世榮世二種之文
可以知矣是集也首屈大夫所謂大作手亦可
以知矣

續古文奇賞序

文章有殺生而無奇正殺生奇也奇外無正文
兵也兵禮也始武經繼載禮終文苑英華以
蓋武事之不張繇文心之不足故兵以武爲
以文爲禮兵法有之人人正正辭辭火火又曰
聖能祖祖鮮能下下夫火火文士之武心也下
下武士之文心也尊文廢武吾茲不信今實廢
文士安得而尊之實無武夫安得而廢之古今
無不繼案之文人亦無空讀與讀武之士亦
無不繼案之武人亦無空讀與讀文之士亦

無不繼案之武人亦無空讀與讀文之士亦

無不繼案之武人亦無空讀與讀文之士亦

無不繼案之武人亦無空讀與讀文之士亦

無不繼案之武人亦無空讀與讀文之士亦

公斷劉項皆非將將之君而陣圖陣法皆可廢
不出多方以誤之致人而不致于人而已此書
錄案者也生殺在乎呼吸則文章自於喉舌間
條奇倏正倏虛倏實敵雖對面莫測吾奇正斯
在矣故有殺生而無奇正至文也文繁密靜多
內力焉徒誦空文爲敵所誘是以章句易性論
耳或謂茲選止于唐之英華千卷何也夫唐詩
不盡佳而唐以後無詩唐文多直少曲而唐以
後亦無文昔有夢見龍者劉子作文朝之宜哉

無不繼案之武人亦無空讀與讀文之士亦

無不繼案之武人亦無空讀與讀文之士亦

無不繼案之武人亦無空讀與讀文之士亦

無不繼案之武人亦無空讀與讀文之士亦

嘗見高工者屈其脊擊其灰施甲冑雲氣於
者耶是夢畫也先輩有好鑄佛者鑄罷輒毀三
年不就工將去童子詰之曰得無似人面乎其
人大悟一夕而佛容成故唐之文猶似夢畫也
猶似人面也然英華一書大奇有學士家廣之
至萬卷更奇予將續出宋文生氣太多能活而
不能殺其根易爛勢不得不爲元之詞曲而宋
統絕王歐老泉子瞻文非不佳亦如王唐觀薛
以時文雄特而已國初方宋解劉諸公及王
文成楊文襄輩直達胸臆不求其工文抵過直
是莊猶有唐人之遺是以文心鬱蒸戰慄亦不
乏其後才子成羣著書盈橐有一篇不模擬否
有一段不帶恢諧嘲笑而其文得工否故文日
萎蕭武日弛廢試能今日武功何如哉不答文
士之維之弱而嘗介胃是舍種求植也請與海
內誦喬潭賦劍舞劍舞者唐羽林裴公獻戎捷
於京師上御花萼樓大置酒酒酣詔將軍舞劍
爲天下壯觀其辭曰奮紫髯之白刃發帝庭之

光色天子穆然詔伶人黜鄭衛選色者使覘手
軍容舞者俾觀乎兵勢夫女子可陣而况文章
之士哉

三續古文奇賞序

館中前輩舊有古文類一書盈數百卷大率倣
英華而廣之偶得之故家各從其類刪成一書
或曰迂哉愚哉子奔喪而歸等於舉人之子也
較論文字不滋舉乎子終日杜戶不以不祥之
衣冠對時人也又恐以不祥之面目對古人乎
予曰否否方以類聚物以羣分文有類也類之
而已古人可常對也對之而已西漢以後竟無
一篇全讀者惟錄其謀畫爛然日新耳予類左

右裨武圖書兩史經濟類經世實用八編率用
此法自古治亂關鍵與文章閤關係于呼吸一
也大都未事爭一先着臨事爭一急着于評胡
註通鑑率用此法史臣慎於持論則有關文彌
簡彌真鋪張譏彈祇自蹇陋予閱廿一史卒用
此法三書手箋兩年冬春盡出播告海內亮予
苦心庶幾出門之交云爾此書大都慎雜物居
方取諸水火以致用也類族雜物取諸天與火
以竭明也讀書不守約必無出處讀書不去病

必無事功讀書不救世必無氣節竊笑世途無所不解於讀書不求甚解不求甚解而又文其詞曰吾善讀書以讀書誤天下必此一言之謂不知類應雲龍風虎亦從其類文何獨不然哉文章有神不苟下一字交有道不苟合一人則各從其類也大

四續古文奇賞序

文有二病在好實在好色刻文之多汰文之繁則文傳或曰多可去色不可去然松柏什爲萬世之用而舍身可以棟明堂實其榦非賞其色自古奇人易敗奇文易腐未有不銷亡於斯二者病不學誦論誇有惑一編切磋琢磨騰奪其多再論君親賢友易其色夫聰明盡而人力顯惜境窮而苦正現孔子與焉富人擅富文僅藝愈少藤纏愈多文不多奇矣必休其色何也身之力薄不可以事親色身之騰寒不可以許國色身之情游不可以訂友賢賢易色始基矣矣未也以立身事其親而溫靖晨昏脉逾微以事親事其君而雷霆霜雪義更稟以天日盟其友而父母在不許以死爲臣子拜自獻其言入可以告君斯出可以告友或出或處或語或默難言之矣學乎學乎俗稱一篇好文字送歸墓下文章好色之過也不寧惟是自唐以來絕學卒有文愚黔首有疎又不知送陣亡幾篇送

民幾篇文章好色之過也國風好色而範於雅
頌文章好色之防也文無浮艷之色擇必精語
必詳則奇矣噫吾欲見賤多賤色真實讀書者
而與之品文也且與之品人也

明文奇賞序

自古人文之盛未有踰本朝者也文成一出
卽流毅文憲立談卽雍雅蓋未有不淡於勢利
而能文章者於是有辭官辭廕三幸第而計畫
祕不傳如陳靜誠先生又未有不量材度力而
能文章者洪武以姑孰郡公安言長謀畧則文
成參帷幄擅國華則文憲總儒學精吏事則章
中丞等司屯田一議禮也大配祿祿齋戒五祀
朝會祝祭軍禮各專一曹無越畔云當是時王
無夢園集 馬四 卷一

忠文進平江西頌

高皇帝喜曰學問之博卿不如濂才思之雄濂
不如卿亡何忠文使渙死之才思不亦雄乎士
不立品才思索然文章千古寸心自知無人最
則寸心安在誰與較失得哉才解大紳而歸之
俾讀十年書肆有德有造士生其間不以定志
立品爲第一義豈不負遭遇哉

文皇帝賜儒臣詩曰秘閣弘開當異鼎充棟之
積皆圖書仙家蓬山此其處上與東壁星相符

罷朝閒暇一臨視示冠左右環文飾瓊瑤瑤鏡
清響振寶鼎馥馥香烟敷維時日上扶桑初始
看瞳矐絢綺疏忽已燦爛明金鋪從容燕坐披
典謨大經大法古所訓講求啓發良足娛
朝廷治化重文教旦暮切磬安可無諸儒志續
漢仲舒豈直文彩凌相如玉醴滿賜黃金壺過
哉及時相勵翼輔德當典夔龍俱庶幾致治
唐虞嗟乎右文之隆至此士奈何不讀書
列聖追琢造就至於今薰習雅化作者輩出

無夢園集

馬四

卷

惟嘉隆以來一家之言最盛邇而上之成弘洪
永高文典冊若存若亡豈非缺事爰取往註遺
稿詮次臚評續編再出讀者雄於才思滂於勢
利可逢集之一堂也抑周之盛也或謂文治綢
繆綿緝若見文武之可嘒故享國最長不知周
易一繫與天無極矣君父之文天也日也堯舜
在上禹皋稷契爲文譽

高皇帝萬幾之暇舉筆立就莫不雄深宏偉至
於詔諭遐方明燭萬里蓋常噉韓愈以風託比

奸邪作文議之欲儒者著筆勿高而下低而昂
欽天長地思精言以無疵駁領伯夷文曰過天
地小日月吾不知其何物誣耶妄耶又曰萬物
必究其端而窮其倪斯善之善矣故知日月五
星右旋之必然而正蔡氏以己意之順亂乾道
之順以己意之逆亂乾道之逆大哉言乎賢者
識其大者奈何不遵式仁錫莊誦 御製全集
所載唐參政蒙思凡作文必書耐久道人已皆
厭之罷求其文同年內黃縣令沈仁致仕文必

無夢園集

馬四

卷

書其官趨如流水戶門之限三日一換旁一人
曰艱耐久有黃精蕨薇之氣似山林沈仁有芬
芳御饌之氣似館閣及參政過沈仁門妬乞文
者而爭仁答辱之參政欲上章家人曰公輕君
爵而美山埜文書耐久誠可辱遂悟而止於是
上設大官卑職館閣山林辨曰朕觀耐久之錯
將永矣不期家人有善者能相之其人信服之
則可謂善矣洪武九年災異求言刑部主事茹
太素上五事盈一萬七千字初命中書郎中王

敏誦至六千三百七十有云所任者半迂儒俗吏召分迂俗不對卦之次日 上又令誦其言至一萬六千五百方見五事字僅五百當日歎曰爲臣不易茹太素是也 勅行四事過立上書陳言之法頒示天下過式者問之作建言格式序仁錫莊誦二訓今天下之文稱謂失倫漫應不實唐參政茹比部不少矣噫讀有用之書遵 當代之式可與細論文哉

名世文宗序

余前序此刻云庶常吉士六經外分記真氏正宗先輩云真氏主體裁宜少廣之餘姚胡公按吳出選註名世文宗刻郡齋近經生家言不入詩賦王元美先生稍汰爲輯粹數典不忘其祖益勝國至今日鑒裁精覈余復取屈大失以取奇文銓次其中柳子云嗜不同味而快意飽也今此集出如師望在肆鼓刀揚聲余何言爲亡已請述二記諸葛武侯記費陵廟云衆步羅

覽乃見江左大山壁立林麓峰巒如畫熟視於大江重複石壁間有神像影現焉鬚髮鬚冠裳宛然如彩畫者前豎一旌旗右駐一黃犢猶有董工開導之勢撰古文者宜作是觀應劭封禪儀記泰山一云其爲高也石壁有窾如無道經通望其人端如行朽兀或爲白石或雪久之白者移過樹乃知是人也一記天門云兩從者扶掖前人相牽後人見前人履底前人見後人頂如畫重累人矣五六步一休牒牒據頓地不

避溼暗前有燥地目視而兩脚不讀古文者宜
作是觀夫今之爲古文者皆時文也不獨今也
宋開制舉義科其號爲古文亦今之時文也今
人而作古文則古文亦可呼爲時文恐古人不
平耳夫作古者多讀古者少古人在忙寂之間
是書已點眉頰而余又將以疑石疑白雪者綴
之無乃畫重累人乎噫此余丁巳孟冬問龍館
敘詞也距今戊辰又十二年矣余被 環召願
貴宮端坐一小樓蕭然贊易 明詔庶常教習
無夢圖集 馬四
課業俱用經濟實事士生其間急於救時恐分
記非所屑而是書重梓更廣所未備亦藥籠中
一物云剛柔相摩八卦相盪古與今相戛然後
陳言去有能不作古而讀古又不以讀古誤天
下可與言經世也已

大學衍義序

補衍義爲丘瓊山先生數年以來知誦衍義補
有之矣未有讀西山先生書而好之者余敬合
刻二書仍圖補所未備而先之以衍義人之言
曰爲君難爲臣不易於講筵大可見此臣子請
獻第一義也深厚懇惻溢於至誠而痛陳事理
不嫌激切西山先生洵有之矣其言曰使吾君
之心炳如白日於天下之理洞若秋毫雖其荒
雜進於堯朝豈應魁能逃於禹鼎必提其要而
無夢圖集 馬四
挈乎本至哉言也然公之書不進於紹定二年
而進於端平二年良亦苦矣甫主書而拜疾遽
投進之旨次日後殿聚講面諭朝夕觀覽忽有
旨便合就今日進讀公須別寫帝曰已在此矣
因歎先哲進書之不驟主臣相知之甚難故於
端平則疾速於紹定則艱難矣君子藏器於身
待時而動使紹定之季遽出此書以嬰芒刃公
亦必無憾然公固養其身以有爲也既以大學
一書爲君天下律令格例尤恨壅蔽之禍不遠

也以明道術辨人才審治體察民情首揭於格
物致知然不誠意物惡乎格哉心誠求赤子而
保赤子之物格矣公之積誠能動如是枝葉未
害本實先撥自古患之至宋不盡然本實猶有
存者往往其臣高才率意出之無序故公以序
爲先真相時識勢之言乃其文章渾深遂雅尤
不可及試常置案頭於心氣甚補公尤拳拳于
夜對云邇英崇政延訪從容夜直禁中不時召
對以盡日使朝薦紳儼列昌言正論其保持尤
無夢園集 馬四

心哉

易也故曰接賢士大夫之時多宋端人正士同

大學衍義補序

少讀大學之道序云所以教人之法也歎曰道
止此乎讀絜矩之道註云矩所以爲方也歎曰
道止此乎讀致知在格物註云窮至事物之理
欲其極處無不到也歎曰格物止此乎閱世漸
久漸老漸熟乃知天下事未有無方法而可治
者竟吾一生探討誰爲窮至誰爲極處無不到
有欲至而身未至身至而極處未至極至而意
未至意至而知未至總是不格物也不格物不

無夢園集

馬四

集

知本也自古及今凡事可以撥亂爲治返薄爲
厚唯精神一驚于末雖有補天浴日之力無所
用之其精嚴象治而實亂也功利之醞釀似厚
而實薄也試察吾意所自來欺一已欺天下不
可格一物也明矣所謂極處無不到者窮理盡
性以至于命也作事至此有何方法將安窮理
將安極乎以後著爲先著以末計爲本計不殆
曰道真氏得其奧而瓊山補之猶之紫陽補格
物傳補亦可不補亦可不知所先後不知本不

知止不知至則必不可何也恐務末而一旦有
務財用之小人浸薄浸亂災害不自天至而自
人至善者束手旁觀一步不可行一物不可格
如之何其極處無不到也格物則自我作法不
拘古人成法先生之書主于審幾守大學之家
法矣得無詞費乎曰文公有云察之念慮之微
知本也而又云求之文字之中驗之事爲之著
索之講論之際是末也惟知本而後可肯有實
于玉成者乎草前本皆有筆理文成曰朱我
聖賢圖錄 馬四

聖賢圖錄

馬四

聖

則不暇且理會性情士太未能理會性情不敢
妄自菲薄然後嘉謨獻矢以入告美而獻之
君則堯舜所必嘗也夫

蘇文忠公奇賞序

此余丙寅削逐待泮潞河所閱逆璫追我濟寧
藍旗白牌塞路旗舟奏孥瀕危殆於河上余呼
小船避之十里四更歸几寒狼籍怖人哉書也
遭逢

堯舜之興攝敝衣冠事

上經筵代言貳雍疏閱兩閣多習文事言念翰
墨之林先生在焉呼之或出及宣

詔寧錦之郊持

無夢圖錄

馬四

聖

節大梁之都每携公書莊誦數過不敢褻視重
九愁家園爰付剞劂蓋漢唐以來能文者三人
疏廣疏受張象也知足不辱知止不殆廣受兩
言止耳人謂國忠泰山我謂冰山象亦兩言止
耳比元成之季頌莽譽鳳士大夫風節掃地而
後知二疏之慮遠也唐將相以下如張進士象
者幾人哉身既隱矣焉用文之噫三人少而傳
坡公多而亦傳豈各操其誠不言同然者歟
身須念早過是恐少味坡言何似也然惟蘇文

滿天下几於寢處坐臥咳笑詩歌皆是正恐賸
指識歸匪夷所思誦公之詩約略可見我本由
中人寒苦盜寸廩文詞雖少作勉強非天真既
得旋廢忘懶惰今十稔麻衣如再着墨水真可
飲每聞科詔下白汗如流藩此邦東南貧多士
敢題品芻蕘盡蘭蓀香不數蔡荏貧家見珠玉
眩是自難審緬懷嘉祐初文格變已甚千金碎
尺璧百衲收寸錦調和椒桂臘咀嚼沙磔磔廣
屑成半額學步歸蹕蹉維時老宗伯氣壓羣兒
稟蛟龍不世出魚鮪初驚淦至音久乃信知味
猶食樵至令天下士微管幾左袵謂當千載後
石室洞高朕爾來又一變此學初誰詒樵衡破
舊法芻豢笑凡飪高言追衛樂篆刻鄙曹沈先
生周孔出弟子淵塞寢却顧老鈍軀頑朴謝鐫
鏤諸君況才傑容我懶且噤聊欲廢書眠秋濤
春午枕咏斯言也公宗尚歐陽以文章爲已任
故其詩曰後學過呼韓還之韓歐皆以氣勝公
昌志以昌氣有物於中傾倒出之晚年大悔旋

其詩曰自少多言晚聞道從今閉口不論文又
曰筆老語翻踈悔之甚也則曰却思少年時聲
價爭場屋文如翻水成賦作又手速公且恨不
十年讀其發憤深造今侈口小品掇拾殘藩家
謝公之筆墨頗學公悔雅不欲附會俗喙質而
少腴管也呼公韓還之不喜豈今日相隨患難
間敢一字媚公哉

藏書序

卓吾先生隱矣而其人物之異著述之富如珠玉然山暉川媚有不得而自掩抑者蓋聲名赫赫盈海內矣或謂先生之爲人與其所爲書疑信者往往相半何居余謂此兩者皆遙聞聲而相思未見形而吠影者耳先生高邁肅潔如泰華崇嚴不可昵近聽其言泠泠然塵土俱盡而定本人情切物理一一當實不虛蓋一被其容接未有不爽然自失者也吾僂學者洗錮於俗

馬四

卷

流而迷沿於聞見於人之言非其所耳熟不以信先生程量今古獨出胸臆無所規放聞者或河漢其言無足多怪夫孔翠矜其華采顧影自耀人咸惜之固矣若蛟龍之興雲雨雷電皆至濯灑百里卽震驚者不無而卒賴其用豈區區露細巧媚世好而足哉先生之言何以異是總之衆人之疑不勝賢豪者之信疑者之恍惚不勝信者之堅決余知先生之書當必傳久之學者復耳熟於先生之書且以爲衡錙且以爲

龜余又知後之學者當無疑雖然海內又以快意而歌呼讀之天下嗜卓吾者禍卓吾者也故愛卓吾之文章遂信卓吾之是非過又或疑卓吾之是非遂掩卓吾之文章亦過予是以兩疑之不然弱侯讀書人也與卓吾知己也何必欲取知己之所是非而更非是之也哉

馬四

卷

續藏書序

學者必讀書必知人必幹事然非讀盡天下之書勿輕著書非識盡天下之人勿輕議人非歷盡天下之事勿輕作事夫雷霆風雨待我而動者也可自驚述乎今日豪傑必言膽氣乃先輩務持重弘深能容人能成事爲主意者小心天度固膽氣所根抵雷霆風雨所默召也本朝德行政事皆越百代之上而至於今言語文學似少遜之又意者言語患其多文學患其襲則無夢園集 馬四

政事且不可知况德行乎故有讀書知人之人出則幹事之人出不可以文學言語忽之也續藏書太簡獻徵錄太濫余莊閱國史天下郡邑志苟搜整乘百種遺文逸事小有論著姑就卓吾所纂畧爲詮次以附李氏藏書之後

諸子序

學莫要乎六經人才莫急乎經濟文章莫貴乎雄渾博大何以有諸子之刻蓋欲返之於六經也以六經收諸子不若以諸子返六經強其所厭不若用其所喜夫諸子多救時之人然六經治未病諸子治已病六經治百家之病諸子治一時之病六經藥物悉備而不預裁一方病去自取焉諸子方太具藥太猛乃治已也奇治人也拙治一國也奇治一世也拙奇以方拙亦以方後之習諸子者幾無疾而呻吟類無方而操藥又近於入虎狼之窟採烏喙之毒奚取焉人皆曰子才也子識也子勝也其實不知子爲何氏能去驕氣與多慾態色與淫心乎能吏鬼塗中乎刻之野能使孔子束帛以贈乎能却聘幣終身不仕乎能旣放流睠乎能居游必擇乎能招隱鬼谷乎不能何以知人能浩肆恢奇乎能不流邪說乎能峻潔老成懸之滅陽乎不能何以知言諸子中大醫王四欲反汝情性而無繇

夫老子醫怯夫一大手也故尚補沃之清冷之
淵莊子醫熱夫一大手也故尚瀉無政事則俗
管子醫俗夫一大手也故尚法離騷有力於
亡之後屈子醫慙夫一大手也故尚厚雖然有
其心無其術墨子也中醫也有其心有其術不
操其本及身而止管子也時醫也齊生死二
疾迂而自得不開痛癢不詳標本莊子也儒醫
也以言竊國必有天刑呂不韋毒醫也天之刑
申不在耕戰而在告誡其刑毒藥在名法而
以說難于富貴也貪醫也然言與法不可混矣
噫天生我材其要擇術管子多欲亦多君之欲
而布局寬可大不可久晏子少欲亦少君之欲
而結體隘善閉不善開甚哉乎經濟之難子華
子不云乎爲人所處者不得安其所處吾猶病
言之不廣夫所以處人與所以自處道在六經
修辭立誠斯雄渾博太也已因次前集故漢以
下不具論

諸子奇賞後集序

有子才有史才有非史而史者則亦有非子而
子者於是有子類史史類子者如淮南子楊子
文中子世所稱子也楊子是獄吏手以深文爲
主淮南子如飽而大半暑而重裘然饑十日以
禦冬何可少也文中子似寫家書似田父道桑
麻亦隋唐間一法物又如繁露新語新書劉向
韓詩論衡中論所稱非子而子也然繁露不
及矣是故鼎之多斑駁者器甚貴雖其左刑也
置之空虛似偏而不偏不足爲子學士家故宜
珍之惜之新語穆然質與蓋古而云新書說苑
皆器之新者但賈以金碧劉以土埴適用均爾
韓詩有韻度而乏變化中論有根本而少故藝
抱朴子有操行而無文章論衡如吹竹其聲連
孔叢子小荀子王潛夫雅士亦莊語嫌其神不
清遠劉邵書可作思狂狷翼亦考功氏一家言
乎陰符素書真乎否耶至若桓氏綜侃侃之論
於世務迂於古誼近京王說易或以占測或以

發明各有攸當馬氏擴明忠道伯翳臚陳規制
皆可附以垂而他暇論矣嗚呼立言慎哉在
春秋戰國間無非子也不以子著乃漢以後復
得卓然可子者一人焉鄒道元也及注水經不
以文著子每欲節取其尤弁蒐近代一家言別
爲一集以行世亦求其似子者而可矣世有作
手其將何以自命

註老子序

古今註經家最受屈抑者老子也後其身而身
先外其身而身存以是作便宜去之遠矣老子
非便宜人也是孳孳進修人也虛志實腹非爲
人開便宜門也老子最惡便宜而請者每以二
字著於佛頭可乎朗道人多見大之言道人之
骨勁而老子和之道人之腹實而老子虛之德
之著有跡無兩見最毒提以常道觀妙觀微天
下皆知乃不知已天下皆不知乃老子又茫然
無知已故曰不見可欲使心不亂若後之乃先
外之乃存可欲莫大焉奚啻難得之貨哉知者
不敢爲也肯自爲之耶故虛心故實腹嗟予世
人知不蔽誰知能蔽故能新復卽命論安貞復
命曰常知常曰明道人註老居士註易各歸其
根可以無言

我箴註序

讀溫公我箴天下事盡其在我公真任事人實
心任事虛心體物蓋不辨法而辨人明允所以
先見不尤人而尤已明道所以存誠故曰天心
至仁惟公爾夫君子何妨與君子爭彼政事堂
之極論上殿如虎正不嫌同異公誠實容忍靜
定從容感人心而和平使作奸作惡默然自去
要之讀書多養氣厚乃有此善哉居巢楊公註
云五經諸史百家有終身不會面者即從檢尋
名亦何能以經術而經世務乎然公布衣間修
祀于鄉諱示小學積小高大其升不息宜其言
之有味聖經首大學學一而已童而習之殊不
必以小學補大學今人不知大學爲何物遂并
不知小學爲何事矣文學維岳悉索品題以及
于余夫躬行急矣文辭之不可已也如是嗟乎
公生平夷狄知之石工知之而蘇穎濱誌其昆
云公爲章子厚謫侮求助于子瞻公豈求助之
人耶又敘免役事曰君實始怒有逐公意矣公

豈逐君子之人耶又疑臺諫因緣熙寧謗訕之
說以病子瞻且獻諫於公公豈噤令言官報仇
之人耶夫以夷狄知石工知而士大夫不之知
甚矣涉世難以賢士君子如子瞻不知子繇不
知而後世知之是以天下事盡其在我并質之
楊君

正韻箋序

四詩而後韻書始于沈隱侯類譜唐人詩賦設科始專用之稱禮部韻略吳棫毛晃劉淵之倫多所增省信者益寡 明興

高皇帝御製洪武正韻當時受詔作者十有一人質成者四人凡六易草裁爲七十六韻一十六卷天下學士大夫如奉典律三百年間大率用之 朝廷故事他所祖構猶墨守類譜何足

總類綱目

馬四

卷一

正韻

夫唐律詩用禮部韻不獨試科應制其上下酬唱答贈皆如之宋元亦然今正韻古禮部韻也顧不從當世之禮部韻而從前世唐律非明律也且爲下而倍上所失在聲韻也哉於乎此亦學士大夫之過也楊去奢先生憂之作正韻箋箋之爲薦成也故有古音有逸字以薦成正韻爲 高皇帝忠臣何也正韻之作四詩是矣聲音之道不同而同出於自然故地異時異而無不相通比音而樂之以莫不絃管宋文憲公嘉正韻嘗言之所謂詩騷以下魏晉以上惟取

音不拘一律是也四詩在當時作者聲韻自後人不通四方之音妄譏爲不協於是朱子據吳武夷之說以協詩而後詩得其所夫中國不知幾聖人制作然後有文字有五音十二律通四夷海外邈絕之處未聞有義軒周孔出於其鄉而莫不有文字聲音足以與中國相通而各有合者故自三代時任味列于瞽宗九譯通乎朝貢亦足以究聲音之致矣沈韻作而韻始然歷代作者用之律詩而止御詩亦終止訖

總類綱目

馬四

卷一

正韻

用古韻未嘗盡從也宋文憲謂聲韻莫備四詩詩皆孔子所刪舍孔子勿之從而惟沈約之是信以爲大惑先生之言曰春秋之義大一統尊天王故自唐以後各有禮部韻唐人自遵唐韻黃公紹元人故韻會所引有蒙古韻目生爲明人不遵明韻不幾夷有而夏亡耶大哉言乎士大夫寧畔制不負沈約亦獨何歟昔人譏柳子厚輩皆讀書而不識字以今觀之亦奚以異六書自黃帝汜三代不改周之宣王始變大篆而

孔子壁中書猶用蝌蚪古文孔子麻冕從儉而獨違大篆者正謂大篆非古也且荀務簡便輕變古常逆知文字之禍將必有甚故大篆雖後王所作寧過而廢之先生營綜羣書尤長于春秋其于孔門志在狂狷常慕陶靖節諸葛武侯爲人手輯其書而哦之二公出處雖殊迺靖節耻屈僞朝武侯伸漢賊之義要皆有春秋之志焉卽先生可知矣

河洛理數序

易逆數也數盡之矣註易家紛紛此謂理此謂數此謂理先於數此謂理數合一何舛乎夫當期之數凡天地之數當萬物之數不聞又有期之理天地之理萬物之理反對也天一地二天三地四天五地六天七地八天九地十如是而已矣不聞又有自天一至地十之理爲成變化行鬼神之樞紐也數起天地天地之數起參兩參兩之人極起易易者何卽元堂元氣云故圖書中五五卽數也建用皇極建之者人耳然則數何爲而逆理何爲而順極數知來不逆惡乎順也不數惡乎理也今天下非無理之患而無數之患何也天尊地卑內健外順理如故也數非其數矣奉無數之理則不尊陽長其有理陰欺其無數亂是用長理者數而已矣奚遑焉史大夫念翁爲刻希夷書也堯夫註希夷二程心折矣程言理邵言數得無分道角乎惜未有以數合併之者雖然相見在午正難求在子中惟

反復道乎道有變動故曰爻列貴賤齊小大變
易之妙推移卽大數乾元之爲上中下元也陽
爻陰爻之定於有生也諸卦之隨時更換也可
定理執耶歲日月時爻各稟承可私智般亂耶
所貴乎先天者爲其超然屈伸之外惟變所適
也此天地之數異于讖緯之數也是故得中數
當爻位應時合節吉莫大焉生數與時偕行不
以意益損而有援得勢必因之矣黃龍晦堂曰
入托陰陽以生豈有逃其數者予雖學出世法
能免形累乎富鄭公書本身卦戒予弟曰予余
年爻象不吉汝等切勿生事夫世外之人與世
法同其謹畏士大夫之身與士大夫之子弟同
其修省庶幾無咎哉范文正公得大有之九二
遂以天下爲已任溫公曰圖南此數大有益於
吾輩可謂存心養性之書知言哉念翁清貞持
已教訓正俗思與吳民共臻寡過而約之以儉
以柔以義三言三者數而已矣易以定吉凶而
大書以衍式兩信乾坤以易簡而貞一皇極以

好德而錫福生天下生萬世生我吳中父老子
弟不出此書以卜筮小吾易者誰敢哉

吳殿所先生名世編序

司馬子長傳循吏不傳名臣當是時漢法嚴刻
酷吏綱目密表循吏風示猶曰救世史氏沿而
不改俗習日陋文以身名俱泰之說漁高宦獲
駿譽曰循吏循吏云爾名臣錄不著漢唐我朝
間有論次多採束修圭璋之士始以名臣易循
吏標識爾又如漢之排閹折檻廷辱佞幸抗節
虜幕唐之顏宋之岳書文皆置不錄奚道而可
哉吳嚴翁名世編所以作春秋補遺大夫亦曰嘗

無夢園集

馬四

卷

聞事君之義矣故見無禮於君則逐之以人事
君則不避親不避仇而登進之臣品惟事君乃
見奉職循理犯顏敢諫臨難仗節皆此道也自
古有忠臣豈有良臣哉忠良之目一揭緣取功
名軟熟圓融者亦不少矣蓋願為良臣一語
在悟主而持論少偏遂開擇便營私之路立言
可不慎歟禹稷契皋陶伯益皆忠臣也是編所
以首五臣事君未能尼父一生憂惕而高懸天
民大人於社稷臣之上以潛見出處之局以

潛必確以藏必密以選必肥根心於淵光輔明
聖功成不知寂然不動臣則斯昭矣是編繼選
世編而作意在斯乎若夫典而核體要而該賢
惟選人抑亦選言也夫噫追躅於唐虞三代之
班勁辭於典謨風雅之後以此書白日哉

無夢園集

馬四

卷

重刻醫閭賀先生稿序

賀先生三十登進士三十一官給諫災異乞罷免其最沉痛之言曰但今所謂修省惟

陛下一人耳三十二歸讀書醫閭山疏薦陳白沙宜居宰輔任經筵懸像靜室率子弟拜之廿載事母薦起不赴尋覲艱上書陳四事効內鎮守甚力執政迂之公輒自忖不學無術盡削其草剛毅類羅一峯一峰先生年友也事之亞於白沙教人先小學敦古禮草俗習義州化之

無夢園集 馬四

五

寇不敢犯其里見先生皆羅拜止殺歲庚午余承匱司業

上然大司馬言有 旨本雍坊翰會議 孔廟

崇祀公最無間知其人不讀其書可乎是書得之寧遠賀教諭君卿以廩貢捍危城公嫡子孫也乞余序以傳先生生於義州古曰宜州醫閭山居其右予奉使遼東都司卽其地今移而之寧遠矣初

高皇帝命功臣龍虎上將軍都督馬公金葉公

旺自登萊渡遼招附經營設都司焉東廣寧南

錦州西大寧北一面都虜耳自徙大寧諸城人民盡予朶顏義州兩面受敵緣邊最要害云先生亟稱王中丞九臯創六馬營堡弘治王叅戎銘修建大清堡而大寧大平大康大安大定堡踰年皆復多者七百少者四百授之堡田耕且守而又亟稱遼當世祠莫如馬葉二公大都開創衛所建立學鼓報功報德何可忘也公嘗言洪永間遼兵八分農種二分守城以八養二今

無夢園集 馬四

五

盡反之銀糧中鹽尚苦不足亟反二八農守之數使戰兵雖少而精不求給于農種之外邊防無虞大費亦省至哉言也予憇寧遠屯計工而分粒土甚沃美公言猶信義州六營之匱也公曰收營兵集城中助正統虜人遂沿爲例孰知後百餘年營營皆如義州援兵亦然昇哉公以銀的教射語人曰進不爲 朝廷用退不爲鄉里益吾恥之雖老病不敢不勉又稱懷柔伯念久雨治水口旣僱工設酒筵所部將士有禮節

其守臺貼臺不習于射官軍半私門虜至如八
無人而爭買虜漢首以充首級則齒牙憤裂各
記姓名俟天道報復又念此方之人不習鑿鐵
于是教家人紡績以及城堡公于貼邊守臺勸
耕勸績用心如此躬行君子不虛耳嗟嗟中山
王垂老餉門經營九載而泛海之役屬之二將
薊遼可兼中山兼之矣

高皇帝必使中山兼之矣意者山遼海關關外
自金城遼海相注灌遙呼山東舒暢近控薊門

無夢園集 馬四

卷八

張翼遼薊各自爲而全體相首尾耶意者太寧
一失兩受敵兩受牽左枝右梧情形迫遽昔離
之乃合今合之乃離耶苟求其故宜閱此書苟
求其故而不得宜閱此書揣公之心若曰爲人
臣不保疆土保父母保鄉里以貽君父之憂豈
人也哉茲予評閱意也

讀史機略序

范蠡之計先而後孫武之書出至哉言子巧婦
不能炊無米范大夫炊之苧蘿山下一著也於
是孫子祖之婦人女子皆可陣然陣已晚矣陳
曲逆祖之解匈奴之圍然圍已急矣古來能將
名將皆巧婦手也而自爲巧婦者必拙斯道也
祖伏犧曰聰明審知神武不殺楚何韋長貌儒
神勇機沈著活敘事簡達用意深厚此其書必
傳何也聰明聖知則神武神武則不殺論兵總

無夢園集 馬四

卷八

不出一數而已數天奇地偶而已謂數者理之
紀不知無數則無理太極生於易易生於道逆
生於數故貪人敗類必先敗其數戎夷倒置必
先倒其數合天下兵無數食無數車無數馬無
數營堡器械無數以至四海之內生無數節無
數而羣蚩蚩焉奉一無數之理其孰能作之不
聞天作時不作時作天不作是何解義乎解在
末句天作時作人不作是謂逆人作乎人斯作
乎天與時矣不逆乎天與時猶恐其逆乎人也

天也時也人也皆作則皆活人活則天與時皆活是故易逆數也不逆之乃通逆乃不逆機也略也見機而作寧用終日

性理序

學者知有太極而不知易有太極蓋惟其易之是以有之周元公一語道破曰無極而太極正為點化太極神無方易無體知變化之道知神之所為爾儒者終身不易漫云有太極如取物焉置之胸中不生不化號為宿儒祗宿物爾先是評通鑑成辛未評綱目成竊取性理約略簡便以示見曹而有概於遺盛世之不偶也秘書御府也唐天子猶以為外且遠更聚書集賢殿別置較雠官曰學士曰校理常以龍丞相為大學士且非天下之名能文學者不得與於是選於是集賢之書盛積書日多官日重而係於理故之故日益少孰如

本朝表章性理一書關極要領或曰學者貴經世識時務耳是不然孔潤身孟生色當其整頓身心處即是整頓天下萬世處窮理盡性以至於命可忽乎哉

藥頌敘

陶隱居曰輦掖左右藥師易尋郊郭之外已難值况窮村迫陌遙山絕浦其間天札安可勝言嗟乎由是而推之則行脚緇髡孑然一錫者不更可憐憫哉故如來說法而藥王為導師非取喻也即以爲喻而悲益大矣昔石頭道盛時每數十里置一僧郵歡喜供養而不及乎病之苦也今之叢林巨剎亦設病堂矣而不及乎病之治也誠闕議哉居士道味黃氏業守岐軒念遺生滅緣觸病僧遂發洪願募求隙地一區欲置藥僧之院但藥石衣糧及人工屋宇力不從心勢須用衆特伸片言敢告檀越是可忍也心實憫焉斗室之中恭現獅干大座無筭梵王天女誼居士而問疾者杖履滿戶外矣大衆之病不病不病而病者須于此院中求活耳是役也比于惠民之局不費官儲亦如就醫之人無煩捐索行見掛瓢卓錫自能煮術切松當其至則逆旅卽主人也來若歸舍當其代則主人亦逆

旅也去若脫屣邂逅摩羅疾不生厭惡心脫離苦厄塗悉沾利便益是真仁人之心儒者所與敵弗圖之用弁首簡不覺歡喜讚嘆而設偈言偈曰

稽首十方衆	釋種婆羅門	宰官大居士
若以莊嚴願	世現端正相	頗黎黃金色
是身如藥樹	不復可究竟	若以營繕願
轉輸王四州	及將相大臣	是身如藥樹
不可復究竟	若以供養願	富有衆馬珠
天食諸天衆	是身如藥樹	不可復究竟
念彼衆生病	一切如我病	用發希有心
療彼愜執性	皈依藥師尊	頭目非我有
而況于財物	米麥金銀錢	乃至微妙屬
珍寶瓔珞衣	種種作檀施	無願亦無想
不離于眞諦	信處得清涼	芘蔭仗茲力
瞻禮琉璃光	像法常不壞	更以阿伽陀
普濟諸有情	同登無量壽	是名無漏因
是名最上果		

古今印宗序

圖書既出今古皆印板之聖人雲漢爲章天人
盡雕刻之能事河洛題目易書文章題目古也
文章今也制作以來題目未有不古者文章未
有不今者豈特倉頡始作字秦漢巧於鑄今愈
今愈古今人泥於範古愈古愈今元方氏之能
今則元方氏之能古孰元方孰秦漢蓋風雨有
不已之鳴雪霜無可變之色大都情性所至元
方不從流俗望其人之精理色笑無非古者缺

無夢園集 馬四

卷

碑盡記亡僅不遺形聲天地之師也師天地之
師豈步秦漢之步正靜之徒筋韌骨強故一氣
能變曰精一事能變曰智得其意焉秦漢爲今
可元方作古可吾游善權洞雷擊柱篆深數非
斧擊之不碎墨扶之可療病是篆隸者青帝之
雷令天醫之禁方可拾襲不可褻視元方寶之
哉

印譜序

古今諸書皆諫書以印諫自張夷令始余嘗謂
有情藏不若無情藏述墓莫藏於人尤莫藏於
石人與石相遺猶之乎風與水也乎游雁蕩山
望見一老人肉袒偃偻而入揖而出凡數里
山空松落伊何人哉跡之老僧巖云得無杜
曰不杜百年以來入山幾何人既出復入幾何
人老僧種種無情之藏留有情之聆天荒地老
脂顏問去來紅處本禿若顏諫書歸妙其味也

無夢園集 馬四

卷

匍匐道左如拜並宿其法也咨嗟嘆惜如錢
葉是用大諫風急雨來跌坐作放聲不絕爾
人謂花名村鳥名山二十年後更須放聲尋
而顏其峰曰長叫夷令此語何異長叫峯頭
貧子斗大黃金印用祓除不祥則余請爲揭出
一二語不飲濁流水不息曲木陰介也攻文
若木處世鈍如鋌拙也悲哉爲儒者痛也每提
首領呼知已青戴鬚眉覩要人依也山鳥山
我友吁謀也安得酣參於富貴念也若是者老

僧肅客而入也國耻未雪何絲成名以武諫文
字之衰未有如今日者也以文諫傷生之事非
一而好色者必歿以死諫高位豈容尸以尸諫
若是者老僧目送客而遠也入則山容以洗老
老僧悅出則塵容以酣之老僧悲悅也悲也生
於情生於無情吏令體氣高妙詩文奇秀讀其
昆仲間指產高誼勒爲一書築學山圖樂介白
之司空此其人未易材余爲敘印譜比之諫書
嗟乎色鮮而味苦貌達而鵬熱世入未易解也
無夢園集 馬四

僧

試爲我挂老僧巖可譜不云手一筇挂月夜臺

閩顏太學道統紀叙

道統宗帝王帝王法天地天地準乎易王訪道
于箕子三公坐而論道道統在止天下皆以爲
父爲師而不以道學爲諱此其說一見大學歷
叙康誥太甲帝典湯銘周頌再見係兩翅希
黃帝堯舜三見孟子繇堯舜至于湯其論亦
陶諸臣亦猶之美衛武公耳自在田在天兩
庸言庸行薰入以善亦伐邪於邪幾於死而
化矣猶名君德不名天德大哉乾乾則天而
藉非易也乾坤何以形而上太極何以易而有
不憾不見天地之大不病不見堯舜之仁憾
病也皆易也帝王則天地無盡天地準易亦無
盡爲下不倍如是焉道矣說玄說妙說性說
與生民利害何涉其能以語言混聖統哉入
顏子學正識博居鄉季友好施與此書壹尊
王非五經不出口于孔子志大道之行三致
焉昭代儒宗應運而興必有賦猗蘭歌招隱

著書甚多而余特叙其紀道統一種亦足風矣
余君天下士入闈遇其文出闈遇其人何爲不
遇哉予也不任知亦不任不知行而未見爲而
未成潛龍之德也邈世無悶不見是而無悶潛
龍之福也有大德必有大福泰不云乎勿恤其
孚于食有福井不云乎王明並受其福于食也
而福井澤不食也而福上所側席求者名世如
以青紫得千人不爲多如以名世儲一士不爲
少君內行浮篤手腕一動疑有神工首義數語
無夢園集 馬四
溢格姑懸之星斗間聽大冶剪裁耳

感應經解序

王峰裕所翁同系太丘又與先君稱同社兄
寓于行而嚴行著書與之語真實不誑待御
郵寄示余則感應經解也今年壬申初秋文
榮讀父書繩祖武重摹善本予樂而玩之微
序昔有一甲科雅好善問于蓮池曰世間何
人最作孽蓮池曰公等中甲科七篇頭老先
爲最其人愕然自揣生乎未必至此蓮池喝曰
誰說你自做諸凡依勢作威者玉帝降鑒悉
無夢園集 馬四
公等于是籍紳之徒咨嗟歎息不得其方予獨
曰方寸不惡五官誰敢哉所患已實惡而藉口
親戚反開脫罪之門上帝深怒耳如士大夫果
朝夕計遇孽孽積德彼依勢作威之徒明神有
赫孰能逃乎若玉石不分奚感應之有哉獨慨
清白好修閉戶不出可幸無遇而居間說法妄
指某氏親戚潤已之筆而汚入于口爲唇吻費
此則天下之窮而無告者冥司宜別申一禁以
勸素士耳予年十九偕計三十年間風波歷盡

江河湛殆而獲寧逆璫路殺而潛遁然必有
者夢告之非方內心交則世外淨侶而未嘗有
顯者來豈富貴之人其鬼不靈歟貧賤之交不
可忘歟夫與貧賤交而報應如是况與天帝交
者哉抑有感于山澤之威異申命震主器長男
女為政以虛受人則屈之少男艮少女兌止而
黃男下女氣乃通感斯應焉故風裁凜凜以律
身其與人更善氣迎之和風薰之俾樂告以善
解經之中三致意焉正直忠厚讀是書思過半

矣

註靈樞經序

余嘗題壁云簡方思節若恥役學尊生讀趙統
生註靈樞益信天下最可恃者古人不變為今
人可恨者古本時化為今本可怪者自家脉理
問之醫王方寸隔垣而求洞於秦越人夫秦越
人也得無秦越我也尤可笑者臟腑不自見而
輒許人有肝膽且誰肝誰膽哉趙先生早謝青
衿註經玄暢可傳居甫里不交富火鬚眉皓然
似一精猛讀書壯男子尤好官註禮余欲什也
篇宗儀禮入禮記之通十七篇者六官宗周禮
入禮記之近六官者各以歷朝禮制官制附焉
欲勒成一書未能也先生圖之禮以治身為先
此亦岐伯之大指矣

註陰符經序

至哉言乎自然之道靜故天地萬物生天地之道浸故陰陽勝貞勝也貞夫一者也以浸則生否則歿以浸則聖否則盜以浸則不奇否則奇浸則天否則禽在手耶在身耶在目耶盜天地者還殺其身不絕機而絕利機一撥卽生利一溺卽死苟知宅身之神不知外身之神百骸無以理況萬化乎則是無故身無宅身無盜身無姦知之修之執之用之必發定基何奇乎何遠乎何不神乎期道人解此經於七十二峰書成峯峰皆爲點頭若以用師十倍誤作兵書世人解經類爾道人不爲也

無夢園集

馬四

卷三

註法華經序

法華經如來最後之極談其旨趣在開示悟入蓋爲大事因緣出現種種譬喻無非開佛知見悲夫佛知見與凡不異而凡不知見自與佛異然佛不示之異同也深示之妙法無非法無非妙淺示之蓮花卽此因卽此果不二妙法不二何異何同何深何淺我聞之悟心我得之江上

無夢園集

馬四

卷三

奇賞略紀

手史左國已成全書不復錄置其儀禮周禮山海經水經注等別輯行世上越絕書新語繁露新書太玄經易林新論白虎通風俗通義論衡諸書或繁或訛稍有節文餘並全篇唐文漫德釋教錄聖教序一二示戒歐陽公所以不錄於唐也 有瘕癖有酒腸有詩喉漸染文字便傷大雅 交太穠文太多僧道文妓皆作題目骨董詩畫俱煩瑣題跋變將往往亦奚貴境歐與蘇皆不免 越王曰守海惟魚鼈是見文章亦然 越絕書神氣去而萬里先輩云承平既久文章熾興有識者或病其過於細弱也故遑遑搜秦漢之佚書而梓之 文十不能者囚氣鎖詞能者肉視虎狼冰過禹鑊弓燥手柔草淺獸肥是文章熟境 朱楊求琳晉書痛可識之顏切猶生之面文章亦有生面 秋氣至膠可折弓弩可用文如折膠亦有信義入名將老病之狀尤爲可憐要知作

手病處極多輕談人者其文必惡韓文公然柳宗元孟郊不假借一字所以爲大手筆 有大作手如屈原等是也有持世之文如魯仲連等有榮世之文如蘇秦說齊閔王等 漢有經學陸賈董仲舒楊雲有絕才賈誼然自古以承子能文章者漢而已其臣皆不如也 西漢文體裁極備故分爲六曹以侯王策士之文附焉東漢季漢一曰學者之文一曰公卿將相之文三國多奇並入焉 觀以來取諸文選瘠選續文選漢魏名家而尤孜孜於唐大家蘇許而下哀集良傳 李白之識郭子儀宗澤之識岳飛有奇識者必有奇文 始於屈騷終於宗謝文三公又不獨以其識也忠孝至文哉 是集聊問津渡搜奇正酣續集且欲出 董仲舒曰天地之間若虛而實人嘗漸是澹澹之中而以治亂之氣與之流通相肴饌也此作文之味也 賈生妙處從儀禮得來故漢人少伍 司馬相如曰斯乃得之內不可得而傳 鄒陽以

職爲本是漢文變體喜其關鎖耳田橫曰金
斬吾頭馳三十里間形容尚未能敗猶可觀也
文章家有此否漢人語語有體如吳王以金
錢誘畔中山靖王以文王孔子自尊無體甚矣
先秦無段落之迹西京絕對偶之語成帝
顧四時月令詔今公卿大夫或不信陰陽薄而
水之所奏請多違時政漢重經術如此公孫弘
亦曰出入不悖所聞賈誼曰見教一高言若
飢十日而得素餐焉持面形而庸之耳高

無夢園集 馬四

帝告爲義帝發喪首句云天下共立義帝禮諸
神詔首句云吾甚重祠而敬祭只看它起手
劉歆曰在漢朝之偏唯賈生而已李尋曰始
開之不廣耶之不明勸之不篤若經宋人手立
語必衍千言尋便截然止陸賈曰數見不鮮
悟之以文章豫章名木立則爲大山象木
之宗仆則爲萬世之用因於斧斤之功舒其
文采之好罷雲霧翳令歸山海太史遷曰
難爲俗人言也一篇之中絕不放過俗人

次不辱理色廓外虛內揚雄所戒鴻文無
範恣於川不度規之鬼卽嘗之度與範雄
之論文不說雄奏心好沈博絕麗之文天
上計孝廉及內親衛率會者雄常把三寸弱翰
齋油素四尺以問其異語歸卽以鉛摘次之於
槩二十七歲於今矣平當日河間區區爲丞
國藩臣以好學修古能有所存鼂錯文畧用
駢偶而筆力高古讀之不覺李斯碑禁止淫
佚男女潔誠成化廉清夫暴秦也而亦爾

無夢園集

馬四

史遷談讀國策方有一部史記國策妙於峻
潔西漢宗之李斯治驪山書已深已極鑿之
不入燒之不焚空空如下天狀王充曰足未
嘗行堯禹問曲折目未嘗見孔墨問形象簡
鍊於學成談於師唐勒宋玉亦楚文人也竹
帛不紀者屈原在其上也陸賈董仲舒蘇武
而出不假取於外夫不開通於學者尸尚能
行者也甄楊子雲之篇樂於居千石之官扶
桓君山之書富於積荷頭之財國君聖而

才式弘鍊物惟遠 人懷秋嚴士蓄霜斷 事
丕典論不肯輕故 一人必曰予從阿學之精 集
捐棄故伎更受要道 梁元帝不加勞績 集
一高手故梁文佳者多 簡文帝曰文章未 集
必有英絕領袖之者 齊永臨中王融謙 集
約文章始用四聲踵其後者轉拘聲韻 帝 集
王弘遠圖莊生像而嵇含弔之托非其所也 集
者毋以黃致弔 庾亮羊祜文生於情 魏 集
帝評六子獨許徐偉張彬若子 王仲宣 集
善於詞賦惜其體弱不足起其夫 沈炯力 集
浮豔可誦 嵇康有極佳處嫌多 康云又讀 集
老莊益增其放不善讀書如此 徐陵鉅才也 集
而溺於詞 何彼途甚易非勞於五丁我路 集
難如登於九折陵語也文章巧拙如之 陵雲 集
與兄善曰少不大愛離騷頃日視之實自清 集
滔滔古今來如此種文真爲宗矣兄復不作者 集
恐此文獨單行雖然畢竟單行 顏延之曰 集
古逸集望古人而遠與爲侶也 隨踵而立者

人聚人心惠而目多采 光武曰吾年若四 集
在兵甲十歲歎浮語虛詞卽不欲勿報故其行 集
文絕老氣 蘇張費如許唇舌韓非只用斷死 集
二字將寢宵俱脫 虞翻曰虎珀不取腐草 集
石不受曲鍼 顏之推曰明經求第則顧人答 集
策三九公譙則假手賦詩當時已如此 陶潛 集
誌孟嘉古今一篇好墓誌何嘗過譽一字而稱 集
引交游妍媸俱見 相將以道相開以顏豈不 集
多乏忽忘饑寒似此趣味真無慙兒子真好 集
文字 曹植文極有骨理不當以才子槩之 集
時阮陳楊吳諸公皆不及也植高自標許比人 集
於狗比朝士於豕開文字罵人一端是其過也 集
郭璞曰明月不妄映蘭葩豈虛鮮水無浪 集
似此等語豈肯胡亂作文字 江淹云心頑 集
堅偏好冥默是自寫照句然魏極矜琢有曹植 集
之澹雅梁極綺繡有江淹之孤宗皆可貴也 集
倣儻清贍任心觀書不爲章句之學 氣激 集
旗情驟亂 放浪之際頗著文章自娛 集

天之薄也故文惡其薄 任昉曰蹈理則積
閉戶自精開卷獨得 劉邵曰一主謂之偏
一微謂之依似一主一微謂之間襟忌類灼
微盡徑露而單持 阮籍曰蟻浮八濱以濯
鼃娛行潦而羣遊 劉勰曰兩漢以來皆宗
騷 王羲之曰鼃廢虛遠之懷以救倒懸之
真大經濟人 羲之年五十誓墓不出竟不出
文安得不高 劉季緒好詆訶文章楊修曰季
緒環環何足以云 楊修答曹植書不復謂能
兼覽傳記留思文章蓋植原書高自矜而修
頗傲亦一嘗習氣 鮑照曰雲族未起風柯不
吟其詩云秋蘭徒晚綠風流漸不親 田巴也
見魯連終身杜口世豈少大巫哉 曹植曰在
璋前有善嘲之反作論盛道僕賞其文大都有
識者決不肯謬許一人假之何益 惟無深
潛豪隱過匿愆乃可以爲人文亦如之 應璩
諸書峻潔高妙 漢魏七發七啓等極可已俱
莫如東信曰文異水而涌泉筆非秋而垂露

信文似月明孤吹 沈約彈王源曰鄙情贅行
造次以之文所患者曰贅曰鄙 薛登疏上啓
陳詩唯希咳唾之澤摩頂至足冀荷提攜之遇
其人可誅其文可置 何仲 不芝盡楚而
何蟲不龍盡水而蝦精者理少皇甫湜語誠可
耐思 李德裕大手也不減蘇詩 韓愈得
翺張籍大喜翺家貧多事籍從宗實爭名並
之故蘇軾之愛晁張秦黃不若愈之愛張李也
孫漢曰爲史官者明不顧刑辟幽不見神
若梗遊於其間其書可燒也不可無此臆
居易不經鍊處太達迎老嫗邪 劉禹錫與宗
元書端而曼苦而腴佶然以生癯然以清已
出柳文佳處 柳宗元獻平淮夷雅表有方剛
之力不得備戎行致歿命況今已無事思報國
思獨惟文章 李商隱序元結文如以萬世
人一朝 李白王維文極佳正爲各帶詩賦氣
未爲大作手 權德輿曰或以典亡有數則但
取警聳者而相之立土木而尊之可矣如云

章與時高下斯言請三復 歐陽修曰文雖
於陳隋其弊極矣以唐太宗政治之盛獨於
章不能少愛其體是以羣賢奮力壅開茂除
於元和然後蕪穢蕩平嘉禾秀草爭出 唐
起義後凡戰處皆薦佛寺為陣亡士薦福外
託為戰亡之士其實自贖殺人之咎 唐初
陳隋文章衰弊之昔作者務以浮巧為工故
失其事實 唐太宗猶崇信浮圖惟其可著
能惑人 讀尹孝子柱表文曰唐之政治之
深矣嗚呼不得而見矣此碑尤可惜也 元結
當開元天寶時獨作古文其筆力雄健意氣超
拔不減韓之徒也可謂特立之士哉 讀李翱
言曰翱嘗怪神堯以一旅取天下後世子孫不
能以天下取河北為憂聞之者不怒則笑矣嗚
呼在位而不能自憂反禁它人使皆不得憂可
歎也夫 讀顏真卿麻姑壇記曰顏公不免惑
於其說釋老之為斯民患也深矣 宋文字蘇
洵顏雄渾歐陽修能婉折其次陸游可 陳亮

曰且說當今之世孰是文中之龍文中之虎是
它粗處 蘇軾曰吾於生平不誌人墓 軾有
大文字無為小品所掩 文天祥曰痛飲讀
騷 章子厚曰九歌取諸國風九章取諸二雅
離騷經取諸頌黃庭堅歎息此人妙解文章之
味

蘇文全集序

宋奉西北之虜歲至百萬公度必戰而橫山之役又嘗其輕出寡繼觀處置高麗金塔一事及許生還鬼章與溫溪心合討阿里骨使二盜相疑而不合無以生擒鬼章速賀公之謀老矣河西用兵家人子弟藉以爲軍有詔權宜已皆刺額寶元以來緣兵興增賦不爲除去二者公所痛憤不耕之兵聚于內冗食貢賦天子無同憂患之臣將軍無心腹之士此二者公所深念安

無夢園集

馬四

卷

京東以輸河北則有散常平之粟勸蓄積之家寬此兩路而養海之利以予小民似也然訓練士兵嚴戢禁軍迄無定策矣山東上世以來腹心根本登州斗入海中三百里便風一帆奄至城下于是屯水兵敎水戰烽燧不絕歲以四月戍覽基島八月乃還地瘠民貧商賈不至惟號令精嚴新舊平海弩手指揮得便宜差撥犄角以備北虜捍京東更設伏來客二州公守此皂囊日上其勤于登如此又願復守徐州三年兼

無夢園集

馬四

五

領沂州兵甲河朔諸路要重定武控扼強虜茸治營房而公條上五路開仕進之門定州修弓箭之社蓋非俗吏也天子於人取博聞有道者于五獄禮其能興雲雨者於黃河祀其能轉漕利益者公在徐州水暴至堵作皆興安流如故譬之大人先生大用則大効不用河故河不治公欲多作陂塘陳州之役自然消滅至論也市易務錢改元郊祀布令蠲除欠負窮民鼓舞涕泣曾未半年已有刻薄臣僚析文破勅違法除借使宗祀勅書夫信上帝公所云朝廷赦吏胥不赦也夫吏胥不赦則豈特吏胥也哉浙西飢疫人如鬼腊官吏得人十年之後庶可完復奈何只爲朝廷惜錢不爲君父惜民至哉言乎淮南東西諸郡災傷遠者十五六年夏田一熟催欠舉戶反思凶年欲救之子可救之前莫如浙西救之于不可救之後仁人哉金部與轉運司違例刻削綱梢骨立富商不宥搭載以此專橫官未事敗入獄而已雖然足國裕民公亦無成

謀矣則爲陳五事一將相之臣召論大計一詢
太守刺史罷歸者一千經籍之外別訪講讀一
優慰吏民上書一察其善者卒然召見亦無聊
之思耳嗚呼欲師仁祖之忠厚而患其媮欲法
神考之勵精而恐其刻公亦未如之何也已矣
惜乎宋之人主僅以語言文字目公奇才今之
學人又以韓柳歐蘇畢公能事子故爲公揭出
一二若天流離遷謫賢者之常不足道也抑又
疑公有言知人之明不可學竊謂學不知人所
無夢園集 馬四 五

學何事然公能識富范歐陽諸公不能識程正
公豈知人之明真不可學耶意者學徒相仇黨
攻公疏耶不然非所宜出于公也

陳太史無夢園初集

古吳陳仁錫明卿父著

記

重修虎丘山寺記

天下好山水可家也家於吳遂家吳之山吳中郭外山壘壘峙獨家於山之虎丘則人人皆晉司徒也不司徒不可以家此山不遭劫火不見司徒新面目又不見非司徒之洗腸刮骨也山自閭閻營焉以歿護之不得繼相傳秦皇鑿山

無夢園集

卷一

一

求劍處遇虎故名嗟乎之二雄者能常居此乎哉千載而下孰虎狼秦孰司空晉孰干將吳孰劍去而重來孰石頭而頭俯本朝開平忠武王駐兵寺中庇生人亦庇寺洪武宣德再火二百餘年以次瑰異左右廡周阿而樹上下剝層巒而跨鏡山腹以踴泉繞清流而置石一枝勁筆圖寫劍氣懸之天半爲舍利塔已已之歲諸天臺閣觸手灰應塔嶽嶽不崩敗四抱火合巍然獨立亦奇也睨而視之者俯若睥仰若嗟歎

辨已忘言是生公亭前一片石也公說法時有鬼與語說者謂此虎丘賢主人夫游乎洞庭瀟湘無不虎丘也伐洞庭之木剪瀟湘之黛虎丘可以洞庭瀟湘矣發室阡之藏莊陌之積深閨曲房之藏金虎丘又何不可以曲房深閨室阡莊陌也哉曰若生公談鬼豈其人不可莊語耶非耶虎拜稽首思皇多士一新磨勒煥然之筆具此觀者可以家席丘生公必舍鬼而與之長語矣

無夢園集

卷一

二

潞水客談記

天啓丙寅除夜余在 講筵以不撰寧國勅作
璫被 嚴譴江右同年比部參卿徐公獨視余
郎中不肯去明年正月蹇驢出盡焚一歲所著
宣大邊防書有中宵夢入金華殿欹枕驚聽潞
水聲句携一帙與俱卽潞水客談也宣大書何
蓋時急遽余急宣大也客談何儒東徐公爲
北水利作也公官諫垣五月上此書亡何傳御
史杖入獄公徒步護之偵者問王名公請以徐

無夢園集

卷一

三

賈明對遂讀而次其語於潞水云旣而象卿鳩
工重梓戊辰六月余以 環召重來同館諸君
子揖而言曰宣大果中虜書在乎曰焚矣象卿
揖而言曰客談在乎曰在在則爲我記之退而
書其事江右故爲二徐祠其一死事徐光祿機
以公配鄒先生南阜曰死封疆死國計一也鄒
先生文潔曰憂心如焚公之死胎於此一死生
天下何事不可爲哉張全義屯洛四十餘年始
富饒虞文靖秩富民耕者不行於太定其後說

無夢園集

卷一

七

海口萬戶江南之粟不來王庭以北上發憤
書猶期之十載嗚呼假如內地漕全義塞外法
文靖專責守令以田功多一不援民者爲上致
如邊屯將自耕以倡計田頒賞而萬夫長千夫
長視其田得世官又如內屯復復業之令立力
田之科開贖罪之條均寄籍之法除草場馬場
之名邑省養馬商人之煩苛其說果行罷邊募
蘇班戍停勻補亦何減史起溉鄴鄭國溉秦文
翁溉蜀白公引涇馬援引洮虞詡浚渠之烈乎
譚大司馬綸是公言戚元戎繼光欲分南兵之
願農者以佐公彼一時也奈何治田而計部沮
之治河而鄉人尼之哉洪武時監生人才分行
天下興修水利予嘗徒步裹糧與薊遼父老詢
郭守敬水道斷橋壘石猶有存者低回良久今
反覆公疏畿內先京東數處而列那次之邊陲
先薊鎮而諸鎮次之瀕海先豐潤而遼陽以東
青徐以南又次之豐潤二百里間皆可以田易
葦仍捐其一與勢族無失周官王與穀之意漸

海墩臺備倭亦備虜部耕卒守墩戍絡南北以
通內地可備卒然之急嗟嗟薊何地也嘉靖庚
戌之後四寇薊門京師左山海右居庸虜不
從此入以宣遼爲之衛也薊隔一牆三衛勾引
依垣而守地闊人稀危哉可不講於先薊之說
乎

文皇帝權置三衛而三犁虜庭多從獨石開平
出師將欲拓開平迤北移三衛以復外邊時不
暇耳隆慶初尚有言恢復大寧與宣遼並峙者

無夢園集 卷一

俺答款而其說罷噫與水利尤係薊實著也議
公者曰海沱河不可治似也然公鑒前失不引
丹沁支流而迓桑乾以上保安之田不涸懷來
之勢少殺而浚深州故道疏饒陽以匯真定使
海沱分行入衛非壯畫哉公不云乎醫必藥而
見不察脈不參藥安見其不便耶趙先生浚谷
曰京北水利與燕薊省調募秦晉中州水利與
會通黃河無監鵠江以井水利與南糧可省宗
祿可給故北虜漕河宗藩三大患也一水利並

治之予謂東南尤急云公之先郡守東山公九
載令旬容積雇役之羨石孔道七十里搜鹽商
通引供茅山祠登日嗽茶父老刻之石書勤儉
忍於上公去而揮淚語惟此治張秋築障水橋
於沙灣與夏少師同里不一及門及其逮遣一
老蒼頭護行在河上不見趙文華而捐月俸餉
詔獄楊公爵劉公魁周公怡沈公束卓哉象
卿才而潔嘗相對白雲樓有菓無酒旣而有酒
無肴盤桓不能去噫六合之失扼腕才難一問

無夢園集 卷一

之內壯猷貞節遡東山暨孺東及象卿而三矣

司農劉公重修許墅塘記

念劬劉公令兩邑救亂倉猝興利除害中州僕而祝之晉秩司徒蒞吳關遼餉一萬七千有奇水涸五閱月公所免貲籌舳艫各盈尺小者減權半卒用節縮度支無缺額自許墅涉楓江土堤亘二千餘丈董公斃石又二十四年波翻獸蹲疏理而柔徒苦足繭乘苦蹄利公邇其本始椿浸於奔流也錢糜於石買也職金市之厚下宅之吐水疾之臥大石覆之樹林石甃之冊號

無夢園集 卷一

七

段紀名姓以經久之駛行者吉行者孥行者負行者二十里之內翠澈澄瀾雲烟未脫山銜半邊之日濤白競渡之帆是役也創利建庸傳信無媿詞公德宇寬裕心動以誠支節必力父老言日放三關無闌出入榜人前歌後舞如入故鄉見其父兄有客過之倚水一聽如喧廣陵之潮公之令永寧也分藩桐桐棚殿供億畫龍鳳而不彫幾木於孟津役於洛陽準官斗於洛瀨裁誅求絕盜獻大璫斂手而永邑罔聞知靈實

張國安反號萬人城閉半月公以他邑長令車馳諭洞開四門始衷甲繼佯款三縱而期之日果從間道降公永寧礦賊屯雞子山方宴客遽選將給蓐食夜行矯發倉計散之難其魁於陝公聞變疾趨不難不疎邑不被兵忽捧調檄皆就道持義聲爲軍器是以有靈寶之權初衷大難訛言劫獄賴公底定禁斷和教東省之妖不蔓公爲令酌開支緩急參伍鈎探飛詭自獻獲囚簿忽自袖張炬焚之賊以不悉徐按治無

無夢園集 卷一

八

脫者爲政弛刑薄征河灘免丈三材減額故矢石之下願爲盡力大都柔惠小民而鎮定大事故事舖戶侈實筵不給取諸耗什而二之且三之他若沈石於竹青張焰於綠絢恣所求索公自庀具給顧直費汰役勿事以公廉佐部贖放庭無片牘關天下事成於恢宏敗於寒儉公大度運以深計長材應以急智惟賢且能緩急可恃嗟乎吏習之囂也關市尤甚羣不逞之徒追趨逐嗜如入百戲之場亂其紀綱卒然有急藉

手加賦私相攫拏苛以繁刑峻罰至亡紀也予
自入朝以來所覩記旌廉能之計吏 賜宴加
祿

天子廷見褒美而公平寇亂於靈寶頃 詔書
特高農部之選視春夏曹非公其誰哉

史侍書奇忠家祠記

神廟俞修 建文帝實錄 詔復年號遜國諸
臣知與不知從與享之侍書豈其僣而侍書遜
國所不知之一人因侍書而知所不知者祝髮
三人扈駕水關二十二入路運七人行遜四百
六十三人不知何病 天啓辛酉仁錫於奉化
謁戴探花祠寧海吊方正學祠徬徨入百義士
瘞玉之井竟三日不能去大呼曰八百義士姓
名安在乎至台州過東湖樵者祠微雨磨碑第
一 無夢園集 卷一

載 舊皇帝何在一語驚惋赴水耳孰知九人
息從以鐵棒啓鬼門卽樵也神樂觀中主臣席
地夜坐卽樵也中和橋畔呼艇載師同舟入人
樵其一也襄陽之行先至廖平家者樵也樵爲
誰鎮撫沅人牛景先何以知之以史公自叙致
身錄知之致身錄公家不傳藏之茅山道士手
授焦弱侯弱侯垂老爲出此書以傳信於史蹟
公書自永樂後不紀號紀年不稱君而稱師師
之號大矣哉天降下民作君作師故曰觀我生

觀其生處死地固生者以大觀順異生以中
觀天下生以神道設教生死能生師統接
統先生大有筆力辰伯是以刻奇忠志敘事簡
質可風或問伊川曰郊祀乞恩可乎伊川曰上
大夫道一乞字慣開口是乞吾鄉有耆舊鄉鄰
鄉賢祠喧傳今年某顯要入明年某公卿入
若之謀別築一室延季札諸公以出於是史辰
伯祀其先侍書於家進不能額諸朝退不
與離齋伍君子聞而痛之辰伯便欲祀劉靖節
攻錢斷事芹黃給事鉞龔安節胡與先生稱
郡五忠祠祠以高義楊福高隱王賓則季札諸
公不甚寂寞矣乎嗟乎先生之來食也必何也
清遠軒師所居也水月觀師所築也忠孝堂師
紉衣進履地也尊師鑑師所命也金川之變與
師共患難于國新皇帝追新師又與臣
共患難於家臣也萬里覲師茅菴而蕭寺分羹
酌其友之死師也萬里泣臣草土而書少觀鑑
筮其孫之名君臣肝膽道義師生千百年後師

此葉科圖配補

能不遵赤水麾如龍直遡黃溪而小臣騰衆車
使徑待乎向也尋師絕徼今也薦俎一堂昔也
位師于上濟東臣西盤餐何其茶苦今也祀臣
於家類歆禮秩梧栴孰非露斯昔也馮淮呼馬
郭節稱雪乍僧乍道葛可衣鍋可補鎮撫可山
樵今也冠蓋不忠安招魂不楊棄自去自來樹
非深林非密身非犴狴已焉哉免於永樂死於
宣德滇行之後告奸什七戈矛息矣國無入
焉莫我知今知矣王詔未至藏閣無聲今聲矣
無盡圖謀 卷一
補文貞之詩與贊吳文定之表曾孫義之狀
恍惚惚半在雲端今如太華之伸巨掌矣襄陽
浪穹山下山阪有時雷填填雨冥冥同宿汾
顛顛臥榻尚記依西平依滿江深陽却黃溪
石架欽歎君乎靈雨輪而臣乎羈四馬也魂
毅兮死於獄而不自明茫茫宇宙吾君在焉
呼其不聞側身而無所哀哉啓床頭酒歎松陵
絕甘者三年孰知小臣死數百載徵吾君一
一藻臣死於獄師難在滇書付史氏師有在

臣死論定不如臣死君生臣藏帙於名山也豈如隨帝昆明而管招楊葉之快生則竹杖芒鞋重慶白龍彷彿常不在死則絰結蹇產燕燕金川魂氣無不之昔逃雨之君臣今麗日之星斗一朝之燕饗非甘旬有六日之行乞非饑片語之中秘非榮九死之鬼雄非悔較書轉餉戴星勤王安靜法祖言猶在耳朴材委積端坐而讀儀禮也高馳不顧廷奏而殛好貪也舉長矢射天狼臣欲提劍新增壽斬景隆也非俊疑傑

集賢堂

卷一

三

孰已犬之羣吠御史昌隆可廷辱也情與質信可保盛庸可原也輝祖可摧也氣於邑而不可止奈何哉江南重賦以繩四姓一日之頑而貽生靈萬載之毒嗚呼帝試臣四書疑一道事君致身臣不疑矣豈惟九廟之靈迂之几筵即吳中父老子弟宜貌公擊貪生像滅賊愁容遙集季札諸賢近招靖節六公精皎皎以往來如漱正陽而含朝霞也夫

重修寶應元君廟記

余以壬戌元旦謁元君詢故勦嘉靖壬戌六十年矣神降塞河憑水上而語部使者迎像堤上維縵放埽埽不受繫自移決所去堤災而止農與隄合埽銀箸二又憑而語其廟我於晏廟生廟成地不海而產鹽自是堤不決四年即決蓋禱塞之捍菑禦患不寧省奉焚焚竹沈玉費若軍餉馬草馬價班夫多取辨執幡懸帛之客其揮二箸何哉神若曰高郵之覺莊寶應之汎光

集賢堂

卷一

四

蓋險悍汎清自開康濟避覺社彼汎光滙天長盱眙諸水下槐角樓張西翼夾擊東夾憂田不治憂鹽場沮洳開新河存舊堤宋不有陳獨老一疏乎埽著河干以待能者此箸一借于陳恭襄再借于白康敏蓋

神祖之額弘濟也水高于田難倍弘治而貨鹽減前北急泗水議開周橋周橋開湖不注淮隄不悖湖是稟高寶也高堰奚設哉

天子登極之元年召還史職廟以五月十八日

莫寶鼎遂謀借一箸爲神謀弘濟河之濟也不
 四潭及二閘止耳餘悉土土疏惡宜取諸歲修
 里爲式歲築若干里漸至三十六里皆石不然
 國家安得再存十二萬供寶應尾閘哉前此陳
 公塋不改二閘令徑直易漕平堤策之下也此
 寶應爲上濬淺理河之庸論也寶應爲急務博
 節省之虛爭毫釐之計天下事敗于寒儉鑒諸
 請再借一箸爲神謀河淮夾流無名山以鎮而
 濟漢巨湖誰實控扼元君神謀壯畫宜在淮楊
 更士先而治淮于淮不若治淮于河意者神爽
 樂游于高堰周橋之上及淮河之未合務分河
 而殺黃必有上清寶文理水之法玄夷蒼水金
 簡玉宇之書俾強河分弱淮振無若吏人皇皇
 置淺建閘束河刷沙開海口出民田補苴萬分
 一也壬子之變能不寒心以骨立哉然後吏與
 神各舉其職夫寶玉見而肅宗改年與改邑致
 其時史朝義方圍宋州淮河道絕刺史崔旆取
 江路扼南山入關獻定國寶十三誌稱小唐靈

無夢園集 註一

三

卷三

置勿論赫赫表 皇懷柔山舟欽哉率作興事
 躬黃耳而實鼎玉鉉而節節也實也皆治河之
 大經也

無夢園集

註一

三

泖湖湛應殿記

是湖也古之由拳秦之長沙或言沈而爲泖或言吳平後陸機兄弟游此十餘年至其瀉黃浦道小吳淞湧孤沙於滇森時崕闕於蒹葭乙丑秋日與小真金君雨中過之俄來九峰之青嶽然曰惜哉東南貧兒十日傭而得百錢其子竊之酒肆稱伯矣貧婦百日績而得一縑其夫被之柳巷稱郎矣入金閭炫然奪其目登泖峰沸然奪其耳意者山川不自斂而藏我民之鳩鵲也則將呼風風雨雨而告之又亡已則呼潮潮音闢大士而商之思昔水利頒集巡撫久任吳淞開而文貞相此吾君吾相數百年經營澤國與區也昔人急西北故急東南在今日北以田功水利爲塵飯而疆圉屢損其病在東南不在西北不如專意疏治東南以旺神京之轉輸予所以疾呼大士蓋世有不可解者三士夫念佛而吝布施僧徒各繕精廬而坐佛於泥洹富人不行義三者東南尤甚順泉鄒翁固大士之所

呼而修泖應殿其一云

重建臥龍街關廟三義閣記

關廟鼎革載在欵議不具論竊有慨於季漢之際也治統至季漢而始裂然人才至季漢而獨完君臣魚水兄弟友生之誼至西蜀而始全然事功至西蜀而獨闢自古人倫品概垢之不濁風之不霾鎔錙之折不折至三義而始定然史編至三義而獨殺余謂殺之乃以定關之乃以全裂之乃以完天不生弑帝弑后之操不則昭烈之大節不彰天不生帝魏寇蜀之陳壽則正史無夢園集 卷一 元

之是非不自壽賤史耳何足妍媸而諸君子以椎剝爲功范氏曄正之後漢書習氏鑿齒正之漢晉春秋張氏枋正之史編朱氏熹正之綱目則何勞覆說哉一陳壽也故入之以爲陽予魏陰媚晉甚且以陳水氏之祖生於典午故後人爲之諱行事故縱之則曰志何以稱三國也揚戲季漢諸贊何以不削也孔明誥書何以有殊功季漢語也又以曹髦之弑曹奂之禪一切不錄併爲壽罪若然是反爲開一出孔矣今議論

日刻而適以寬皆此類當時不帝漢誰帝乎不冠魏誰冠子或以孝獻配周之平以昭烈配魯之隱亦非也故曰殺之乃以定孔子曰殷有三仁焉此特筆也余卽以爲三義案夫昭烈乃心帝室方其破黃巾縛督郵膽智固已遠矣孝獻播遷帝甫栖遲楊瓚莫適與謀及領徐州牧天子在操腕中與袁紹連兵檣許紹敗奔荊州又弗遂然後入吳併力破操議包荊益忠武定筭江東君臣方在危疑莫雄當機非昂足不辦

無夢園集

三

自許田一面天顏卽九閭萬里貢獻未通竟何嘗須史忘孝獻哉董承受衣帶密詔誅操不幸而泄最後羣臣遙表爲漢中王拜章驛上還所假左將軍宜城亭侯印綬蓋亦操所表封卽壯繆封還誥書意也魏既篡漢始以建安二十五年爲章武元年做漢光武自立爲蕭王卽位河北故事豈不正哉是以一依揚再依瓚三依布四依紹五依操六依表七依權八依璋依之爲漢天子擒之亦爲漢天子景升不得不戀荆

州不得不取流離顛沛不得不以孱夫自全畏者自處史稱與下士同席同蓋使刺客刺之不忍刺投機赴會不得不疾如射隼忠武不得不三顧三人不得不一體聞孔融之殺不得不流涕慨嘆督五谿八蠻爲伐吳之役忠武可以不諫趙順平可以諫不聽萬乘不得不冒矢石獲亭不得不敗白帝城不得不與權和蓋在忠武侯操不可與爭孫權可以爲援而不可圖成局中是以操不畏四州伯之衰本初而畏一孤身

無夢園集

駐一

三

之劉玄德爲其仁也壯繆桓二侯合鄉里徒衆爲禦侮及部司馬侍立棚衆再守下邳玄德妻孥三被虜雲長以計奔表翼德將二十騎渡水斷橋瞋目橫矛亦爲其仁也嗚呼壯繆施頭不繫壽亭之號桓侯禦上不掛嚴顏之頭而愚竊大不遑報曹之說夫賊操何恩焉用報耶不新顏良必無策以奔表操在公術中竟弛追騎慨然出奔不虞強敵在其背爲昭烈也何報之有不然嚴將軍不報翼德豈以其故貶烈哉此卽

以秉燭達旦目爲奇節之鄙語也許田露凡叱吳請婿正昭烈衣帶密詔中心事見其大者耳樊城之捷操怖而遷都後有伏權死於臨沮天乎或乃以忠武不出師佐之又謂孟起方領徐州益德亦寄北門誰可遣者皆妄論於赫壯繆何必兩人張其軍乃不敗哉夷陵之師翼德率萬人自關中會江州臨發爲帳下所殺蓋恨不早見壯繆地下豈暇擇患耶封西鄉侯策云以君忠毅比蹤召虎直其然矣始昭烈語翼德有

無夢園集

駐一

三

鞭撻健兒勿令左右之誨後人傳會遂以壯繆侯善待卒伍而騎士大夫桓侯敬君子而不恤小人則聞魚水之言受起逸絕倫之評歎無間費詩立談遠感悟拜前將軍可謂驕於士大夫者耶蓋昭烈一心孝獻東連吳越西取巴蜀臥龍本謀吳既違盟壯繆蹉跎曹丕稱帝苟利社稷則專之其敗則歿之古今不可以成敗論英雄者惟殷三仁漢三義耳后皇帝追謚諸將相武鄉侯以下纔數人而獨以壯繆爲貶議夫

明威克直有天帝之尊而庸夫豎子猶鼓唇吻以闢於一穴之內悲夫弁州謂至誠無息足以當之若汪公適見以壯繆五倫之三抑何言之不該哉嘗謂天不足於西北以仁義補之天可補况國乎殷有三仁殷至今不忘漢有三義漢至今不忘故曰裂之乃以完晉人以昭烈君臣比之孔顏師生何計利敗故曰闕之乃以全噫嘻昭烈之有北地王也壯繆之有平也桓侯之有遵也桓侯張子苞早夭遵苞子皆以死節著

無夢園集

卷一

三

三義之後各有三義漢業亡三義補之三義亡三義之子孫補之天地之仁也三義之仁也與天地無極其壯繆乎靡跂已

重修寶帶橋記

姑蘇志實橋去郡城十五里跨澹臺湖南北長三十餘丈今呼爲小長橋唐刺史王公仲舒捐帶助建紹定五年郡守鄒公應博正統間廵撫侍郎周公忱再修閣學陳循記曰漢武帝開運河通閩越貢賦首尾亘震澤東壩百餘里風濤衝激王刺史始作巨隄障之通挽者路然湖之支流斷堤而入吳淞江以達于海者堤不可遏宋元以來橋遂坍塌有司駕木以濟廬陵周

無夢園集

卷一

三

公與知府朱公勝戒有司漸次節省以庀材用又四年秋率朱守及長洲侯周公旻吳縣侯葉公錫往度之咸具耆民李補等董之爲長橋千三百二十五尺洞其下凡五十有三高其中之三可通鉅船石二萬二千六百丈木四萬二千五百株灰二十四萬三千六百觔錢一萬四百觔米二千六百石冬十一月落成班班可考也余每過輒憶橋一石獅歆臥先祖文林郎敬齋公榮溪農漁父立之途先君簪仕暨陽調繁語

溪引過停舟湖光山色影落杯酒手摩獅子微
見中流墜石呼長年引繩丈之懸井亭見一斷
碑爲遂昌令施霖記則二誌皆未入記曰錄正
統迄今嘉靖三十七年歷百有餘載雖嘗茸治
不過小補溺于橫沅斃于險石橋以一蒿障三
萬六千頃也巡撫尋齋趙公憲副鏡湖熊公郡
守三山溫公別駕華源徐公目擊喟然會海夷
犯順久之事平郡諸公再經其地以祥符禪子
圓明疏行于郡邑適徐別駕署縣命水利丞周

無夢園集

卷一

三

大經估勘請諸巡撫見海翁公郡守龍池王公
咸報可大經往盡乃心勸導有法始于戊午
九月成于己未三月余自獲此碑乃知神物護
呵雖一命亦有所濟丞如周亦不可泯也况大
吏乎昔天台師路逢一僧偕行湖水暴漲僧邀
師同渡師曰要渡自渡彼即褰衣跼波若履平
地復回顧呼渡師咄曰自了漢吾早知當斫汝
脰僧嘆曰真大乘法我所不及雖然自度度人
二也師能自度何煩僧度僧能度已何難度本

褰汝衣有水同無水斫汝脰無足同有足欲盡
作天下好事大乘與小乘何異但到處勿放過
自度與度人何異度一人與度千萬人何異蓋
有志焉未逮也癸丑秋水大溢余謁先君各宦
祠過而危之石欲落不落迨歸石半落在水濱
不可問圯二十五丈有奇夜無巡檢此橫不可
失直指將按松陵俞觀察公維宇先君同榜慨
慷方事荆溪予過家不入逕詣謁館余萬文恭
公書院驟聞前語掀髯笑此咄嗟辦耳余曰否

無夢園集

卷一

三

事必不行公色變余徐曰微下不行再則催三
則怒怒已則事亦已識時務者存乎俊傑是直
指之所必經也已爲之執若人爲之須一開口
耳公悅會二守許公肅忠廉而敢勇受憲令予
作畝懲之未幾長吳吳江設三廠乙卯竣工又
數年所謂高其中之三以通巨艦者前此稍支
吾至是溢激淫囇作奔勢臨上流太湖直瀉石
墜如覆水長洲葉侯成章真父母余奔告之如
癸丑公立捐數百金余竭囊襄事工速而周則

侯真實心誠信于波濤浪爲吐花石爲點頭青山爲啣牛邊日以照耀光顯之矣迄今無紀載先是乞文于俞俞曰吾何力之有禁侯亦云倘余又復以借之齒牙諱行好事反不若嘉靖施公斷碑埋荒草敗亭猶有憑而拭之者然恐墮文字小乘兄於願黎家問渡游大乘法器中不作白了漢也

貴池縣復昭明太子塋記

余友韓孝廉君理見昭明太子于夢以侵地告爲乙丑五月辛未知中徐理前夢赴選人署銅陵教則太子墓在池郡秀山門外銅陵其屬異之越明年壬申五月郵寄開函仍是一夢又仍是前夢也君理初登秀山問墓墓在秋浦距六十里其人驚相告曰主僧海善上土豪胡萬林狀未幾有僧亦脚白髯手持一卷芒芒然自貴池投牒歸卽海善也所持卷則孫中丞泰司理碑文各載道里祭田如指掌于是君理白之史侯鶴野不言事而言夢史侯亦余友朋次浩浩焉凡八下牒而萬林至牘未竟一日視事縣堂空中繁正差作昭明使者語告枉法受賂之數徑趨出聞鞭楚叫號聲裂肢體噴血斃矣因下萬林于獄明年正月副差如醉狂將死卽萬林有力如虎有錢如山必三之矣若是三姦者不足辱大明之斧鉞也以煩明神吾是以徵太子靈而天下肯讀書人不可忽也予游名山所過

題讀書處無不太子者或曰真或曰贗予笑謂
何地不讀書何方不昭明爲此紛紛者豈屑擲
一夢嗚呼昔日太子不以富貴顯而以讀書顯
今日太子亦不以富貴靈而以讀書靈何也今
之捕隸固蛇蝎不敢順虎豹不能攫循良不忍
殺者也一前代死昭明能殺之讀書靈且成至
此哉不夢他人而夢于君理君理苦讀書人也
史侯鶴野然其言鶴野會讀書人也君理旣告
余爲了前夢畢矣誰令操蘭故揮汗不倦余勸

無夢園集

駐一

三

雖間讀書人也雖然太子讀而靈吾儕讀而不
靈否則不難于強二差區區醜虜逋寇反遺宵
肝憂世上有此讀書無用之人哉予亦不屑勸
之矣無已其勸人焚筆硯乎則又恐太子之督
過也豈太子所讀之書吾儕未經見耶成毀數
也噉蟻烏爲太子豈智不莊生若意者一杯之
土堪惜如許江山尤倍惜耶太子其閱予志焉
爲分君理半夢置余無夢園中

江右玉泉周孝子記

玉泉周先生故衡府紀善是修公裔靖難師誅
公已爲藩僚諸相約歿者或勸進不復歿公卒
死人以此多公數傳有先生先生幼謹敏如成
人塾師始授論語輒問孝弟先於學文師咤其
奇弱冠舉茂才異等不第戶外執經問執者衆
常滿有西河河汾之風所獲脩脯盡營甘肅嘗
曰椎牛而祭不如雞豚之逮親存也敢以貧故
儉其親餘則給仲弟四世未析箸有里中兒兩
無夢園集 駐一

雪僵道術垂絕解所挾續甦之掖以歸身凍且
病善行純備氣義激人方翁當殯時鄰弗戒於
火先生身翼板號不輟忽空中人語無傷孝
子有赤衣絳冠者鞭風風反轉車無恙他救焚
皆焦爛先生獨處烈焰中衝突如平常眉髮燦
盡竟無恙長洲史氏聞而記之曰嗟乎古有言
求忠臣必孝子之門茲孝子乃出忠臣之門涯
芳酷烈固有種歟當金川不守藩臣就義食祿
盡心之節上乎

文皇帝芳蘭所生其草皆香美玉所積其山有
光昌之以子享之以名腴之以道天旌孝也至
矣經曰孝通神明惟孝得氣之先如史乘所載
劉平之就烹江革之採拾鹿觸穰而齧虎庇廬
而祭嗜魚而裂泉思并而振粟甘露降于連理
三星燦而疾瘳且天之傷物猛若火疾若風孝
子獨反風滅火人謂旌孝子謂旌忠先生令子
諱應蚤初半吳門至今伐洞庭石紀遺愛者不
絕與先宮論爲師弟子讀家乘述之銀管爲先

無夢園集 卷一

孝

生記焉先生諱克超字子卓玉泉別號云

重修天妃宮記

聖人以神道設教而天下服矣秦攻匈奴致負
海之粟輸北河之倉率以三十鍾致一石未收
海王之利意者海神不爲使也天妃女于莆田
之湄州林女也勤濟渡旣爲神昔見海中立危
檣燈火動則風迴帆轉元禮秩視嶽瀆然非自
元始宋志之詳矣初祠于莆水旱之不時民有
大疫必以告旣益封順濟靈惠昭應崇福善利
助順顯衛英烈嘉應協正慈濟善慶顯濟歷元

無夢園集 卷一

三

祐宣和紹興乾道暨淳熙紹興嘉定嘉熙所從
來甚遠或起風濤烟霧擒寇泉州或出甘泉療
興化或迷賊道反接于廟或止錢塘之決潮其
最著者宣和間給事中路允迪以八舟使高麗
獨路舟神火見無湛溺嘉定間金人寇淮甸雲
中皆神兵及戰紫金山復現像三戰解合肥之
圍雖百萬甲兵不能及也軍國之事漕爲大自
元封護國庇民明著天妃天曆以回七日之曠
風濟百千之運艘益封靈慈宮至于今卽海運

罷而祀紀不絕有以也胸山海門有料角沙以竿深之淺之其淺而生角則名是海可量也豈可使也于是亡命之朱清若風與鬼益神使之然而又使之與其徒隨宰相入見授金符千戶開萬戶府者三非朱清張瑄及善造海船之羅璧不以官故宰相不難于見鬼盜賊不難于得官而後七百萬石自至元二十年及天曆二年歲書運米之數以徵失亡少有深意云洪武永樂間輓七十萬石于遠于燕會通河行始罷武無夢園集 卷一

謂浙西東瀕海一帶繇海十日可至神之聽之當何如也且天津登萊既有汎舟之役矣遼民在海島義而思制奴者神何以活之黠鷲倡亂神何以殛之頃八閩屢報擒斬意莆泉神所出游乃秦晉二東曹濮間相率陳兵驅之入海即上首功什宵旰矣聚百千萬群不逞之逋逃于海人謀止此矣惟神聰明正直何以處之是將帥大吏驅賊入海人臣之膽已卸正恐煩神也其能晏然已乎神苦心勞思寢處不寧入其

官吾儕又能晏然已乎

無夢園集 卷一

重脩長洲縣學儀門暨名宦鄉賢祠記

江右晏大夫貳守吾蘇士之有節廉者皆稱之
署長洲澤國父老扶杖望顏色大都曰清曰便
曰神暇而詳善處事凡事有成法圖應而誠至
長洲賦役如蜩不當公一瞬時度閣置吾邑更
數銓不來唯恐逋賦累官公獨哂曰官也有命
也有義也賦也有源也有委也几席有溪湖焉
簿書有魚鳥焉期會有紫氣焉催牒有慈航焉
廟堂之急急邊陲監司之急急職掌吾於其間

無夢園集

卷一

三

寬一分一分惠矣挈一絲一絲理矣蓋長吏不
親民何以親士然至於今民不可得而親也親
胥吏耳慈母不能接膝語其子所賴者近聖人
之居與膠庠人士課誦詩書幾幾乎山童澗叟
如瓊芝瑞草布于野田乃日與多士坐春水天
上之舡諮求濟渡穡乃秋民乃邇故親士然後
親民其茲芬相接也俛仰相芳也於是晏大夫
之勤學官可記矣先儀門何也示堂室之有棟
也自罷百家之言諸不在六藝之科與孔子持

弛絕弗進莠當門以必鋤矣余讀易至大過而
懼四陽居中何懼焉天際之翔輦韋斯壯試叩
本末彌苦弱爾不極其剛棟斯隆焉獨立則不
懼不懼則不弱識量廓情性平夫干之牆萬仞
薰之而和奏之而假吹之而律劑之而味自禮
門始名宦鄉賢二祠並舉何也示棟有輔也太
夫而賢不求知士之仁者知之士而仁不求知
大夫之賢者知之相知則相規相規則相輔亦
者可作況生者乎公一舉有門有堂有室有棟

無夢園集

卷一

三

有輔乃所願則學孔子自事君以來能臣不乏
孔子曰吾事君未能也今親見

堯舜之君矣未能可不求否求之可不風不雷
逡巡大作否大夫以是倡也交覺其未能交不
安于未能無蓄力無蓄言輔車也可以呼將伯
之助風雷也可以衝天吳之濤沼沚也可以迓
天帝之格土缶也可以歡騰納之樽則奚憚而
不求且勤政訪道史冊中瑞雲華日也遙想之
簡編而近捧之丹陛能不喜龍光以耀之鐘聲

以鼓之正文體以鵠之能不懼百相求百相勉
公於是合中外之能以事君又合中外不敢不
求之未能以事君試上質諸孔子旁質諸大夫
士生於斯吏於斯者以共繇是路出入是門一
意親民勿親民之讐親士尤親無求無欲之端
士是舉也義學傳王公勤訓嚴課以國博行與
范楊二廣文互襄厥成則於法得並書也大雅
不云乎勉勉我王綱紀四方人才作于國中則
綱紀張于四海有以夫公諱曰曙號季復江右人
無夢園集 卷一 三

錄李上考兩地循良聲動吳越之潮蓋推救
時巨棟云

銅井山重建石橋記

山以鑿坎得銅有泉出焉窪爲井懸巨石如墜
入井呼則不得登固與區嘉靖間郡有倭警多
居此亦安壤也范石湖先生記凡遊吳中不至
石湖不登行春與未始遊吳無異余曰凡遊光
福不泛下崦不登銅井與未始遊光福無異銅
井之勝以太湖帶下崦以下崦帶上崦志鄧尉
而西之則沈潤卿記玄墓而茲青芝以左之則
袁胥臺瀕湖諸山高出鄧尉而以安山亞之則
都玄敬天爲漁家開下崦晚空畫舫駐中流則
吳文定雖然其勝也以橋虎山橋在亂山中文
筆銳而去湖遠銅井橋峙亂水中而挽數萬頃
其區以運腕又邇龍山其茲雄也玄敬郡志經
闢三百九十橋樂天詩也及宋始甃以石此橋
昔木而敗頽危數人今石而永貽安百世將後
人之功倍於前人故此目之費亦侈於往日有
奮迅踴躍而出卽髮可捐囊可破也况茲山也
天雨玉耶梅花三十里天雨金耶桂花千萬樹

其奚有於一橋橋成之日予將登焉遙望山之
半石皆拔起如張巨起鳳凰也高五百餘丈岡
龍抱巖岫緩幽而曠鄧尉也山半面湖遠見法
華如屏浮于水面奇石高松谷嘯數里玄基也
綠溪一橋如伸左臂昔日養虎今我秣馬虎山
也自西嶺湖濶十餘里亂流而渡樵與湖浮青
芝堤也樹樹凌波香雪撲人霏桃開之蟾蜍朝
士西磧也一望太湖極壯烟霞亂抹近者九龍
遠者蒼雪也

無夢園集

卷一

七


重建悟石軒記

生公講經處有點頭石者或曰異僧竺道生聚
石爲徒石皆首肯我心匪石不可轉也有匪石
之心介於石矣有介於石之人擲其藏不終日
矣夫聚石爲徒而無聚徒之名石皆首肯而無
贊頌之迹神道設教固亦有之余則異於是勸
富翁無藏金文士無藏彩武士無藏勇俠士無
藏膽韻人無藏趣酒人無藏量此造物之無盡
藏也顧野王不云乎茲山尚不祭雲深無藏影
果若而言首肯者不獨石也

無夢園集

卷一

七



重建荆山口橋記

天作地作時作人不作君子懼焉彭城近堯作
十有三載乃同其地用動不用靜予渡河而北
道荆山口有石鑿鑿蓋細民作錐刀之末亦作
焉以風大吏勑有土之長誰舍諸嗟乎彭城王
氣所鍾今與蛟龍爭此土昔也斷橋捍蓮妖賊
乃裂車軸以渡徐州扼河嚴守作勢急者力倦
而不能攻亦知人所橋力耶事平與復畧有次
第彭城舉廢詎止此予爲撰記蓋橋成而南旺

無夢園集

卷一

聖

昌泉諸巨浸東省七十二泉三百里橫溢之水
有所洩二百里直下宿遷之水有所歸殆非細
也

義田記

先生忠義填骨髓始緣諍

國本空署諸官萬里之謫澹然自得季通不挂
之節自此始也一日手朝聞道夕死可矣菽水
三示愚愚讀竟因歎生年百死年萬下可死焉
可生先生痛砭倫生而得正以斃於是矣矣吾
鄉緹騎之變先生在邸苦心調護郡人像而祀
之愚入都夜語先生爲人排難解紛必與計長
及其身據甲冑料敵如神矢無虛發茲事如

無夢園集

卷一

忠

何下劑先生曰不可理是非則日夕引暴子弟
焚劫禍患冀少衰止爾逆璫窺而銜之在光祿
不少散狗故諸君子因削奪起先生用削奪死
雖然既聞道則死可矣以節概若此以復淪之
功又若彼哀冠易名之冊人倫宗焉

上予祭葬予廕秩少司空有子廷棟疏平朝
實光顯之歸襄大事肅入賢祠因桑梓之公鑒
几筵之美早旣太甚仰視據柄如聞愾息曰先
公貌有憂色施絲親始執義田急乎况手所挂

據也有典以貽其修明之便更益以祠田與義
田等歲終令祭始祖子孫燕會穆乎古矣初勝
族百五十祇遵先生約行之三年而后謝世故
法不更置首喪次葬次婚次再婚支分派衍則
本宗同族曰身曰妻曰子曰婦以別之月齡歲
給以殊之母族外族表親師友以等之酌恤閭
里以終之疾病非已作乃給所以勸養生故曰
理財正詞禁民爲非曰義今之義田產侈多而
不積庚入私而不公不教導子孫因以利旋國
無夢齋集 卷一

以譽蓋宗子之令既不行又無義莊畫一之規
以劑則之也善哉乎與祠田並議夫歲終祭始
祖而又臨以有功德爲族所宗者自我作法亦
猶行古之道洵彬彬象賢也夫愚讀韓文曰十
六七時未知人事知仕爲人非利已也及年二
十苦家貧衣食不足謀于所親知仕不唯爲求
耳其言甚質亦竊怪二十時距十六七幾何憂
貧至此意者謀于所親兼其親之衣與食而益
計之歟故又草草于其裘葛給窮孤也然則義

良鄉重建縣署記

龍光五飛龍在天利見大人極雲龍風虎之威
一見于

太祖高皇帝再見于

今上夫驅除胡虜中山輦輦贊襄哉崇禎二年
冬奴蹕遵永薄都城大殲廣陽時方簡异材擢
繁近畿務與休利貧弱朝奏夕可良鄉侯最優
卽南宮令單車入道請融獎次招魂藏其骸骨
哀鴻四集則計口贖之田畝勸之牛種給之備
國廩于房山答四事上諸 朝武備也獨租也

俄馬罷諸民也野馬官自蓄也率報可昔方二
月自春徂夏虜晨旦疾騎可馳築城濬濠神錄
大砲畢具簡鄉兵成忠義軍有警樓城以暇治
田其兵可聚可散可散而卽聚踵糧入城寇至
需之充餉寇退仍散之民設馬步衛官解盜皆
悉其主名捕論如法三郊三遂之民時乃芻葵
以朝氣爲戰氣椎牛醺酒人人願一當虜則以
工作活餓夫以征通攝堂堂首初政事堂後署

三之層舍六之倉庫吏廨備尤孳孳驛通其言
曰後之令此者于此畱心不爲驚擾十年之間
血墟可成樂土夫地有九藪燕昭余一焉水甘
土厚至良鄉不然鹽澤水南自龍門口來然溉
田絕少正統中城猶土隆慶初安令始甃以磚
引水環流既而牧地沒荒種馬歲減猶苦不給
皇華固節如耕百田久矣召穆公虎之管謝也
原泉底績徂征淮夷疆理至于東海王錫圭瓚
和甕錫土田虎拜而勸諸廟器公喟然曰錫土

無夢園集

卷一

三

田何如復民租銘彝鼎何如鑊肝膽賜彤弓何
如父老子弟繼自今累世不見兵革軍旅倥偬
間風勵學較彼都人士出言有章武夫于城况
文人乎子衿之誦鄭在王畿詩人懼焉吾知免
夫昔中山垂老將山海者九年渝關大振
上知人善任與

高皇帝廓清華夏功在萬世同以一令條上復
一邑租因廣諸畿郡錫類不更遠哉

重建東禪寺諸殿復立辟支山門文昌閣
閣記 附題酒仙像

池中生瑞蓮類有之捨爲寺如陳丞相罕矣丞
相未有聞也以捨宅著三國之勅建國也則院
唐大中之改東禪明覺也則寺太湖之石自勝
沼池之蝦半紅天下盡掃瓦甍空擲疑在杯中
聞騎猛虎斯何人耶且夫渡河之虎惟恐其不
遠鳳凰之集惟恐其不邇是以虎不親吏而親
佛吏僞佛真何以吏僞博官市名虎故不親何

無夢園集

卷一

三

以佛真敬酒賦詩虎故不去是球禪師之高足
耶雷神爲言辟支佛耶石曰不開酒家餓成世
路不平風波如是解家爲帆我不可恃若到無
波還須尋想噫大珠吐光怪平地驚覆舟自恭
禪龍冊以來歸寺建隆歸骨祥符所繇來久矣
像坐殿中先君構室居之兼與寺僧仰峯存巖
今梵林交三世仰峯大拓殿宇未竟之業梵林
一歲僞功益余自辛未冊封歸因撫酒仙石柱
曰山門可興矣又憶仰上人語此城中異者

百秀流東海巨吸高閣臨曠地長空恒鎖蟠
巽水吐吞必有天海奇文補浴妙手百年前
中丞竟留盤桓指點形勝宜在此地父老猶
道之文昌可闕矣予也聽南門關清溪波綠
介僧紹居綠陰坐樹如影隨形每企前輩風
一索松枝笑語今此閣成東遠清溪石田伴
我何不然○既作此記梵林手捧酒仙像過
夢園余觀畫像仰天高骨有紗帽一冠被失
一或傳騎虎入郡堂三千石夫婦謝簪履
山河之貴問道于其側也此閣修竹數竿倚
第一童子執酒壺師右手揮杯左手繫塵脫
鞋傲骨偃仰吞吐其上余嘗笑首陽二士窮
自甘上帝置之桐栢觀子晉彈丸地逸天台
常住智不逾中人而五百里內外皆祀伽藍
亦居之不疑卜必告至于余苦雨國清數日
亦之忍耐亦奇矣有兩苦禪尋幽小居三小
辭亦客矣君何修而耐煩住山剝片席其未
堪決天生之除月太濫雲間之翫拜不條細

之血食相繼竊爲造物惜之又如瑞蓮開丞相
之花澹湖分仲舒之帶而以名其寺與橋捨
何小取者何大夜走山陰流螢萬個綠竹枝
片片可數有寺五雲王獻之瑞雲見而捐此
勝也義之能書寒冬開一街之花獻之能書
蒼下五雲之駕此事何闕捨宅余又登東山
三偉人雄談浩歎手持長髯縱酒歌呼自得
近之則晉代三謝衣冠風雨欲來鬚眉皆動
東山誰氏之東山而謝家父子兄弟以爲私
無夢園集 註一
指昔年所攜之姬爲謝家姬也躡飛電之影爲
謝公馬也指田間所畫之梅影琵琶爲謝公梅
也與公姬所抱之琵琶也又有异者此亦一東
山彼亦一東山贈者多受者少遂令此山終爲
乃公一家常據之物吾向疑除目濫于天也而
非孤竹于晉謝公不以授意者山空水遠寧使
饑夫笙客俠妓駿馬影落田間聲韻寒玉而無
與俗同則人物志終讓天公雖然碎支茅土無
所愛一丘一壑無所私諸公皆唾餘也夫

而笑今兩廣多寇盜出沒八閩江右破城圍邑
有 旨會勦不公之思而誰思凡百有心夕陽
過之何愛一椽一瓦以要此魂魄而作山河之
氣予又憶孝廉時與諸弟昆宿韋太守祠乞夢
夢神語韓襄毅斷藤峽傳不可不讀詰朝飲金
壇張廣文齋中出禮公廟貌歲月幾何嘯嘯岑
寂撫今祠感舊夢神者告我矣

無夢園集

卷一

三

勅封山陰縣大善寺肇興夫人記

夫人系錢女也而神其父錢大興紹興郡文獻
弘儒多貲亦多行義配沈氏多男祈生女夜夢
梵僧贈明珠吞之五月誕生夫人儀止端詳茹
素周覽典冊供佛飯僧不絕靜坐不聞聲者累
日父母愛之名曰善娘年十六曰吾疾矣非世
藥可治所積嫁貲拾以建寺可鄰有黃元寶感
神夢願減值半施錢翁酬以五百奏聞勅賜大
善寺賜彩二千疋造寺銀千兩畫錢女像爲伽
藍

無夢園集

卷一

三八

監梁天監三年甲寅十二月八日也開元廿六
年六月朔勅賜真容御書時天下皆造開元寺
遂改大善寺額吳越國王奏復之以開元祝聖
焉兩額齊至武宗會昌五年己丑毀寺宇上見
一人詣宮請免驚問何人曰大善寺土地是余
浙東道見一處女自稱大善寺伽藍余我招提
報二子寺爲獨存後二子皆登第勅賜僧五人
廣袤百畝以水界其四圍慶元三年塔寺焚燬
如故僧得舍利一顆瘞廢塔之下殘碑斷闕焉

不可致府誌稱黃元寶捨非也扈駕征遼封
興夫人有挾妓宿寺者江南一二公子被誅而
妓免僧犯此者以盜以訟以火殛殺之乃已嗟
嗟大士能愛人錢夫人能惡人能愛能惡皆佛
性也拂人性而不免忤佛性而必誅爲小人者
其戒哉

重修南禪寺記

捨宅爲寺古人多有之捨宅爲學自范文正始
士大夫一捨何所不捨以天下爲己任當作是
觀左祀常蘇州重守土也右祀胡安定重司教
也滄浪一亭映帶其間西山來青南越壘石有
文事不忘武備二韓廟貌于斯巍峙俾南禪貌
出于瑞光昂其首而鳴高吸巽水作者意義深
遠故蘇學甲天下而南禪寺翼戴爲最長洲之
有文星閣也撞南禪之鐘厥功等彼縣此郡南
禪大聲又居文星閣上而忠武襄毅祠翼戴爲
最今瑞光修而南禪圯二韓將不保一屋可不
講乎前郡守龍沙王公有其舉之爲學非爲利
友人陸章甫端士也一日同貧衲寂行携殘碑
數紙示余余爲拂拭苔蘚如對昔賢商略建置
偶逢當事于旄過我衙門之下倒屣莊語夫天
下事急而求則晚也急而不求危莫支顛莫扶
獨爲君子文正懼矣嗟乎三吳賦役膏學之衆
而未能言三吳水利嘗言之矣而未能行多言

數窮盡少默乎然予吳人也吳山焚鑒異水隔
絕吳門忠告一論良可痛悼憶十年前吳大水
余止書政府平涵朱翁手答甚溫其歸也勸余
若乎口俱發者然誠愛之也今遭

聖明之世何憚而不言歟又憶金甌初卜奔告
諸老力浚吳淞蓋曰生于吳而秦之越之居可
爲之地失可爲之時矣人亦有言好事難爲不
識所當爲者何事歟所易爲者又何事歟况先
先落城內支河奉有

無憂園集

卷一

四

明旨引巽水畢入郡學灌注滿城旺氣內克正
急務也陳詞豈有忌諱歟遂語弟中鄉錫忠告
論而廣之然莫急于南禪矣

陳太史無夢園初集

傳

古吳陳仁錫明卿甫著

楊忠烈公傳

微子去之箕子爲之奴比干諫而死孔子曰殷有三仁焉異時爲題比干之墓不著文辭子殷人也宗國之事尚忍言哉古今諫者多矣死于諫者多矣孔子不稱焉諫而死系之仁特筆也雖然諫一也遭逢異矣故殷以殺諫亡明以

無夢園集

卷二

七

旌諫聖痛哉大洪忠烈楊公刀鋸殺之生前借題殺之死后勒追以殺子孫塗抹以殺青史邪橫以殺人心其奈人倫天道何雖然于孫賢不可殺青史嚴不能殺人心活不致殺則亦自殺其心而已矣大哉

皇上之爲君也全給廕謚建祠賜額如楊忠愍例及生員楊之易進獄中遺筆有忠肝義膽慷慨壯烈之褒勸朋構蔽厥辜復其兄陷察楊清職我

皇緝熙紹庭陟降赫赫

皇考詒此直臣三召而受顧命六日而白髮黹子秋而毅魂魄顯忠遂良 國家禮亦宜之明示履霜之戒干政之禍至深遠也

光廟之召對也諭諸大臣必輔爲堯舜亡何再召急指

熹廟曰輔他要緊且屢目公蓋公首擊崔登晉不與賊聲俱生屬 東官伴讀官慎起居無夜

出又疏請擇端人輔翼太子 上盡然之若曰無夢園集 卷二 七

七

乘此要緊之時備此要緊之人濫恩陳乞其奚要緊之有諸公與聞緊命優游牝牡而公獨以要緊之人吐要緊之論若

貞皇帝提耳告之者我

皇篤孝繼序思不忘有臣若此繼自今無復世衙天憲于我天威予用汝嘉褒顯曷斯焉初神廟不豫公引文路公問仁宗疾所以挫折內侍者旋請立 皇長孫繼事 兩朝彌留末命欲封太后鄭則曰尊以嫡母礙 太行皇后尊

以生母礙 本生皇后不宜封欲封皇后李則
曰范文正不從遺命封楊太妃選侍無恩濫乞
無謂不宜封而折威瑞于松棚揮內侍無得執
挺格大臣于 宮外與閣臣未登極卽日呼萬
歲引楊公士奇例請夜宿閣訶擅宜回 宮者
奉入 慈慶宮謁 睿端皇后几筵叱李進忠
無弄十六歲 長君股掌之上 乾清宮不移
死無處所已而逐文昇止封后無言不讐並急
流機繫之着公自宿 宮門外同駱錦衣嚴警

無夢劉表

卷二

重

衛備非常何功可褒何諺可分嗚呼

光廟以公論不封鄭

熹廟以痛母不封李善則歸君萬古爲烈公疏
不云乎 君幸有 子不必心愛杞國之天臣
獨何人乃言手捧虞淵之日又不云乎選侍不
移宮非所以尊 今上旣移宮又當有以安選
侍一移 慈慶一移 一號所以安全之甚厚
徐請有問選侍恩禮不薄

熹廟有極正極公極切極真之旨鼎革移宮自

是常事公又處置最平人倫于斯乎至自二十
四罪之疏出始有昧心反唇者逆魏忠賢非逆
黨逆魏天子門生輩非之耳又恐緩公死急命
崔呈秀輩借受賕通內致誤封疆而六君子逮
矣公固先疏糾熊移考同鄉切責以不死何必
辨何足辨聊白一不辨之心上質皇天后土耳
稟擬歸閣用舍聽銓刑罰付法司中官必不可
干預外政庶幾尸諫之意亦僅與道上岳武穆
一商畧告語耳遭逢

無夢劉表

卷一

重

堯舜之主頌頌 天語異數優渥則比于不幸
而公幸也獨計比于死飛廉惡來之徒奄然結
舌公一諫而讒口囂囂開飛廉惡來不開之口
古今小人不相及耳雖然皆仁也仁比于者孔
子仁忠烈者

皇上不辨之心其白乃如此公嘗危言逆魏馳
馬 御前曾射殺其馬斷之不早客氏旁解少
不忍亂大謀異日夜半出片紙殺人 上不知
閣不救爲之奈何正與

真皇帝要緊之肅令可憐于言萬語付之姑蘇
究三字中諸論說說不似隨者養之反皆謂養
殺之此皆自殺其心而不自哀者也嗚呼韓宗
功之奸細不發一旦虜逼城下九門內外生靈
安頓何地公于疆事可謂神矣而反以府罪忠
臣義士有拊心大慟耳獄樹一芝六瓣色黃而
香日夜漸長以婆娑于桁楊拷掠之側顯純忠
忙着手天工從容着花彼蒼被葦聖人出矣
聊爲公開笑口蓋公傷林侍御之杖也萬龜郎

無夢園集

卷二

墓

死也二十四罪之牘既上不用其言又不殺
其身也墨勅削公于三更草疏不獲上夜半片
紙果如公言向所爲極正極公極切極其者忽
化爲極可殺之人矣或言公宜少婉又或宜請
畧照應或又云容妃諸語酷發璫璫隱急求兩
解會議之日諸大臣漠然不語挫失機會是實
不然殷之垂簾也天地間必不可少比于一死
逆魏之方猷也天地間必不可少忠烈一死楊
忠愍不請問閹臣乎閹臣不言也藉有言者幸

而不死豈成一忠愍哉忠愍不死賊高不敗忠
烈不死逆魏不誅噫人心不同極矣移官則曰
離間值宿問疾未登極呼萬歲則曰無故事濫
封典此亦曰保護彼亦曰保護初

光廟下考選撤稅發帑則曰宜留中曰更張
勿太驟公皆大聲疾呼拚九死以諍誰爲照應
有何調停枝梧兩解小人豈可作緣嗟乎天不
生忠烈實可盜大臣可提格之宮外

祖宗家法可變亂十六歲長君可弁髦輔佐

無夢園集

卷二

墓

堯舜要緊諭可盡委之不痛不癢之羣仕路
大乖巧大便宜富貴可長占而國家大體緊
關之際悉作秦越人旁睨則是非羞惡之心絕
而惻隱之心亦絕造物必不忍嗟嗟義子孫而
逆君父殺忠直而崇彪虎比比然也公于是時
將伯助予戛戛乎難之哉卽有賢者流落放棄
行吟澤畔甚則與公同逮同死奚望救于他人
哉人涉叩否公不屑矣公自稱癡愚冷落迂腐
拘攣人皆指爲怪物噫人不自怪而怪公從

宗社立心則怪之從 君父起見則怪之若然
而虞山石堤長四十里學田八百零而步禱血
書撲體長跪達旦七晝夜而雨爲循良第一人
可怪也若然而應山有挑五百里乃下漢口無
子粒派入條編爲請折額免有功德于民亦可
怪也豈其然乎釋公言無使后世謂顧命之中
此時無一人有男子氣噫舉朝皆婦人則真怪
物也已尤可怪者云公宜死法吏而不宜死
詔獄奪其忠義之實姑予慘苦之名尤怪之怪
無夢園集 卷二 奇
也已繼夫人詹窺疏草泣諫知公意決遂止不
言終不少世詹常割股愈姑辭旌已而兩子就
行徑孤幼奇廬山風雨城樓四年凄斷以死殉
姑者其夫人弗怪也母夫人 同入邸見公手
疏經宵旦問云何公曰爲應山桑梓冤繇役耳
已以實告母曰子禍吾亦甘之血衣數片斷髮
幾莖頭面破矣留髮浩然子死母俱母死婦俱
繇斯以談其母夫人亦弗怪也
史氏曰公有四子予識其二檻車潛逸走盧龍

而瀕殆酒血上書湘澤之濤皆立
天子爲改容加禮秩焉公入別繡母從容就死
故其言曰願 國家強固 聖德剛明卽身無
完肉屍供蛆蟻終不作一怨尤情辭藹惻較三
閭大夫過之矣夜語刺客曰殺我無誤傷我母
其人謝而去同獄孟淑孔藏公絕筆顯純并殺
之以滅口孰知孔埋壁下密示弟藏已屍背以
出神物護呵顯純又火公血書凡一百八十卷
則珠商慧而密記出獄爲脫稿敬之哉嗟乎公
無夢園集 卷二 奇
以死許 國自憑几而決矣故曰臺諫折之而
有餘有天下者滋言路剛大之氣而聳發其精
采至死不變蓋自爲 社稷計哉

贈太僕寺卿前監察御史周公來玉傳記
天啟壬戌四月京師雨雹令言事之始越五年
丙寅王恭廠火再雨雹朝天官災公死事之終
嗚呼天人之故微矣哉公既被逮慘掠六月沉
獄七月還尸魂魄甚香千秋藏玉壬申季冬惟
其吉矣是年秋大司寇上天下死刑向借封疆
觀察典仇殺公者以通奴論死天有顯道可不
懼哉自昔中常侍鉤黨殺士大夫郡邑承望風
旨故郡邑之威與黃門等然率有主名異哉來

無夢園集

駐二

玉諸君子追削票自別擬張可周移疏草厲之
腐刑桃倩李代居亡何父魏母客之輩烟銷蠅
盡而前有沈後有寇兩太守蕭蕭立冰崖雪嶽
中望之一似古先生其人故在嗚呼此亦當撫
得失之林也君諱宗建字季侯別號來玉自浙
來吳江之蘭溪至曾祖恭肅公用門始大浩氣
鍾來玉
上登極覽公子生員廷祚廷祉三疏憫焉贈廕
有加蠲除賍誣賜銀溢全葬僉議予諡祖孝廉

公式南祖母郁氏父封御史公輯符母孺人顧
氏並贈大中大夫太僕卿如公官妣與元配申
皆碩人蓋異數云公劾賊魏初名進忠以首言
故首禍然公爲其難諸君子正不易也龍逢比
干何後何光獨晒公言之後又踰一載竟無一
人言者公自踵而言之曰指名彈劾獨臣一人
爲可數耳目不識丁心存叵測公疏中二語賊
魏絮絮講筵惡聲徹御座狂號奔仆願乞爲僧
以酬言者幾落姦膽國有人焉其信可制也而

無夢園集

駐二

二

半已化爲婦人悲夫初擬廷杖而免有旨再宣
客氏公疏天倪初諧前星將期不宜使私恩小
謹佞色柔聲開訛構疎淑慎客睨魏而歎旁有
謀者聞之拍手舞生富貴乃在此謀因察中公
公力諫傳旨杖八十怡然深夜待旦就杖而又
免及官光祿不拜令旨糾大璫王體乾諭稟廷
杖公至是三擬杖矣而三免福清葉師三救之
嗟乎乾坤何等時哉彈客奪俸彈賊賢等三免
杖以此知重閣權則旁竊漸杜閣臣得人則閣

權自重居斯地者可不勉乎自絲綸轉爲贊頌
腥風毒霧不可嚮邇然後知公慮遠也竊怪劉
朝典兵一事公言三不可九害留中遂寢豈
祖宗家法不許干與如嚴霜烈日足憚耶天下
事尚可爲唯言路與閹人隔絕雖汪直劉瑾不
久自敗賊魏借力省臺而正人一線之生路遂
絕然後知公慮又遠也嗟乎王聖弄權宋娥專
寵令萱壘聰朝恩來叛童貫招夷逆振逆瑾取
鑒匪古其詞危矣無以中人參決疆場之事無

無夢園集

卷二

以廟鑒品騰文武之才其旨凜矣權璫買報復
于言官言官乞聲勢于中貴其言痛矣不如是
而忠臣義士之心不快噉義子而賺夷齊吹枷
鎖而立楊左一息尚存囊沙覆石浩然去矣取
義成仁迷之日母子神相告而不語顧母卽滂
母惟子有心母知之矣且生子而賀不嘔出心
不已生子而膺滂不相隨入獄不已安在語不
語也嗚呼七尺辭軀八旬辭母在獄日短事親
日長不如是而存子賢母之心不快邑令圯頽

以入骨髓交戟呈身而頑破面不死法則死
獨恨死公之後坐耻五千羣母死幼女殞夫
公子流離奔竄次子社以幽憤卒嗟其世
如是而雖奸陰賊之心亦弗快雖然天不
快心之事予奸賊快心獨君子爾予嘗謂公古今
快心人也見解快文章快睂目快議論快心事
快政事快見道快判斷生死快天生罵賊之舌
快先儒有云知飲食則知去就知去就則知生
死古來不肯去之人卽不能死之大判生死如

無夢園集

卷二

四

飲食然而后第一快心之事常在我獨公爲
子卽能辦此蓋楊忠愍之快地下也公壯歲
婆娑戲綵閨長者言而快地上故以是知之香
聞恭肅公掌銓清執在

康陵時諫擊大閹顧淑人父銀臺公存仁

肅廟時直諫成保安公慕焉既課最考遷
權勢得官僅虞部久乃拜御史自其祖仇直被
誣狀且爲言銀臺公而里居則蕭寺閑藝重地
請折安富民以安饑民雖辭辭敬共嬰禍張德

在光祿所省糧解及歲汰五十餘萬有功德
民宜世祀况烈死公立朝伸救多省臺史局致
言直諫之巍碩所師事多正學鉅儒請記請建
則仗節死綏與清忠澹泊之名彥持論以遼事
爲先品人從家國起見論學宗性理大全方公
乘八閩之驄遽丁外艱苦次相對圖書數卷已
聞萬公杖死頓足曰是以部官嘗試也舉朝無
一人敢諫此奴手滑不知死所矣亡何得正而
斃公事竟矣獨念公真能辦國事之人未可死

無夢園集

駐二

耳始公令三邑其大者令武昌爲井閭
役貼次役刪煩役而包攬絕無視情
如額軍不通民吏胥不通糧戶令德清軍
爭垂十餘年謀縣舖舉火出劫亂公法公偵
先而密擒之計船定廠如令武其令仁和刻
定數事竣收單杜洗革義又計艘爲十廠收
廢視其里兌則船視其廠安黎冊如井閭其
水利興學較多于簿書期會之外超然自快
剖摘神快疎掠人之肉鬼爲披血而語不勝

也大都識之力倍于學急智之妙倍于長才公
本快心人快則省事快則仁民嘗巡南城詢故
一牌峰集公批人命狀一人一騎而外首告直
其事此狀中所未載者公遠抵郡士民號慟
郡忠介周公大呼直入西臬遠所執手罵賊
者欲與之同速死及在詔獄日與忠介講學不
輟不亦快乎有子情詞壯直令聞長世狀稱
勦錐刺顯純復囑其指零落幾斷吾聞詔書衣
殺純衣不及披凍立西市裸體就戮不知
無夢園集

駐二

堂張拳睜眼筋斷脈絕作是觀否諸號聽記號
事件絡繹不絕取忠賢矯旨輩亦寒心骨立否
初虎丘逆祠成逆像至自杭余令客夜偵之頭
大于股裝以別面身首異處則私喜次晨令客
觀禮焉吳中大家塗金抹紅粧龍鳳糕羊酒相
賀官長羅拜若而人余則噴飯恐失笑不知周
氏兩家公子已將斬其頭碎其臂斷土木而各
斷乃公持火照亡羊有友五人焉赫赫明神能
無快乎

贊曰公嘗作論語商云余之識公自浦澈采蓮
滿船明月執手長橋遂商政事相期閉戶成六
曹書今已矣無論商政事卽商讀書不可得矣
公閱予閑卷目爲劉蕡許顯純之鍛我詞林三
人獄也首予獄辭指予日夜思圖翻局誓爲謀
主國士遇我差可謝公後死者無責乎公雖用
忠烈死而衷懷豈弟幹敏過人毅且雄厲殺賊
冥冥拮据公亦甚不暇

天子聖明封事故在死臣之言得行臣死且不

無夢園集 卷二

七

朽公地下之快未有極也



都督師後朱公傳

始王元美焉開之欲傳公公曰廉頗李牧乞太
史作傳耶雖然公惡可不傳公諱先字後之別
號師後幼孤年方秦舞陽召賓客答辱黜奴集
智勇籌河套異人授火龍神書榜其堂曰止
三千客胸中百萬兵公古名將也功成解組類
有道者居閩八年鍛鍊於學然以戰起家首叙
戰云初擒勝方於澈浦石墩間募鹽販五百以
精兵破勁倭前侍御梅林胡材公徽鹽兵屬李
所卽義士隸麾下時嘉靖三十二年又二年倭
大逞于吳越畱都震胡發重兵予公曰彼以寡
擊衆深入則專此以寡擊暮擒其不意奚多焉
分百夫三道戰三捷斬賞故靡其旗功爲他將
掩冬督撫會榜破周浦巢秩金吾公取榜歸是
日度子夜必風且雪利火攻與將士約約已薄
暮果雪火入疾尾之斬一人遲渡者趣赴水將
岸賊驚於犬持長矛刺水中有水孟蔽公首三
覆羣犬行犬爲不信布火器而返雪止風颭火

無夢園集 卷二

蓋發諸將先已受約則炮喊不絕倭疑大兵
不烈陷中格殺華明自殲其半追斬海畔大破
之周御史接寺功例陞二級諭盟明年徐海擒
倭數萬圍阮督撫於是胡公手書五萬金又易
十萬金五戰解乍浦之圍不受賞嗟乎以十萬
金餌公耶以錦衣腐鼠嚇公耶世稱嘉靖之際
賞信罰必頗著戰功然乎否耶歟道李福松兵
號數萬公徐語胡曰孰者一松急之人人松矣
需七人可擒耳七人受計降松詐稱汰歸勇士

無夢園集

卷二

七

三千近在澤可招松喜偕七人行不數里望公
賁蓋坐佈而退於水則七人從水底斬松又明
年王直大寇盜嚴旨責胡公胡檄問計昇三
千人守五嶺公乘夜擊渡請援於大帥帥不許
自揮戈入以全師返大帥反馳役梟所部一兵
以退後爲名台守譚公綸揮役去公感譚知訖
營以待直擣穴斬首左胸中鎗猶扶疾戰斷死
勿顧是殺也於事外從戎不死陣不死謗幸耳
胡令戴施殺賊公嘆曰喪師者不以失律受誅

無夢園集

卷二

一

力戰者以譏口論死後無可平之日矣胡手書
慰之抵福清卽席傳令席散獻戲乘宴享不傳
陰圖川谷倭至不得營上巡賊巢楓亭冠悉平
其疾抵莆陽討安瘡痍而梟夷兵奸人婦者詭
他枝兵以安夷心持重若此浙千總汪緒糾率
汪登將壯兵謀不利於胡胡自入閩移公坐營
一日遣登行急胡令賊腹王遊戎擒緒私邀王
語乃授符戒轅門無人王王徐出而代王擒緒
者已收錢塘獄以緒近憲司去縣遠而自逮登
錫山引領受誅時浙直內變平從胡於閩胡述
辭任偕北行既歸里一游燕試將才第一前閩
撫王侵賞欲提公證不忍許舊帥曰與誣王寧
誣我卒坐論死在閩獄八年蒙御史直之予歸
而後出在京圖黜二點將大治戰艦豪門無掛
占成雄鎮在西粵陳猗儻十七事杖殺刁訟抵
蠻番卽善樂宜尊卽善伏謁具牛酒在薊鎮虜
長昂董狐狸等提兵降之在輜重營與卒暨豐

王水田兵多豪占名餘軍公曰營廢將亡兵失
統曰餘今設營分隸誰餘者悉退伍老弱留營
強壯出採輸公府一偏裨一餘給軍士士以營
爲家開種水田之令公策其變不聽已大噪屬
公定之會 朝議散兵公單車行田造圖冊開
誠訓告壯者兵老弱給道里費耕耨者籍農諱止
會南將韓沛賊著督撫蹇疏發其卒歸臺守公
曰千百總將安歸田兵車兵皆南人月糧少於
他軍此舉係安危也尋進副戎督南兵營去輜

撫臺圖集 駐二

七

重六十里留家人范陽城外不逾時臺兵以裁
冗故二千里棄臺守公自府咎力請易將兩旬
徑赴亂所擒首惡吳公泰等而麾下聞知是
時公名在大將右忌公以裁冗喉中而代蹇受
過卒誅戎首故諸將多以南兵罷公一歲三擢
云副戎狼山乘破舟提屏卒謝請謁以都督僉
事鎮東廣不二日關酋入犯首衝關移公鎮之
道潮陽戍兵闕於市有違公行者公毅然曰救
焚及未幾棟焚原燎嗟何及矣居恒有分疆臨

變無彼此驅車入城諭而止蓋 神廟辛丑年
也嘗曰噲昔新將奪旗功碌碌所可酬明主萬
一者庶幾擒王緒斬福松定塞上鼓噪之兵撫
朝陽搶攘之卒乎公轉戰二十載石湖之戰中
矢矢瞋目一呼皮盡脫失其痕痕舟山之戰鎗
入左胸數寸海洋之戰鷄鳴問界直指琉球須
臾帆轉冠騎山湧立射殺倭將身中一矢嘗宴
携李酒酣舉矢折竿百步公每戰先救被擄親
斬六十有三部斬一千一百九十有奇推嘉靖

撫臺圖集 駐二

三

戰將第一倭犯朝鮮閩海沸然條上二十七事
行之搜俊又討軍實閩不被患乞骸予歸懼僉
書留都再鎮廣東疏辭甚力大司馬覆稱宜遂
抽身禮待以爲不知進退者發一大省有詔馳
驛公每出一瓢一拂一團晚益杖隨一痴童童
子誰病山水又二載逝卜葬江寧年七十有一
所建軍功例得兩萬戶今第一千夫長而未陞
功禦倭如石墩一里涇平望之親擒柘林木瀆
乍浦長安島鎮沈家庄笠中諸洋之親斬伐叛

如李福松之執訊終公身未嘗陞叙云公曰清
可律已不可律人又曰清非難清而有爲難履
戰却金如李中丞之千胡中丞之十萬殷中丞
之五千噤主不顧而拒餉鎮之側金罷西粵之
紹贊在獄却知文之月餽以軍行功辭三太守
之厚遺及居里孫郡守過公廬必一式終孫任
未嘗交臂也初將百夫損十三人某縣令髡一
卒充級公憤辨令黜官解役論死南營噪兵制
府坐戮公誠其耳曰添如是足矣鞠北兵於武

無夢園集

卷二

七

林胡縛百人將刑公入付鞠以七人論死仍感
夢言於胡斬五人未減其二所縱九十餘人皆
不去遂隸爲兵嘗立司馬門叱緹騎暨官較部
掾交謫訖公所知捐橐左右皆不許帥府竊錢
貯藩司及爲將復軍件金額其不繳繳者多
類此尤務持大體大將軍薦人而不錄大中丞
厲聲而不聞聞之役按撫調兵不和勸以先國
家之急交驩如初官西粵不合於巡使戒無入
公從則喧而入問誰喧公曰彼小人焉知國體

華夷錯雜公其熟思初入獄獄吏呼公官冠以
名公叱吏跪若官也何名若犯也何官參戎時
直指語人曰朱參戎如狂公投揭云夙有戰傷
四時弓馬盡廢近來發熱一身行動如狂公生
平問學精於居獄炎天衣錦茹荼羹羹爲減暮
膳居必複室不妄交接石孝廉震除夕入視曰
今非上且赴選吾友朱君幾可寄服食不幸死
陳君諱可葬後二十餘年石以強項令游練川
出蒙金爲朱公子納朱公不受嗟乎石亦奇士

無夢園集

卷二

七

公讀書彈琴中夜以思我心肯釋人天心乃肯
釋我遠呂孝簡藩牒先得曾案授之郡鞠公寬
曾遽曰朱金多易釋耳某案在且得自朱公公
白王中丞坐辟王反職之皆不與辨西粵官廨
厯妖蟒毒前官入至歿十七人公無所覩其一
驗賊初偕胡上檻車白蒼頭劉慶變而杖殺諸
奴僕乃者聞有盜課至萬戰歿朱公幾子也募
義償亡出之獄居家籍俸子族簡書袍笏與子
孫訓子曰汝知戒得之旨乎正如趙孟視磨歎

餘生無幾爾子姓化之皆篤於行予友其孫文
 學祖文孝友經濟真賢者及子綬武解登第沉
 重有父風云綬兄綬弟綬純諸孫文學知雄義
 陽等並能世其先著家法居喪不佛不仕婦人
 幼子不送葬南兵營變距顧淑人范陽十里將
 佐肩輿迎入淑人謝無公命不可官輟至入別
 小婦較尾公遂不別而出妾燕入也或以公言
 往日已嫁朱公不可見矣輦烟家仲中翰所夫
 人治具迎姨買一艚歸飲食以饋抵蘇卒有婦
 無夢園集 卷二 五
 適姚寡公迎養於家辭曰豈得歸朱門祀親之
 先人哉以八旬老媳到孺人矢卓節上於一朝
 表其閭吾友祖文母也公模範遠矣公善鑑古
 嘗神一敵琴明月琴乘風飛去公曰凡人未遇
 時爲人所分量正當奮發有爲則命自我立此
 處困厄者一條好出路也嘗言我兩世人自有
 生至患難爲一世自生還至謝政爲一世嗟乎
 若公者雖千百世可也
 贊曰朱公束髮從戎血戰二百有餘知幾勇退

而千磨千夫長宋人有日重壞臣爵祿輕壞臣
 廉恥公知免夫 廟堂修保闔功不獲與朱岳
 兩中丞戚少保同曹而議責在樞衡痛在士論
 若夫世爵輕車於先生何有哉何有哉
 無夢園集 卷二 六

封翁陳雙梅暨朱安人合傳

西京多循吏爲政有根抵而漢詔興賢舉能廉
孝子順孫獎資無虛歲廉能輩出吏考氏族
察寂哉閭內益稀史氏遠之耶閭同年二何陳
君世稱涵江陳氏太公諱有斐字爾仰別號雙
梅以子貴初贈承德郎南京戶部主事及贈妣
朱安人二何久而墓以食貧誅其親非以既孫
暴貴壬戌余與君同門已薄館試不就初司南
計倉議節關議革然猶是升斗活而狐鼠索

無夢園集 卷二

十七

帝曰惟爾才試諸大海蓋余與二何言孝子莫
若守身守身莫若愛民愛民莫若去色居鄉而
好色士無可商之操誼立朝而好色官無可商
之事功恬淡則致其果樸靜則致其決如是可
以牧民夫事二人所以事一人也事一人所以
治千萬人也不二心不二色辨在真偽刺之而
痛真觸之而喜僞二何沉沉焉觸之不動矣刺
之輒痛矣太公出繼母韋最後背南樓公最盛
南樓精治易及門林象川丁槐江江達泉皆成

進士去獨用蓬萊老兄必齋並因醫亭悉饒德
父兄兼自悲也幼携養外家念襁褓來不自悉
南樓色貌值諱日慎乎見之時摩撫韋母加笄
處雲爲點燭爲淚惟公父事伯兄雖酒豪自命
手見浦歿而罷觴見浦公仲兄也撫仲氏孤不
自問兒女饑急人難坐少長春風而冰炭豪勢
噫士無兒女腸何畏乎霜雪嘗嘆人生極自得
處惟造次顛沛夷狄患難能嘗此而後可以恒
試於貧賤而後可以偶試於富貴方公辭德慶

無夢園集 卷二

二

歸粵城同族疫作公欲歸竟歸矣然且曰死生
命也詩不云乎凡民有喪匍匐救之東坡不瘞
枯骨乎豈緊無主仁人君子斯其主矣坡愛其
死我愛其生醫之藥之及旅人愈而公病公病
已以愈人猶甘之宜江少卿語君而後勸公家
濱海賈人竹水沒於颶風里見攘之公在不取
水漂古剎視木石謹皆此類娶於朱舉二何復
舉肇可歿之日一在童一在髫曰必跡三大夫
二何泣識之歲甲子覃恩封太安人姑逝拂拭

其樞出入必告帷布操作越夕竄不黔無色慍
當是時奇市上助宗族俊英共攻砥雨濕負薪
就倉皇燎衣課讀於爨勞苦至矣太安人輒提

不誤一語大聲疾呼葺紉破裳爲密壞身
中綸繼其間不亦艱乎載陽公以來世有隱德
必跡三大夫何高州太守敏齋公以吏治江右
督學紫峰公以理學御史見吾公以直諫廷杖
故著爲教史氏曰千里之母病而孝子之心動
動心於母子也必動心於君國也此子嘔出心

無夢園集

卷二

七

乃已若慰焉傷哉母也與嘔心於詩孰若嘔心
於政心方寸耳旣已事君矣以方寸與母猶謂
之亂況以與詩文其存幾何吾知二何之所存
矣夫漢之一政德也尚其庸課功也尚其奇故
每詔奇材異能可使絕國者二何試諸瓊州無
志三大夫之言

侍御顧公暨配黃孺入合葬傳

公諱龍楨字翼卿別號驤宇其先自金閭徙錫
山高士勝四公避僞吳徵錫巖公慰正德庚午
至於公成進士在

神祖朝以諫顯服官勇敢有氣剛而不折其不
受小挫不卑小官二者具賢士骨嗟乎古之臥
以左遷爲靜修以瘴癘爲樂土以刀鋸爲性命
垂老投荒榮於金紫故能氣蓋天下神老識聞
備一旦緩急禦侮之用而後於國家凶事之益

無夢園集

駐

七

爲不負今遷謫大吏有一謀於小官而樂爲之
乎公名御史一倅曹州再令夏邑勤事以死方
其義冠文石霜飛白簡豈沾沾升斗者流人臣
分義應如是爾噫公去以粵閩爭壬寅詔還
公職言者引察例公曰復職曠恩計典大制舉
遵制無倖恩爲試之役緣公事卻少露圭迹而投
劾解組寬然長者大都公賦性切直咳唾生珠
玉亦生雷霆意所不可如風濤之湧而虛舟去
來一觸卽止或曰逢公怒如逢公喜而逢他人

喜或不如逢公怒云初官大行命諭祭
府妃護奪其嫡口駕遣命公曰主祭謝恩必
非長子不可使命光而潘禍弭在西臺如授餘
子大杖而諭其子孝若繼母錄二重囚其一
犯刺無刺文其一指金珥為盜賊皆出之夫威
嚴若明神而獄沉於犴狴溺御史大夫職矣世
皆知公彈石司馬李都督然風旨係忠厚云河
東離政利寧歸商額溢三萬以充邊餉使不餽
薦不私議不側其行也司李簡策籤帙蕭蕭而

無夢園集

卷二

三

粵璫輝以明珠舞以能詩之鸚鵡博公一笑可
得乎公檄所部無以屬禮謁稅璫上諸不法狀
奉有李鳳與按臣同心不得執拘之旨以是
減稅額行其意新會士紳中誣被械疏什株累
謫護甚力建育材館嶺人思之大哉

神廟之為君公常抗論權閹新甲榜百人壯之
願同死上責閹而直公萬里之外公可謂得
君然終公之身官不過令尹與生前累若死後
贈卹求乞無已不大徑庭乎要之告公用圭

忠補過人臣寧為此無為彼公善讀書壯觀天
地間一眺晴湖已見大意不屑屑鉛槧重嚴公
稱其孝伯兄稱其友而買田給諸昆甚厚執母
楊孺人喪甚哀幼贅於黃祀之別室撫其孫皆
公大節黃孺人少習女訓儉而莊異居勤餽遺
迎養精鮮腆以簪裾宴嘉賓以置貳開哲胤母
氏卒而遺金曰黃之素顧不得私又黃孺人大
節也葬荆溪君山在小公篠嶺下予登絕頂宿
自然菴一夜聞獐鹿聲公寢處其間可自娛山

無夢園集

卷二

三

祀袁府君抑古骯髒不屈撓強項賢吏也又可
招而友矣

贊曰予不識公雅負能知公孔孟尚矣吾人當
學子路孔孟之名美庸孺修言之欲為子路非
壁立萬仞不幾也自叔季多偏至之材而士大
夫好中庸喜綠飾不知三代以上各詣其至而
隨性之所近故能動天地開金石務蓄力而珍
氣蓋聞諸陸務觀云吾輩儒者當有大畧曠然
無疑於胸中勿効武夫俗吏局故常以此傳公

庶幾無失公哉

無夢園集

卷二

七



大叅中瑜額公暨元配任宜人傳

公家江陰白鹿鄉徙長涇寓錫山東亭再遷涇
止封翁雲竹聽九村數十萬松生而哦詩彈琴
其間山川皆響歟則樹三兄弟坐以涕洟樂魂
魄蓋嘗被髮吳越不以家挫故還救兄之盜又
審掖母烈焰中倉遽出賈人金與火司爭然諾
既貴抵頭阡陌提藥囊活寡貧饑糜殮樸與徐
宜人對嘔糠覈而以精糲進鳴玉公侍病則蠟
蟲攢衣不解帶古行義君子也公爲雲竹冢子

無夢園集 卷二

七

與父肖德其父曰白簡中有錢邪丹書中有鈞
吻其子曰當官不知有家居家不知有官其父
祀賢聖祠所事餘姚諸公其子三從見龍涇陽
雲浦學其父合色脈察傳變輯醫要其子有理
人譜其父好琴好詩其子好飲其父徙宅避隻
侮其子強項中權讓其父八歲知醫其子右提
筆左搖扇病左耳不聽噫公病目父代之明病
耳書代之聰醫目莫若父醫耳莫若書適其先
守誠公却夜色而晨舉子是以鳴玉生有潔癖

既舉公封翁聞啼貴之鳴玉救斷瘠荷載驟雨
風漂播勿恤也傳文學揚舍龍城自公始有諸
人傳政事慈谿歌之荆豫尸之延緩之役金幣
勞之以死勤事五過括蒼括蒼哭之過聞聲而
思西蜀盼之傳出處以壬辰進士自守令歷部
臬所至有聲一再出山乞歸不允或指鳴玉像
而悲然歸自乙巳娛親之日長可無憾文尚氣
格政尚典型是可傳余聞諸仲驤霞客二徐二
徐江上奇士也嗟乎今不善牧民者輒題之曰

無夢園集

卷二

七

父母而古善活人者反名曰秦越人豈秦越人
真父母僞耶嗟乎治人者未學操刀而割太倉
令淳于意不爲人治病竟吏於民自不病乃病
耶謂生人乃殺人耶或又曰秦越人貴老卽爲
老人賢貴兒卽爲兒賢無特操所以秦之越之
歟然則賤老將孩之耶賤少將羣之耶噫嘻天
下所以思秦越人不思父母誠治吾病而已矣
其父母我也不如秦越我也與其父之母之術
而棄邪屬也耶如秦之越之而痛癢相知也耶

聞封翁善治傷寒公亦然大都小民不可致
器士大夫不可有喜色士大夫喜小民戚矣治
寒亦宜治熱治人熱宜治已熱更道熱小民寒
寒居鄉不可無熱腸居官不可無冷腸居官不
冷居鄉不熱矣如慈谿苦里解苦催徵苦磻使
苦繫累苦奸書苦簿票苦期限苦堰苦潰堤苦
坊役供億南昌苦宗憤汝州苦游饑苦盜苦渠
道不通苦解戶苦買米苦暴戾延寧苦不宿飽
溫處苦海盜嘯聚苦流民雜處苦保甲不斷行

無夢園集

卷二

七

苦內地接濟苦缺餉通糧苦海口販苦城圯苦
寒疾也公去其寒卽去其熱正喜偃蹇傲骨不
作熱想耳慈谿之人曰邑治踞浮碧山形勢未
合徙之麓蹟成而民不知南昌之宗曰費於聖
明之以讓基於敬開之以平讓於耆壽之以儉
汝之人曰孰分道而給民於家孰隨役而受糧
以官噫海內祠賢良者凡幾祠扁鵲湯陰一墓
而已祠下有草可以已疾也公能已疾慈谿各
宜怕房瑄至公祀十四人止耳督餉之役捷聞

者八其去也一升拔刀刺臂金錢太集俄而歸
然廟貌立矣並傳任宜人任宜人自足傳非以
公傳蓋余前所言子父之肖也其父入病家鬼
遁逃其子長揖不拜曠瑤其父封室傍之塚不
權子母而貲參芝其子飛檄平南國允運其父
黑龍掠蓉湖之無返風迴彭蠡之艦其子采石
江邊人馬墮而忽躍固已奇矣其翁畫唐夫人
乳姑圖其媳訓行之其姑粥糠粃餅豆滓其媳
暑不簔寒不爐問寢高堂夜分緝績生而蓼集

無夢園集

卷二

三

卒而芝枯捷不及聞悲哉茹荼仲子孫綿詢諸
父又問談氏姊如挽之懷中別之乳上長跽霽
高堂之色銜悲調同室之歡其詞痛余讀而悲
之望之宜人父也學夫宜人父也十三來歸
甲戌始稱婦幸哉有子公諱言字尚實別號中
瑜教子義方與次公文學白首驪所著有恒齋

稿二卷

史氏曰始太公操粟出卜醫乎讀乎讀吉然封
公自名醫公自名吏公之爲吏也以膽智善渡

危症如遮說間行瑤不出於途鎮定海軍於倉
卒濬渠救荒全活萬計非受禁方何以有此繇
斯以卜醫詎不吉哉

無夢園集

卷二

三

李貞母傳

三從先父猶之先河後海也重本也父嚴母慈將爲嚴君焉吾宗長者二水公諱燁洵嚴父也乎哉居恒述我家位列上卿公堂菜食建言待罪橐滿四金士寧窮餓以成勿行不義于女則之允塏卓于庠而李夫人爲賢母母始歸李曰王霸之誦容于令狐子也妻以言高之終身備道桓少君更著短布裳頌義不衰况補紉餽饗茶所自茹也爾丈夫家子常館于吳徒行不揖

無夢園集

卷二

三

無忘風管所不慙于兒女子也既舉于仍枝其析產也毋寧春吾于李大夫不可然是者足以章教而正俗大夫諱應祥字善徵別號雨亭其先辭封不拜

高皇帝賜田邑之陡門里諱元丑而沐齋父子世精理學生公先娶毛孺人李母猶逮事孺人楊歿以禮終公督浙餉代之子毛孺人遺于女三代之母公令臨海遺愛世祀爲郎九年出按藩臬擢秦督學勇退急流母佐之廉于官蓋余

無夢園集

卷二

三

往年游鴈蕩過台兵大譚父老言曩者公召隊之長各予大鑑一聽剖譯遂定此一端若徒步禱二十里外宿莽蒼之野惡溪暴漲而不驚母也勤身卑約匍匐側助肅括以雍亦足多矣公歸自秦且病母戴星掖行望前輿泣數行下居亡何傷瘁不療從之楚臬江風夜狂舟飄六百里奔集一江渚母于江水混茫中窺隸夫將掖之叱而去始登岸兩過錢塘不識西湖數十載居累溪不陟龍山母生而嫻于禮者也甫三四

也吾從子次君文學茂枝曰待吾母戚屬與已
父母等故曰淑人君子其儀一今均平而專一
也雖然均愛也不均嚴猶謝世俗譏爲名高耳
寒夜篝燈燭且欲泣母操作佐讀曰文藝末也
而祖辭爵受田而曾王父而王父辭官受經而
父六載爲令清畏人知家法具在於是少長聞
之咸式穀焉母貴而自乳十七年免仍技于懷
與伯仲競爽其訓曰工文字不如謹規矩伎佛
不如積善多財不如儉用刺繡不如紡績類有

無夢園集

卷二

三

道有謚貞母固宜余一見母梁溪再見於叔氏
窮巷中叔亡以歛以殯哭盡哀若是非難也待
伯仲之母黨如已父母兄弟是以難也

論曰余樂道賢繼母事然傳記所載有兄弟爭
歿以一言寬前子卒兩赦之尊爲義母者有辭
繁臂之珠吏垂泣慰遣母子與夜光俱明者有
親調藥餌請縣白罪如李穆姜者有令其子衣
服飲食起居進退不得與前子齊魏主復其宗
如芒卯妻者有盡讓產與前子令已子遊學如

余楚妻陳氏者讓產非中道也處瘠難矣要以
諸母履變李母守常諸母之子賦性殊而母三
子皆賢唯常者可法賢者可傳遂援筆識之

無夢園集

卷二

三

陸貞女傳

貞女陸氏父嘉仁居長邑沉河之東偏世家裔也以貧業農貞女十五萬曆廿九年受徐學博士廉聘許配幼子汝鑒越二歲鑒病女遙聞不起裁縞衣計至服之絕倒繇是日不出聲夜不解帶食淡而已疾謝禱醫恨不速歿隣姬因父母微詆之其家時督紡織勞苦之爲伊妹治裝及米之泮迨其謂之女罔聞知貞守三十年會翁遠歸入門拜謁執媳婦禮次日奔夫墓悲號

無夢園事 註二

三

動地翁春秋高八十餘貞女勤紡績親箕帚代汝鑒以子當道旌門郡邑志焉赫赫王言以待大諫嗟乎作善之報徐學博古君子八十年間修如一日云服官兩邑再與於陟明念故園松菊不以山陰萬瑯玕易也歸歟歸歟子若孫莫不承其三世清真好學與之居處如游太古而又報以陸貞鑒爾女士奈何不行善徒富貴乎哉士之進也比於女貞貴有守也貴有漸也二年而許死夫三十年而事老翁異哉不歸於

無夢園集

附二

三

縞衣升屋之號而歸於星霜頭白之暮得正而斃焉事我地下之人快矣修身以俟焉事我地上之人快矣於是汝鑒哭且歌胡然而哭也見二年之婦也胡然而歌也父今生我始見三十年之媳也兒雖天無憾史氏曰吾渡錢塘貞烈不勝紀曹娥女也最著有娥旁祔幻者七八齡皆孝烈予常寓紹興大善寺寺祀肇興夫人初以扈駕助征封然夫人亦女也梁天監誕於錢其父女與富好施妻沈夢梵僧持明珠投沈吞之女生名善娘絕葷及嫁仙逝勸父母捐奩造寺旣用陰兵顯又見夢唐武宗今寺僧嚴戒律其持酒肴穢辱則死及之劉生借寓夢旌旗劍戟簇而入與夫人升殿叱曰我出征十三年乃歸速去生不悟又一夕夢將軍擊其背死丁巳戊午間吳中兩周生挾不潔以入一死一瀕歾禱獲免聞者懼焉嗚呼生爲貞女死爲明神可忽乎哉曹娥亦多奇驗折祠中花枝自反接於樹勝國時醜女子禱而改其容類此也

高士樂耕曹公傳

予讀桃源記哂漁郎逕歸俗漁也太守訪道里俗吏也山中無曆日何問年華逐酒殺長子孫皆俗侶也意其寓言耶曹太公不卽名名卽之人亦有言醉不可及狂不可及今觀太公歌亦不可及也曹七簪第公獨隱而骨諸貴族尊爲六兄之則豈在踞胡床吹柯亭留爽氣撲眉宇不俗哉其山川與人物相得如風水之適遭然故山川之精神不出卽人物之精神亦不出如

無夢園集

卷二

三

曹太公卜隣三茅疑有雲霞覆其上夫名士必莊士乃有待潮錢塘對月獨飲客亦携杯酒盡無一語者皆有所自得也子新寒夜起覆酒缸或笑酒自不冰先生病寒乎子新曰人病酒可醫酒病不可療也予謂不如曹太公何也太公嘗酤酤而出游則酤敗矣忘其酤也非忘也曰世間不可醫者俗耳豈有訂爲紅友字爲黃嬌可成敗論乎太公之於酒不以成敗論也相天下士亦如酒當其釀於里里負盎牽留贅也而

加親性好客貧不謀侑酒謀代酒者茗也而加醴好歌衆歌獨歌醒歌寤歌舉按偕隱歌雞鳴子孫多且賢歌螽斯仲叔季不入市不謁宰施及文孫歌燕翼凡此者宜歌也而歌遇不平事宜哭也而亦歌歌之義大矣何計乎死生哉歿三十載而思又千百載何嘗不思亦何嘗不歌耶知生則知死何疑焉至孫乃塋始公不發於子屬孫父之師之母之除旦課文掇筐遺社卒大奮明廷晉陟清華歌曷旣乎公諱孝本字良

無夢園集

卷二

三

立歌良苗之懷新也子可明天啓壬戌進士太公曰吾歌待子而永矣

紀孝子傳

予閱漢董孝子傳爲母報仇章帝義之赦而釋
議郎顏其地慈溪溪不以孝而以慈善則歸親
漢家意思深厚嗚呼入爲孝子出爲循吏竭知
盡能以効之民所謂善歸君也司李紀公諱汝
清字廉卿自濟南再徙文安世有顯人其父鴻
臚公大統題壁云有子心先足無官身更輕蓋
云俠矣閑嘗呼盧自得賓朋四座雜以聲妓公
如弗聞也者苦讀書閱安入久于疾童而視之

無夢園集

卷二

三

謹益自謹其身勿絕勝婢十五補諸生庚子舉
於鄉丙辰令宜陽繁調臨寶公之在宜陽也墾
荒建倉開渠減賦暇引錢藻之水環城栽荷間
井悉樹桃李曰俾宜民採食于近取材于遠貸
而不書單騎衝雪感神鴉爲捕蝗齊廚蕭然餘
烏雀糧其治臨寶首清盜案梟寮屬三老于庭
始徵戒無羨羨則召還之地當幽谷之衝治城
濠募壯勇枕戈以待惜乎齋志歿於是公歿七
載矣公之子孝廉紀克家甫官泰安州知州奏

曰臣父紀汝清弱冠臨祖喪泣寒血炭冰絕食
七日抱尸僵臥草蔬廬墓三年臣祖母沾危疾
臣父孝感羣鳥夢神投藥病少間已葬負土龜
滿廬墓如初河水暴發乘輦梓築堰墓獨完安
天子下璽書褒異風顯之予聞鴻臚公足第七
人咸父事之孳孳講學執親之喪不褻浮屠獨
宿十五年殆篤行君子歟萬念者一念之所積
也萬年者一日之所積也生天下萬世者生一
身之所積也莫勇於一念故孝子積念莫長于

無夢園集

卷二

三八

一日故孝子積日莫艱難瘡痒于一身故孝子
積精同以示人不之省也彼正告之曰居官而
好色無可商之功名居鄉而好色無可商之道
德居家而好色無可商之心術公之孝于親能
于官自不漁色始嗟乎天甚愛孝子君父甚愛
孝子故旌孝者天與君父之大賞也君賞之煇
耀史冊生則以子上書予父贈六品京職予二
母及妻贈安人予在籍調理歿則以子再上書
子褒子掉揆天賞之山居而石子種瑤夜行而

飛鳥銜火鑿地而金泣竹而笋破冰而鯉哭臨
而鶴鼓祥練而鴈來玄黃之鳥集樹而候哭止
離胡自生鵠鴒自去燥地而湧泉春花而冬榮
一禾而九穗尤異者墓火而鳥獸濡水毛羽滅
之凡此者天所以示勸也蔡忠惠公曰三五之
世忠孝繇性三五之後忠孝繇勸勸之尚不能
況不勸乎勾龍弘道廬墓春秋高八十髮長丈
餘僖宗幸蜀過其第坐亭中巨石回鑾再幸賜
錢帛衣服甚多復租賦三年凡此者君父所以

卷之二

卷之二

卷之二

勸也孝子不匱永錫爾類錫類於同人易盜賊
爲之束手其錫也異矣錫類於盜賊易虎爲之
弭耳豹爲之環臥獸爲之撲鹿鹿亦獸亦匍伏
茲其錫也尤異矣且夫善行無轍迹公青詞下
鳥古空中三大星何異乎其營墓古金鄉魚臺
縛草人止桑林中母樞在焉何異乎墓故無恙
古日渡塘澗大雨雪戰裂血流以漆塗之小夜
至而不齧何異乎嗟嗟徐仲車自哭母耳呂濬
聞之想見鬼神中夜聞此聲亦須爲公泣也視

登山濟水號泣不息何以異哉足爲之屈杖不
能起孱然耳可與虎豹同寢處此之謂神勇矣
莫雄子虎也弭耳不敢勸虎之神離而孝子之
神完何以孝子之神完慎言語節飲食絕聲妓
孝子能而虎不能天必張此毒獸于墓不示凡
民而示孝子尤天懸孝子之大戒也陰玄之臨
哭有溪龍山虎助其號聲久之鬼神助哭莫雄
於孝子也虎與鬼豈能助之哉劉元城一生不
妄語或則雷轟于壁其神不歟耳大丈夫不自

卷之二

卷之二

卷之二

雷而雷驚之不自虎而虎尾之奈何不保身豈
論年哉若紀公可與結大年也史氏曰漢詔孝
弟力田廉吏三者生人之本是以尚經術管職
業澤及區寓邊垂長無事節義洵孝友之倡也
蓋自高帝文景武以來所風厲久矣至光武一
振起之耳有味乎紀州牧之言臣雖甲乙不同
榜而父母則同恩節孝則同理上以孝治天
下紀氏父子有循聲超然遇之資格之外表厥
宅里俾吏道趨子廉平教化章顯規摹宏遠矣

鄧孝子汝南傳

孝子鄧汝南城東張香橋人性不好色予常有言色身之力薄事君必不忠色身之體寒交游必不信諄諄戒色蓋勸孝也鄧子不好色有其質矣十九娶孫氏少一齡親命立遣之其行事似過然先與之約既遣終身不娶亦可不憾里人傳吮癰割腹風風雨雨常在周孝子祠既臥病於家或猶見之祠中耀以明燈親嗜肉神者皆之鄧子之神乎神之神乎抑見者自有神或無夢園集 卷二

無夢園集 卷二

卷二

曰神光燭舍憐疑失火異香滿室父病旋瘳所謂見者自有神非吳齊耶嗟乎鄧子之外惟四壁耳像於家哭於墓斷酒一介不取預知去之日去之日以親像囑同里孝子若曰咨爾鄰比念他人之親豈不知事其親人人知事其親而孝子瞋矣史氏曰有小孝有中孝有大孝孝豈有大小哉量力故可久久故可大庶人之孝如鄧子可以風矣宜吳人祠之不絕也

永平鵬南韓大夫墓表

韓公之去吾邑也幾二十年所矣何武之思不置口如一日也噫公真循吏也哉昨歲已巳其孤某以誌狀來請曰維吾先子承置而邑也辱先生知意當不朽吾先子也敢以表請嗚呼卽徵誌狀吾寧不習公公初爲青浦令以治行高等遷長洲長洲饒積贖贖數倍他縣黠吏欲以事管公則爭饋緩急持而進之公第行其急者而低緩者地曰胡足潤乃公也後不以序進扶

無夢園集 卷二

卷二

卷二

汝矣吏咸吐舌吾郡遭大祲後賦役苦急徐中丞來請 旨力行限田檄下公首任其事屢飭躬度凡詭宕者分酒者一切廉其實而董正之悉遵 會典例所益公田三十一千四百七十頃凋瘵之餘無罷子奔命矣始公之訊訟也掩左右掖洞開重門曰令偵我者無所容也其命攝也直書訟謀曰令被攝者知所繇也兩造具各識以標一去堂皇數十武彼此質詞不得相聞摘發無隱者吳猾胥爲上官刺事陰修接接

得其狀悉真之法未幾以五年最僅調民部居
三日轉餉薊門便道歸省既告竣改樞部尋晉
郎是時建酋匪茹撫順失利東鄰蕩搖三路敗
衄而開原則全遼門戶要害梟帥殲于戰畿輔
震驚主爵以公請拜 命往疏陳元氣當調人
心當固軍屬當優瘡痍當拊款虜當臨城障當
繕錢穀當覈偵探當明又言召募有六難有四
易疏入奉 俞旨發帑金公遂就道抵關五十
餘日募官兵千六百馬六百五十未出關而開

聖朝集

卷二

聖朝集

原又恨陷吳公怒髮上指誓以必復柄局若尼
之惜哉則請以萬兵救金台失白羊骨爲爭聞
鐵計不許則請駐鐵嶺伴爲修救乘西成承泰
取資軍糈不許則請令三總兵各率輕騎付之
一炬亦免資敵又不許公度無可爲憤欲絕亡
何委以監收海運公卽親往蓋州套過歷連雲
島北汎口三嶼牛旅順口等處凡險夷遠近勞
佚久議不決者不匝月遂定已又請增設遊擊
領陸口護益州糧儲有事則移海州爲聲援再

設水兵防三岔河扼險防盜爲勦奴泝流鳴綠
之備條上悉格不行昔歲已巳虜突犯內地公
全家罹其害公之弟以罵賊忝長君捐金收葬
其尸忠孝之氣上薄雲霄公親弟文學原性率
子弟守榛子鎮累月不下賊恨而禱之天之所
以全公與公父子兄弟所以報國可謂兩無負
迨虜退奉母歸咸義而壯之嗚呼離離孺子孤
竹之光貞氓不易奕世之芳然使蚤從公言虜
安得逞當時

聖朝集

卷二

聖朝集

熹廟御極以邊才薦原官起用公不拜今
上改元旁求文武公當不次擢會卒弗果嗚呼
不慙遺一老惜哉抑先民有言期年樹穀百年
樹德公之德何以知吾知之桑梓而已矣夫公
所談者兵所牧者民而皆格格與時左我何以
表之以所知我所不知遼山遺水其必知之余
故表其大者他見于誌狀公諱原善登下未榜

羅陽劉先生墓表

天啓辛酉羅陽劉翁葬武丘鄉之先塋余固宗
婿一侍翁於問涯敢辭夫翁偉文人也哉就論
文翁之文固難言翁曰六代之麗巧其志溺故
其筆卑其精荒故其聲散大都彈力之謂才生
今文總患弱耳唐昌黎一強之翁再強之滋芳
艾穢時化變易將何不至是謂強而陳言去今
夫天好作好奇好奇新唯其能之人不能強其文
而奮拏與蛟龍攫攀雲霞共語笑雷風噪而助

無夢園集

卷二

墓

之勢然一落造物之宮再繼天孫之軸雖綺綦
不若而況山龍華蟲九文之盛是以翁文皆自
造不極奇不止極其奇亦不止痺緩單弊辭諧
索氣則惡之累百篇一機構則薄之將爲龍其
尾不化則悼之與古人同美好因其彫幾而必
與圖精色讀書破萬卷履行天下必以蹀隨而
軌轍不出周秦思曰季王歡季子左倚五車制
方其書安在西京以下驚詭弗道最恨才情恣
法律衰流爲罪浪是以力開新體應機益涌情

味高邈二三名家直發齒吻形容不知誰元美
誰北地然猶遜精覈于魏季朗質疑義于郁人
文請于鱗曰集至一論再論而晚年著述又恨
不使見生白眉于吟樓呼小友于門弟從孫參
憲遠生甫髫刻苦讀書性至孝翁白眼視當世
爲之一青噫翁幼好弄師輒謝去而四齡成誦
十歲能閤顯其文汀州公固非常之公亦自非
嘗將塾師知公不若父父知公不若公自知余
君房曰古人得全於不好兼今人失全于好兼

無夢園集

卷二

墓

公實兼之不獨賦也公不奇於藏書之富而奇
於擇言之精不奇於茹物之弘而奇于鍊格之
質不奇于骨法之嚴而奇于神理之靜其人不
奇於曠而奇于莊不奇於無所不工而奇于多
所不可諧以笑世矜以律已公自稱獨不好色
色不好誰堪好者其所好特寄焉以簡寂爲交
譜非元美子鱗子約于循淳父思靜季朗紹卿
人文如自傳中所載者不交悅禪杜關白鳳集
子房先徵也夫楊儀部金綬寧翁垂老不忘追

琢事汀州耄而孺敬共老姊手整其先神明譜
課傳篤行者舍諸借謂一行作吏六徙官未滿
考仕不十載翁棄之不得如滑稽諧謔調笑人
主前而豈其質哉當其凌風島嶼何暇問升沉
於海若瞻濟源濯足洪上陟武當禮泰岱以詩
句賞江山卽宦橐已滿且夫遇事輒發英挺不
需忍坦罔設備不躡何爲剛者欲相凌不能柔
者復不敢狎仕宦最得意之境何嘗一日磊砢
哉予獨惜公能于其官而徒潔之以一丘一壑

無夢園集

卷二

五八

耀之以千箱萬帙壽之以四十年高文典冊
國家曾不得材臣之用大可念惜耳金馬碧雞
遽貶馳馬之駕八閩茗雪復返慈烏之廬大梁
平藩河北縛寇擲官謝謗以罪爲功然則諫院
必無逆鱗寇至必無纓冠藩黨必無計擒姑默
默焉惠奸滋蔓而後可幸無過乎翁實政事才
奈何空令文章顯公言宋之讐金雖百敗百死
而不可已者張浚終始主戰守王恢復奈端珍
不協驟戰以敗浚懷而精以專禍不切中邊籌

哉讀崇政論古之治如春日非不生枳棘蕭艾
也並杜蘅蕙皆得其養今炎炎夏日矣禹別九
州之土未嘗謂江以南上上也三代國於三川
之間雍冀之郊土人掌土化以物地相宜矣必
東南乎雜之吳賢讚中歿可祭于鄉矣嗟乎一
日之政事卽千秋之文章公能于官則惟能于
文其言政也竊比善御者不詭輪不佚轡不終
日馳逐行三十五里而止矣非馬不可千里也
恐疾而失其節度也謂卽公之文可其言文也

無夢園集

卷二

五九

使坎未盈豈能強決意未高千能爲之辭乎謂
卽公之政可政而不知者議焉譽也文而不知
者譽焉議也原本經術俟之子雲故曰翁之文
難言余竊怪知公文不知公政知公博洽著書
不知公精辨詮理特表而出之昌黎之文無不
驚誦破除強寇胡不聞焉必練於事辨於官師
之財則學可以致用不爲無益于時公自狀也
哉起公于問涯相視莫逆矣

南京戶部廣西清吏司主事後川段公暨

配太安人李氏合葬墓表

神氣無不之也無不之也奚表大節存焉爾識
大賢者事非其人文不能顯如其人事辭勝而
品格晦矣必者可作也不受譽亦不受晦後川
段翁三秦偉人也予同年中虛韓比部函其子
欽等狀乞予表墓氏族也官爵也生卒也誕育
也有言之者矣公諱補字希仲號後川三試輒
首輒餞亦才人位置耳然十三而庠十五而餞
無夢園集 卷二

則蘭州縣甚曰大夫也是晉陽世家洪武以錦
衣侍 藩封家于蘭者裔也是封補山令敏南
陽守堅世有隱德如曠如椿如增有子補劇劇
其羽也先後登進士榜若而人至續暨補一景
泰甲戌一補隆慶辛未二十三舉壬子涉大江
攬金焦看劍氣以壯其筆又七年成進士今其
子銓舉癸卯欽舉丙午銓舉己酉銓舉戊午鐸
貢丁卯宅相如韓比部足稱矣余所論次不以
官亦不以世公之能處喪也孝廉不虛耳登第

而思思而哭哭罷而又思無胎一路哭也可以
自吾親遂收淚服官士固有志所在以勤事祀
歿祀于鄉果含笑怡觀察地下也屈子位裔千
年誠不以令名易嗟乎興利除害有功德子民
則祀之脫一艇之官不知令所來超遷去國不
知今所往灑然琴鶴何有哉悲夫吏道之薄也
不立誠不擇要公子是治曲周之釜陽河余嘗
過磁州除道沼荷夾岸三十里爛若錦邇流折
永年曲周奔千餘里達于運市賈盜其吮永年
無夢園集 卷二

濬聞通訟公許開時啓閉長年與田畷僉便之
未幾有鄆米口之決公晝夜乘障負土真薪水
道理孫學郎鄆步也懼失故步上于官如農有
畔矧代之郵且黃池裁而協如故歲千二百有
奇參天之發作常儀的乎公片言刻革大都持
體要重而出之決而決之事上官不徇不忤務
行其志獄獄持平而已于鉤距未數數也媚天
子靖庶人彊禦何畏焉亦不以驅陽驕故廢造
請尊賢友仁俗物自去吏也不俗人焉得俗之

羅雀而忘其寂門可常關臥雪而忘其寒金可
常冷日夜計過而忘其勤苦鬼神可常往來奚
知有俗物哉河間則瀕河壯縣也邑田下下行
者飛鴻居者鼠角莫適雌雄公履畝所至清隄
田五百餘頃登于額荒田三百餘頃咸就疆理
勛勞來宅者可二百間種馬俵解匹金三十五
公自與賈人約劑木二十五貯于庫徵三年
而免一或曰不捐而貯何居愛民者必與之計
久遠猶夫積穀耳儲積多待凶而頒之乙亥水

無夢園集

卷二

三

明年復水大發廩噓氣作勢丞簿交粥之邑鮮
餓人審編而役平置甕而美去今置甕非之也
公卽不置甕誰敢求索哉簡士之秀瀛海名碩
多置藥籠中興得當縣官之用勿言李桃矣驛
政之窳也南解不入公罷之成禮而止或曰公
何以南遷意者過客歡不可失耶予曰非也客
之一飲一啄命也官之或南或北命也時之賤
南貴北命也餓一客不逢喜餒十八衛不逢怒
亦命也公浩然而南餉百十萬石無斗升溺者

昔遺泰滯穗今珠玉也噫嘻珠玉養軍士而不
足珠玉買歌笑而又有餘公豈有所感耶免喪
強就選人遂卒于邸誰適爲之夢夢者不醒先
醒者不夢立人之道四食淡而神生慾少而氣
定膽決而功倍孝篤而嘉會有一于此足以不
朽豈論年哉況于官乎配陳氏早卒贈安人子
金繼配李家故儒素日見舅姑而鮮姑爲壽嚴
寬公子讀奇文藻發如太華伸掌勤逾耕辨統
愛前子金逾已于天表之應已于蔚起毋勗之

無夢園集

卷二

三

成代公以父治姑喪必誠信瞻望母今代公以
子卒之日哭者盈室脅有九十之母表爲母師
母曆過之余故表公兼表令妻壽母

贈戶部郎左龍劉公墓表

始余交念劬劉司農惠而諒令中州以戡亂著
尊人左龍公渾雅簡質端士也一日纂行事屬
簡曰朝陽之麓藏玉有年亡何王母歿伯兄繼
之烈嫂從撫二藐孤弟入則收淚事吾母又早
失怙紀載缺逸久而撫撲言夫隴上之文如茨
見者掉首不顧非其質爾若子爲廉吏家有烈
婦可以論其世矣劉自青州徙南昌紫漢宋南
渡助也徙樂平徙麻城自元末遷孝感自國

無夢園集

卷二

墓表

初八傳至族以萬計力田養藏子姓有教葬之
色改其諸牒如入玄圃而覽明月其間高文噴
薄波濤起立荆湘咸拜其下公爲深山大澤云
公少醇謹簡寂居處必擇情熱而理浣之精耀
氣湧讀一書專求一事彼日誦盈帙不求甚解
証坐不讀書耳嘗炎月正襟坐美鬚髯於修竹
翠栢之下南岳岩有公跡焉入城市如浣甫壯
歲無終養二十年青衿不識邑宰行部所至諸
見則不往非神明鍊濯氣蓋天下能然乎語曰

少成若天性公十一屬文在羣不狎侮侮之怡
然徵其氣定事師楊漸齋於僧舍甫明披衣楷
沐雜沙彌課誦中雨雪東向稽首是日王母諱
漸齋歎良久令歸省以無嚴命辭已與友人聚
談松下乃翁見而杖之松鶴山異日者司農公
天才駿逸如泉出峽公襲之惟之屬蛟龍護之
一試再試藻暢於襟靈豪士如雲不啻臥之地
下旣獲售而跽待確室母命入始入猶爲杖折
嗟乎不命于父則寧雪禱而不歸不命其子雖

無夢園集

卷二

墓表

芥拾而不樂豈庸俗人之見也哉卒能淑慎其
身而農部所至佐國家之急賢者許之有以夫
公十八遊庠沈安人歸亡何翁卒盡哀而曲娛
母念寡弟妹三年不入寢室以安母外內政揀
於母至易簀痛白頭甘肅寄孀婦孺孤想現以
訣母哀哉白華孝子美潔白也當其扇諸子金
構室塾西臥聽書聲會心處啓鑰入問取史傳
忠孝節義歌呼相和納鑰於袖袖歲數易日袖
壞可補子弟壞不可紉也夫人目公而曹可補

一第乎公曰教子職也窮約何憾里兒暴富公
比之壽邸以解俗醒以所記登西太饒傾廉活
餓人甫貸忘其姓名如解衣衣吳廷器其時
禮師傳修脯無常數他子弟皆爲代脮脰應
有慷慨赴人急而爭錐刀于弟兄以周親爲
雁戶好義僞耳公友愛從弟兄如鄂之傅華諸
貸未望腹驟見公繫馬中林遽田蹊吾田遂
以去公曰貧一至此哉復遺粟八斗解鳴呼父
事遠峯公以孝兄事遠陵周嶽省以表出母

無夢園集

卷二

墓

哀可以風世昔人解藏義冠逸域在遠墟深恭
與其境登其山不知有斯人之墓忽焉過之不
發其肅則無以告之者之罪也時移事改此石
幸不顛踣或不幸而仆猶不爲風霜剝蝕訪古
之士或得之蒙茸蔽翳之中模而傳之復出於
關珍惜文字一至于此客試以予言過孝感聞
所謂白雲鄉之朝陽山者非公藏地乎潮倒波
頻將有一人抗顏于其間增咤而出者哉

奉政大夫賈公妣趙氏墓表

予侍先君令兩浙過庭時述洪陽張老師曰論
人當于有過中求無過用刑當于無生中求有
生又曰耐煩方是道忍辱便爲仙蓋訓令也始
習吏事王戊廷試名在四今閣部孫老師力諱
主者此經濟士宜三之出語仁錫曰學問必求
經世效李杜何益愈研究時務辛未之秋

冊封周府事竣方伯孔瀾賈公手孫師誌若翁
文索余表翁與先君作令同祀名宦同祀鄉賢
無夢園集 卷二

三

又同獨賈公雄文章精吏治予謝不及耳表用
識大識大賢者事辭弗獲則表表世系清苑之
有賈隱士自小興州來始祖彥明閱資貳義進
進官溫州知事良佑其子與兄良佐隨宦學兄
錄明經弟傳篤行良佑生文卿簿商河繫于小
官而樂爲之聲與溫州等起家文學高太保誌
焉生允中爲翁父延慶治粟大使雖文無害自
好娶郭氏八載生翁大發祥方伯旣多令子貢
于延鳳有毛鴻且漸矣表

王言翁父贈奉政大夫母初封太孺人累贈誥人並貴以

登極恩予封再以

皇長子諤恩予封慶典三逢殆異數云表知交余文端馮文敏折節交孫師目之該通夫學而不該博而不通病也定評矣死事經易路徐陵焦公濟園稱之是當不負朝廷生事方中渥家事伯易庵自少負笈輕數子里勤師友在廷尉范公涇初知之秩戶曹李公崧毓知之嗟乎知

無憂園集 卷二

三

已不可多多則祿乃當世大人而不知我誰知君子故弗謝表行誼奉贈公也亦奉贈公兄弟蓋余私叩方伯家庭間道義規勉諍而和行于夜游于闇古先生也哉堂額鳴鶴宜聞于天聲聲清遠執親喪孝易庵伯子夙以受經故事肅殷摯叔明庵以是目未開而心快快其事育叔而代之目也撫兩妹之子屬續割田它懿行未悉數公樂易而肅室無妾媵寢不昵妓以少欲故寡求田舍寂如樽罍澹如一乃心力于學

淮官似之表問學嗜書史歲盡涉乃已夫園田涉而成趣彼充棟奚其不涉渺聞者爲詬病涉乎川也淺之深之一夜焉渡矣一語焉獲矣著有左解詩意彙英華旁及諸子梵唄擇焉而精表何可已雖然公宜表三誌于孫師一述于方伯一予于紀纂之外竊附知公一孫師之言曰文武大計甚熟也令猗氏精文鑑平峨眉嶺徑禁鴟收寬微比實口錢擒巨盜其最屬廷尉大譴大訶非巨慙不媚諸不在死法已辟弗人在

無憂園集 卷二

三

稼部庫商絕私應之苦減馬房款段百減酒醋局麥豆二千入百歲省數千金竟以病予假卒于家卽家也勤事死荷氏聞而哀之祠焉鄉之人曰是歿可祭于鄉者耶蘋藻公死而學益進死者如可作也方伯之言曰先君之奇于試也辛卯以嫌落丁酉卷嶺首舉者有故而亞名次癸丑復以一語落丙辰余成進士見翁而喜翁蹙然余遂欵容而退終身弗敢喜予之言曰先生衰經之中究當世之務豈在一第也哉一第

而志行已矣未了補後人方伯之衡秦士也如
翁試士焉愷悌君子兩河价人嗟乎地上見而
憂也地下聞而喜蓋初第氣揚以靜重穆其神
養其氣宏遠矣方伯曰善哉先君謂我而余尤
表翁以風吏催科政拙此過語致固宜下俗使
聞而逃于拙也志鞭朴故音吏豪之所入也蓋
度支五嗇簞楚之所出也益度支三如翁履私
計口不親奸而親民牒注滿額罷不比賦噫天
下不患無理患無數治一邑悉知田產戶口之

無盡圖集

卷二

五

數則一邑治治天下悉知兵馬錢穀之數則天
下治治均力輕刑少賦足吏可拙乎哉有法以
遺後理人譜今在天中先生初配趙淑人父本
邑省祭官武魁母劉氏新庄之東劉家口人結
縭之後十年而逝端重去華飾潔酒漿王母趙
孺人嚴爲解頤合炊數年客滿主簿公席郭宜
人病則代之治肴具又代事趙王母十八舉方
伯高王母于孺人白首在堂五世翟韓女宗丹
師初淑人之寬翁于讀也小捷勿矜小挫勿挫

終身佩之將逝矣公掩泣曰益友不誤我我誤
子意有于无咎是謂齊德齊德故可表也

無夢圖集

卷二

五

兵部職方司主事亭山秦公墓表

秦自宋以來淮海公官史職其子湛倅常州蘇之梁山因家新塘爲武進人十世瑞五公贊無錫又爲錫人寤言泉石如梅隱樂善抱拙怡晚早牧諸公耳其名亦馨以鳳山公貴晉秩尚書公諱金諡端敏爲名臣生次山諱汴次山生餘山諱柱配將太孺人兩公皆舊貴而餘山顯其子職方公冉予封然餘山挾醫藥於杖下居吳趙左遷卒中考功法公所自樹前不因祖後不因子而詒厥孫謀不媿祖武矣生廷山公予同也憶士戍遇之邸以卓異徵恬如也得駕部神逾遠而味逾淡大江以南北選入八臺省七而曹郎一因嘆古人辭榮甚難今人辭榮甚易豈有命耶抑有品也天乎斯人可阨之官詎可奪之年哉余又嘆人之小年常計顯晦天之大年并略生死於是破淚爲笑執簡以書公諱延蒸字允孝更字中南性沈勁耻腴辨弱冠列膠庠居公喪以禮餘山公博古好施產大落公

無憂園集

駐二

至

盡需以償負而肆力於文章御史大夫試卷

丁酉薦賢書授經季弟携之同館悉讓產勸車承檄獎云癸丑舉進士令汪丙永豐豐瘠邑也泝水公自臨江聞邑大諱日夜兼行至則藏巨魁而正平糶勸助予案予樸步禱良苦而雨先九邑一日噫服官可以行其意惟令卽行於爲上爲下棘手之際而猶可以行其意唯今然非寡欲不可公既捐美以稅劍補正供無所私焉出輕罪活械囚塗無危梁訟無匿牘乙卯分閩得士六人初公偕母之任母實念季及季計聞公哭之慟曰母兮曷依歸矣歸矣亟請解篆弗許入覲迎母雲陽悲喜不禁歸則春秋高八秩舉季喪聞壽觴徐奉母官舍明春公疾作邑人禱而愈夏五太孺人長逝公奔會城不忍壘遠見宵行初公考最會臺使遷徙訕子薦竟得之令疏予封贈益異數云公旣合葬母于姚灣又明年葬弟祖塋八閩歸化割四縣之民俗悍而背狡循行煙瘴日與蠻荒爲伍公首除二惡

無憂園集

駐二

至

切省徭薄賦以生息之俾其剝擾調服青人
云輕始而傲微則其流必至於大亂是故子民
者謹焉見及此矣絕去儼儼之迹不近名不求
人知故考選之門以雀羅除職方覃恩晉秩承
德郎理九門惟慈自公入仕孰饑孰冤摩乎推
之孰蠹孰螟蟥而喋之謂公吾父謂公吾母不
伎不求謂公我師不燥不炎謂公我醫公所不
知仕也已也民所不知追也呼也使剗鎮遇大
梁故端敏公破賊陳橋尸祝地也捐金葺之抵
無邊國集 法二 卷三
家逾年病逾七月卒焚香閱書無恐怖相蓋與
人交必先問其事君次問其服官則其人自見
故萬分砥礪官嚴之行已一分精力必殫之事
君予之表公者大刳股以愈父母大耄而孺子
哭孝也撫諸妹友季弟及其子聲千庠禦族之
侮直故人之冤義也無飾垣屋達也其言曰務
根本孝弟上用力培元氣忠厚上用力循天理
無一事不然端心術無一念不然至哉言乎惜
乎好德公終而不逮下壽未竟之業將在公孫

茲卜月日葬陽灣之新阡而予爲之表俾孜孜
開修豈弟君子有聞於後世焉

元戎沈公暨配姚夫人合墓墓誌銘

洪惟我皇上初服以著雍執徐紀歲前舉騎將軍沈公子壽崇舉武列制科實爲余所取士授守戎幕

除年而荷天子推恩文武畢被勳階得贈其父金吾將軍公時歿未久諸子方謀寔穿事於是壽崇擢狀乞余誌若銘曰緊先子之不亡也以辱先生

無夢園集 卷二

三

孫貴寵與漢始終曹武惠三子皆賢繼領節鎮大抵身爲大將未嘗妄殺一人所錄未久矣公年少負奇習孫吳書學擊劍騎射臂力絕人最號沉勇有智畧甫弱冠擢武進士第卽走事雲中上谷復補昌平千夫長已而鎮遼帥臣奇公材調守燕台時長昂統虜騎三千餘犯劉家口夜暴起不及徵發公率壯士二十餘突出夫射之公亦被矢流血及踵弗爲動虜乃退後又延虜至可可母林斬卡數級而返自長每出則提

生齒獲無笑所得賞輒分遺故人或爲平原飲費不入索也人以此豪之無何奉詔搗猛賊李羅卜寨築長圍圍三日不下公分出開原至則直前薄之縱發其所造神飛礮碎虜城障猛死諸酋悉降是役也虜射公馬斃凡再易馬乃進公亦傷右股於法當封議上中忌者格不報於是有白金之賜而係公籍廣寧中衛遷浮圖總復以首功錄世蔭竟乞歸凡兩閱歲閭撫雅習公名郵符趣召公從田間起補海壇欲使行

無夢園集

卷二

三

金間虜卒不果行遂令合再師抵嶺南界還以截殺聞口以公之靈幸不辱命旋補涪澳改寨石湖虜僅以七艘橫行閩浙間莫之禦公整兵崇武以待虜覘知逸出澎湖走東番公自丁嶼門邀擊之倖斬焚溺凡盡奪我民之被脅者三百七十餘悉從便宜遣歸始立合解會哨之法每於沿海要害地分置陸兵或堵或截或迎或躡惟不使登岸焚掠爲功而勾虜之路遂絕兩省臺使嚴重公益甚公故物身廉正約束清

海賊必先往碎嘴捕彈之閩有執曰泥田者海
海沙涌蕩折民居公則營視鳩店築一大堤集
之至於今是賴因名堤爲沈公云嗣歲甲辰紅
夷韋麻郎栗葛等索市於澎湖以賄稅務高申
貴宋也臺使者執其詳林玉章等怒幾致紛紜
公力請釋玉使問賊自贖單舸抵賊營說不
皆羅拜感泣且圖公像以去尋遷浙閩進游擊
將軍守昌國屢著堵截功已調天津仍晉溫處
提處番船爲風所飄入隱沒風颶洋債者以賊

無夢園集

卷三

三

聞公率所部往公下今日此商胡也非賊敢殺
者死白之當事聞於朝得復彼國所全活百
三十九人蓋有古仁將風焉未幾閩後中倭及
盜公時久廢乃檄公總水標戎務趣就道入閩
而夷酋明石道友歸我材官董伯起五月公以
舟師促虜於東沙山亦因力於道友也公治水
師其戰艦從冬鳥式而所將又選虜自東沙后
望公幟卽不敢壁壁他所越明年海寇袁八老
作亂聚衆焚劫公倡言不必煩兵密致其族之

有心計者招使降八老聞命果釋杖而與二百
人俱自縛諸麾下請死公釋之寇遂平迫我
神宗寅天之歲奴酋逞逆陷遼左督撫合疏薦
公習遼事曉海道移公鎮登萊時時擊楫旅順
與逼奴諸島牽制其尾嗣奴所儲四衛積悉焚
之乃棄堡遁數後挑戰公自度卒少且未練習
勉之曰若無負國有進死無退生吾與若共之
有殊死戰斬首三十六級虜以此大創不敢南
牧始遼人歿于奴匍匐伏渡海求生以數十萬計

無夢園集

卷三

三

或疑有伏奸議者欲盡坑之海公蹙然曰遼非
吾民也耶奈委之虜其遼而歸者不安虜者也
而我殺之是與於虜殺者也力諍不可乃獲免
嘻公之於遼也生死而肉骨之矣公年踰指使
力衰悴又以東事未靖憂憤成疾遂乞骸骨歸
終於家始娶姚夫人名家女任性儉朴衣取其
簞敝食取其菲惡者乃其奉二尊人又未嘗不
供鮮饈也屬公始事遼失入實借竟以中道天
且艱厥嗣顧與公訣曰君他日汗馬勞當獲

延世賞妾侍無狀弗宜于今則已矣敢爲君
戶計於是公繼娶趙夫人夫人生長揮曹之門
頗習文雅御妾以惠課子以嚴庶几度胤嗣
蓋斯之慶焉公慮族類多貧則置義田待以舉
火不下百指夫人益從吏施予而陰力膏補之
公仕歷南北不已於行鮮內顧憂則夫人力也
按公諱有容字士弘寧海其別號也代爲宛陵
望族侍御古林公是爲公王父州二守肖林公
是爲公考仲父少林公則丁丑狀元與公爲同
無夢園集 卷二

年文武兩榜一時鼎立郡丞震陽公大行逸少
公皆公昆季簪綬蟬聯世以儒顯若投筆取封
則自公始今其子壽崇復式穀似之先憂車見
敢勇深入云公生於嘉靖丙辰十二月卒於天
啓丁卯五月享年七十有二元配姚夫人繼配
趙夫人俱先卒又繼那夫人側室李謝二夫人
共舉丈夫子八詳狀嗚呼公束髮從戎身經數
十餘戰自北而遼而登自南而閩而浙所在以
不殺爲武雖古稱停車慰父老焚香誓將士者

何以加茲吾聞活千人者封公所活民夷屬
寧膏凡百萬哉亘乎壽而康熾而昌隆隆以
也可銘矣銘曰功何施施於閩之野名何歸
於溫之潯德何樹樹於遼之左神遊其漠魄返
乎土胙公玄藏左娛右皇聚德發祥英英洋洋
後其大昌

承天府推官省衷李公繼配王夫人墓誌銘

銘

余嘗讀閨範一書作與逮皆中州產也閭政必有聞焉余與年友省衷李公善獨立不懼正男子也司李楚上郡斷蛟犀而不怒神君耶慈母耶抑夫婦偕隱難仕而偕隱難之難矣王夫人以琴瑟且以藥石矧繼母也而茹荼雖謂今之宜陽卽汝墳江漢也可自內言不出淑行罕聞合傳則不詳特紀則失實謹載筆誌夫人俾

無夢園集

卷二

七

學士大夫訓行之可按狀夫人王氏父孟寅母秦秀出姊妹間有識量十六適公目公而異之曰儗舍以居三歲八徙士之常也豈憂貧哉其父弗嫌也其母嫌之而已矣曩令母而在必且歎曰生男不若生女夫人緣是識日進寧人薄我無我薄人詎諱遭也禮義之不愆命也卽書紡夜績奴不衣敝室無磬懸女子事耳非丈夫所宜聞公廩于庠舉賢書吐藻如雲矯若獨鶴夫人一再曰止此乎及登第而後不憾雖然止

此乎何獨不憾哉向者目公而異之矣不然所稱勿妄取一錢爲百姓害爲子孫累豈一家私計哉訓吏也夫畧非儀而議酒食壺內之教近

恕乃烈行多出焉意者知子之來之遇一不俗之士商千古問寸心僅鳬雁之獲也歟古人麴米松醪造石凍釀老春見之子詩况酒清菜香雜以魚膾乎狀稱繼母賢繼婦又賢賢哉王母潘其有聲也亦以繼天可必焉值詬諍之遭天或不可必焉雖然天可必也夫人兩子一女而

無夢園集

卷二

七

撫前兒衣履先娶婦先前夫人亦王氏也訓夫廉則得之其夫矣愛繼子逾已子則自得之其天矣母也天只傳記所載繼母或謚爲義或表其閭一家而兩見異哉若夫錢粟不私其弟兩鳳高騫茲益恭不色喜惟識與量丈夫難之壽不逮中噫貞心勁節令名不朽庸詎非大年也哉是宜銘銘曰

式爾女士福履成宜爾振繩駿有聲灌木喈喈采葛憚服之無數刈獲誠有齊季女苾藻猶不

岐不求聊與評官舍家居如水清何須短裳別
葉羹德音來括和於鏗其后也悔平不平係臂
之珠關吏鳴母子夜光晶熒熒親調藥餌穆
旌芒茆之妻余母羸

無夢園集

註二

奉直大夫荊州守毛翁元配 祖姑安人

誌銘

乾一而已坤一分爲二猶利刃之立斷也戰乎
乾別玄黃去嫌疑嫌疑在仕路則丈夫不能退
嫌疑在小星則女子不能進窈窕淑女比之進
賢不敢以衾禍褻之而承筐將之也綠衣裏之
矣又緇衣好之也不能待夫梅之標桃之夭水
之泮皇皇如有追焉其狀若奔蓋娶妻合二姓
之好于禮已重置貳樹綏綦急矣雖賢淑也律

無夢園集

註二

告

急之陰緩之彼兒女情深者婦律急亦律急
陰緩亦陰緩柔腸繞指漸濡仕進愛一官如愛
命懼一歸如懼內惜哉孰如我先姑丈翁之舅
退也曾祖姑母封安人之早置唐也生丈夫子
三賢孫六稱爲齊德不亦宜乎先中丞成齊公
有孫義齋官職方以風節世其家生二林公據
樾詩格不減其父更饒丹青是時白陽公沱江
公手腕烟雲公盤礴之興復不淺實毓安人既
嗣研山公研山靈巖老尊宿淑人吳則文定公

女以安人慧絕憐愛之事嗣母如已母沈落
將盛奮贈則不可曰有庶子在既歸毛吳病
將有分也則不可曰已廟見稱人婦何家于家
為喪禮成遂歸二林公暨母沈歎曰生女顧
勝生男哉安人恭而寬耐辛苦遺田五十曰
稱負郭三十可以無求今幾倍之士患不貧
患不勤以勤御窮君自此遠矣於是翁姑交
媳婦賢知大計姑王氏文夫人女也文夫人太
史衡山公女嘗謂女患無師士患無友如安人

無夢園集

卷二

三

得師矣文定女衡山公女為之師如毛翁得友
矣琴瑟鐘鼓如安人為之友自安人得師學進
識進量益進其弟之妹良肅于廟而祇筮得
嗟乎安人自此一決而長善以世婚子事親
金鼎破永懷翁亦浩然歸矣置貳吾事畢不
以貳翁事畢唐大也世族勤執禮翁生平不
遠坐人春風不知詭詐為何事故不言而躬
博羅泰順間循聲亂江海之濤不言吏治也
不忍加派而已族日昌不閉門第也羅雀而

奇文蔚起不言樹旗幟也滴壁而已叔姪肅
不言生產也負土寧魄而已翁賦才茂而艱
第兩出山非其志矣然博羅不及見母而安人
代之如見吾子也泰順不及見安人而賢子佳
媳代之如與于偕老也始翁出山即悔乃王
人安于子之出又安于媳之不出愈安于挈
幼子一女之唐偕出母所拮据冢孫得婦嚴治
喪甚具翁歸悔游則引官學有友禮有奔喪之
文宛曲風諭嚴翁強久之乃收淚讀禮焉服闋

無夢園集

卷二

三

賢者為勸行安人扶疾偕抵武林頭岑岑如有
病者歸歸則長孫傾囊禱陰以軀禱已酉三月
劇撫孫若婦思翁及唐也執喪盡禮乃疾不以
疾甚輟哀嘔血死易簀翁乎喪禮一卷讀罷悲
愴呼父母而逝得正斃矣其有道君子耶天以
孝子報德門良不薄仲季恂恂文學妯娌雍和
抑何醇篤也理人有諧抑孝友為政歟初翁意
有所不可申文請休不獲請則齋篆之郡挂冠
竟歸在泰順聞安人喪在杭聞子喪仰不覿

視此康石命也如何翁杖履清嚴寓承天寺或問之曰吾愛嘉樹愚嘗云翁爲金玉之君子人知之爲寒水之君子愚知之不能爲寒水而爲金玉者鮮矣翁諱文煒字肇明別號玉亭以丙子舉于鄉仕階奉直大夫先祖姑封安人子三長與先卒莊氏稱未亡人二十五年世爲母師矣言告師氏古者女子必有師必有學于茲益信次垣次圻三有聲于庠益闢繹光大之將在仲與叔暨伯之子郡庠鍾奇邑庠鍾彥以克昌

無夢園集

卷二

三

爾後生卒嫁娶諷日卜壤詳狀是宜銘銘曰日正墳滿目誰其顧之有懷碩德士女式之飄然一官蕭寺共之知退知喪知亡則龍穴之佐爾孝襄爾廉百年之後歸于其室式是靡俗尚則徵之

太僕寺卿振雅徐公墓誌銘

宋仁宗之時耻言人過士大夫相與勉爲忠厚彼時豈無諍臣而意主愷惻受彈駁如受教焉望旄頭之塵而自遠聽驄馬之聲而墨綬自解也振雅徐翁以丙戌成進士是爲

神廟蒞極之十有四年矣道化醇而吏治洽士大夫寬然于功令之外各自營其職業公乃以理官執法中臺所在稱最又能時時引退奉老親未衣鵲綬綴蒼巖錦谷叢中故余生也晚猶

無夢園集

卷二

三

及執簡銘公幾幾于惇史俾可傳而可久公諱元正字景文初號桂岑別號振雅事念爾祖徐爲著姓入明尤顯初自壽越淳熙開鐸海虞世爲直塘里人數傳錦城公士瑛拙菴公淵始遷長洲拙菴公之有遺訓也尋樂公朴爲橋直塘之杏花置義田千餘給里中縣後公旣貴侵者復之缺者補之尤念祖之大者味泉公靖宦南康慕蕙思雄飛默川公封則其仲子園池與客競勝實公高若曾云公尊人封尚寶芝石

諱仲簡配湯宜人所謂蒼巖錦谷多公履跡也湯宜人賢娠公而夢夢三異人巍然坐旁指中一人曰是而子遂產公迹公生平靖共爾位不濫職博名高豈異人者寬今綽今人所不異造物獨顯異之耶公督白秀偉十歲習經傳祖摩其頂曰似外家湯子重以是知公多母教初應童子試不之異也問其在泮維三十一則三十一齡以前累試童子科皆不之異也若然竟以童干科老無憾矣何異之有予歎曰此公所

無夢園集 卷二 李

逾三年翁強之出按宣大條上十二款屢侵三萬餘石而慈計至哭甚痛史民哀之及歸輟收淚以事翁時慎選言路臺省曹如晨星特起公公乞終養臺長不可按部江右首劾貪捕糾不忤論如法甚者杖下斃之相與憚其嚴而樂其中之寬大一意孳牧也引同族三品例改尚寶少卿仍請告稱翁八十觴戊申即田間擢太僕少卿是時殿工興四郊多壘大司農不能給則仰太僕公設平準法蓄牧蕃盛夫離法馬

無夢園集 卷二 李

政今救時急務也急而求人議者多任者少公兩試之未有赫赫名而皆能其官即以是得謗歸何異乎所以異于人者七十子在八十子在九十而呼其子復依依焉與三孫含飴于其側也未幾執親喪無異嬰兒啼建禪院以志思曰聞思口白雲公友于兄弟以至白首霜姊子我乎家垂五十年宗族于我乎婚且葬俸入上所賜也予何愛焉所以異于人者在江州愛鄰郡李官謗而三稱之直指嘉歎首舉公而

鄰郡嗚呼異哉緊惟公異也謗公者亦異人後
且曰九江老矣有許丞之疾未及它公無它事
可煩抨擊公之異也其人不它事而言老人
亦有言不以一日易三公此鄰司李何久斯
遺良厚矣遺其家老親又垂九十之老親不
厚乎故曰謗公者異人也設以身處公地此
斥大非公意公用心必有異焉夫孰能知之公
素不善病病起毫毛之間感虎丘殿閣火而歎
曰我其亡乎春秋高幾不寸消子庠生樹軫既

無夢園集

卷二

卷二

稟公之教而又漸摩于外父瑞屏顧先生之教
金玉其相亢宗也宜公試懸此于茆塢山烟雨
滅沒時邀夢中列坐之異人聚觀之其諛墓乎
否其諛異人之墓乎否公生卒嫁娶名族詳狀
元配沈宜人莊敬齊德是宜銘銘曰

以事親爲本烟霞猶後矣况仕宦乎故能去其
官以忠厚爲本則待貧賤如貴人而辭富貴如
敝屣也故鵬可席費可水而巍巍在上可中
明神之坐

勅封侍御完字徐翁墓誌銘

今上御極擇賢良方正爲諫大夫其獨立不
敢言忤權如徐公僉曰直哉三輔重地萍心
爲害暴于第窟穴亡命烽火通甘泉虜耽耽
被焚幸耳明詔長吏相循將帥訓練汰罷士
在伍搏豺狼之在當道者御史任也于是有
定行

天子重綸綍數諭代言諸臣敦體要貴本尊用
豫傳聞有道術之士俾憲臣尊重所自出于是

無夢園集

卷二

卷二

完字翁自文林郎華亭令更陟封御史如子官
載馳載驅崎嶇下上太行間啓家緘拜受教亡
何計聞擗踴奔喪既卜窆窆筮月日撰狀徵誌
翁長發祥于姚江之梅川設教清溪既食其實
居新塘不數傳而篤行君子出不以曾孫之更
易我在原讓祖產弗居也爲尚喬公鶴生西渠
公其流始遠配沈言動有師生翁稱徐仲子云
翁生而沈靜輒和易薰人西渠公摩頂不已
五娶舒孺人綌綌統甘如薺二十補弟子員無

歎文體日下如東坡憤嘉祐一變破爲百衲膝
于沙磔效顰學步格局淪弱歐陽老宗伯氣壓
羣兒魚鮪驚淪吾其疑神練格邀眉山師友抑
亦文起道光雷霆百代乎哉士大夫聞之如秋
濤春午枕居恒課子曰文以氣爲主養氣以躬
行爲主躬行以挽俗敦倫爲主此謂根極理要
孔子繫學習邇之知人不知人惡乎學論次爲
政本之孝友不孝友惡乎政鳳凰生而有仁義
之意豈待羽翮就哉過庭時目擊意傳伯兄之

無夢園集

卷三

六五

孤鴻漸未翔乃鍛其羽駿化爲鼠弟微翁也不
有產捐腴田蒸嘗以世歲歛其息掌之族人饒
裕者叔子別駕公甫授宅將負笈以南公揣太
翁意少憐愛請以身往叔也示彼新居喜溢眉
宇昔翁商之孺人颺勉同心子我二人素所服
習也試而驟非戰不力有數焉在我後人如養
棟然山谷與廊廟並材也御史公十六冠童試
十九簞學宮讀禮之暇拊心自疑揣摩當世曲
學阿時非其質也翁曰士不患不遇患不以天

下之重自任博一第置民物度外其華也易謝
夫文章如穀帛藥石也必適子用叩大鐘從容
盡其聲故聲大而遠聞翁再飲鄉賓相與勉爲
忠厚恥爲浮薄與人交相應以義理之文無異
清溪里之事人師也戊午伯子舉孝廉仲子介
采泮之芹翁勸警如初旣伯子登壬戌榜治書
浦而最繁調華亭縣故吏胥爲政自公下車政
還令令還威明令所以得信其志如布指知寸
惕子嚴君之訓也公歲一再至掉舟徑去侍御

無夢園集

卷二

六六

弗敢以足緣進

上召執法中臺務守經常持國是壹意持朴忠
急先務御史臺益尊排闥聲震訛傳不測翁處
之恬然移書相勗曰言官以言爲職歟生利鈍
直須聽之士所當爲不止此勿以老人分念茲
御史公嘗爲余言吾先子之慰藉余者三遭母
氏之鞠凶也爲令強項也觸權要臨湯火弗顧
也左視右視父實詔之維子誌之余聞言而默
曰士不可無識容容後福祿應而骨異奚福

有翁文不漫作文不荷合事不慕同御史佩
鋤惡除奸要之惠利爲本噫不媿阿不狎侮門
有長者布席論道多素心人是以翁歿而哭于
巷丹旌行矣道路悲咽車幾何馬幾何有道之
士拊膺幾何不勝數也是宜銘銘曰王善爲師
水必東正人松柏凌寒冬不同流俗斯大同
霜執簡卓囊封重器席珍鉅手藝著書玄言問
老龍臣在草莽貢非封一經課子達宸聰昌
言無津紫雲逢杲杲出日懸高松

無雙閣集

卷二

六



朱工部太冲暨配陳孺人墓誌銘

先君登乙未進士再莽以使還朝同年比部太
冲朱公使自吳操試牘謁之曰丹哉遂宜冠軍
亡何公之機至自越先君令禦兒余哭累日夜
不休先君曰朱公材汝讀朱見之書作第一流
人物庶可云報朱公卽死而材汝於眉宇咳唾
間終不死汝何昧昧哉今去之三十年昧昧如
昨丙寅季冬胤君文學公慶等函狀燕邸方輟
講筵謹載筆誌公之素希子不諛覽狀自庀工
而外無溢語公所抱庸止此而可見者乾清
坤寧之鳩工也鵝帽只遜之勅署也理盃甲而
研斤銖嚴褻濫之受直掌鑾駕而核浮額却
武弁之投金內帑省費千緡曹郎不能曲法蓋
三奉專敕迨使姑蘇孽孽恤民戊戌復命大
工鼎興公遂動事以死按狀朱故邾也侯公廬
焉逼於楚去邾邑爲朱居沛光故公之顯於唐
也秩銀青金紫長子進士令若田磯公則始居
蒲旣而明叔公徙城左其孫正公徙建安四傳

無雙閣集

卷二

六

文憲公公與明叔皆宋進士明叔官學博算術
文憲總管泉州路拜嘉議大夫父世英公建國
泉返蕭再為蕭人矣明自鄉進士蕭公以子世
隸博士才而不年者為服休公公祖也恥帖帖
而奇義是析親眉宇則名利都法為自芸公公
父也生三千文淵元配郭出次文淵次即公繼
配陳出公諱文淵字國柱太冲別號也朱之先
側身修行世敦節讓清貞好古白首窮經以至
於公機學自好矜尚古先配陳孺人母柯生母

無夢園集

卷二

全七

滕七歲有齋貞靜極剪繪之巧而公亦以七歲
屬文善鍾王飛白然皆非其好云公事父八十
年事母服既除矣縞素復五載孺人提挈兩孤
收淚以安孺人之養蓋八十有四矣猶憶公竟
日相對寂然不喧微見風采輒抑抑自斂深乎
不可量也讀乙未魁卷冲乎若不欲言而味之
自遠所謂伊人筆墨閒猶想見之吾觀古今臺
傑事外咄嗟立辦事內鈞石罔知固不若守疆
時循塗轍典衣典冠之難竟他日未臣愛其

離幾輝碧凜凜焉惟恐目將焚厄將漏邇將
惟式惟茲公雖作而行之乎幾於坐而論之矣
士大夫極才力所至驟聲驚四達為政乏根抵
蕩然一時塗繪如土木偶相語耳公髫齡侍母
疾衣不解帶願以身代非質有之而然歟或謂
齋於年儉於位天道非乎其視造物亦狹矣夫
受大者不得取小廉節天之大物也寵榮天之
小數也孝義天之大年也修短天之小史也公
既取其大矣奚問其小者乎天以才與人矣而

無夢園集

卷二

全八

或客於識以學與人矣而或客於品以節與人
矣而或客於養若數奢兼與之其與人也大矣
公之取於天也奢矣彼以官與以年與而他無
與及其所之既倦既欲執所有還之造物以
解免而造物者已據批之矣故知天之與公
薄也
銘曰萬年奠宅廊廟陳之一日論交肝膽相之
執法如山介如石燕商義之文章有神交有道
吳士銘之孺人女也而丈夫齊眉德德彤管

之千載斯年是則倣之

無夢園集

卷二

六

曹毅叔墓誌銘

予與毅叔交甚久莊雅敬其推臯比三十年師
道和而諍予數年前憤胡虜輒談兵壬戌之秋
公貽書規之曰今妖氛朱靖醜虜跳梁非命世
之才不能定也若欲泥封函谷漠無王庭與路
灌等列竊爲不取何則投石超距擎天浴日功
相萬也孰知不一二年公病不起又數年虜氛
如故而余中黨焰欲殺之殺之不可得局戶一
載予原官收召驚魄泚筆爲公銘當余之再出
山也宋位宇郵寄曰余兄弟失母兄失弟吾黨
中又失曹襟宇嗟嗟痛哉况乎前失曹毅叔後
失朱叔經也誰實爲之坡不云乎行卽此路違
分後先予及事公父龍岩令魯川公必稱上蔡
其祖也至于宋徙義興必稱秘書監明徙婁江
必稱靈臺郎其琴祖也遞傳起家孝廉官別駕
諱椿其高祖也而數稱司訓斗墟公賢其父也
毅叔公次子諱貽鉅別號泥源以第一補庠誦
讀父書予嘗從公借諸手抄凡江南水利漕

書多予未見龍岩公歿函一櫬於靈凡曰生
著述龍岩俸入薄居家好客好學好選擇義
好食餓人而多方適之樽不令空以教叔爲
子也柔事伯兄有晉之喪又躬執母喪恨不身
往嫂姪德之爲割已折之居以撫幼孤清影
之產昇旣出之孽以安女兄叔經有云交游
肝膽金石毅叔耳憶叔經有心人吾黨之石交
也其言信哉叔經又稱却夜奔之色屏千金之
姻此二者中士弗屑也叔經志之何居悲薄俗
傷浮士也公終始以孝友聞君子有終得其所
矣銘曰公溫然長者而斷斷有所不可故曰毅
魂魄兮爲鬼雄此大司命階下持長戟人也叔
經襟宇及予仲和卿可雁行立矣叔經諱祖文
今祀鄉賢

字諱真梁先
君門下士

朱碩人墓誌銘

壽母而賢歐陽文忠公誌之矣曰書其舅姑所
常稱者以見爲婦之道書其子之賢而有立以
見爲母之方書其子孫之衆壽考之隆以見勤
于其家至于有成而終享其福之厚蓋避諛
此又嘗覽王文公諸銘有曰壽七十不爲不多
吾與之銘千古不磨蓋自矜重若此張太君九
十母師聞訃之日無不喪傷萬曆丁巳季冬乙
巳啓嚶川公兆合葬慈龍山冢君手行實偕仲
季函幣稽顙屬補窹石之闕夙在知戚耳燕焉
故能詳也人木疆故不諛也余及送者臨穴觀
窆且封按狀爲之銘碩人朱氏世陽山著姓肇
慶郡守友梅公孫女父抱山公而母沈孺入處
士張嚶川公元配關中三丈夫頽然壁立者其
子也嚶川公性仇直劑以和孝友偕以婉廉潔
褻以儉行義嗜古佐以勤稱齊德產副珈而安
帷布細作貫鍼調飯芼羹老不衰年十六事舅
太宜人薦膳手餽薦衣手瀚靜恭嫺睦益性寒

性煥焉歸寧侵于盜旅侵于病太宜人日三問
新婦加七若則進食寢興如之昇哉及聞合卺
夕仲嬸入門先而偕卒也撫其于無少忤非差
謹然乎比諸昆弟翔文譽以青烏言遷金市躬
督家乘當蠹賊雀角之衝終朝採茶視几止肉
斬然終夜績紡聽雲中鶴嘹然嘉靖乙丑大寒
挾幼子別處勸歸嚶川公事大父以樂疾非明
智果決然乎新婦賢穀于山玉于豐其不食吾
庸食其不寢吾庸寢鄉宜人亦賢矣哉所謂盡
其婦姑之常稱者也山出雲珠孕川乃在春秋
四旬緬惟四十年前蘭夢不芽又五十年既繁
且祉降福穰穰孫曾迭起壽隱屏而坐兕觥思
柔與四飛山落霞相醉太君亦遇矣哉卑下孺
柔衆琛焉出焦殺之原麟鳳弗遊太君率寬柔
善下如厚贊陸孝甫迨夫婦淪逝哭之慟人情
乎伯兄寢亡暨諸伯叔兄弟歿孔懷女婦人
悉在原斯已難矣而女適金其姑瀕殆思見婦
嚶川公又楚行咄嗟治裝何義也脫簪佐施何

勇也勸姪置貳舉二雛何正也性不依佛謝受
銅叩木何斷也喜北史遺文銓其臧否凡今古
釋野一入耳能竟始末何慧也外母富巨萬不
屑抵門何潔獨也喜愠不色僕御以恩村姑里
媼入見太君出連袂以歌甌不塵于室雀不羅
于門何曠曠也予過張家橋溪遶一宅以環瓦
橋鈴之淵其流父老云此吾里嚶川公所泐石
也一發三玉諸孫琳瑯受然鳴不忝嚶川也子
張自慶之公避元亂徙嚶溪吳淞間有墓孝張
五若怡菴公以萬石長賴其堂積慶南溪公坐
上皆春星署其樓陽春白沙陳先生詩美哉張
氏世所希青山繞屋如龍飛吳文定亦有太石
尋詩楓橋載酒句所從來遠矣三君深酌重厚
胸蕩雲夢過從多名彥楷先世琬琰壽諸朋抵
不忝孝張五怡菴南溪也孫所謂書共賢而有
立者耶吾尤雅愛闕使者鄭白谷記記可竹公
其文曰春夏之交以烟翠可秋之風以佩玉可
聲可冬以雪月可愁以獨對可臥以夢可食

箕可其老也以杖而扶可祝京兆詩萬事不如
人意此君此老相看嗟乎余邇人也于富貴來
無一可于三君子無一不可振髯飲酒達曙而
對短檠說詩書可錯賓進奏弦管可商郡國興
革可婆娑山容水態可噫希哲而在雜吾于此
君此老間其亦可矣三君子無一不可有太君
之誨也太君稱未亡人二十載自其襁褓而教
已行甫就外傳間習何書辨色不出排闥以人
是以憚其嚴安其教豕仲馳聲棘闥豕孫著甚
膠庠仲氏子未束髮筆挾靈氣李君慷慨在公
如建閣瀋渠宣力郡邑甚眾不發于身哲爾昂
昂驤其首矣諸君孝感辟支顯鴻瑞以蘇積痼
加餐又數載余目擊其事聞之縣大夫爲文記
之孰謂無天道哉太君衣不綺繡髮不珠玉
訓諸媳以下曰我惡積若命羸無煩老人積命
誦老人積無庸也其賢達曉義命如此衆子孫
而賢恩勤靡間有孫雲方稱鵬遽摧玉意惻惻
不樂爲微醺破顏慰茲遶膝然竟不起矣哭盡

哀感歎曰盡志盡禮孝張五而三也太君生壬
嘉靖戊子四月廿有八日卒于今丁巳八月廿
有二日厥壽九十所謂書其壽考之隆非歟子
某所謂書其子孫之多也嗟乎太君其如文忠
公所錄之壽母而余亦免子諫墓之議也已
宜銘銘曰
四十年而母懷珠五十年而子拱壁介茲景福
今克勤克儉兮偕爾靈修兮奠乃宅熾而昌兮
彤史賁兮玄宮謚兮維儀之結兮維壽之耄兮
于秋萬年昭此銘詩兮

張太恭人墓誌銘

余張武翁門下士又年家子未識面而見之夢及謁吳閩翁嘆曰子翁宇論說皆夢也其言夢之地蓋張家灣云于是執簡誌太恭人也不嫌夫仕進慕榮而貞士之裕得之推如孝養罔極而王母之福迓之愁如難與愁古今事君之則也武程張翁九年不調三歲省親輕六萬里稱八十觴乃僅九月而計聞東魯翁是以病別母十年而不能少遲于一歲也太恭人姓聶父永

無夢園集

注二

全

祿德音自其家教以子貴封太孺人加封太安人贈太恭人適贈中憲大夫張公諱萬鐵自其先著于麻城之花墳乃徙黃陂古陽山麓稱西橋先生仲子也太恭人逮事舅姑請辭請綴翁元且率子姓上隴伯兄之子田宅便利惟所擇母實協比杜孺人材健撫孤母克嗣之三族和而閨門之內饋食之閒聲以不怠嗟嗟女子有行如雙絲之合影如桃李之茂夢已在御靜好令德來教明星爛焉鳴鵲不弋鳬馬而弋鳳凰

無夢園集

注二

全

幸哉之子其間閩德音耶而又有膏沐莫適爲容宜草言樹之背欲忘憂而不忍至心痛而靡辭真琴瑟也已雖然兩髦垂結承我宗事意者施神結帨之恒也而母所處在拮据持茶毀子毀室之辰纒笄而規過成德意者正色端操之恒也而母所屈斗米千錢出疆移粟呼伯助予之際翁病矣病者肢體半痿而母爲之手足不病者辛勤課子而母爲之腹心焦影自憐四顧箕裘不知誰治生誰讀書也而母爲之眼目蓋至除夕鳴機杼語不休而色喜可知也太翁彌留之頃勸勉孝友政事之本也翁果以廉惠顯雖然母教也夫士于五行比之孝子忠臣大都不爲母而爲役故無餘力不役萬物而聽萬物之役故有餘地翁吳閩減權惠士表忠旌德隨迅決之水以秀文風而儲七千之帑以粟九學一閭且然况燕吳魯粵劍履所至乎而平淡宅心一笑升沈誰孽孽安社稷利民生是急嗟嗟母教也百爾君子不知德行君子不知而女婦

人知之亦口不伐不求淡然勢利之外可以臨
大事云女誠有言不辭劇易所作必成太恭人
聘其夫而疾愈課其子而品端儲者必善成信
夫

王孺人墓誌銘

余與羅濟之戚而善濟之有快婿曰徐仲子弘
祖訪名山水今天下及奉母孺人游句曲荆溪
春秋高人十矣而趾先仲子噫嘻自古奉其親
者多矣奉山水自徐仲子始奉富貴而不受古
賢母有聞矣奉奇山水而受自徐仲子之母始
山水品人物多矣以是兩高其母子自余誌王
孺人始余嘗觀秋圃晨機圖問幾上人仲子母
也卯孫在側卯孫仲子子也亡何登堂壽母雛
萱未花是若母繼於斯而子讀於斯呼長命藤
非耶余游荆溪二十一洞異時過之是母環珮
所至王女白鶴間徽音落巘壑母耶子耶寧辭
銘按狀城東王公澄江右族孺人父也倭誓避
之錫山孺人年最幼與母華過姻家楊見跟踰
之履塞戶俄聚族而嬉孺人料冠至又念父食
乏絕起母入城南入而城門閉楊果中倭殘破
以是多母識且孝噫嘻無非無儀酒食是議槩
常耳士與女非侗儻負奇節也不稱齊德暨歸

豫菴公而翁光祿柴石公卒以稿素見猶及事
姑陳孺人暨太翁鴻臚雲岐公未幾並卒城東
公亦卒孺人自廟見後宗祊譽之妯娌賢之丑
年於茲而大喪相繼階豫菴公哭盡哀公病漸
危殆病於寓迫歲除代之僕病於喉廢食飲伏
之口拮据公私代之手築塲圖代之農肯堂構
代之築育伯子問斯病中同事醫王江城歸遇
盜渡河幾沒天平不辰遑恤我后伯之二子補
弟子員高而門協於夢者再埽爲色喜晚得仲

無夢園集

卷二

墓

子骨瘦如立鶴勞苦攝生遺之廉儉已爾然奇
情勝趣歷崎阨不挫其志孺人旣析箸爲公娶
妾獲季子自之錫山迨公與疾歸不起慟幾絕
忽收淚屬季子於其子勤飲食矣又勤教誨授
均產矣又予贍田當是時季子忘其無父適翁
則獨居愛庶子則同居忘其山莊之燬於盜也
賢哉孺人常與仲子共晨夕易簣不舍舊廬家
有藏核訓在茗碗儉勤其天性云仲子每出日
上慎旃哉識好人游好山水以是駿有聲于聲

素仲婦許歿抱孤孫寢處爲歌嘯碎繼羅事姑
孝嘗先意爲始種植有藤巷畫如溪山倚門一
望遊子採雲霞爲笋脯誕屆八旬名碩歌之是
年仲子始罷游孺人始偕游罷游懼傷親之心
也偕游懼傷子之心也噫仲子好游天以奇游
報之咳笑華陽白鶴問晨昏於烟雨如此一日
豈易千秋孺人性整而潔束身布素而豐於祀
障墓碑百世後銘禍歸然仲太華之掌感仲子
歸言華嶽也除夕念饑爲停七箸命出粟飽鄰

無夢園集

卷二

墓

然後食其教仲子類如此嗟嗟母病亦病母不
食亦不食有是子宜誌是母矣孺人儉勤有卓
識是宜銘銘曰丹穴是批風節如砥維巢之燬
維戈之疊父兮何倚錫山是履趣母入市一介
行李執戈以俟是惟女士江有汜矣賦在葛藟
式穀我子敬恭橋梓文孫駉駉既多受祉閉戶
造軌出門瞻恃萱花可史游屐斯齒溪山蓄旨
松筠獻玖天女叙舊銀龕佛圓我行永久愛日
視聆八十錦里千春游記徽音在耳洞壑高朗

清溪堂天機紹居二高僧並葬誌

紹居僧之介者也。芥茶之介者也。故善烹茗而予性宜芥。益宜紹居。閉關清溪。題曰聽雨爐。紅茶沸。三更書聲。纔罷。則紹居經聲續之。諱明。僧生隆慶辛未。卒天啟癸亥。年五十三。俗姓李。母謝氏。樛仙孫女也。十五已訂姻盟。忽斬然棄。筆手解婚書。授外翁。遂奔清溪。師東隱。東隱而上如一均川。如道峰。如寶峰。如月潭。而天機最著。與衡山六如。雅宜。石田。枝山。龍池。唱新詩。長吳兩侯更迭和歌。紹居不可一世。其可天機也。夫故予合而葬之。屬梵林暨嗣孫。貫微等。誦經。子二十六日。予次子京官。以痘殤。墓其側。俾證無主之果。莫開有漏之花。是宜銘銘曰。清且連兮介而端。弓汝師天機。

虎丘合葬三姬墓銘 高仲子姬敖主

娘墓銘

姬臨清女也。昨事仲子。今侍天妃。卒天妃宮葬於虎丘七千日爾。姬美而敦禮。三五在東游。雲散之悲。夫余仲子友也。既卜葬歲一享。坡公曰。豈伊無主。仁人君子。斯其主矣。否。否。流水蒼山無非主也。系以銘銘曰。

舍爾貴竹酌茲三泉山藏古寺。劍靜澄淵。白雲欲歸。青松半筵。永寧貞鬼。鐵花秀嶺。何以比德。無夢園集 註一

潭影蘿烟

前郡司李某公二姬墓銘

姬不以喪歸。久露命也。俾與敖姬姊妹見永結。泉好二姬主。敖姬賓。風雨欲來。梵唄亂鳴。借問千秋孰主孰賓。余既職祀事。無所辭。銘銘曰。行卽此路。遑分後先。今夕奚夕。明月在天。一行秋鴈。環珮游仙。芳魂落日。幽寄霞箋。長留一道堤上春還。白樂天詩。久住湖堤上。春還。長留一道春。

高仲子諱梁。極字明桂。黔之行義孝廉。敖姬年

十八葬千頃雲下

司李某公二姬姓氏無考極蜀禪室有年故合
塋放姬墓傍距數武相地視葬司松楸者山長
張君天和也

孟秋二十八日葬放姬越明日合葬二姬詩
以辭之

其一

繡屏曲曲掩回文冷落空箱白練裙江上彩雲
秋共散欲舉芳杜弔湘君

無夢園集 駐二

其二

露萎蘭芽冷玉階水萍離合總天涯休嫌花事
須更盡相逐南征有鳳釵

其三

蒼霞片片玉爲肝幾瓣飛花點翠鈿誰謂紅顏
嗟薄命劍池流水自年年

其四

翠雲千頃鬱松楸寂寞三姬傍一丘夜靜月明
連秋出可中亭畔聽吳謳

萬曆丙辰七月

繁昌令潘津呂公行狀

嗚呼士儔首受書一旦釋褐起而爲吏巧者有
餘財善事巨室殘民以悅又恐比周在法刺譴
當世巧吏安可爲也念爲廉吏婦直奉法不撓
豪貴動而見毀子孫貧困不免負薪廉吏安可
爲也則吾於呂公未嘗不慨焉三歎也公卒之
三年其子茂等匍匐詣予以狀請曰先人慘屈
子必聞之稔矣懼謠嫩之弗章無以慰地下母
乃沒惟先人從子先子游最久敢以狀累予余

無夢園集 駐二

重

乃稍探次所見聞爲狀公名元學字聚之別號
潘津其先汴人在宋時有名繼祖者爲崇德尉
阻兵娶不得歸家焉二十餘傳而爲沔陽州別
駕種雲公相相生子三長太僕丞養心公名瑛
文泰與令雅山公名炯季淮府儀賓心源公名
璞卽公父也初淮

莊王爲其主選婚得心源公深愛重之既成

婚主封南城郡主心源公爲儀賓中奉大夫
授館居焉主不宜子心源公歸省時命置

子者於家得里中沈氏沈亦名族後數歲同
源公適淮館遂生公公生而卓犖穎異其爲邑諸
生時試輒上等尋領學宮已因貢例入北雍庚
子舉順天公既以制義負名視一第擢之耳七
上公車不遇則廢然曰吾自弱齡讀書黠屑創
肺三十餘歲矣然擯於禮闈者七而終不得一
第是命也夫吾且焚君苗筆硯相羊衡泌間已
復幡然曰上何必以公卿顯卽令受百里之任
撫綏而戢寧之使千百世後猶知有循吏若而

無夢園集

卷二

五

人足矣遂謁選授繁昌邑令未下車心自咨也
將鉤深摘隱察其淵中稱神明乎孰與示慈教
惠務爲寬大也將株繫毛舉淫刑以逞使民惴
惴重足乎孰與清淨寧壹不罰而化也將朋比
豪右誣不辜以求媚乎孰與無縱詭隨冠虐式
過元元相安也故其政澹漠無爲蒲鞭示罰其
精緯神矚淵若冰鏡目覽訟牘手定爰書耳聽
口酌悉皆贍舉兩造既具情暖立破忤然刀奏
沛然水流無少遁者公不以得情爲喜必諄諄

開諭使爭者意消暮年政成訟庭羅可張也繼
直一邑之民樂其寬服其決鄰邑仰之欲質厥
成矣有久繫者必曲爲開釋卽在不赦之條亦
憫焉加意曰是三木而繫者饑寒驅之也不則
快意睨眦傾身亡命者也不則少年比匪輕狂
厲禁誤罹於辟者也卽不敢縱有罪以虧
國典觀此纍纍能勿矜乎歲時存恤衣食無乏
我有泉纊亦以御冬視囹圄猶樂土也有某者
暴戾恣睢爲仇家所劫擅加訊鞫睨睨長吏公

無夢園集

卷二

五

蒞政陽爲引重已復被劫指無辜二十餘家邑
之稍厚富者相與謀曰斯人而在吾輩卧不安
席矣與其聽於豪也不如逮於法易及其未發
也先諸傳檄樹幟公聞之亟傳諭曰殺人以媚
人吾不忍爲緩之盜將自至爾輩夙良民奈何
一朝爲亂身伏斧質乎衆志始定未幾真盜果
就禽諸臺聞之歎賞屢膺薦牘卒以故忤貴人
意竟中辭輒例應改調公脫然解組棄榮從好
閉關謝客遂絕意仕進矣在繁五年夙夜匪懈

有甬砧還續之風繁與崇相距數百里而近
絲一粒咸給於家親知詣任處有所請乞輒全
還家傾篋以助至今頌之不衰公天性孝友庶
弟成之出嗣雅山公後悉心經理比長一以世
業授之昔薛包之析產也臧獲取其驚者田廬
取其蕪陋者器服取其朽敗者許武之待弟也
以其名未顯自取肥田廣宅及二弟成名悉以
田宅歸焉公之克讓不愧二君矣公爲人不激
不隨忠信行誼著於宗黨鄉薦後清介自守不

無夢園集

卷二

異寒峻片石支扉揚花風雅不欲與聞外事
亦非獵虛聲而博名高遇利病關切竟抑其
者卽曲爲陳說往往陰爲人排難解紛人或不
知公正不欲使人知多卹困救乏脫驂贈舟之
舉饑于我乎食寒於我乎衣囊於我乎給靡不
視若困廩若哺母若取諸其筐筥諸沒不能具
礎殮者棺之不能謀窆窆者葬之鰥不能駕前
緩者室之歲饑則傾瓶爨以賑庠有助貧之役
則割膏腴以佐邑推賓射輒辭不赴曰將爲古

人乎吾德不逮爲今人乎反不若閉門謝跡深
自韜晦徒罄折以勤酬應而僕僕起居何爲性
頗嗜奕不能飲與人飲輒浩浩歸田以來游息
蔭芳園中座客恒滿高賢逸客之屢戶外相接
也浮白手談卜晝夜無倦色方謂神明不衰期
耄可俟而天奪之速七十未逮一疾不起人咸
惜之雖然公於家爲孝子爲悌弟於世爲大儒
於國爲良吏于鄉爲高隱爲義俠縉紳欽其
節郡邑高其行宗族崇其德鄉黨服其誼公雖

無夢園集

卷二

下

死不死矣

孫母莫碩人行狀

莫碩人隱士怡竹公女王父以貢尹粵東有聲
母周氏家素封無子生女不勝生男哉氏嫺幼
儀十六贅孫而子之既克子猶子之子七莫既
昌矣歆而不餒矣蓋孫翁以醇謹推擇勤事示
公厥貢纁組非其好也里有暴兒嬰之不傷若
天助焉脫簪指拊多氏力云氏饒且窘且復振
且益窘儉于私不儉于公儉子鼠雀之耗我室
者不儉于嚶鳴之和戒子者始翁父懷溪公客

無夢園集

卷二

莫

廬州卒間闢載馳距氏廟見稱來婦居無何茹
荼十年手緝緝統姑王氏嘆曰十六也而婦在
饒不矜處尼不因乳姑感泉古義也夫在諸婦
之中暱就飴蜜者久之故曰心猶面也是以甚
致飾焉氏遭逢困厄視諸矜顰永無失墜僅潯
示紛箴祇承宗事已哉舉丈夫子七以瘠土之
勞警臆日之逸余觀雞鳴解珮弋善如鳬鴈意
固遠矣賢母林 陽之馬馬宜振鬣效鞭箠而
况士乎吳俗俠交不年名交不月口交不日而

孫氏兄弟邇正士卓然義問著於膠庠母智量
在敬姜下哉夜半調羹佐子於讀蓋曰久與賢
人處則無過其天門開矣張婦戒女云無以貧
故事人不謹事兄伯如父事嫂姑如母每避其
言翁曾王父母未土氏襄翁獨營之不累諸伯
叔一雲墓木拱矣卽踐更諸役不以波之也尤
丈夫行哉相翁四十年翁樸誠敦睦名在鄉黨
言孝弟者歸厚焉氏禮空王口不兼味身無重
緜及祖曾待而葬三族待而瞻諸子嚴事師友
待而擇暴囂待而馴上供待而償夫盡心力以
事君舍藥物可也方翁病劇願以身祈翁身翁
其旋而氏德音往矣酬以令子令孫光爾玄藏
是宜狀也已

無夢園集

卷二

莫

臺菴湯公誄辭

天啓辛酉八月十二日臺菴湯公卒於家居恒耳其道韻黃鐘九變莫匪和音俄焉慘怛悲思綿藐愚與仲君同社手啣狀偕伯兄叩潛確居以誄言屬古人云對苦寢梓樹寒生聞悲啼巢禽驚下能無悼乎古今諛墓者大都忠過龍比廉甚夷齊勇蚬韓白文劣遷雄節脆勁松盟公白日地地下人皇恐不敢受地上人日馳幣擁轎迂之至誄篤行君子而亦難溢一辭矣內行誠

無夢園集 駐二

車

信不可掩也翁之先族于金陵稱高才於祖殷殷而上以挾藏文信國書譜佚不傳然譜與信國爭不朽雖晦實炳殷生悅幼見星吞之相于南唐卿于宋遂爲汴人繁星麗天寒芒無色則信國之譜既出卜江陰而居者十四世官朝奉大夫鴻漸暨令子輩僑寓蘇常終長子孫于勾吳劍履不絕五傳公雨子曰庸曰成成生祥祥生濱濱嗣子璽讓生父十萬金博學善交時論重之子忱涇翁諱儔擬解火爐其策數奇名愈

奇子抱一翁諱雲孫品行卓傑燃藜掩閣問

虛亭臺翁式光昭之其惟我翁翁居五丈夫之四諱應禎字開甫別號臺菴晚飯佛稱鹿野居士歿見於夢入覲東岳選署衆神以竝轡嗟乎信國之牒與日月爭光才子之宗與天壤並壽咳唾九天則星在其口琬琰五策則火收其奇翁起家明神耶抑神明之胄耶二週讓季叔之乳逵巡成人十三秉嚴父之家仁義居積夜半滅大母之崇正直護呵翁生而明神耶死而毅

無夢園集 駐二

王

鬼鬼耶墮淵而水窟煖關關而僕隳消執簡而點胥縛內鎮而庶叔寧翁風檣雲陣耶駕雷鞭霆耶分宅益兄叩祠延母憑几書方神授刀圭歿而孝也療孝子之生母生而孝也乞孝子之神方以孝語孝以孝傳孝翁長而在帝左右耶易簣而追飛太清耶嗟乎俱安名利之場各得逍遙之地如翁杆杪玄風三十年不假交游于外父偕隱鹿門寄聲寥廓誰歟處心定氣在險能夷遇律能暇誰歟坐忘於讓夷膽決於急病

見故人如風雨積他鄉之思誰歟閉門無事
酉壯觀高論不疲三更澹語寧與江山道舊不
隨桃李逐鮮誰歟與李杜齊名者少願僑札交
貺者稀課子不讀非聖之書斥邪欲續絕交之
論董成道種繇兮若濡誰歟風骨瑯嶺皆出文
章夜珠自來有許靖廟堂之器有黃憲師長之
姿誰歟質直而不犯恪慎而不懈執証能因臨
節不奪修身慎行恐辱其先誰歟博而不雜若
開羣玉府珪璧琮璜皆有位置誰歟見一不善

無夢園集 卷二

五

刊山夷谷如避商君之法臨董安于之澗誰歟
若翁者山川騰蔚以作氣星辰磊落以降精蓋
腹滿精神心開明鏡勇埋雲夢之蛇仁愛中存
之雉豈垂之空文哉愚讀狀而誅之庶北海之
門追題瓦屑南陽之墓重刻碑陰云爾
處士之星接台炳離慶宵在上呼嘯神祇獨
日光靜與天容清論如樂季女斯飢識畧精
讓乳吮痍蛟龍不侵魍魎自悲秉甲而至呼
殲之孝義神來陟降天醫行不徑寶仁及鳥

滿內外揚春日糗醕測量廣淵思古綵綈太
朗月叔夜氷肌積高鍾下神守密儀鄉有道德
善無盈虧明非舉燭清不置漸函杖禮樂坐臥
皇義孔靜幽默衆狐我著枕于見星抱樹辭脂
崇山出雲寸陰日孜式穀孝友宵吟晝嘯沈瀟
克虛江山北睂藥物圖書紛縕咸宜高馳不顧
歸鳥致辭精色內白西方之思筌獨宜今撫
砥楷內省端操正直永貽

無夢園集 卷二

五



祭大宗伯李湘翁文

嗟乎悠悠世法知已宜少不宜多寂寂獨行文章受憎不受愛心乎愛矣其惟格人格入亡矣傷如之何斗酒隻雞亦猶行古之道始讀先生之文 本朝西京未之有二其識與議猶可及也其光與色不可摹也壬辰諸老翕然趨古先生真古不屑古深念天下之患在虜策虜在強兵策兵在選將日取將傳論次行事落落數十年垂老辟召齋戒而入告竊憶某與先生一住無夢園集 駐二

三湘七澤一住七十二峯相遠也而相邇相見而相失戊戌之役暗中物色予甚閱三十三載見先生於庚午之秋如此其難也閱十有一月遂別先生於辛未之夏如此其易也得失寸心知死生亦大矣嗟予先生何能忘壬戌之春湘潭客過而慰余吾鄉李湘翁每春榜一放既弗獲子三日不食愚何入者哉而使李先生三十七日不舉火亡何九月先生函幣致書其言曰僕老矣善事

聖明庚午晤對執其手不意今生復相見辛未正月忽語曰吾將買舟至金閭携所撰著與生平較閱諸書與子商定余曰先生大臣也奈何言去請受稿而卒讀公之海內先生唯唯死生辨濶冥冥之中無忘斯語

祭伍少參寧方先生文

嗚呼伍相之死忠烈也噴西陵之洪濤先生之
死忠憤也洒廣寧之赤血吳人士聞訃正告當
道亟祀于鄉夫鄉賢濫觴一歲之內得袁雲翁
暨翁而此典重先然先生祀于廟可也謚可也
與伍相國並祀吳門可也聊見鄉人仰止國
舉直云爾余嘗謂坐程明道春風和氣中不如
坐先生勁霜烈日中春風和氣能薰人亦能壞
人勁霜烈日惟苦物是以生物嘗與先生終日

無夢齋集

卷二

五

言不倦先生亦終日與言不倦歿之夕屬計聞
者僅三人仁傷與焉亦鑒其本彊也夫海內讀
先生之書惜哉未見其人耳亦惜哉僅畏其書
耳竊謂先生持已也嚴而立論也寬寧有放過
他人處更無放過自己處雖然議論未有不懇
而可行者孔子之作春秋也錄桓文至孟子而
科之曰假夫桓文僅可作尊王之事管晏僅可
輔桓文之主故孔子大其功小其器終未嘗誅
其心使桓文為莽操孔子必誅之矣少正卯未

成之莽操也煩聖人之刀鋸豈非忠厚之至乎
故孔子錄桓文恕也先生之書片善必錄也孔
子誅少正卯亦恕也先生之書大惡必懲也有怒
直筆而形之彈章者是不如草未能受天地之
殺也有荷先生之獎借挫其末路是可坐春風
和氣不可坐秋霜烈日者也顏子之能為禹稷
也必易地而後然若先生直須易一雙眼睛而
必定東事造物竟不肯奈之何哉氣作山河未
了事先生終須補之先生生前不受人一物倘

無夢齋集

卷二

五

以此言為然而飲其一杯焉可乎哉

祭金赤城年兄文

嗚呼與兄分手在三月上旬弟方治台鴈裝兄
爲言廬山瀑布足探驪龍而挾萬丈之清於樽
俎甚壯暨登鴈山龍湫誌稱廬山無此飛宕壯
將做兄驟聞兄計在五月上會稽探禹穴時悲
駭愁慘淚落秦望之溪乳泉爲赤而靈輻已發
吁嗟乎感星動雷天下志士仁人之痛也雖然
兄在今日如急流之砥繫以安危弟敢理私痛
而忘國恤乎兄在比部逆折宗彞與太吏舌戰
無夢園集 卷二

夏

官職方強項執法真能死於其官居家惟有一
貧賁于諸生貧于貴公子貧于郎署二千石太
夫之家無擔石儲咄咄奇事抑他人富而敝事
羸馬兄二千石貧而潔然盛服以屈大夫之忠
憤也必期美其珮蘭也其矢死靡他也區區寒
暑晦明與循資日月曠得高官兄生前已厭聞
之浮大白揮之矣

恭祭鴈元公先生文

坐愚自矜知先生之學今謁於祠曰太極之至
善也嘉種一粒也無極日新又日新也百千
萬粒也無極而太極百千萬粒只此一粒也
穀熟而民人育舉一世穀地不荒穀種不雜舉
一世之人無極而太極也故曰自易其惡自至
其中先生言太極也必言無極言無極必言誠
必言拙言拙必言通著書最少而用意最淵
天下大政事人天下大理學人也先生不常司
無夢園集 卷二

夏

里南安囚法不當死而抵轉運使乎不當徙南
昌清獻惑於諸必熟視其所爲乎不當提點廣
東刑獄熟視徐按瘴癘必親乎其待同寮也不
嘗經紀郡守之喪往來不倦乎其待門弟子也
不嘗以樂意薰伯淳以師嚴付伊川以三謁不
見待安石及官江東與之移時而語令精思自
得乎夫清獻不知先生賢于知先生者先生不
見安石其造就之意深于在左右者不知而起
之乃不辱知不見而見之乃不在見先生門

詩開闢從方便乾坤在此間學者施便二字可以政可以學矣無極而太極也哉誠神幾曰聖人也哉

祭圖山朱師復將軍文

崇禎庚午六月三日趨 召渡江遙望圖山師復朱公實專祠世祀焉操文祭之其文曰太史論將歸之間道蓋聞道而後神靜神靜而後神勇神勇而後神明神而明之存乎其人其人其其入乎曰師復先生屢險而貞臨敵而懼職思其居不以虜遺 君父也職思其外執于戈衛社稷也赴難也惟敵是求赴敵也惟心是求赴心也惟學是求剪大海之鯨壯雄遠之壘如聚如携不震不悚惟茲圖山公始發軔比南陽之墓祭去家無幾憤匈奴之未滅鬼猶殺賊蹇蹇苦忠凡几密節肇發爾孫捐軀殉友後有人焉亦必于是予今六月渡江向公問道誓茲此而朝食虎拜稽首於萬年公尚如火烈烈噴雲霧於海門圖麟閣於天上毅魂魄兮揚天戈風雨來兮匣劍鳴我思若祖今其肯見我思若孫今其祖見我思祖孫今其學見嗚呼先生瘡痍不可復忍腥羶不可雜處象人紙馬不可充軍旅

成憲不可弁髦首功不可誣罔遶山遶水不可棄擲名山大川之神不可欺

二祖

列宗在天之靈不可慢

聖神文武真堯舜之主不可終負死者如可作也其師復乎死者之子孫如可作也其完天乎完天有子忠孝一流直擣黃龍倘有志焉採蘋藻以酌公擢肝膽以見公率公賢子孫以慰公而因屬余所取士第二人武林張君祝公如龍

景行仰止焉

駐二

祭諸敬陽先生文

嗚呼論人者曰天下有心人能辦天下事及追求心事又曰不唯無他腸是無腸者乃足貴耳痛哉先生殆有仁心而去機心無他腸而完熱腸者也先生與余談仁而衆之以赤故曰血心先生初立朝敢言天下大事常以赤心對君父也在儀部力持清議以赤心對職業也矯矯排流俗而伸郡守石公之是以赤心對賢大夫也教人以學教人以官以赤心對友朋也在

無夢園集 駐二

三

林泉上書執政孳孳國本以赤心對天地也昔人謂蘇公救得緩急人白公救不得緩急人雖然今之能爲樂天者亦罕矣况如先生乎先生緩急人而人不知有甚于蘇公者夫先生自苦而未嘗一苦人與先生交必能自苦而陰體其意然後不負故一日發憤先生在焉一念行仁先生快焉噫先生往矣一日行仁一日發憤而可使先生在在且快焉則風雨晦明間髮髯見之乎

祭嘉興朱君升孝廉文

吾兄不宜歿者三有不可歿者三求其故不得者二貴不驕貧不去和以介羣以別守身如執玉閉戶如處子一不宜歿憂人煥忘已寒割已并釋人苦兄之開眉人間善事兄之愁容朋友多過二不宜歿恨遼陽繫始葺成紀錄以助王儼兄又欲鳩左國公穀敘一事而殊文者爲一書以導海內好古之士三不宜歿兄何可歿也兄之朋友誰告以過望兄眉宇卽渴者醉親兄

無夢園集 卷二

序

氣槩卽凍者煖道有殢泣相告於泉下也兄之不可歿者三也嗟嗟兄竟不起耶不生好人不常生好人不成天好人不行好事不常行好事不成好人今天生吾兄吾兄方行好事而又奪其年是奪好人之年也是奪好人欲常行好事之年也是奪兄之一年奪天之百千萬年也天自奪其百千萬年而愚欲與兄爭百年之年則無聊之極思也吾兄吾兄其亟化爲文星以書操觚之剽竊乎其亟化爲將星以振武夫之惟

怯乎其錫慈航以救溺乎如可贖今人百其身唯兄可當此語我思古人交地上之人而意有所不愜則邀地下之人吾兄其終無棄弟而詔告之於夢寐也

無夢園集

卷二

夏

祭張理菴先生文

嗚呼師道立而善人多其先生之謂乎先君子與先生讀書石湖鹿門翁一見異之曰此石渠同異之選也然先生人師非經師夫教人忠教人孝維其有之是以似之師道不嚴實友道薄耳未能爲弟子而能爲人師者無有未能友而能師者亦無有予中瑤焰先生在杖屨顧之出珠玉慰之飲之食之見柴門深扃惆悵意中人欲言不言擲以詩句旨在可解不可解之間其

無夢園集 卷二

五

待故友之子如此爲人友何如哉爲人師又何歟哉經明行修經不明冥行耳先生精於論辨使聞者躍然心開而約之以實踐蓋學有根本教人有步驟有約法游其門者當自得之矣司空曙不云乎憶昔秋風起君曾歎逐臣何言芳草目自作九泉人方于不云乎入室幾人成弟子爲儒是處哭先生

祭吳爾繩文

翁之生也風骨嶢嶢如太華立雲端珠玉粲粲如明月在溪水解環珮而來之頎然野鶴手執短塵則晉代衣冠也君嗜梅几席梅也盆盎梅也齊中之句笛中之聲絨扎之遙傳梅也翁善病攜手虎丘瘦影相對病耶瘦耶梅花深處耶今年春有台鴈行在會稽亦倦遊矣見其雲流波上竹就人家語人曰台雁山水之精嚴者也會稽山水之情懶者也禹廟梅梁畫龍點睛影

無夢園集 卷二

五

落鏡湖吾以台雁自私以會稽持贈爾繩可乎今適以鏡湖之梅影佐靈几之蘋藻而髣髴音容如金書玉簡之埋奇于宛委也婚嫁就比鄰灰生長相見此世情語翁秋水爲神何地無水而比鄰乃見之乎哀哉

祭蔣姑夫台宇文

惟翁翹然感慨種松歲年風雲未感意氣怡然
北山有梓南山有橋邪表必黜俯仰無驕一生
一畝看劍光懸人非別後心許生前返駕南山
長雲千里白眼當世得正饒矣猶有不忘四郊
多壘毅魂魄今有腸如矢心與世遠事與人同
高列劍薦所志飛鴻鍊骨養氣雨潤雷喧廣交
不雜敢勇少言置之巖石邈然無侶擢之巖廊
九宵鶴舉薄言固始丕變人文躬先孝弟從者

無夢園集

卷二

五

如雲操不激切素風愈鮮朋格雅馴止齊不愆
退藏於密置器斯安奇情雙亮令名俱完臨去
骨立長夏歲寒雅琴雖古獨有鳴弦既彈知已
復響後賢其人往矣其節可詠擬人必倫河汾
可擬

祭賀日獻尊人文

嗚呼先生息機於深觀妙於止古之至人也哉
易曰艮其背不獲其身行其庭不見其人无咎
以世情喻之登先生之堂欲納先生之履而無
從也不幾太絕人乎然以易理窺之不惟不出
戶庭也抑亦不見其庭之人焉若隨之出門交
則許其有功不許其无咎又曰出門交有功不
夫也蓋傷失足之易也門第高可畏先生閉影
息形澹然若喪戶外之履自遠室中之琴無絃

無夢園集

卷二

五

悲夫營壘之爲見見其人又見其庭之人爲崇
也不獲身何有哉易重應與而艮敵之亦惟曰
艮其身止諸躬而已先生非真有自得與人無
涉者能不見一人乎能終日終身不見一人乎
先生爲源泉而哲胤秀千巖萬壑之流先生各
藏手也哲胤春生手也各殫其能而後出入造
化之事盡斯爲有于也已

祭魯柱石文

嗚呼先生信義廉正剛直勁毅人也信以刻僞
義以破靡廉以激濁正以矯偏剛以朝務直以
砥躬勁以鍊性毅以恒德生於先生之前而知
其人者惟蘇文忠乎人患不剛耳折不折天也
豈可預憂其折雖然未有剛而折者易之大過
剛過乎中乃起枯隆棟竟屬二四之剛而初上
不與焉否則奕奕顯廟棟折榱崩非先生揭日
月行之能宜重光乎雖然此一班耳先生起家

無夢園集

卷二

五

雲騎佐觀察幕下正色不阿瞻智固已遠矣憂
國之誠義形於色當世特未盡其用桓桓赴赴
豈受缺折哉劉元成之學自不妄語始及其卒
也盛雷轟於寢室先生師事王少翁少翁亟稱
之非獨過人之節也抑以過人之學也惟學力
不可掩先生之靈爽卽几楹而是矣先生之精
誠卽子姓而是矣先生之雍穆卽喪次誠信同
儕執事罔有不恪而是矣先生潔清之靈先生
忠義之氣可以飛霜吐虹豈惟人不能折之天

亦竟不能折之也老子曰柔弱者生之徒吾未
見蜉蝣爲大年而松柏爲殤子噫輯吳志者列
於賢士君子無媿焉

無夢園集

卷二

五

陳太史無夢園初集

古吳陳仁錫明卿父著

隋宋先儒贊

隋王仲淹先生

久久臨事當自知之能於臨事得力九師可以無典三傳可以不作元經可以無述

宋胡翼之先生

女子貞不字十年乃字使居太山十年而不以師道聞則鴻陵於陵不孕不育也已故先生教

無夢園集 卷三

以治事爲先

李挺之先生

圖南以來而穆而李三傳及邵枉康節之廬不速之客敬之終吉有以夫

邵堯夫先生

明道先生誌堯夫墓曰龜所至而論可謂安且成矣不禪伯不方士不修鍊余表此三言爲胡行亂走一坊噫二十而歸道在是矣臥安樂窩不出此味少人知

周茂叔先生明道附

先生始祿安南程大中判軍事使二子受業而以樂意薰伯淳安石三謁不見後官江東先生過之語移時始退而精思之謂李初平曰公老無及矣請爲言之且學不專在書伊川聞堯夫語曰平生惟見周茂叔論至此而茂叔之論不傳嗟嗟公以清獻之賢猶熟視其所爲士可謬附知已哉明道其伯仲歟

程伊川先生

無夢園集 卷三

二

先生在涪註周易還洛容色髭髮皆勝平昔自謂學力憶學之貴力也如此始甚愛表記中君子莊敬曰強安肆日倫二語守爲學要崇寧追毀文字先生亦自止四方學者不必及吾門各自努力耳

朱紫陽先生

先生之學大行于我明尊朱註所以尊周程也我行黃巖入先生祠問當年水利田功一郡賴之與濂溪明道並稱有用道學其濟物也夫

呂原明先生

先生居宿州真楊間十餘年或至絕糧數日每日讀易一爻不以毫髮事干人詩云除却借書沽酒外更無一字擾公私

張橫渠先生

先生云事親奉祭豈可使人爲之告君曰爲治不法三代終苟道也其雷行者乎一人雷行一人无妄天下雷行天下无妄故非禮弗履法大非之雷也

無夢園集

駢三

三

謝顯道先生

先生事純公扶溝時請歸蔡應舉公曰何爲不就太學試也公曰蔡人眇習戴記決科利耳曰是心不可入竟舜之道矣遂畱太學試亦得舉自是篤信于命平生未嘗干人在書局亦不謁執政曰彼安能陶鑄我我自有命若信不及風吹草動便生恐懼憂喜信得及便養得氣不挂折卓哉

尹和靖先生

先生弘毅士也伊川言晚得二士張驛使尹魯俊恐他日過之魯者終有守方赴召時祭告正公墓而後行曰能行所學未也不辱師門則有之嗟乎有守不辱可謂士矣高宗稱其所行盡一部論語有以哉

朱公談先生

先生少受學于胡安定已從孫復受春秋已又從二先生于洛穎昌謁明道歸每謂春風中坐三月學道愛人以夙勤事力排釋教正公祭之

無夢園集

駢三

四

文以爲篤學力行至于沒齒不渝

呂和叔先生

先生兄大忠知泰州馬涓以進士舉首爲判官頗倨公與言曩科舉之學今無所用修身爲己之學不可不勉正公稱其老而好學理會到底

呂與叔先生

正公曰和叔任道擔當風力甚勁然深潛縝密不逮與叔又曰六月中嘗窺之必儼然危坐思按純公所與深言者謝之天淵呂之識仁而且

故日中人以上可以語上

台州府天寧寺自來羅漢贊

大聖迦葉波尊者

是彌勒非彌勒斜笑壁上花星斗曾羅織不怕人不識

啓教阿難陀尊者

手中無獅獅亦吼眉結巖萬重不作人間綉黑而癯刪盡文字庵木落山容瘦

應供賓頭盧尊者

無夢園集 駐三

五

經在掌中月在天窈經殘月不了意中自了了吾亦讀書人眼際時縹緲

靖住山中難底迦多羅尊者

飛來應

飛來何不飛去一動不如一靜動靜豈有兩般此座應須精進

西瞿耶尼州賓頭盧尊者

眉如蓋口如鎗灌頂藏明珠不滅之庭鍊丹藥迦葉彌羅國迦諾迦尊者

在險亦不驚人定機常枯坐尊淵清逆浪中雲

漫漫兮水活活

東勝神州跋哩陀闍尊者

彌勒笑尊者尊者笑彌勒不笑嗔癡人不笑極樂國得意欲無言大道非空色

毗鉢羅州跋羅陀尊者

昔從天戒至又向越山行爲賦無衣者夢回仔細尋緊將珠在手一任龍自吟足踏龍宮裡小心祇既平

迦葉彌羅國謹諾迦尊者

無夢園集 駐三

五

昨在大龍湫知尊觀瀑意不雷亦不霆如如慈水愁坐君羅漢洞髯根與雲砌何地無雁山此中自遊戲

西上一尊

鷄鳴巖邊坐寒拾泗州巖上壘奇石慈容道味頻招手一切咸歸無畏室

西二尊

腕中能出維摩詰肋老骨凝皆熱血挑得明星在杖頭頭顱如珠無員缺

西三尊

眼底都是摩尼珠手中却繡山河譜笑彼補天
不補衣雲破月來何處補

第四尊

一坐春風三個月蓮花半開橫芳潔孤根寧住
泥淖理雙眼肯容飛玉屑

邵鹿嶙論贊

康衡三世以孝聞聞諸朱完天不知其人視其
友也五龍堂晤康衡古君子也乃致行述於京
師鹿嶙公才高而乙榜年少而修文召之不與
世人爭名壽耳然孝友者古今顯名大年也劉
元城一生不妄語久而雷霆嚴已可斯須放哉士人
能以雲雨施人以雷霆嚴已可斯須放哉士人
不能挽回風俗卽是敗壞風俗凡家國治亂之
端必有自始太伯至德治之始也夫差至奢亂
之始也今爲夫差之裔甚多吾安得不表章邵
氏以砥末世哉

建文昌閣疏

子丑爲吳中一開闢關廟既拓右社復恢左偏之樓以居文昌甚盛舉世界一開闢也文章一開闢也地闢則天開文章之先構基世界之先構局也然則光軸

聖主肅清夷虜急救孑殘之一大局矣此一篇大文字如何下手文昌云凡大比先較德業之短長故有司始定文章之優劣不可謂前定而不能力學豈可以宿緣而自怠操修善哉言乎

無夢園集 駐三

九

天助順人助信至精也至變也非天下之至神孰與於此仁孝先生曰天何以明人何以暗天何以高人何以卑蓋文昌居高明之位願與高明者商之也非爲道士說法

題接引寺準提閣疏

稽古剎于婁江建新築於接待座繞菰蘆漁唱半天齊梵語路迷蓼蕪鍾聲千里響祇園幹老蟄龍知樹同金粟屋摧施鼠竄花落雲名迹苔封古道柏松三徑寂遺文薜剝斷碑風雨五更愁爰者正林誓開弘願啓白社以延佛母借半領之袈裟遠紅塵而建小龕刻一礎于兜率車如輶而來止驂停紫馬大夫花對對以成群門造青旗帝子年年歲歲爭看城市之觀徃徃

無夢園集 駐三

來來幾作驛驢之費空中之樓閣來成道傍之屋舍難就惟資檀越願長者盡破慳囊殊種因緣隨居士普齊道念金刀錢布十方來貝葉之施鉢黍絲麻一木支蘭若之室茲旣赤手無桴惟藉綠文敷貢謹題數語聊附後言疏

乞爲海忠介公題請建祠呈文采略
故南京都察院右都御史前巡撫應天等處
方右副都御史海忠介公抗節忘身藉甚
肅皇之世起家總憲簡在

神廟之心顧惟保障東南之功土人可無崇祀
蓋茲重地寔係天下安危自公下車豁里正賦
長之橫征不經無藝之苛征布人于敵體衙門
朝夕登記設或不公事件鉅細必知白菲躬
巡草礫之間烏府口勞耜粟之衆給工倚辦則

無夢園集

卷三

七

粹間州庫散寄賦以沙饒爲名者萬金用力不
勞繇虔祀海神感回風而潮汐不沸者五日適
當隆慶己巳水滔天之後不減宣德辛亥米鋪
地之時然終不問催科唯勤撫字夏忠靖之日
夜經畫而兼况守之簡約易行周文襄之撫安
軍民而兼胡卿之祛除民害日常鮭菜必出俸
錢駐劄衙門不煩供帳羣小側目姦佞甘心一
葉還鄉萬民揮淚立碑去思者或因以干澤立
生祠者或藉以納交今則楚相極貧莫弔婁

之餓鬼羊公無後空招寂寞之忠魂伏望題請
賜額新構專祠豈徒一時僉議之公寔裨萬古
風教之大右故隱士徐浪峯應雷擬撰而予爲
損益字句嘗語人曰祀周夏二公而不祀海忠
介吳人薄矣乃周綿貞中丞以逆璫被逮又多
惠政人心不死忍忽然乎

無夢園集

卷三

七

題春湖詞

嘗笑紅粉心長節俠氣短西湖不然節俠心卽
紅粉心拜岳先生齒牙盡裂繞過第一橋渾眼
嬌粉以此二障牽惹湖光消去一半夫縞衣素
巾齒于螭螭裏懷悒悒云義憤緣紅粉心不
真耳初抵杭忽見撩草人如觀西湖面古今懷
古詩鷓鴣宮艸一經摹擬便成醜惡詞云見說
當年歌舞地錢塘三日斷江湖便老勁他詩稱
是月之十泊岳墳坐樓舟美人躍馬如飛電琵琶

無夢園集

駐三

三

琵琶消盡第三橋歸作春湖詞序

明聖湖百咏題詞

廷綸生京口振海門之險長江四塞以土風淺
麗負鉄行塞上孤城落日振古出塞鏡歌大將
軍令帳下健兒擊銅板和退而春星老矣一日
暮西湖摩娑老眼湖上逐妖童豔女爲賦詞以
辱之歎曰以媚送媚丈夫鬚眉盡矣得無破損
湖山乎哉所著百咏間寫孤松瑯玕置孤山風
雨與蒼髯對蕭然敝索載湖山歸其人老蒼其
詩雄宕予晝夜狎兩湖一日屑屨萬松嶺而上

無夢園集

駐三

四

東對大海幾並席狎處者不尊人自媚西湖耳
狼居長城摧殘壯骨山爲作氣西湖日昵兒女
亦兒女昵之不知記稱錢王恭順代不被兵父
老歌舞至今不絕豈嫫嫫燕山之石哉夫弔忠臣
義士裏爭投鞭之場則悄然而恐攀冶夫游女
拾翠驕春之地則藹然無生氣此于游道槩未
有聞廷綸固宜羽扇綸巾揮手招三丰長作西
湖老尊宿

祁司馬藏書約跋

山谷云元濟在東坡雲霧之中風氣殊勝由此觀之人豈可不擇交游親戚耶先生令長洲澤被災百萬枯魚手掌中用古人一字一句不著先生咄嗟立應以此知先生真能讀書今官司馬盱衡軍國疆圉大計繼自今晉陟卿貳諸輅畧必不索取蠹簡中卽先生上下經史數年來與蒙商量密牋胷中真有完書而不以示人頃先生使事還里及泚白下纔數易朔鱗鴻往返

無夢園集 卷三

三

必辱千言如決西江之水然惟勉勸讀書而不輕以示蒙頃方下堯峰好音自金陵來紫氣浮動私計函關五千開械莊誦僅約藏書以知此先生之神速矣蒙自屈首受書當其得意如逢故人疑難交送方據梧兀思音輒掉臂不顧而先生與爲賓朋與爲姻婭苑囿以居之徒侶以樂之明月以談之清風以來之而書亦歎且笑于先生之側書于先生如嶺出雲如竹解籀予于書如臧牧羊如山登鷲噫書亦可不擇

交游親戚耶

無夢園集 卷三

六

跋吳文定公謝恩表章後

此文定公初見 君父語暨公侍

康陵東宮侍豎數移事間講讀公疏曰仰唯

東宮講學寒暑風雨則止朔望令節則止一歲

不過數月一月不過數日一日不過數刻借曰

習讀于內不若就傅于外 上嘉納弘治初年

議稱

孝肅太后公面奏曰魯頌善嫺闕宮春秋考仲

子之宮皆別廟至宋始有並稱其禮已謬然皆

無夢園集 註三

二

諸帝繼室作配天子非後世子孫嗣承帝位尊

崇所生者惟宋李宸妃歿仁宗傷痛始追尊祔

祭非禮不足爲法宜改祀 奉慈在 奉先殿

西 上喜曰大義深恩並行不悖立朝大節載

在 國史與先中丞成齋公同心事 主仁復

得交公孫 繹貌惺如廉直好修一日出圖表

相示敢僭述云

跋吳頤山紀事

義興吳頤山先生素知第一流也余艱於詞漢

長者登 以前記相勗日銘諸座丙辰歸十日

舉一子緬惟哲人永矢勿諼忽聖鄰以先生集

貽我卽余夢寐之先民也又知此泉先生世其

行學今諸孫玉立聖鄰相訂皆世外語余迂士

也聖鄰寧好其迂而爲庸俗所嘲且指者知已

實難宜共冰惕危使平易使傾中庸於福位名

壽立傾者覆之一撈爲富貴入開眼夫以歡喜

無夢園集 註三

二

心慕義不若以恐懼心積德在得意場中回頭

畧認面目大可懼也

跋施捨文定公真蹟二十一帖

家藏此帖二十一幅風雨晦明每諦觀之置身成弘德音來括一日登堯峯禮公像躋妙高峯笑語落太湖遂欲出此鎮之乃於三月十七日祭我公受益亭以家藏集十本致德錄一本同此帖施寺供奉寺僧覺宇余鑒其朴誠手授焉後之守者尚有感于斯言不然與廣明之焚此者一也

傅氏藏王季子手札跋

余携王少湖先生書入京邸時車馬襍沓間業職方鳳超年兄聞而知之遽馳尺一相索喟然歎吾道不孤蓋余與鳳超同受易于錢啓翁業師之門也既蒙

上俞監臣言擬議崇祀余謂躬行君子發六經之精蘊如王錢兩先生真不愧云余少事先王父每稱王季子不置且諄諄語曰繁惟誠意洋溢卽儀文纖毫未嘗虧減也余自入仕見郡中

兩旁構新鬼大而醜當建特祠焉因刻其書猶恐負先生提撕終夜悔過內自訟中懷怵惕懷乎見之傅子成先生以門弟子周旋數十年稱爲大方可稱入季子之室矣是時子成居王父喪絕葷酒寢苦塊有過人者集成手札子仲素誦之終身偶披一牘云昨慮認病不真恐不可輕試藥物乃謹疾之道當如是耳又云病小愈乃過勞是以復病危平易傾之道甚大固百物不廢者可不念諸噫父母惟其疾之憂先生

真父母也無有師保如臨父母憂患與故有先生詔告之道其可明也哉身其可保也哉

跋文徵仲所書徐氏先誌

徐一蕃先生長沙誌之待詔書而贊之正德迄今

上乙丑手蹟猶新贊稱和而不可以同惠而弗有其功想見成弘人物務依忠厚振之五代孫能自刻厲金不入帑馬不入廐山行不避兕虎此碑神物護呵不歸振之而誰歸也

跋徐霞客遊盤山黃石齋贈詩卷

霞客游甚奇無如盤山一游余歸自寧錦憩山海喜永平山水甚駐釣臺俯危石一過崆峒訪道之處有盤山焉竟數日不能去所見古松百株半挂藤蘿半星斗疑野僧疑詩鬼歸示霞客霞客踵及燕山劔及雲中無何而虜至嗟乎將吏如君半肩行李無疑無怖名王不足繫也霞客著屐破屨裹石齋落筆驚風雨故宜兩絕余題卷並在丹陽道中

無夢園集 卷三

三

毛孝廉行事跋

漢舉孝廉詔不舉者罪上又原高年給胎穀賜酒醕風之宜矜刻踰厲卓行不絕書何寥寥也豈比戶可封歟萬石君父子逡巡雌節耳遠飾之如景星祥雲瑞芝秀草何歟觀毛孝廉出季金却季金勿令子孫書子孫書而復毀仁心爲質可以風矣推索伯季揚芳州郡世有令聞哉故上以實求之下以名應之漢家詔書也上以名求之以實應之毛氏家學也抑或漢以實求

無夢園集 卷三

三

而其主外施仁義欲微跡弛泛駕奇材異能使絕國者反出於名嗟乎士未有不真廉而能孝者西漢之末士大夫安於蛟龍之養養夫可得而養之不知其爲蛟龍否也當是時有一解組挂冠者出天下壯之學士歌之車若何馬若何悉數而手識之則夫未及引年高駢不顧僅憲老乞言光顯郡國乎哉

洪半石年兄惠泉詩跋

人自第一泉自第二若逢邂逅世者流二吾猶不足此中冷之一非其一惠泉之二非其二也此太守月給三十甕分水相餉而予讀書金山十日三過郭璞墓有泉泓然題曰眠影惜不與太守共嘗之也二泉六井真堪絕對太守能爲鄴侯予亦不失鴻漸矣渴止評詩詩與茗與泉白戰而賀戰勝者在太守之詩

瑞光募緣文跋

居士題放生會云據實而語之又銖銖而數之似于不住相布施義不相應而識得此銖銖而數者皆幻也幻數因幻夢而集也緣此幻夢幻數而姑幻施之幻活之施與所施者活與能活者俱幻也俱幻則俱不住相布施也以戀故常亡以捨故常在既已捨矣何常在哉坡不幾失言乎此春夢婆之所以掉頭也無異扁鵲之見桓侯也

止贖題言

止贖贖自此止也何爲有此感甲子之災也
繼自今不復吐一辭矣

性不工詩代又不屑尤厭作序未有王唐時文
秦漢古文而須題端者也如其不爾譽言何益
噫士固有恥賀秩獻壽碑德其文諂濫緣疏侈
薦贖其文乞乞與諂文之下也弗爲之矣

夜臺說

夜臺師夜游五臺手握鐵杖騎虜婦遺大青馬
踏海端坐飛浪壯矣僵槁積雪中昇歸乃熱其
骨可以做虎而不能凌霜何居客不能答予曰
此現踏海相耳以積雪死以白浪生何怪哉

上政府朱老先生書

老先生下訪賜弔獲聆吐握餘緒以恤民爲第一義詎意東南大祲慘倍萬曆戊申甚且魚蝦不出饑民張網糊口之需盡奪之凡麥爛田荒之狀累見上章不贊最酷者六七兩月枝梧孱岝竭累十萬餓夫孀婦之筋骨而淫雨傾之厚拔子遺水深二尺稻方生息而毒熱爛之今絕望矣日者讀大疏釋明旨兩臺公祖通商安富孜孜治理而天意急欲沼吳又有六七月倒

無夢園集

卷三

三

場腐爛之變詔書果信自應多蠲向統轉乞一全折乞一量賑僅無聊之苦思伏乞改折歸官大戶蠲免歸細民十畝以下盡罷之十畝以上酌罷之救荒一急著也江南低下之邑每有無處荒賦若干豈有既名無處又人比較而新荒無處數倍於舊其田累世不耕連逃乞丐化爲盜賊豈有乞升斗于汪洋向綠林誅歲課者長令用何法以版催問閭責何人以供辦不捐且自捐不若捐之愈乎下田畝收蘆葦亦困以

重額於是飲食鞭扑不可究詰未有父教其子兄教其弟自爲兒童恬習筆楚猶望風俗長厚者不若減之愈乎以長洲言之有二萬未捐荒田之賦必有二萬隱侵熟田之賦以救死謀生而四萬皆歸一擲荒熟不分真僞貿亂今業疾屢勸成冊盡捐實荒不過捐潦潦之波濤耳何常捐毫末之賦入又况荒熟別白奸民無所叢藉是捐二萬無徵之賦反收二萬應徵之賦也卽一縣他縣可知伏乞鈞裁豁免冊開無處荒

無夢園集

卷三

三

田與續勘新荒無處之賦而下田以次減則有差與其額重而無徵不若額減而少徵救荒一急著也至拔本塞源莫如開吳淞白茆劉河水利而大中丞已列疏聞矣國家恃江南江南恃土田土田恃水利聖祖屢遣重臣設工部專員嘗於吳文定家成弘舊牘中見一工部與長洲邑侯書想見當日胼胝拮据狀此官一廢郡縣水利等于贅員然則何不併去其官亦曰此官之不可去也而姑存餽羊虛糜祿秩則何

不亟選工曹而速復之俾南直嘉湖水利官有
挈提事有綱領乎自海忠介開吳淞江更數十
年爾不治巨浸一至無道以洩城河隆港勢若
滔天可不思其故歟設繼忠介而開江不至有
戊申疊災戊申以後遙議疏撙不至有甲子疊
災又使再復商量停待繼自今水禍恐益不止
况災莫災於窮鄉而吳淞白茆劉河等處跨郡
連邑日聚千人則活千人也日聚萬人則活萬
人也以月計之則一月活千萬人以歲計之則
無夢園集 卷三

一歲活千萬人也策莫奇焉伏乞疏請急行撫
按設處興工勿需論報又救荒一大急者也夫
天災極矣光輔

聖君必爲堯舜則是天之終未欲沼吳也千古
一時幸老先生斷行焉

上同鄉政府書

仁錫守制歸旂夕杜戶自交戟至郡邑矢無二
刺相干卽公舉公牘一切不與以此開罪亦所
不計豈敢干三千里外再噴台臺不得已而言
則楊公祖之參於閩寺關 國體也又不得已
而有言則今歲汚萊滿目人畜漂殺室廬壞敗
家號戶泣已悉大疏中乃不意六七月之倍慘
酷也厚救千百之一二忽淫雨塌陷忽毒熱腐
爛遂無顆粒可望嗟乎無罪無辜至此極也至
無夢園集 卷三

於此不得不議蠲矣蠲盡歸細戶則窮鄉受蠲
之惠而改折盡歸官大戶則官大戶亦受折之
惠蓋荒區有荒田熟區亦有荒田頻年水災減
派荒米皆熟田補足既使熟區代荒區賠糧又
使熟區之真荒代荒區之假荒賠糧故今歲官
大戶不得不盡出于折也戊申年停徵其後年
年苦比徒費需索甚且扣見在之熟徵作久連
之荒課故今歲小戶不得不蠲而十畝以下不
得不全蠲也至瘠鹵燒塌之邑各有無處荒賦

若干人戶逃絕積數十年無升合毫釐之人何
不盡行豁除使不得借名以貿荒熟而下田差
其等以次減則不猶愈空擔重額毫毛無裨
頃中丞公祖開吳淞白茆劉河一疏深中水
肯綮以賑鳩工所賑實多而專官督理一遵
祖制邇海忠介開江時吳淞廣十八丈距三
六丈遠矣白茆廣十丈距四十餘丈遠矣今又
不知壅占若何而劉河僅通一線救荒須救急
莫急于此狀乞特疏主持治本則田功治標則

無夢園集

卷三

七

荒政雖野無青草實肉其白骨矣竊惟時不可
失宣德間周況二公奏免重額糧八十萬石充
耗費正德以來大壞其法文康公於嘉靖六年
奏或摠數與徵數不合或官簿與底簿不對或
已徵在官支調分侵或私收入已申報民欠或
官田改作民田或肥蕩捏作瘦蕩或荒糧扣清
別區或熟糧洒派細戶或有田而無糧或不耕
而得食九年又奏十六年又奏于是下巡撫
陽公太守王公減耗米三十餘萬石文康之

時也嘉靖甲寅嚴文靖具奏盡免漕糧一年文
靖之一時也趙支毅疏清賦治水累數萬言多
中格文毅志欲爲而未遇得爲之位也居可爲
之位如支康公一奏再奏三奏所必得請而後
已是又今大蠲田租大興水利之一時也惟恕
其賢愚採擇力行

無夢園集

卷三

七

五月初一日天台紫凝樓與張夢澤催速
除金礦書

漢家每一征調輒減郡國糧至百萬石今動以
加賦爲良策

先帝嗣位閣臣郅臣柱此一場機會不力請蠲
免謀國者之拙也而况無名瑣征以一夫之仇
奪千僧之食以一夕之虐陳廿年之癰如天台
礦稅者一番查刷便一番支吾一番詭匿便一
番調停且蠹賊于民奚愛重輕上下長吏難悉
無夢園集 駐三

知昔年特立充餉收頭不啻倚納吁嗟台山是
產育賢聖滋長神明之地也虎不食人有猛于
虎者乎故曰針灸者與其護痛而數舉不如忍
痛而除根又况所忍者蠹賊之痛也則所不忍
者台山賢聖神明之痛矣只今僧綱司查廢田
若干援筆數語積禍頓除十日之內大者碑小
者榜開此口也不負一來終不貪爲已力

上撫按公祖書

竊惟實心爲國國實受之實心爲民民實受之
而套數不與焉台臺疏災之後蠲賑屢播於
絲綸萬一部覆寬緩復尋故套此言不信郡國
遂無可信之言此事不做 廟堂竟無可倣之
事而其權在覆核大奏故草土賤愚猶將不忘
百姓之病也嘉靖甲寅

肅皇帝俞嚴文靖疏免東南漕糧一年按文靖
之言曰荒民救死不贍猶責七八分之正供蠲
無夢園集 駐三

二三分之存積通體殘矣益之以一毛濟手否
也文靖官甫侍讀地方未經奏報一言先得之
于 明主今台臺繪流民之圖致黃閣交章
聖明動色加派以來民不堪命久矣豈忍挫此
一場機會而積水瀕于八月二麥絕于來春將
有不忍言者乞大請蠲賑得請之後嚴覈欺隱
賢有司事耳官大戶感不擾之政自宜捐助何
況歲輸至窮鄉屏戶誠有如

高皇帝免太平等詔云縱使不免亦可無徵

酌量十畝以下全蠲三十畝以下半蠲半折
後以細戶派折之餘及於官大戶施先孰獨幸
甚宋黃勉齋權知長洲上平江牒云浙江三郡
之災猶幸平江尚輕惟長洲淹沒處多邑最窪
下明矣長洲有無處荒賦若干永不入徵自經
賦冊造于萬曆初年將升科復熟抵補入徵如
故祇因升減多故則數多本縣田獨有五十餘
則而荒熟大亂此書遂為三十年賦法之祖無
能破其悠謬惟崑山張可菴先生官給鍊管青

蘇州府志

卷三

賦役

聚之藏于家據冊開兌運軍備派剝似無遺筭
需板荒珊荒積荒新荒盡以升科補足但信紙
上之言罔恤溝中之命不知有一處升科隨有
一處減則以升抵減年升年減往往奸民捏造
升科圖減腴產不一二年升者條復告荒減者
永為已據畢竟從何抵補有司無可奈何不得
不出于筆楚當比責時鳩形鵠面弗忍正視而
求區竄逃之餘誅求亟迫于是祖課孫父課子
印曉而升之以廿一二齡習受杖刑為能事

在風俗誠可哀痛長洲葉父母至誠而精察
歲不勸業有成冊及其在事必無溢報倘延臣
再易銓除雖神明之長必須一年始見端緒
且逃亡為盜賊能少待乎以此例崑山吳江常
熟青浦無錫江陰等縣又可知也特長洲為本
邑之最耳伏乞徹行該縣將真正新舊無處荒
賦奏請免徵其低下薄收之田分稍抵極低奏
請減則千百世之利也大都長洲以二萬荒賦
為年年年苦比勢必併侵三萬熟賦以苟延性

蘇州府志

卷三

賦役

命猶懼胥吏議其後也半侵已以糊口半入胥
役緝口浮萍已散而復生蟻虱方弔而又賀故
羣一邑衣食寢處于荒區不下數十百家歲豐
詭名籍荒歲歉捐貲買荒按籍罔知臨比莫辨
今既捐其無處減其低下非荒非低拖欠何辭
詐以減則抵復熟及價重租重反居輕額又何
辭請言其利國者五空捐無徵之賦實清有徵
之賦利國一與其重額無入孰若減則薄收利
國二去籍荒清荒一切窟穴之弊遇凶歲亦勸

災而災已定利國三報荒責于公正則尚書不欺荒孰較若白黑則糧櫃無權荒田盡行人官則朝廷有數縣前編折二議司農必有說也所宜強諸上也一歲災民之計也由後蠲減二議國課終無損也所宜遠諸下也歲歲災民之計也不然正嘉有歐中丞賦冊隆慶有林東丞賦冊何嘗有抵補無處一項而遂以經賦冊一時無稽之言流禍百世哉畱 觀關係極大救荒猶救火門外之人方辦集頭爛額攘臂以

無夢園集

卷三

三

入而室中主伯遽于烈焰中正襟盛服以出恐有牽其裾者矣意者冬春之際一面銓選一面擢取以省一番署印之煩蓋憂在冬春宜長慮也抑有請焉敝戶原有荒田倘蒙裁擇乞行長洲縣將敝戶出悉照舊額供辦非輕輕也顧文康嚴文靖二先生疏中亦以爲言蓋立干無過之地而後其說信也齋沐矢辭仰祈斧斷

與周撫臺綿貞爲吳文定公請祭書

台駕無月不敝廬至徹夜分而未嘗一私于也獨有請者敝鄉先正吳文定公寬立朝正直忠厚居鄉孝義廉潔嘗與王文恪公同朝出處風節士咸仰之今文恪祭而文定不與祭其謂之何且累世貧窘家廟凌夷綽楔半朽每過尚書巷口未嘗不刺刺焉生讀書堯峯山久之有像儼然故文定公讀書地也夕陽坐太湖謂遺像烟雨明晦如見先生台臺請于朝而予之祭

無夢園集

卷三

三

庶成弘間耆舊領袖吳山名教其大光哉

等

再上周撫臺公祖書

謹啓今歲長洲第一荒等於昆山而甚于吳江
青浦頃覆核長洲九分八厘遂不得與三縣等
蒙老公祖傳示長洲改折六分不肖以全折爲
請伏荷駕訪面許七分而民間不知皆云無荒
幸速發論榜以安之更有懸者長洲全折決似
難已如近日所條上譬之十分長子也九分八
厘次子也同處一室之中長子有分產次子無
分產可乎又譬之一母乳之子同在襁褓同患
疾病一則予之乳一則奪之乳又可乎 朝廷
無此政體司農無此會計人情孔亟苟利社
稷專之可也伏乞爲四郡補贖必首爲長洲請
全折務與三縣等災黎幸甚

無夢園集

卷三

三

策宣大書

中山王之治薊九年而不及遠也有馬雲葉旺
以代之薊遠非可一人治也

高皇帝之大略也然中山王詳于薊而疎于宣
大也力有所不暇又恃大寧以隔之也故山海
樹重城而宣雲多泥垣反得隆慶諸老因款備
戰十年經營力今復大謬不然矣昔也無兵兵
戰歿于遼而不補今也又無馬非無馬也插不
使我馬入薊以匹馬不人爲功宣得無以匹馬

無夢園集

卷三

三

不入爲懼乎何法使馬來卽終不來何法使馬
他道來而不虞張家口之不來願洗心以聽自
奴思逆萬曆廿年大率欺督撫用一騙字曾將
士用一嚇字惟嚴備足以立困之而其如不肯
備何也今插尤甚焉初避俺答避居東偏昨避
奴酋跳逸西上是勾踐之智也能下人名也又
且倏戰倏款倏挾賞倏進貢以弄中國兼挾三
十六家大頭目誅殘屬夷直抵甘肅皆以避插
爲名閭聚內地我乃有不侵不畔之卜夷而不

能宣慰有永邵卜而不能用但曰款爾否則施之曰戰爾夫插豈終受款之人又豈一戰字可愚之象人紙馬可陣之也哉至問邊志又有慨于中矣郡國志書儒林開局拾作恢諧高閣度之耳無益亦無損若邊鎮志專借以蒙上官侵兵餉作一張本四鎮三關志其一也去歲甚有感于遼自領征寧錦宣詔乃知郡報邊志皆斷爛種也請試一一躬閱宣府圖其山川盡復隆慶諸公之舊勒成一書可矣

與甘肅劉撫臺

伏讀手札插橫至此哉乃使天未遠夷望風驚竄而說言報仇陰圖內犯狡焉叵測殊費料理用動乎恐其滋蔓也用靜乎恐其長寇也指揮如意乎恐兵餉之不繼也待假便宜乎恐鞭長之不及也聞甘肅苦積通軍人枵腹又往往不遑于民而屯田法至今尚行意者條上便宜爲天下復屯之倡歟新選甘肅守備王振遠武舉取士寧遠人也昨三月以草鞋短刀見于前屯欲夜請千兵手刃速不的壯哉士去冬京師困于奴繩城而出密召遼兵二萬復乘便召還遼兵此人間氣所鍾意者天使之供天末于城耶

又

同年王金谷懋學陝西鞏昌府人也以國學遷戶曹僅月餘耳病遂卒旅中蒼頭兩三人丹旌行矣家貧路遠有孑孓然儒也念生平陰行善不求報莫如念劬先生起白骨而肉之伴一片

清勝七尺勁骨作山河氣於嶺西百二之秦關
以壯 本朝華山有靈亦當興雲撥霧助大中
丞天工神斧一掃銀笏佛僧黃花阿囊之孽

復撫臺

沃洲呂公按吳相度輿廢圖而藏之府海忠介
立濬之數十年不被災無大壅宋承務郎胡舜
申曰自塞胥蛇二門生旺之水皆遶城外去宜
逐異水以入此二者非天留之以待任乎直指
某公檄查征倭治河事已詔罷仍在徵者
應追羨若干以治吳淞而中沮數年來時下令
開濬異亦有利無害有全利無一害誰撓其成
此二者又非天留之以待竟乎嘗聞古之大造
人者獨于擾攘急迫之中行寬大閒暇長久之
政此天下所以不測而大服也談者蒿目財用
又相沿無動爲大耳文襄之來也以七年通賦
蘇郡至連八百萬石其後省耗勸分濟農盈餘
米百萬而築岸捍塘鑄器救荒悉在其中未嘗
憂財賈也自餘米一括之戶部而豐凶無備逃
亡歲多惜哉幸及時焉

與徐按君言沈阿滿冤辟書

謹啓敝鄉同年已故孝廉伊應銓屢下第鬱鬱成病齏童子阿滿年十五六素嗜酒敝同年因室亡自親米鹽阿滿數盜其膏酒而惡之童醜而善詈伊之老僕恨甚立聲主怒有門下王術士健訟獲千金爲硬証陷誣姦情老僕抱告巧令孝廉密告姦以怒縣顯告弒以坐辟須臾太獄構矣決單請矣然天道昭昭未幾術士疾狂疾老僕歿城隍廟庭又未幾孝廉病冲悔而欲生之生等同年五人代籲則疑爲歿囚居間不

據事直告

蒙直剖其冤沈阿滿發回伊氏幼子撫養

附憲牒

本院於四月廿五夜因淫雨爲苗終夜驟轉不寐忽而寐見一金甲神人長約十丈至王

榻前揖予而言曰卿於鞠獄屢見慎重若不

欲輕下一字者何令沈阿滿沉寃不白念屢起而尚作猶豫耶予答曰非忍猶豫恐情未分曉耳又曰久有分曉因再答曰果久寃敢不祝網隨合掌就予三揖而別醒時想像殊令人毛骨都竦遂晨起簡查舊牘凡情屬可矜者俱思一一爲之伸理而於沈阿滿一案寃情遠邇播傳神人共悉合行查審仰道速行

附批詞

沈阿滿盜財無據傷指無徵蒸妄尤屬虛揣其飛刃越屋藏箱環響之說皆以一段狐疑裝成此局耳草木皆上天生靈豈以無端猜疑令無辜冤號鐵杆控鬼神嘿嘿之歎致生良有以也合行如照開釋令滿幼主呈遞保狀以餘殘喘此繳原招曾否詳部速查明具報

過淮上目擊桃源宿遷邳驛四災也與蘇撫臺請立石記夫役書

謹啓徐州河決之後如桃源縣如宿遷縣如邳州如驛縣賣男女供驛遞亦孔瘁矣生在桃源住船三日見縣驛皆閉門爲之惋惜乃自僱夫行比間每差座船動索夫百計如一船百名則十金兩船倍之有立盡耳若是必無桃源與其桃源問渡不可得何不少寬之留此一縣生靈爲往來貧主人乎伏乞台臺著爲令凡差船過無夢園集 駐三

四邑挽者弗踰四十名仍立石永久生行道之人非好爲異同也唯其嗜魚故不受也

書上公卽立板榜有不能行余四十名之言心甚媿之等語而嚴爲禁抑越明年果有桃源劫庫之事

與吳邑周侯白章二鹽訪誤擊書

謹啓訪家之滋害也有永巷焉一白淦卓叩者至童子出開門卽入仍扇第二門以白鋸置卓維書某人單欵趨出主人收鋸抄謄不面一人不留一筆蓋亦巧矣欲陷某爲次犯於是借一極惡人爲之首首惡如是次犯可知而其意非爲首也欲陷某爲首犯於是又借一極惡人爲之次次惡如是首惡可知而其意非爲次也於是相識之人牽作一人以不相干之事併

無夢園集 駐三

主

成一事成者成徒者徒間遇明府推詳暴白而家已罄矣如近鹽臺所訪章二尤可笑焉章二卽故大中丞陽華嫡裔也食貧處館有至性更有坐性終日不出夜需陳酒二壺他非所計館主三五年不肯辭頃坐館黃鄉宦宅忽有三人入館揖而問曰章先生有一好館欲屈明年可往就乎喜而問曰誰氏曰館亦不小是見任鹽院言未畢索其頸質成臺下生聞而入獄觀之神閒氣定宛似教讀時景象因喜故家子老成

人不可及然其事終須一白謹齋沐以告訪不
可信久矣况無名號耶或曰有真章二焉而賄
什之然未可知也幸賜詳察

疾審至章二沉吟以思判曰章二筆耕之士
實係誤挈放回

辭周大中丞檄府建坊書

頃據蘇州府爲建坊以彰人文事奉祖臺憲牌
嘉靖壬戌一科一郡有二鼎甲今

龍飛壬戌開科一邑而鼎甲者二人文章經濟
皆不媿科名應于膠庠中監擢棹以表人文仰
府卽查應建今壬戌一榜暨於何庠動支錢糧
作速查明詳院等仁錫聞之而媿甚竊念久困
鉛槧幸忝制科乏尺寸建監儼然樹擢棹以焜
耀之不敢康且敝郡游飢父老子弟鴻雁哀呼

錢糧設處必累加派愛人以德願祖臺亟止之
也敝同年業有專牘辭矣

與胡兵道

寧武山右要衝神警之後流賊蔓延其始青
通軍燒民庄焚田器以致富民化爲飢民良民
化爲凶民頗聞三秦軍餉不給有四月者人
知飢民附之不知富人之被劫者亦附之人知
目下兩省忽難忽盈而不知將來秦晉庚癸
者皆流賊也况殺飢民未必殺賊首彼且破城
邑屠職官漸豈可長妄意刻期會勦合秦晉之
兵宜搗其巢仍以勦爲撫凡係我民人盡撫而
置諸懷抱間無若襄東省以飢草爲京觀天下
事有大于此者然二虜久在目中甲兵久在胸
中以次掃蕩未晚也

無窮圖集

卷三

書

閱張仲于試卷與細論文書

今日正文體但與高才生約法數章足矣張表
弟仲子爭華世其家學賦才奇古然試卷售越
不售吳此道果難言歟要之高才可與說法者
必仲于也敢以苦茗代孟酒與于細論文而細
推之品詩則清新俊逸品文則雄渾博大非雅
言也耶然杜入雄渾矣李入博雅矣清新俊逸
耶次兩家詩格非律令也又有謂作山林之文
不如作廟堂之文以山林雅近寒儉故夫寒儉

無窮圖集

卷三

書

之意不可行于廟堂而施諸山林詎不可哉且
山林奚寒儉之有請與子遡前辛未而及甲戌
庚辰諸會元之妙妙于雄其神武而不殺乎孫
棘棘于雄而渾雅自在渾則博博則大進此以
往必從清新俊逸入矣入子博大渾猶一間也
雄可望渾也入于鬆麗輕淺而詭怪百出以以
勝之亦有逕從博大入而大者壯也用斯罔矣
大者過也載斯撓矣似與雄渾近去之彌遠又
不如清新俊逸之可无咎也上者定心氣次者

協音聲次者調步驟所謂與高才約法三章總
以雄爲主彼號爲意見議論氣談精彩與渺皆
雄之仇也何與焉請周與子細論韓歐正文體
一事而子細推之二公之文不相襲也其釐正
之德之功亦不相沿以唐之時濫學古文枯木
瘵而不生官骸滯而不動於是韓子以氣噓之
其功起入代之衰宋之時濫學時文板重寒淡
如土木偶人對坐而不語於是歐不以頓挫轉
折點動生氣稍化髮眉之顏笑之其功起一代
之衰使歐公亦學韓公文體奚自正乎且宋局
有奇險之士刻厲之文哉韓公漸近一雄而歐
陽子度其力與其相遭之人與文未能也勉爲
清新俊逸而已矣

無夢園集

卷三

三

與朱年伯總督

加河駱馬河老伯治之矣昔以海運佐漕運之
窮今因新河廢舊河之利徐州一帶肩摩轂擊
安在哉詢其故河之子無一帆矣不知何法使
舟楫往來乎加河漕子斯冠帶子斯二百里不
設驛反枉道取夫馬于邳州嶧縣二百里之外
俾過客停舟宿遷浩浩蕩蕩艤數日以待何善
後之無術也聞命以來爲河伯巨靈稱快者此
耳

無夢園集

卷三

三

與友人說台鴈

孫興公未游天台遙指赤城呼爲霞起千古
嘗未游而高其賦況余倦游也哉辛酉春夏
於鴈蕩悟于天台醒于會稽夢於上虞因思之
章妙境疑深於悟夢長于醒人亦有言台不
鴈非也鴈奇極三十里台奇平八百里奇極則
竭奇平則生台之桃源三井瓊臺雙闕鴈不如
也雖然悟境耳望鴈山大龍湫濤落絕頂最高
三百丈水色曉亮如江朝暾折而下幻飛絮
數疊幻凝烟各百餘丈又數十丈鐘溶雪汁采
五十餘丈微聞聲甫下龍湫其音大吼吼三十
餘里砰擊不少休今記賦中雷霆蛟龍之聲皆
怒于潭者非龍湫真界志稱廬山直不如鴈山
曲曲則飛舞可觀亦邊見一層悟卽一層疑妙
處俱喚疑不喚悟蓋嘗登上虞而思云思台鴈
似精嚴天女不敢褻視思若耶似女郎掉槳笑
人荷花要以會稽不夢則梅梁飛影于鑑湖左
軍飛帖於花街有情者挾之去在上虞而夢則

尊其環珮之精嚴皇風之淳穆者爾會稽何
不夢山川應接瑯琊處處逢迎有所不暇耶
山有龍禱七日不應一壯夫疑之躍入潭龍
也負而起雨大注蓋龍得一夢之力壯夫得
疑之力甚哉乎疑悟夢醒之際玄言問老龍余
所過觀瀑杜鵑紅二百里下映白浪三井之幽
壯小五泄之頓挫九里之濤激秦望山之乳井
皆日賞而心不服至三江開真服矣其水之音
三代以上鐘鼓也其水之文蒼頭以前篆隸
觀止矣

再出山與相知書

弟向竊閉戶讀書之名而丙寅遂歸終日惕息
開卷一字未能會心旋讀旋罷遂受閉戶不讀
書之實豈非天哉名實之際良可畏夫

其二

朝遊江湖夕調鼎餽庖厨之刑罰也省之而已
珍羞在列海陸並陳口腹之稅歛也薄之而已
繁詞累句時文之加派也免之而已

其三

我無所取于世是我不需官也世無所取于我
是人不需我官也持是安歸哉歸家耳

春秋房約

生通籍以來幾十年矣未嘗一字干人凡任干
吾鄉得侍同朝者無不知之豈有已不求而代
人求之理豈有不干公祖父母而干門生之理
在內在外榮任處決不遣一家人通一私啓如
有書札其假必矣即使其人不假而書則假矣
且古人念親友無端招搖道路壞人人生平是傳
雲之所不思也生奚愛焉通書人徑行枷號歇
家并責究懲楚一二漸自止更有巧于居間說
書轉致我界豺虎亦不食矣至長班裁衣星相
商人方外等如假名帖竟一笑擲之而江淮果
楚間座船浪船偽書牌號尤生平所屏絕者各
得約法無爲棍徒所誑幸甚

署國子監紀事

一紀革首惡以清首善

京師四方之極國子監爲首善地今把持于史但知六堂如贅旒不知升髦大堂尤甚何也胥吏竊大堂之權而以其似人者見皂隸竊大堂之權而并其似人者亦不見是以公庭寂如一叩若輩之室私衣冠藏焉代點名代擬管代領糧覺而試之以題代者不蹏而馳六堂皂隸各以監生爲私人不冷不熱見師長不得已或中人中分一人之贊以獻沽沽德色至亡行也四方罪咎爲鄉里所擯塗名改姓儼然稱上舍首善之地爲首惡之藪矣予令事不繇六堂者不准稍稍知有師然能事止此耳人之患在好爲人師尤患不能爲人師更患欲爲人師而不可得國子監兼之

一復射圃修右廡

司業公署之右射圃一區魏忠賢建逆祠地宜墮併工集諸生較射爲斯世懸父子君臣之機

以誅媚闇者若文廟右廡雨至必傾真急務云

一諭公侯伯之子

祖制甚嚴今絲體者少先行列榜曉示一不從吏請再不從官請三不從指名參奏

一進課之日每季呈 御覽冊以革鑽刺

本監季課所進者文耳竊以官必有法守流俗如波法不能行禁不能止請季造 御覽冊如監生不到班爲一項鑽刺爲一項屬官不到任爲一項胥吏犯法爲一項如雷如霆赫赫天

無夢園集 駐三

威誰敢哉

一選真儒以儲積分

積分乍行而旋止爲去來不常無分可積也請于茂貢之外不拘廩膳提學官擇真才實行年力壯強府州縣限若干人如果乏才之地不必拘額乃入諸監與監生雜試以次升其堂階積分候選三試而殿坐舉者晉三年一考得人超擢庶乎積分之典可行若現在人數寥寂胥中短簡雖安定河汾爲之師猶無當也

通異溝以竟前功修濬墅塘至和塘以便
濟渡築寶帶塘接松陵築齊門塘接海虞

以垂永利論

赤門火方東南城下有溝外濠水從此入視
橋以出燕家橋即赤門水道也故盤葑二門間
有赤門灣府圖指蛇爲赤誤矣蛇門在巳方吳
辰位象龍故子城南門反羽爲兩鯢繞以象龍
角越在巳象蛇故置木蛇南門北首向內句踐
作雷門勝之吳欲絕越遂不開東南門亦以塞

無夢園集 卷三

三六

絕生氣終滅于越紹興中胡舜申作吳門忠告
論郡無三世能保安居而建炎之禍舉城無一
區宅其言絕痛十年前吳紳翁言之中丞御史
檄下所司相度鳩工時太守陳兩邑侯葉萬爲
政水自越渡橋入逶迤郡學經中丞府縣公署
一城中皆活水將僦工條罷甃石皆具僅一溝
耳此壬戌年事是冬丁內艱詢當事曰已奉憲
允何故中止曰水徑不遠費僅逾百逢一縣兩
鼎甲之報何改作爲予對曰公祖父母爲一時

無夢園集 卷三

三六

科第縉紳人民爲百年身家忽憶錢功甫先生
年已八十矣嘗手持忠告論一句一讀一讀一
淚語某曰第恐吳人無此福今不出老成人所
料懷欲陳之久矣脫以壬戌之役遲迴勝舉終
已不言以奪取科名之故獲譽桑梓能無汗顏
則繼舜申而忠告者宜莫若余儕也吳主乾亥
陽山當用全局水勢自東南貪狼西南及正西
武曲以至西北原太湖入于江而歸之海亦合
全局云胥塘自正西武曲水繇胥門入運河自
吳江東南貪狼水繇蛇門入及塞胥蛇二門生
旺之水不至舜申張焉然又慮胥門新館勢不
可動武曲主財不比貪狼則蛇門尤急正以長
生水環城而來徑過封門之外于城中絕不相
關甚可惜也范文正開葑門濬東南虛秀之氣
沈度守郡與舜申善卽命官吏行視其處部署
已定嗟乎昔以屬邑異議而止今以壬戌科甲
而止不更異耶又況濬導郡學漸近赤門以及
蛇門既有成跡費省功半開一異水之溝何關

大役舜申年八十五聞止役而歎謂天時人事難合如此得無忠告矣未善道耶予爲補論如左

許墅塘自關至楓橋二十里董主政漢儒築劉主政應遇鋪石面便涉者數年間土疏椿爛距田咫尺而狹累石傾削挽者夜行多湛溺余倡助脩杜庄橋次築近橋一帶屬主政戚公伸聞而義之捐金別脩丈尺碑諸石倘賢者相踵數年之內有成績乎至和塘前長洲令胡公士容所

無夢園集

卷三

五

築未識有歲脩田否或在畚里宜一查及其漸圯圖之尤易

楊忠烈公漣築海虞塘皆稱第一而塘功相繼如吳江令劉公時俊其一也齊門初罰贖緩強有力黃緣未竟海虞有晒之者曰貴縣塘想便干下口耶笑塊石不麗于地也倘董是役勿使後人笑前人無已時

吳有葑田芟土樛結以名其門巨浸無數其著者寶帶橋漕運孔道震澤天目茗雪橋水吞吐

其下予旣商之兵使俞公維宇上其事御史大夫檄吳長吳江三縣督脩亡何三洞垂陷長洲侯葉公成章罰贖重修予亦捐助有僧曰一手苦禪也建小閣碑并亭予冊封歸里僧已病廢橋多圯狀過而傷之躬爲丈度自寶帶橋至尹山橋連亘松陵塘若長虹擬以爲首事就一手菴稍稍構之付以田畝守以兵船則秀水盡來旁絕蠹盜興利去害必有同心若吳淞江之宜開也南禪寺文昌之宜修也大觀在吳矣

無夢園集

卷三

五



擬應天武試第一問

蓋聞諸三略曰聖王用兵將以誅暴討亂夫以義誅不義若決江河而澆燭火其克必矣然未有不練而可戰不得士之心不養士之力而可練者帝王舉兵簡練英雄兵法臨陣一人有不進死于敵教者同罪自伍長至裨將教成而後合之大將陣于中野其嚴如此兵法刑重則內畏而又曰殺貴大雖驅市人而戰可選兵爲天下最可何者誠愛之也豈其不練而用之漢賦

無夢園集 卷三

二

民以丁二十三爲正卒五十六爲退卒有事以羽檄召郡國材官騎士而南北二軍不出二軍郡國所番上也如首尾之相應產祿兩人如手足相救豈有周勃已將北軍產尚不知者武帝置八校尉始募兵期門羽林世其官始長從而天子能自將臨邊將邊又不在衛霍之日不恃衛霍而自恃也若恃宗廟之靈天子必不敢臨邊恃將帥之材武天子必不敢臨邊所以不恃者恃天子之神元狩以後始多買復調發不繼

無夢園集

卷三

七二

謫吏民謫戍謫七科至光武罷都試征伐悉募京軍安帝入錢財官虎賁羽林桓帝又減半俸而京兵弱矣夫京兵既弱外兵不練國不亡得乎唐建府六百餘所關中居半折衝果毅府名甚具府置兵三等番休有時徵調有符二十爲兵六十乃息行兵則自備甲自裹糧罷兵則將歸朝卒歸野說者猶謂遠近分番皆一月越在二千里不乏調遣弗若漢之道里近二歲更代爲休其力也土蕃之役劉仁軌鎮守洮河兵遂次戍是時府兵儕于隸人至蒸手足以避張說初議汰旋募長從驍騎其實所募之人卽所汰之人林甫停上下魚書幾無兵矣藩鎮熾天子自增禁軍宦官尋掌神策南衙輕北衙重於是楊國忠募兵連枷請軍前祿山不太劇乎奉天之變豈待食草糗決哉然抱真昭義步兵李德裕雄邊子弟一則杰冠山東一則威伸南詔唐未嘗不籍民爲兵也宋收勁兵於京畿諸鎮戍更其兵之額役有四宿戰備衛曰禁兵服役諸

淵曰廂兵土民團練曰鄉兵諸部內屬曰藩兵
兵符出于密院兵衆統于三衙河東北有強壯
之集陝西有保毅弓手之置蓋宋都汴京無險
阻之固中原與敵其精兵勁卒天子自將弱于
形勢原不弱于兵力未幾名強壯者抽赴京師
名保毅者運糧成邊三路弓手之兵或刺宣毅
或刺保捷虛外實內及熙寧行團集保甲法大
觀政和中保甲之數盈六七十萬盜賊滿天下
假團練爲名耳

無夢園集 卷三

三

太祖高皇帝定鼎金陵設五府四十八衛
太宗文皇帝建都燕京仍立五府增七十二衛
立五軍神機三千大營又以河南山東中都太
寧官軍輪聚京師歲教月練考其法一指揮轄
萬人武備不精一千以上罰俸七千以上降級
千百戶所轄不如之自後宿將漸彫正統已巳
于忠肅選三大營精銳立十營團操謂之團營
四方有警或用一營二營老弱退回原營謂之
老家成化後建十二團營聞警則朱永充大將

王越充提督坐營官充偏裨各領所部官軍征
進居亡何提督膏梁坐營備數團營與老家無
異統兵將官臨期辟用旋置軍裝將官已至關
口士卒尚在京城正德年間山東北畿羣盜縱
橫乃調宣陝遼東邊兵踰年平克總之兵之治
自禁兵始兵之壞亦自禁兵始兵之壞而復治
自振京營以定天下兵卒之式始

無夢園集 卷三

三

鼎建闕帝廟七議

一議闕地

本廟規制湫隘不稱帝居然市廛如謁民宇填塞僅可舒兩肘耳平價估値宜首議矣

一議廟制

殿正西當白虎衝杆禦一郡數百年來不兵火居人長子孫址勿易也宜拓左右兩間使中廣而高之庭設廊兩帶一置神仗一置碑記

一議請祭

無夢園集 卷三

在祭法則

帝宜萬世祀

天子之所禮而郡國之所簡可乎崇德報功必有特典

一議三義閣從祀

昭烈孫叔節北地王

後皇帝第五子屢諫黃皓請出受姜維節度以

壯繆侯長子叔節平

恒侯家孫叔節尚書通

從諸葛瞻于綿竹與

一議建真武樓

真武之居殿後也非禮也今七月二十七日五更冊損金像神抱悲恫闕地建樓永作一郡之鎮焉

一正稱名

先主憤帝遇害自督戰趙順平諫不聽君臣兇弟之誼不以封爵重後皇帝景耀三年謚壯繆侯美謚也或以陳壽史譏毀帝附會前謚匪當誤矣故生為漢臣宜以前將軍謚壯繆侯

無夢園集 卷三

為正沒為明神宜以

今上崇封為正若曹操表封壽亭侯帝因欲得當以去及斬顏良后

盡封還曹拜書告詞豈宜再辱

一議闕社

毘陵有闕社鼎甲蔚起

帝職司文場聞諸王師長見江左刻闕廟會文五十篇帝顯靈批

評為序論文以抽發性靈為主闕地後構造精舍專設會社都人士留意焉

宜詔至肅寧敝毀魏逆僭坊與河間太守書

生奉

皇太子誕生詔書自畿郡至遼東都司一人元良晉天嘉慶涉山海踰寧錦歷覺華島所遇貔貅十萬旛帳千羣無不畏威懷德昇哉肅寧縣之無法無天也參天立龍鳳之坊黃金書僭恃之額傍逆居而巋然罔遵拆毀明旨此可令使臣見哉 朝堂方懸黨逆之錢案而逆里

無夢園集

卷三

去

翁張附葬之差容其謂之何使臣有口

天子有道於以上聞亦非宜也惟執事重圖之

本日先令該縣碎其扁額逆居三大門壯麗如殿閣坊在三門之西五采繡金龍蟠鳳舞工費約可萬計

家乘

宗表跋

爰自 始祖南渡 四世累修五傳而 東湖公 成齋公鍾鼎泉石兩高於世夫何曾柄晉憂晉事日非其家日食萬錢而不恤訖者謂曾獨明於觀國韓愈以切直遭貶黜聲赫千古曾之子拜狀元當宋時已無牙頰及之者是知有家之道在彼不在此余讀 先中丞自序二上集云使後之子孫有讀書秉道德者出焉則曰無夢園集 卷四 家乘

吾祖之訓不在是夫文章居三不朽之一猶吐棄之况其他乎方遜志曰爲名人之子孫難豈不信夫

成齋公小記

公以翰苑主盟騷雅以兵垣疏誅兩大璫磔妖人繼曉奪寧陽侯爵以少卿按 胡藩獄以都御史簡 周府莊田又按 吉府獄前後督舟師於江上卒平施董以巡邊 賜羊酒寶鈔以按獄 賜旨特褒以簡田復 賜羊酒寶鈔以

馳驛歸 賜緋衣白銀於家以斬寇功 正德

改元 賜蔭徐大中丞源王文恪公鑒李文正公東陽琅琅耀簡冊矣若夫傳記之外爲官宦論列待罪 闕下囑內備止餘四金東髮友吳文定及同官翰林丞執弟子禮居玉堂鎖院日誦西銘至貧賤憂戚王汝於成輒憮然懼故自號曰成齋諫艸輒焚父子間不一語及嗟乎使公不遇 憲 孝兩廟其不子怒鱗者幾公負節而不以節顯遇也

無夢園集 卷四

二 家乘

懷山公小記

公於羣從中最雅馴操行多長者成都孔驛丞失官鬻女爲歸計公以金授丞嫁其女爲良人婦故人金秋野歿無歸買山葬之有妾閭中生子矣微訴仲君公怒索杖良久乃已性善飲遭中丞之戚竟不能飲詳徐學士階蔡山人羽傳中周宜人院判周原已庚之女克相公能賦詩然不時御曰非婦人之所宜先王文恪公鑒曰吾觀柏舟載馳雄雉諸篇俱見錄於孔豈以

人而遺乎後世或矜以爲能如蔡文姬李易安之流則非道之中也若賢婦有其美而不自見世無得而傳焉是可尚也已

西江公小記

公八歲遭父喪哭踊如成人迨長爲吳江顧君感梅館甥其家故殷咸屬公公外持門戶內善節省代籌數十餘年感梅翁後有子底于成立公遜居別第垂棠以出無一榮指王大叅庭曰吾嘗比君子謝弘微然弘微不幸而過殷君公

無夢園集 駐四

三家乘

幸而遇顧氏父子皆賢蓋公大節皎皎端見于此爾泉陳公鑒西室王公穀祥衡山文公徵明三復及之鄰人以塚塋逼公所居請于公願遷出售公曰豈以居故害及朽骨或鬻產而隱墓地於其中既刻契償直矣知而剝還之不損其初直他陰行多類是當荊州公官南都常偕二三物外友藍輿縱眺雨花燕磯之上以適公公輒命荊州亟歸視事顧安人以不逮事舅而姑越在兩地乃迎養同里終身弗替晚膺命服競

素如故性喜播古人書常以詔兒女或誦經數遍而尼媼謝絕不媿西江配云

白陽公小記

一日巡撫江南陳公以刺邀見公曰王公不得召我況中丞乎擲其刺于地詞者以報陳公怒迫令見公穿破白衣直入轅門大笑陳公曰汝善繪可就此景作一圖否公筆墨亂淋漓少頃雲山如覆蔽以茅屋屋下漁舟點點老翁持竿酣嘯岸傍一人以手招之漁翁作搖首狀大書五

無夢園集 駐四

四家乘

言絕句於其端且目中丞曰漁人我也哂傷人汝也中丞觀紙上神色飛舞語言豪軼亟下堂以賓禮見之大水胡巡撫續宗守節時三日必一頓公爲代償通賦然公絕不以私請○南都徐國公治樓船盛厨侍以延公公意不欲往雅愛金陵山水強爲登舟抵京給其使輩曰汝先往吾爲之後矣公竟以輕囊從問道憇野寺道遙月餘歸徐大索客弗得○公師事文衡山先生衡山性惡妓公嘗有有癖惟携妓之句一日

延衡山於家歌舞畢集衡山正色欲罷席公曰
文先生以某門下士故禮法苦我邪自此絕不
作細楷字亦絕不作小山水圖筆下浩然自落
以爲神旬日後衡山見之大驚○偶同王雅宜
寵至金陵一名妓家妓習王不一顧公妓能丹
青王曰卿於我郡當北面何人妓曰他易與耳
白陽先生退百舍矣然慢如故妓出公顧几上
有胭脂一盞亂點羅帳稍稍作枝頭成紫薇手
萬樹生氣撲人少頃妓至見帳中圖恍若偃雅
無夢園集 駐四

五 家乘

宜乃指公曰是卽卿向所北面事者也妓慙甚
復整容以見且拜公大笑而出○公大字逼米
元章小字逼歐大令○或曰公詩類陶然公可
以詩可以無詩詩可以傳可以不傳總之論
公者于筆墨之外別有尋討○白陽筆記三則
云庚子正月十四日到鈔關訪方舟弟於義塾
方舟設宴請王政公某見其詞色倉皇有愧懼
之狀豈謂余將干焉遂與相別登舟王政反令
人來問余竟解纜○廿日晴大霜老農云宜樂

麥午後唐先生去舊師小滯來一茶而退衣甚
紈綺殊不類師儒也○二月十一日晴霜霧且
高漸暖頗有春意燕坐碧雲軒甚適日日得如
此正東坡所謂一日是兩日也○孫孟安曰此
可見先輩雅重之操朴素之風間適之致云

莪齋公小記

公廉靜寡嗜閉戶讀書非漏下四更不寐尤
精易學有大志雖舉于鄉間爲令非其好也嘗
云淵明之曠猶狗五斗子美之才竟淪一第故
無夢園集 駐四

六 家乘

作二書詠以見志爲刑部郎屬力疏歸且語人
曰衡山文待詔荆川唐司諫俟我於洞庭梁溪
久矣不去將負茲二君時石塘聞司寇少湖徐
少宰重公才閣其疏移官南職方貳翁巡撫大
立爲文送之比公于陳白沙未幾進本司正郎
再疏辭職竟堅臥不起矣公宰壽寧山寇出沒
有盜吳大漢押官署燔民舍公披甲搗其巢穴
擊殺渠魁餘黨悉定當是時微公幾爲亂矣蓋
公貌不逾中人而膽氣若此 朝廷下開礦之

令遣使閩藩公極陳疾苦達之銜命憲臣遂是
其議轉聞 上允之其事竟寢爲南水部省經
費數萬緡及歸家惟簡書袍笏而已歿之日囊
餘散衣數襲子孫至有不能舉火者公性最孝
以椿萱彫謝常吟製我篇故號我齋極愛弟昆
暨族子弟時面折人常與尊官論出處公曰若
年既老可以休矣旁人縮舌而退公自若作古
文閩深奧遂蒼然有西京氣色

麓陽公小記

無夢園集 駐四

七家集

公出處最奇以文墨擅譽而以挽強中格一奇
也遊京都爲成國公家塾師差與喻伍願試中
書雖阨塞弗庸然名動公卿間矣一奇也當建
寧陸貴人錦衣錦衣大索燕市十日弗得一奇
也去而之洛與趙藩王雍容兔園一奇也公以
王舉事不法懼及私匿趙布衣汝泉家拜弟昆
其後王事覺賓客逮者繫繫公以汝泉故得免
一奇也未幾汝泉成進士開府三楚翁亦老思
一見鄉里浮湘漢而下歸則五橋耄矣公跪拜

大簡子弟爲文告懷山墓而去去之日畱數日
金曰勞苦蕭姪爲代丘墮賦稅又一奇也公書
法八神智書黃鶴樓詩字大徑尺王元美世貞
官楚中登樓見而異之勒石行世乃因汝泉見
公索題額至今弇州園多公書

龍江公小記

無夢園集 駐四

八家集

公性剛明果毅知大計直言人過齒牙絕不掛
子母與人排解甚力一長鄉賦軫恤貧區區人
德之溪樓念公獨勞于家欲倍于貲而祀側出
令出贅勿與有分產公不可方易簣持前議猶
確公泣諫蓋雖不用溪樓公言實順適其意於
是溪樓公含笑而卒及卒均其產而五之擇其
腴且便者以與幼弟族皆義焉先是福寧公韓
官山溪樓應以昭祔堪輿氏持不利少之說公
止已擇大姚新阡又持不利長之說公居長憤
然曰於長便於少不便於少便於長不便吾兩
親終不入土耶吾知寧親之魄耳何論禍福遂
定寔公慷慨了太義不嫌阿多類此我祖事公

如公事溪樓日出而歸爲公談門外之事甚悉
公應以門內之事亦甚悉多家庭父子之樂晚
歲督兩孫課延名師常側聽書聲夜分不倦吳
碩人司訓秋庄公女秋庄文定公裔也司訓解
組歸家無長物碩人置別室迎養終其身喪葬
甚備蓋吳碩人之姑曰沈碩人當溪樓爲諸生
時夜分以紡績相公嘲語及補太學勗之曰君
今仕進雖有階矣士所當爲者未止此及福寧
公卒于閩溪樓千里奔喪碩人髮首而居代之
無夢園集 駐四 八家集

經紀裏事半皆拮据公沒與妾曾氏張氏同處
一室臥起飲食恩義若婦姑雖庶子女亦不自
知其非所出也吳碩人則而做之漸摩不少矣
嗟乎公以布衣推重守令郡守春臺蔡公望松
呂公敏台陳公雍野李公大政諮公而行公亦
不我以布衣然且式我議必鑒鑒期于盡有頌
公子謁者公曰若知上所以禮遇我耶果若人
言掩鼻而過我又何禮焉

沱江公小記

公父白陽嘗云某作枝頭仲兒點花世間絕無
寶矣或閉戶弄小幅白陽簾外窺之大叫曰何
物神怪至此亟奪書已名曰吾託兒不朽性嗜
飲一日宴客白陽山往金閭沽酒一大甕忽見
梅花一枝出牆公折取神思飛舞不能自禁從
鄰人乞大盞一顧梅花一舉盞至白陽山客尚
在客見酒甕已空公徐指手中梅大笑曰此花
花魁乃酒魁也客大笑爲沽白釀與客淡飲亦
復薰然時一寓城士大夫往叩之者席不設茶
無夢園集 駐四 八家集

有酒而已侑酒置蝸蟬偶卽席席半出骷髏與
之對飲客辟易公曰沱江卽未灰之骷髏骷髏
卽已灰之沱江何驚徐枝菴邀客圍亭公至急
呼主人主人未出手擊破其亭上珍石執菴意
沮不樂公取索頭紙忽作大石圖掛之壁上奇
峰突兀雜以幽卉風雨濛濛顧執菴曰此石比
君家石何如大喜留酌竟夕人人呼爲沱仙有
善問風者凡至自呼陳沱江吟小詩或作大山
水

蓮泉公小記

當我齊宰壽寧爲臺使者所尊信委糾鄰縣多
旁出公纔髫齡禁家人與吏胥絕不得交一語
方析家時于田取五之一子室取三之一甚廉
也及族有求公仲子爲子者一富一貧公却其
富者曰惟勤儉家道可久兒能紹前業固善不
能亦可寡累不至歛怨其恬靜無欲如此後我
齊葬時山中多虎患或勸公卒事遙還公獨廬
墓側不去虎常耽耽視之竟弗傷

無夢園集 駐四

二 家乘

涇野公小記

嘗聞諸祖大人曰賢哉涇野家無寸田矣而以
筆耕數金寘之從姪榮泉世修庸齋墓稅身歿
猶戒後人誓毋取嗚呼公歿不能蓋棺其身弗
恤其後人弗恤而祖宗猶得微公食貧之餘以
安于泉下公行義皎皎已畫山水花卉有白陽
風

始祖至高曾祖父小記

自南渡十一世祖諱壽來陳湖陳湖有村曰大

姚始居之村以君宗著始祖生榮嗣榮嗣生

富子富生孟善嘗買田三畝之不發其好歲歉
道粟八百斛弗問所司下納粟補郎之令獨粟
不杜以千成齊公獨費贈都御史胞封三世長
子諱珪號東湖姚徐氏成齊有聲于朝公主盟
湖上晚官承事郎命服斯煌珍重漁簑不忍捨
季子欽號附菴姚夏以貢貳福寧州卒于官公
聞思之長子諱恒號溪樓仁錫高王父姚沈以
弟子員補太學築樓葑溪之北稱溪樓先生今

無夢園集 駐四

三 家乘

子孫髮未燥吟哦聲不絕多溪樓架上書也子
龍江諱桐仁錫曾王父姚吳氏公起布衣摧強
濟困雖貴重人不如龍江一諾生王父敬齊公
諱文烈配王母范以先君考蹟 勅封文林郎
暨范封孺人龍江公既以老不問家一經課孫
大臺側聽書聲公棄世傷哉貧也先母吳柳奄
二百無墜禮王母范病癰割手指愈之外王父
之歿也子田不受子金不受王父年方踰強嬰
曉先君夜不解衣六計田已先伯詹州貳守

秉心感之置伯之子座隅曰兄爲我課筭鑄我
爲兄課詩書先君之事王父也小大必以詢王
父喜曰吳中多著姓而鄉人稱善更六七世父
子一心家庭多樂事我家不屈指尚記余事爾
王父時余出而談門外之事爾王父以門內之
事應之爾復作如是繼述座翹陰私爲罷席同
儕氣未易下間以先賢格論開卷置座其人閱
卷而悟進族子弟與故人之子閉閣語聞者含
淚出雖數北棘閣憤發不少挂謂文章小技耳

無夢園集

註四

三家集

古文詞誠千秋抑奈何失之經濟以千秋償乎
居恒歎中立不倚謂強避世無悶謂不懼當官
藉援名曰頑鈍士猶處女以章句徵時媚服官
作何狀困庠序二十餘年登辛卯榜減租入畝
之半王父常以少收一斛多收一年爲言至刊
見聞紀訓勸行好事惟恐不及云邑有五年之
役在令甲復其身先君曰富戶旣及脫吾又免
誰堪此哉王父喜曰余先子一長鄉賦請免虛
匭稅僉役身其難擇輕者予同區昔布衣好行

義爾尚續乃猷乙未 賜進士諭仁錫勿迂儒
勿腐儒更勿通賓客曰吳中子弟大半傾于家
字交以是年十六親故鮮識而受浙江諸暨令
入暨問俗叢山廣邑山雄盤水自上流直衝激
大抵氣不平而見小喜以小忿持疾律騁馳輒
析鼻敗賴詬誶承蒙先君爲政務易知易達不
設城府當其盛氣而來一一與之處分而不甚
與之按罪其大者俗淹女齋而告諸神按故殺
子孫律育三女以上槩立嫁規踰期上役役之

無夢園集

註四

三家集

暨澤國也自浦江義烏上流諸水分流至了江
併入浣江茅渚埠分東西二江七十二湖歲淹
沒高其堤金錢出贖緩耕年績成邑湖田三不
足當山田一減湖田繇半開採之令大瑞輩出
例令富民具資斧傳檄漁槽山大噪先君議第
發官鑑爲給罷土著大家弗用未幾一武弁來
不得志先君念土豪吾民耳廉其魁數人按他
不法狀度羽翼已附牒以復若礦于山山無礦
若不礦于山而礦于室廬墳墓非 旨內臣顧

問左右左右語及諸暨令昨舌以府佐往勘竟
免時有霹靂擊二虎漁樵山下邑人作賦紀之
大姓袁訟連二十年吏棒按如蝟毛先君焚香
跪告其承乏無能以仁義先使民父子爭令安
民民弗安奚令張炬焚牘仍令于訟庭序叔姪
兄弟妯娌之舊率以告其家廟爲下拜相嚮太
哭暨俗以和邑有十年沉辟若斯寧有六寸五
金恩四十三先君之治二獄也嘗附膺而歎曰
奈何視吾官重于人命寃盡白其他輩淫都民
無夢園集 駐四 三 宋集

壯二百人開錮婢罪停柩未易更僕以調繁行
數千人號呼武林之上先君爲淚洒沅江崇爲
嘉禾郡西鄙土犖礪澤沮洳民就禾食旁他郡
遊賈闖華組歌鐘時起于路使冠蓋日相街
控武陵若雪長水間多出沒魚鹽永冠劇盜爲
之與主按臚論塘以西腹以東瘠腴詭濟有司
惡之均則起科大不便於是減糟糧五緩折色
二徐按故額請武陵稅變度據臂赤手耳張數
千牌大書某免稅某某免稅遍曉市村市村

人幸吾屬無患解散過半徐命富室稽首聽命
先君于浙東處礦浙西處稅談笑教寧嘉靖季
年倭闖入崇淳灾于火賢宮驛通神廟祀壇東
廨倉廩鹽廩以次創舉不廢公私一錢先儒輔
慶源先賢趙忠定或發祥或負篋設兩祠祀之
學以東文筆峯豪右侵築樓觀甚偉夷爲故車
樹亭焉故事役區總解戶避苛里通名先君曰
區總解戶非里通耶沈民橐飽客庾竭力邀客
歡而巧樹名色謂瘠土何輶軒所至聘享餽奉
無夢園集 駐四 三 宋集

而已崇什九治桑雖農家不理胼胝而理筐筥
間不宜蠶卽買犢力田無所出爲設桑禁具大
絹折南槌役重家破則減數而倍其人里審之
役以富民之羨益荒區之贏貧戶不廢著于俗
故事起徵以阜快督見年陰張旗軍翼草之歲
省二千金粟八百餘石旣捧吏牘上還崇德而
病病已劇尚念吳越戰場百千畝不及開墾爲
民業先君才大而敏凡以事至公庭一經調見
習如生平尤大度出之時凝然岳立忽遇事變

應手卽有妙用言利者浸出縉紳之口曰奈何
以節省予官以賂補予小民杜絕請托嘗言居
鄉日長居官日短爲德于鄉固有日星士墨客
皆望影而退見世途有以清白恣者曰居官宜
清此真貪也丈夫所爲豈止此先君歎俗吏枕
席簿書屈膝官長輒厭苦青衿弟子庭辱吏議
之下車首進文學講稽古之事復學田仍廣額
十日一課文以公事進于朔望請學以文章進
賓館以質成進二牌接見見必整衣冠莊對所

無夢園集 卷四

七

陳說獨白者可衆和者否及以衆出更以獨入
抑又可一人言一事一事止一人官省應酬士
簡期會爭以恥廉高嘗與人牘云縣令與民最
親倘有意爲民朝發一念而朝及矣暮發一念
而暮及矣亦自有一種樂處又云某無狀日體
父母二字辰而出酉而入中夜而思之無大貽
辜于地方卽衾影無快必欲赫然有可書之跡
不能不立異以自見去閔閔之政遠矣又云某
所令兩邑暨悍浮于刃不敢以悍治之崇刁浮

于悍不敢以刃治之題其齋曰至誠以感人更
下無不可感之人至誠以處事天下無不可處
之事公庭之上寂如山林自先君爲令叩階謝
其不平吏不得因緣爲之間也首殺人必躬按
驗應抵應証一瞬而決嗟乎先君自幼志四方
長益明習當世之務爲治敦尚本根不欲有廉
能名而海內驚傳爲龔黃卓魯之儔夷然弗屑
也先君方深嫉夫以清市者遂以清白吏概先
君又敢乎哉

無夢園集

卷四

八

先君又記

嗚呼人能飾生不能飾死先君見背笑笑白衣
冠而泣者傾賢士大夫也就含漏五更矣遠縣
悲號青衿環哭至嘔血瀕危殆耄耄老人強攜
杖奄奄仆地不能起于姓收淚而去有沈畫士
者善描先君真容出重貲購無數丹旌行數計
人路拜百里口稱青天呼之去不去詰姓名腸
不能對卒不識其何許人未旬日有祀名宦之
請及越年餘或泛錢塘或指嘉禾或潔明水或

賦短章而立祠者躬廟者伐石爲碑者歲時伏臘或逢忌日必慟哭先君謝世七旬故所擒巨盜捉他端以更成案有吳文學中彥持刀斷臂深二寸白骨見染血書詞大呼曰豈得以縣官之族生爲大辟之出入當道正襟而受案斷無恙於是吳君帶刀傷來告府君一哭於家再哭於墳無不高吳君誼而益賢府君嗚呼當世豪傑類多蒙質以皮身死具見斯亦無論其有仁心爲質所至嗟聲生死去留感概係之不聞爲

無夢園集

駐四

云家集

之死者歿士之報筮吾先君

居第考記

自葑溪泛大蕩過濱墅鑲底潭歷高店又十里還入大姚其陂爲蕩夏日荷花爛熳一棹徑穿巋然峙者爲東明寺一日大覺寺折而西北下波濤萬頃曰陳湖故又曰陳湖陳氏中丞公詩云祖德源頭何處是葑門東去大姚村又贈寺僧我曾參問高僧臘道似何河無限沙荊州公云秋日重登湖上寺萬竿梧竹勢脩然白陽公

無夢園集

駐四

云家集

云我生寄迹陳湖上湖水天光相蕩漾二林公詩云得到故鄉風味好蒲圓還借一宵眠其贈東湖公有云樹分墟落姚城外鐘隔雲霞大覺東有云釣隱已垂雙鬢雪醉歌長倚一絲風有云到頭忽訝地欲盡入望每疑天可通有云櫓聲艣輒煙波外燈影輝煌野渡東有云遙連震澤三江會上接銀河一派通皆成弘翰死名筆東湖建傍湖樓吳文定公詩云應向此中涵畫障只容其下集漁舟堂名偕老李貞伯書余嘗三宿傍湖樓夜半聞濤如在玉山中曉來推窗綠竹霏霏煙霧自湖上起韋齊公詩云臨溪嫺嫺千竿竹繞屋鱗鱗二頃田且有小舸隨釣去不妨肥犢繫門前公仲子白陽隱此海內問奇之客檣櫓相望乃建閱帆堂自題五湖田舍有茂林脩竹花源柳隩鶴圖鴨欄酒帘漁艇諸勝其軒爲碧雲白陽筆記云燕坐碧雲軒甚適日日得如此正東坡所謂一日是兩日也余家藏公手蹟書陶靖節後云右靖節先生二文余常

讀而愛之者暇日獨坐碧雲深處得此素屏
錄于上置之几案以便老眼大覺寺一巨井通
陳湖泉白而甘來自梁天監泥沙數十年先祖
敬齊公鳩工鑿其故道蔽以石亭額曰福泉居
民賴之

成齊公集跋

先生不以詩文重顧其英偉鯁直之氣亦常于
筆墨見之當其官大理奉勅一歲往來吳楚
滇蜀之郊嘗有一年天下半經行之句又有十

無夢園集 駐四

主 家乘

年三到岳陽樓之句山川靈淑悉發于人文若
其質任自然處自是成弘渾麗元氣豈得以無
奇少之嗟乎先生束髮友吳文定聲名頡頏及
同官翰林訂師弟禮文定不少遜前輩宏遠豈
末學能窺其際哉

成弘聯句跋

此先中丞公讀中祕書與諸友生觴咏玉堂之
上成弘間所刻為聯句錄者也先中丞為西涯
李公舉士時李公

東陽

主詩社次若謝公

鐸劉

公大夏彭公趙公澹公吳公

暨我先中丞公皆以儒臣鼓吹休明周公
長洲人官太醫開陪詩席為分句句亦奇周公
不知何詩人而以聲詩見器諸老若
姓氏無考嗟乎後之君子微時厚幸泰茅鴻羽
附日月之光有其遇矣不必有其志有其志矣
不必驅風雲奔江海如諸君子才有其才矣或
不盡用之協和洵能矢精白同鳴至治而感時
憫事或以嫠婦杞人之憂奪其一觴一咏之興

無夢園集 駐四

主 家乘

則茲集也繫惟我家番輿抑可想見成弘氣象
焉

五同會跋

余聞先中丞公有五同會必有詩皆真率簡
淡直追洛社五人各摹圖藏諸家歲時展玩以
消聚散合離之感故老頗能道其事余往詢諸
族人燬于火及索諸王文恪公家聞溪先生以
副本示吳文定公四世孫釋袍先生亦以友定
公集見屬集中有五同序文復于別錄見屠少

宰輓先中丞公云獨憐五老簪纓會詩社分朋
少一人蓋相脗合躍然稱快遂首以序文次圖
次詩收拾殘闕非復昔日威儀而先輩風流猶
有存者文定公五同序曰五人者都御史長洲
陳玉汝禮部侍郎常熟李世賢太僕寺卿吳江
吳禹疇吏部侍郎王濟之及予爲五人

同野公集跋

溫御史日章特疏起官疏云求忠臣必于孝子
之門此一員也然先生力謝不往曰夫終養者
豈徒終父母之身蓋將終其身焉且吾拜荊州
守時方壯年戀于二人不能爲國家効馳驅今
老矣卽去顧茲隴上積雪傷哉誰掃先生之品
卓然如此若論詩殆典雅博物君子也

三世祖考跋

自始祖至三世以耕相課未嘗課書豈以是早
畢者不足學歟有託而逃歟古有託于屠鼓于
醫卜于酒狂避世逾疾而世愈親何以獨免歟
將鋤星未月天爲徒歟考其時子孫無一仕元

者龍興世受國恩不知其先之隱固已顯
矣否者古人文藻風流身仕羯虜可謂顯耶

五世祖東湖公小傳

我家始祖以至三世子傳迨四世祖諱孟善府
君生二子曰東湖公成齋公東湖公諱珪字汝
器居陳湖之東故以號也陳湖

廣袤可百里震澤通焉自公以居

世有湖癖會有入粟納官之令郡邑強公父公
父寧出粟而不仕里人誼之旣生二子皆讀書

無夢園集

註四

三子家集

了大義公父乃面陳湖而語之曰自我之先埋
光百載森森龍蜀亦旣林矣匠氏之顧吾知不
免第使爾曹盡服官其誰長此煙波千頃且余
所製一副漁簑常與白鷗爲親明月爲侶珍重
不忍捨去不遂剝落不傳乎于是成齋公以一
經顯拜翰林官都憲誅妖僧討江賊蒙恩賜
蔭爲時名臣而東湖臥烟霞釣落月以湖上老
公嘗結傍湖樓去湖咫尺席之間風濤萬變
主人讀書其上見怒浪翻騰倏忽平波若練有

時自樓上俯瞰扁舟千葉點點如蜻蜓往來波
面又或坐小艇中流望家樓若白雪茫茫一片
銀世界其或細雨迎風和自浪而鳴于松竹之
間雜作琤環聲公于此時酣適之味乃不可言
暮烟既散漁火相親一曲款乃嫋嫋自渡頭而
起公子樓畔高歌和之拍手爲節聲亂湖上之
清人靜月殘悄然收視夜將半矣汨汨之音猶
來自枕公則披衣起坐開窗視之曉星在天忽
覩紅雲捧日江心作紫黃千萬色公以是備極
無夢園集 註四

三 家乘

湖中樂公雖一長鄉賦迫于父令晚年以成齋
公強官承事郎而公夷然弗屑命服煌煌東弗
御日弗忍以漁簑易也公配徐碩人能偕隱成
化翰林諸公張爲詩歌洋洋楮素間吾嘗誦吳
文定和先中丞哭兄詩云吳東富山水亦復含
清暉扁舟昔所造宅舍煙雲微陳翁喜客至勸
飲爵頻揮入夜猶未散水月交流輝久憶此事
在孰知斯人非書來當歲晏仲也慘無依平生
友愛念恨不身南飛惟翁本善士保身已全歸

但憐母氏老孤抱真難爲厚祿幸可致諸郎健
庭闈足爲膝前慰少洩胸中悲嗚呼此便可作
東湖公誌銘也

無夢園集

註四

三

義田建坊記

世有各美而實謬者義田一事也生則高下任意歿而子孫輪管因緣爲利以號于族曰義其孰義之故子買田之日卽屬族賢者而已無涉與已之子孫更無涉且以竟先宮允毅軒公志也崇禎三年二月以宣

詔歸計通籍八載叨列

日講荷沾
賜銀兼積俸金計有六百餘兩契買附郭官田

無夢園集

駐四

去

三頃公舉 憲獎善人禮部儒士叔諱允昌當理聽覈極貧次貧二則每歲均贍更設向善力學守節三規則于內優給另置買義庄重修故祖忠諫都憲諱璠牌坊嗣後日久遞傳本族堪任者遵依定例世爲公產上諸各臺 撫院禮批據呈太史公太丘衍其世德元龍振其高風良史弘才恢前人未竟之緒清貞遺訓篤先世所親之盟

日講

歿賜錫金不人私囊給贍適宋弘義舉俸薪自擴田產悉供本族慨慷超胥僮芳墓棹楔重新祖德爲之丕振義庄特勅宗盟爲之不寒歲覈極貧次貧二則更設向善力學守節三規不惟婚有資而喪有籍抑且人不耗而出不偏葛藟庇其本根范文正義田再見今日水木沿其枝派張公藝同居行卜將來敦本率親固展一邑不施之念挽澆敦厚亦倡三吳不遺之風仰蘇州府轉行長洲縣將陳全戶下義田二百七十

無夢園集

駐四

去

六畝舊二十六畝三分併仁字二畝義庄一所入冊給帖照例優免其都憲陳公原建牌坊聽擇吉重修仍勅院贍十兩助建再製扁一面題忠直貽謀四字前列本院銜名後書忠諫都憲陳璠立縣行過緣繇繳 按院王 批本官矢捐清俸勸制義田額設三規寓獎勵之雅意本支百世崇水木之深思文正高風今且瓊美矣本院敬羨無已仰蘇州府遵行縣卽給帖本原照例優免襄此盛舉繳 兵道錢 批據呈禮

種悉係義舉仰府行縣查例入冊優免徵 知
府史 批置義田以贍貧族自是懿舉而向善
力學守節庚爲優給千周卹之中寓勸勉之意
觀感興起善良必多卽以化一鄉可矣 署長
洲縣事理刑王 批捐金修坊置田贍族種種
高義可法可傳該房卽入冊給帖照例優免其
經營者當以公心善推制產之意世守弗失可
也別有義庄規則十七款府印給存其不孝不
弟父兄自首者雖貧不給侵損墓木得罪祖宗
給

無夢園集

卷四

義舉

繼志堂宗譜序

自宗法廢而譜牒與其書殆屢變云遷史序漢
興諸侯年表而不遺將相名臣孟堅述異姓諸
侯王而不遺外戚百官故秦漢非世官之日其
簪履舊人皆得按簡冊以繩祖武然不聞有一
名子孫出其家乘光顯國家而僅拾史臣之噀
餘則黃扉論思之上不及聞者多矣江東王謝
諸姓代有聞人窮惟家也觀國恒于斯至乎古
者袞衣冠于古丘美光榮于飛燕豈不景耀當
無夢園集 卷四

世哉抑僅以門第詩酒相籠罩而士生其間敬
尚梓簣反以樸魯迂賤埒之下乘而其世亦以
不傳益遠公不納康樂有以也自唐以來踵陋
襲舛作者之意蕩然有宋歐陽公蘇明允各爲
世譜歐陽做漢年表明允做禮經大宗小宗籍
一出而人士驚傳以爲兩君子之畸見一代之
新書其榛莽可勝道乎

明興首旌義門鄭氏

肅皇帝許庶人追祀始祖曠恩異數卓冠前代

然

本朝宗泐之制存于 藩王十之八九存於勲
臣戚畹之家十之六七存于大江以西徽歙之
間十之四五存于老儒腹中之笥以議論爲典
章十之一二且以耳目所覩記有庶人祀始祖
者乎彼且不識高曾爲何人而况其上之無論
人心不古抑于

令甲何鑿甚也我家始祖三世不仕元入

國朝名臣輩出節義代興

無夢園集 駐四

三六

天子表其門閭史官藏之金匱寒原埋骨姓名
猶落人間石室丹書灝氣常飛紙上下而山澤草
野之際尤多異人揮毫染素之奇不乏生氣怪
石古木簷壁常作風雲勒寺磨崖苔蘚亦知呵
護白衣直唾中丞之面手題茆屋漁村盡觴祥
趨魏國之遊間道孤林野寺義却寧康金王陰
辭

辟召蒲輪代有僊風人多俠骨終身遯謝

恩蔭有延陵氏之高束髮上苴簪纓慕郭恕先

之術上書賢見 藩國宛警蹕生心邂逅遇樵

源之士負劍隱子大梁暨賓客伏法從客全遊
子之衣咳唾卽宮商噴薄成濤壑或父子自相
唱和或叔季互奏埙篪或同翰苑儒臣廣卷阿
於玉堂秘書之閣或偕漁父樵客續招隱于烟
汀紅蓼之濱半舫齊中還廣問月之詠浩歌亭
上猶誦聞帆之篇碧雲軒聯句尙存花山嶺墨
痕未舊九經篆刻陳巡撫藏之姑蘇署中僊跡
大書王介州識之黃鶴樓上至于今老成風沕

無夢園集 駐四

三六

未嘗獨謝仁錫不肖齒長三十六于茲 先君
早見背而 母孺人機上之絲操刀欲割者屢
矣惟是朝夕 祖訓爰纂先集凡四十四卷志
制誥志

勅命志

諭祭文勸忠也志

旌表節婦明我家之所先非以閭閻也志宗表
表大宗明統也表小宗明親親之等也臨之以
始祖而子姓擅稱字號非體故一切去之明

有尊也志世系考詳官爵婚配生子享年葬地
行畧私作小傳以志嚮往也志居第考一目而
子姓紛然堂構之恩興遠道之嘆絕也志丘墓
考俾我 祖宗在几席間後之子孫可以按圖
索也志外傳一以錄室人之家重姻講也志外
傳二以錄女家敦甥舅也志先世遺稿十七詩
各成冊斐疊足術也志 先君集 先君不以
吟咏顯所著多兩地子惠之政也志誌銘表狀
一自仁錫傳 始祖三世吳文定公誌 四世
無夢園集 駐四

祖始也志誌銘表狀二自李文正公王文恪公
誌 先中丞始也志誌銘表狀三自袁安節公
誌 研山高叔祖始也志 奏疏若條上便宜
若請除奸佞若剿寇獻捷若乞休若乞終養當
時奏輒焚草鮮窺全本故所存僅剝蝕之一二
也志呈詞節婦蒙獎而未奉
旨存爲表揚之本 先君遷頌保留有呈及卒
請祀各宜有呈而吳文學刺臂以白擒盜無枉
一揭在 先君捐館後六月其子自足矢也志

碑記所載 先君兩邑興學右文之事而以
荊州大夫修墓記終焉孝子心事至今在也志
成弘聯句 先中丞官翰林唱和之作覽之如
商羹周鼎可以觀世也志五同圖 先中丞與
同

朝四君子一時咏歌皆吾鄉先正而其稿索
文恪公家者也志名公詩文凡八卷皆朝野名
宿購片楮爲重者也志世系考補一詳我生以
前所遺諱名事實也志世系考補二詳我生以
後續入生死婚葬也妾無子不入有子書所出
辭嫡庶也殤子不入未成人也自外姓繼本姓
者不入其疎者不可使親也自本姓繼外姓者
入其親者不可使疎也書成額之曰繼志以繼
祖父之志示不忘也起于萬曆癸卯九月朔日
成子次年甲辰六月朔日

無夢園集 駐四

四二

序記 朱原稿幸此帙猶存勸復記 歸山台題
鐘而仍存其月云

天台

天台山南自台郡北自新昌東自寧海西自和
印潭等山四大局記 天台縣內山桐栢宮萬
年寺石梁定光菴華頂大員峰六大局記 主
愛山記 筋竹嶺記 崇法寺記 惠明寺記
蒼山九龍潭記 五百山羅漢包記 石梁
橋曇花亭記 石梁上下方廣寺記 石梁橋
無夢園集 江一

圓通菴南京菴劉秀才菴蓮花菴宿佛菴正福
菴萬松菴修隱菴寂光菴九淨室記 擬造許
來亭於上方廣蓮花橋合流樹根巖記 擬造
銅塔殿於下方廣觀泉亭舊址記 擬復竹真
亭於惠澤潭記 碧潭頂記 自慈聖寺寺人
曲溪至石梁記 自斷橋至石梁記 自萬年
道人坑至石梁記 自龍王堂大興坑至石梁
記 自華頂石門坑至石梁記 石梁上下二
釣水記 端午前一日曇花亭禮釋漢記 曇

花亭雨宿下三方廣烹茶記 曇花亭集二
廣盤諸淨室各上大齋記 夜坐曇花亭焚香
靜坐聽雨中瀑記 燈下石梁望下方廣火炬
與諸上人步蓮花橋望亭上燈燭記 與諸上
人自蓮花橋瞻風石蓋竹洞由仙筏橋宿下方
廣記 曇花亭點麥燈記 端午日下方廣小
坐曇花亭飯又至上方廣卽席仍于亭下蔬供
諸上人蓮花橋送別記

斷橋放光記

無夢園集 江一

斷橋記 慈聖寺記 烏溪嶺記 萬年寺記
自烏溪嶺至萬年記 自九里坑至萬年記
自萬馬渡至萬年記 自石梁至萬年記 端
午日未刻飯雪堂仍赴合寺上人招歸與雪堂
茗話記 九里坑記 九里坑大嶺記 九里
坑小嶺記 自小嶺出秀溪望五瀑記 智者
招手石記 九里坑大嶺下十六峰記 九里
坑泗洲堂記 廣濟龍潭記 隱現龍潭記
圓明宮記 曇花亭麥燈記 桐栢宮記 一歐

蕭臺記 三井記 日照三曲潭記 福聖觀
 瀑布記 瓊臺雙閣記 百丈巖記 桃源記
 寒巖池塘記 寒巖照山新婦洞記 寒巖記
 明巖記 通圓峰記 羅漢嶺記 赤城山記
 國清寺記 國清寺睨虎石豐干居下觀天王
 曹源卓錫四泉記 自噉蔗嶺上高明寺記
 自幽溪嶺上石筍記 石門嶺訪王居士淨室
 記 天台山大師禪室拜經臺佛隴晉賢境界
 諸勝記 定光菴記 萬馬渡記 天封寺羅
 無夢園集 江一
 漢記 華頂善興寺記 將登華頂記 善興
 寺大池記 太白書堂記 降魔塔記 石梁
 蓋竹洞觀音洞記 華頂伏虎潭及上下黃經
 二洞記 華頂跑珠泉記 華頂太白菴深雲
 菴觀音老佛等十六淨室記 擬石梁月遊記
 擬石梁雪遊記 擬石梁水遊記 擬萬年
 寺水游記 自噉蔗嶺觀螺溪記 自九里坑
 觀秀溪記 幽溪五泄記 幽溪百花潭記
 寒巖大洞記 寒巖雨廳記 寒巖龍鬚洞記

寒巖鵲橋記 明巖三洞記 明巖五馬巖
 記 明岩達磨洞記 瓊臺龍潭記 明巖初
 月洞記 赤城玉京洞記 赤城結集什巖
 巖洞記 赤城洗腸井記 桐栢宮太守定菴
 記 萬年馬祖修禪洞記 高明松風閣記
 幽谿白岳亭記 與無盡夜語二更至楞嚴壇
 觀佛事記 廣濟潭頂修行洞記 薄暮再遊
 噉蔗嶺與文心幽潭擬改螺溪路記 桃源瀑
 布記 九里坑含瀑記 夜自平頂潭歸望福
 無夢園集 江一
 聖觀瀑布記 巧尖潭記 金相玉印山記
 青山寺寒溪龍記 飯桃源村記 護國寺記
 廣巖寺記 繫船山記 龍山寺記 妙山
 記 東橫山記 響山記 太平寺記 大慈
 寺記 塔頭寺記 長壽寺記 寒風關記
 龍王堂記 隱巖記 神蹟石廟記 豬溪記
 清溪橋記 南關渡船記 赤城放生池記
 清溪記 赤城海坑記 泗洞嶺記 月湖
 嶺記 看誠谷上人竹記 雪堂祇園記

我游贈雪堂戰馬記 蕩大悲坐關記 大悲樓記 斷橋觀諸上人酬百草記 寒風關仙人溪啖葛公妙記 大溪渡官塘妓記

鴈蕩

老僧巖記 飛來羅漢記 靈巖四十二佳記 淨明十八妙記 凌雲二十四幻記 石門十六怪記 靈峰寺記 羅漢洞記 南北二碧霄峰記 照膽潭記 風洞記 蓮花山記 將軍洞記 五老獨秀剪刀雙筍合珠鳳凰

無夢園集 江一

七

諸峰記 靈芝峰記 道士巖記 羅漢洞照山背記 響巖記 巖旗峰記 天柱峰記 僧抱石記 龍鼻水記 安禪谷記 天聰洞記 劍鋒泉記 小龍湫記 彩石山記 觀音巖記 溫泉洞記 屏霞障記 玉女妝臺記 卓筆峰記 獨秀峰記 雙鸞峰記 摩訶泉記 自觀音巖至靈巖記 自響巖至靈巖記 自淨明至靈巖記 猴靈巖觀雪記 猴靈巖坐月記 梅雨巖記 大龍湫記 大

剪刀峰記 閻王鼻記 詎那亭記 志歸亭

記 坐大龍湫內看珠簾記 看不足亭記

大龍湫錦溪記 石門潭石根真龍記 真濟

寺遇虎記 真濟寺觀逐虎記 雨中出真濟

寺觀瀑布記 凌雲鴈湖徑記 自白雲雲外

菴至鴈湖絕頂記 凌雲寺沉湖尼亭記 淨

名珍珠簾記 淨名一線天記 淨名童子聽

經巖記 淨名深處記 飛來立羅漢記 漳

州船溪記 飛來坐羅漢記 凌雲寺洞記

無夢園集 江一

六

淨明鴈嘴巖記 真珠簾洞記 章義樓記

石梁洞記 謝公嶺記 天柱寺記 華嚴寺

址記 寶冠寺址記 瑞鹿寺址記 道松洞

記 馬鞍嶺記 東嶺記 懺堂巖記 能仁

寺記 燕尾泉記 飛泉寺址記 羅漢寺址

記

台鴈道中第一遊

雨中蕭山採蓴記 曹娥江記 鄞江記 奉

化塔屏山活佛道場記 寧波董孝子祠記

練市夜遊記	泛西湖記	渡錢塘記	上
東山二石將軍記	天寧羅漢記	渡東關記	
琵琶洲記	吼山水蕩記	月下過東山記	
大佛記	泛刻一記	泛刻二記	台鴈道中
癡人說桃源記	新昌白象山渡溪記	新昌	
活筏橋記	桃墅記	三十六灣山記	與
燕窠記	燕窠惆悵溪記		
班竹橋記	月鑰記	班竹桃源洞記	
天寧寺自來羅漢記	天姥山記	班竹嶺	
靈江記	大棲石山記	觀海門諸山記	方
山記	羽山記	南松巖石大人記	繡嶺記
繡嶺雲住山記	盤山嶺記	象山觀海記	
無夢園集	江一		
禪記	望海尖記	順潮下黃巖記	乘月上
祠記	靈江葛仙鍊丹丹記	巾子山御巖坐	
大小惡溪記	近台五里望霞城記	巾子山	
記	雲峰山記	周七娘祠山記	東湖樵者
萬仙翁嶺下祠堂記	張紫陽化身祠亭記		
奉化望雪寶山記	寧海方正學先生祠記		

宿國清寺記	六宿紫凝樓枕赤城山聽清溪
鎮東樓記	
若耶溪記	禹陵記
南鎮記	城隍山記
縣渡橋記	戒珠山記
大善寺記	月下渡
袍紙記	新昌千佛巖記
剡縣城山記	剡
樓記	嘉靖常州萬尹建城記
新昌城	
新昌駱駝山蔡仙人棋盤石記	新昌城
分水廟記	王婆亭記
新昌五顯廟	
金竹菴記	餘慶菴記
天寧寺古塔記	明
因寺記	大佛寺記
桑州驛天門記	會墅
無夢園集	江一
大固山記	顧符齋府宅記
小固山記	
朱文公祠記	朱文公閣記
三目觀音山記	
寧海八十七義士骨祠	奉化戴探花祠記
奉化岳林寺記	
湖諸園記	奉化舟中記
賀學士祠堂記	鑑
記	天封登塔望海記
延慶寺記	壽昌寺
日湖記	月湖記
渡梁湖記	石將軍廟
虞山記	過諸壩記

記	三宿高明寺記	三宿萬年寺祇園洛濟
記	再宿石梁下方廣記	宿寒巖寺記
宿靈巖寺記	宿能仁寺記	宿真濟寺記
宿元明宮記	月下自天寧止巾子山記	宿
華頂善興寺記	宿班竹嶺記	月下自曹姚
江放舟東勝記	宿大善寺青蓮閣記	
佛像		
活佛道場彌勒像	御製小像	岳林寺像
明寺佛像	國清接引佛像	仙竈下寒拾二
無夢園集	江一	九
小像	高明楞嚴壇檀香像	塔頭寺智者唐
石像	曇花亭光菩薩手製大士善才寒拾四	
像	曇花亭五百羅漢像	曇花亭關聖立像
天封寺十六羅漢像	華頂降魔塔智者像	
萬年寺馬祖骨身像	雪堂彌勒像	雪堂
五百旃檀佛像	廣嚴寺榮羅漢像	桐栢宮
伯夷叔齊石像	明巖達磨畫像	閭丘太守
五馬像	寒巖像	台州府張紫陽石像
天		
寧寺自來羅漢十八像	雲峰山銅佛立像	

三目觀音像	飛來立羅漢像	飛來坐羅漢
像	靈峰羅漢洞羅漢像	新昌大石佛像
天封寺金剛像	天姥山廟唐像	千佛石巖
石佛千尊石羅漢十八尊像	戒珠寺王右軍	
像	銅佛像鐵佛像	
博古		
國清寺書經石片	定光菴碑片古瓦	國清
寺仙竈二石柱	黃巖學鑪	黃巖縣鐘
能		
仁寺鐘	慧明寺智者鐘	能仁寺鐵鍋
能		
無夢園集	江一	一
仁寺殿前石瓶	大慈寺隋朝獅	智者幽谿
手蹟	天台山佛龐大師禪室晉賢境界真	
蹟	葛仙翁書天台真蹟	新昌寺隋後魏二
像	新昌寺供智者塔石香爐石花屏	龍鼻
水宋元題識		
記碑塔殿橋		
新昌寺智者塔	曹娥蔡邕碑	唐
寒山舍利塔	奉化彌勒真蹟碑	護國寺
唐碑	大慈寺唐碑	慈聖寺集米元章碑

無見禪師碑	華頂	雲峰山無盡禪師碑	新昌寺重募錢忠肅王祝願詩錢惟溪記米芾	元明山三碑	寧波望海塔	岳林寺塔	國清寺三塔	萬年寺塔	下黃巖江中	諸塔	天寧寺塔	巾子山三塔	護國寺雙	塔	赤城山塔	智者塔頭寺骨塔	塔寺	活佛塔	岳林殿	塔平殿	國清寺天王殿	大殿	重修	高明寺楞嚴壇	雲峰寺鐘	化	新昌寺鐘	正統	萬年寺羅漢樓	南北藏經	無夢園集	江一				
樓	寒巖殿	新昌白象山塔	剡縣南門塔	奉化道中訪橋	天台清溪石橋	台州府	渡橋	黃巖渡橋	臨江渡橋	石梁橋	蓮	花橋	仙筏橋	方廣橋	高明橋	國清橋	桐栢宮橋	天台西門橋	寒巖橋	寒巖小	橋	鴈山洞石梁	章義橋	靈巖金鎖鎖鎖	銅鎖橋	班竹橋	燕窠橋	萬馬渡橋	活	筏橋	台州府百疊橋	能仁行春橋	新昌	大佛橋	剡縣南門長橋	紹興府右軍題

橋	品人家	寧海葛仙里人家	王愛山頂上人家	斷橋	人家	島溪嶺人家	秀溪口人家	平頭潭	人家	寒明兩巖人家	五湖嶺人家	桃源	人家	福聖觀人家	章義樓人家	靈巖寺	人家	凌雲寺人家	秀嶺人家	響巖人家	凌雲寺天極峰人家	班竹人家	燕窠人	家	挑墅人家	天封寺雙溪人家	嵎浦人	無夢園集	江一
家	選樹	練市樹	西興路樹	曹娥廟山茶	寧波石	將軍廟梓樹	萬年寺竹鐘	太平菴竹磬	筋竹嶺竹	國清松	楓	菩提	萬年松	杉	竹	歡輿鐵釘二松	資聖寺怪松遺跡	寒巖方竹	梓	桐栢宮龍鳳松	大梅	斷橋古梅	石橋嶺松	曇花亭玉蘭	上方	廣菩提子竹	下方廣竹	華頂安羅	巾子

山松	天寧寺軍器局梓	鴈山獨秀峰頂松
石梁洞次松	大京驛梓	章義樓松
山道雙梓	大盤嶺松栢	石門山天王巖松
靈巖寺鐵色樹	竹	能仁山花樹
竹	仙筏橋杉	松
大竹	九里坑頂上達摩松	斷橋上二松
萬年寺岡上松	桃源洞桃花	靈巖寺懸藤
凌雲天柱峰人家藤	桃源藤	石梁五色
杜鵑	鴈山玉女峰五色鵲	蕭山尊
高明	高明	
寺尊	石梁黃精	黃巖五色山茶
石梁杖	鴈山紫茶	九節十二節苜蓿
高明寺觀音杖	大龍湫背茶	石梁橋茶
華頂藥草	石梁藥草	寒巖藥草
草	華頂硃砂	羽山方石
書石	天然硯	清溪紫凝樓
義樓酒家	大興坑十里鵲	天柱峰鵲
昌大佛寺下	松	楓
斧思菴松	寒山八月店	木棉花
	開山	吼山水

芙蓉山戒珠寺
啓三
啓種祠前竹伯夷叔齊廟于桐栢宮
啓羅漢
買似道像擲諸海
啓新昌大佛封南明山禁
採石者
擬疏
修因清天王殿雨花亭萬工池疏
與定光菴
疏
與桐栢宮疏
與福聖觀疏
與塔頭殿
疏
石梁銅塔亭疏
與長壽寺疏
修善與
寺疏
訪漁家
奉化方橋漁
象山海上海
清溪市漁
雙
關漁
石門潭漁
剡溪漁
所見鳥獸
虎
獐
鹿
麋
山猪
猿
黃巖金魚
天寧寺火神廟魚
山樂官
白鵬
石梁戲
小鳥
善興寺池金魚
藕色鸞鷲
幽溪蟬
華頂蛙
靈巖寺鶻
雲峰寺無鱗魚
螺

天台祠記

李供奉夢游天姥山好事者賀山之遭而悵其夢予一日過之笑曰供奉不夢天姥誰夢夢天台耶白也遜其精奇夢雁宕耶白也謝其玄怪夢會稽耶白也讓其閒懶夫自萬馬疾渡飛手萬仞之濤於數百里滙爲巨湖浸天姥山腹背差可安供奉一夢耳辛酉九月天台高明釋傳燈萬年釋真秀石梁釋性覺持杖來各磬石乞三天祠記祀興利除害兵憲夢澤張公及捧檄

無夢閣集

二五

斷行別駕南昌趙公予過客也爲張公年友以齒煩勞與焉予謝不敏而張公應特祠夫古人作夢亦不容易况文乎非愛其文也不遇其人與其事向者供奉之所不夢也高明故智者翻經臺招手定光處石梁羅漢鬚眉皆活清夜自鐘自鼓萬年寺之九里溪奇峰秀鬱品在雁宕上是宜置公款笑惠徽山靈安予一篇文字作供奉佳夢可矣天台厥田磽瘠垂白老僧常倚雲而鋤閒探令下台無礦有司中胥諸易存寺

無夢閣集

二六

爲廢寺徵田數千畝租入畝二石輸累千金充殯稅實利羨饒而杖殺訟寃者數人又役以收解催租吏日滿維摩僧積威所劫聊望僧民兩充先後賢者二守黃公兵使金沙于公太守華亭王公邑侯湘山胡公僅通融計畝量派官田奉蠲什之七開採旣息旋編槽兵著爲令三十餘年予初游國清坐寒拾竈下聽二三衲子語夜半風急雨鳴濤聲如咽將就臥一僧牽予衣燐燈照斗室曰此二老僧死鞭笞所也放聲

聞髮指曰始作者無後乎

朝廷不言利而刈殺其人民司憲謂何盟曰三日徵十日罷淪此盟如江水趣命署印趙公

方略趙令靖江著廉幹激于公言簡相栢諸
田悉抵去之果不渝盟公自爲文識台山絕頂
昇哉公處此一事勁而決不煩論報不遺根株
於是山歛愁容水流悅響百歲老僧願緩須臾
無死初公赴任飲于書舍簡案上楊文襄集驛
聞兵變拂衣起兼程視事解兇黨給遺糧悉繫
其魁台人言公少遲履劍必無台州今調發驛
然譚于省會于處州于金華于鄞江台兵一枝
悉受戎索憚公威感公信也延年離席社稷遂

無夢園集

江一

三

安趙喜橫嶺尊卑乃定公有焉公孝友篤學節
儉正直精吏事別人材自稱一人不妄交一介
不輕與既與于面相約使者絡繹于路爲分轄
軒予幽人也老親在堂愛子在抱棊書在几席
勉爲公一割非于意直不能致公三遣之使非
公精誠不能勤予百日之轍所至不接一軒冕
不涸一私積及抵舍掩關潛確公手函六七至
氣誼有足多者公虛懷能受盡言記月下渡靈
江葛仙井淪爲蓁莽言於公遽檄臨海亭之在

紹興禹廟地新蘭亭不稱舊觀其山勾踐種蘭
地也蘭似君子收越君子亭而聿脩崇山峻嶺
之舊三江開湯侯功在萬世不宜竝祀戰歿吳
張二將子幼母老想魂萬里之外王右軍嗟坐
戒珠門遷龍山亭便公皆許可許非博採誰不
樂告益

朝廷腹心也郡國手足也

神祖獨攬耳目之官奮而手足能捍則以監司
代耳目今冠在門庭腹心之救股而微調日賴

無夢園集

江一

元

則又以監司代腹心夫郡國之職業愈重監司
愈急而浙東沿海一帶更急果得人如公授節
鉞筦樞要以昭布

明天子尊顯外藩飭詰海壖至意無謂令甲獨
行之於邊吏也公壯猷日新何有台山一事亦
與千春流水共淙淙不絕而已雖謂公與天台
山作一夢可也雖謂予補供奉之夢爲夢澤作
一紀夢可也

天台第一遊自仙後橋至斷橋下慈聖寺道

烏溪嶺入萬年寺記

遊石梁驚欲狂則闌然止不問斷橋消息問卽
輿夫目攝寺僧口噤不知石梁山特華頂一枝
仙源乍引至斷橋又十里二木合流慈聖寺左
直下新嵒曇花亭上造物鼓奇方壯烏溪萬年
寺猶未已已故不遊斷橋未奇也遊矣不慈聖
又不繇慈聖入萬年未奇也李五峯咏鴈山云
匆匆僅得皮膚耳出外逢人莫浪誇則吾豈敢

無夢園集

江一

元

且肅遊而肅述之山無名字聊一點綴題目俾
好奇者吼焉四月二日晚晴昇仙橋坐杉樹下
觀瀑半里左筆架山右山木嶺瀑藏竹稍上剩
月明一片蓮花架三里爲梅溪泉自香栢峯小直
溪界流而老梅之兩幹栢道有水一泓由腹出
臥獅羣浴犀兕雄踞溪流迅深足踞瑪瑙石如
舞空下者點頭上者招手一山朵朵分蓮祇樹
層層綴異草木皆成宮闕水晶盡是毳花只在
此山各爲城郭白雲雞犬風鈴木橋半空笑語

瀉爲淵澗則紫金而黝綠矗立皆霞剪處處飛

花洞口

千巖噴花舉頭四山有闕並峙食秀賞異

斷俄呈六峯

六峯華華大聲排空梁長巨地天際驚

橋之左憑險側觀龍潭下而復上旋轉颺忽數

長年逆未緯痕破石旋濤掛緯潭之巖畔乍吐寶光

須臾五色飛于烟際可罩可籠轉從橋右晶光

在掌龍潭放光瀑之疑烟而花者吾于石筍見之非

烟非花以雪城爲錦江石梁詎有此乎奔瀉方

無夢園集

江一

三

池巨鰲承之方池乃有鵬花十八根拉路石據

幾濤聽草深間道壘石而坐鏗鏦震天雨霰撲

面疑雨而日也樹動經翻疑風而寂也長風恒雨大

峯危坐笑而不答不答爲採山菓似染蛟宮潭雪

紅于是瞪眸四顧天半舞花左則雄騰作勢右

則神龍出穴方池小流復合羣結爲珠垂垂左

顆顆粒粒而右沸奔激中亦復數簾垂垂下顆

圓予乃與省僧輕拂衣露倚杖數磴珠簾幻作

峯巖狀千峯一石盡籠奇草危岫獻奇知卿丹

書卿丹 跌坐片石五味樹精好有拍掌巖飛泉

百道且撫且掌園泉 過嶺積石臨流欲笑未幾

諸澗奔谷人開 居人搗蕨樹逢臨流 石斛行路

皆龍孫一筏逕過霞街 澗如霞紫色有石壁

引蜂藤絲長係石斛 山如雪而殘凍未消雪山

一片階席都是瓊瑤雪帶 斜渡而石梁之水合

斷橋以入嗟乎孫興未之見也故置不道耳兩

于是山容斂浪勢平細流深滙聖水 又復散

為平田遠山藩屏大池匝繞可種蓮十畝足涉

無夢園集 江一

三

數溪老枝脈脈斜樹引泉修竹四圍為慈聖寺

立寺左崗泉側出而石梁斷橋合流新崦植以

石闢新崦 飯罷塞嶺水分繪為丹青則蒙密蒼

翳有時淡寫山容伸指能呼摩詰新崦 蓋自斷

橋數里藤蘿半水牛山嵯峨疑峯疑樹咳唾似

語似泉天工巧削有時跨石而空騰有時傍竹

而鳴簫有時看花而迎笑有時借山鬼而嘯呼

皆渺不可測焉最奇為烏溪峯居人長于孫水

柳纔尺五而幹如老鱗一奇也身如管絃聲咽

而後出二奇也松可合抱根老于石石階寸土

開奇也三石倚長松如老僧一奇也登烏溪嶺

望華頂直當西一面重關層障像孫不得渡二

奇也華頂 乃抵萬年寺

西關

無夢園集 江一

三

罷天台僧礦稅記

開採令下天台實無礦有司議民間廢寺田抵之用積書言以存作廢盡括所存寺田若干充畝畝入租二石積貲數千百兩應充礦稅實利餘羨司柄者利其餘屬而和之余初游國清寺夜半僧引至寒山窰下撫石柱而歎僧飲泣不已叩之則老僧數人控前事斃杖下昇而歎此予心憐之時有黃二守節其重輕重糧外祇加餉二分然奉行之過凡收頭解戶悉推之僧

無夢園集

江一

三

催租吏日擁丈室中供億常例不得意即鳴之長吏略無赦條開採既息稅應停征仍編入相兵餉礦可已而兵不可已誰實階厲郡伯王公以廢寺田爲之請貸減若干兩郡伯洪公因四明陳官量免收頭兵使者金壇干公牒下湘山胡令蓋僧之言曰天台田兩則民田糧輕而役重官田糧重而役輕官民俱充利害相等第不念官民俱王土僧俗俱王民官充而民不充甚則僧之官田既充民之僧田不充僧之民田既

充此豈可忍驅僧以民不以民畜責僧以牒不以僧畜胡公曰台山應接孔多民田豈勝加餉括所有官田足矣得官田若干萬畝每畝均派若干釐僧俗相安卒無敢議然僅免其半余言於同年張公一席之間普瀘江以飛檄十日之內超苦海而誕登暑邑則別駕趙公也

無夢園集

江一

三

遊赤城山記

寓清溪市紫凝樓而一山如海湧浪現紫金相
巖坐一塔背負巨峯似斷似連霧沉影微斗柄
可指四山澄霽几案間飛五色雨霽朝昏與落
霞俱醉爲天台赤城山三月廿五日小徑行五
六里山色赤而峯橫矗矗若城堵雜以綠樹半
醉半醒鐘鼓不聞忽見擎空巨巖涵洞廣深依
洞構殿倒浸樓臺木與石爭砌龍降虎慈挑雲
覓芝彼萬頃雲花垂垂而落星斗響岩牖者中

無夢園集 江一

三五

岩寺耶臥佛址耶岩泉滴長繩淙淙下僧徒取
諸繩而足少溢聽其濺沫階除泉亦不多取也
泥金錢乎神贈金而墨蘭擲之池固宜左樓聽
書聲山鼠在精舍依洞居猿猴之居糧鳥雀之
糧及日如春朔風如秋出則美人錦綉仙翁丹
砂雖晝晦雪積紅懸木杪近岩祀五百天神左
則栢松碓雲有時半不見然山瘦松勁游氣高
寥今毫端寶王輕舉徑藏足屋藏洞洞藏佛樹
鳴如塔鈴捫蘿窮討如登塔數級倚窻雲間四

望而昂其首最上一層明珠高懸居然飛來支
提梅子肥龍孫解籥新燕乳飛循茅軒竹乃抵
玉京洞記稱魏夫人所治袤二百里然洞溢于
中巖而旁囑平遠側望峯起如弓弩右執杖左
肩僧數折入一煖洞可臥雪又數十級半穿白
雲鑄玉京過此崖分烟斷岩洞廣深下視靡極
矣距洞爲塔塔下仙人洗腸二井劔川岩直次
浮雲攷此洞東南支提住天冠菩薩眷屬而晉
雲猷尊者飛錫入嶺口救溺婦成乾溪杖擊臥

無夢園集 江一

三六

虎皈依定光洗腸山頂池爲生莊誌稱之山容
如楮佛語遙傳笙簧道波諳然可味問曇猷龕
影惟晉處士褚世標髣髴見之他俱爲雲霧所
蔽望國清文殊塔如括州都督施柱泛海而童
安在赤城忽見普明長十餘丈其劍氣雄宕呵
吞也取道北乍見赤城伸其一足水特雄放曰
海坑蓋水流四遶山而背負大峯雄堞外又千
萬圍嶂云過此卽豐于拾得嶺也道有放生池
植荷花昔許邁住玉京洞與右軍書聞天台池

至臨海多有金臺玉室仙人芝草故晉宋以來
常以日中星鳥望秩之有以哉飯國清盛饌遊
赤城之勝一道童蓬首垢面向余問曰白蛇洞
何如洞卽巨蟒大十圍曇師卓錫柱其齕處也
噫嘻蟒可攝也虎可臥而杖也神果夏帝子居
山二千年佛不與爭土爭而勝亦不武聊借說
法耳猶之尸解留形直借肉身喻肉眼耳夫常
不可語故驚之以怪骨不可示故顯之以肉甚
者赤其肢脉以恣摸索非其實菩提心者可與
無夢園集 江一 三

遊赤城也哉

游國清寺記

寺若成國卽清定光示現智者遺書其盛也三
朝御筆盈數百札賜田萬畝種松九里扇中門
待詔旨未幾付煨燼夫施錢寶與其施瓦礫何
異則焚金龍玉簡與其焚竹頭木屑何異夾兩
澗擁五峯魯殿之殿高百尺而無塵智者之臺
開萬花而不盡興廢廢興此亦一時僧飯我仙
人竈以蕨餅供飯罷問閭丘寒拾跡有竈石柱
三彼直戲耳炊者自炊拈者自拈拾者自拾負
無夢園集 江一 六

拾得而趨者自負竈下逃者自逃太守追者自
追西僧覓舍利者自覓寒拾不與閭丘事閭丘
不與豐干事豐干片言籠舌而竈突之而宰官
之而巔之而巔之而傍徨追賞之其奚以語遊
豐干井可汲稍上踞虎室圓石子可枕面赤城
塔可觸鈴而語或云國清寺僧狎虎如狸識其
居數其齒辨其色爲談虎久之天王井泉極甘
美稍上剪其編筏爲叩曹源色渾渾而列譙園
曹勳書體道勁問所謂兜率臺更好亭新羅園

靈夢堂塔銘古竺樓都付榛莽跌坐七塔下久之山僧云文殊塔成仙負石以趨行人觸之石止于路今頂孤懸一線天智者書經方石屑覆片片付之燭龍僅有蝙蝠淒鳴爲恨嗟夫智者之于國清以不見寺成未瞑目爲恨而詔命司馬王弘依圖勸造今數經兵火舊觀未謝方其未來定光豫勅山民種萱造醬編蒲種竹犀盜見神仗而不入白塔感飛聲而吐談固有不滅者存古石門萬松經止觀亭其蹟可攷也垂成

無夢園集 江一

三

而廢爲萬王池也其泉可瀦也長松謾謾闕隴雙松鱗甲飛動橫抹數十枝如天龍之伸臂又一松方作虎蹲勢忽僵臥道旁而秀出其幹空

中舞蜺下者垂百智者示現其在斯乎教乎禪乎止乎觀乎

遊國清寺記

華若成國即清定光示現智者遺書其盛也正朝御書盈數百札賜田萬畝種松九里局中問待詔旨未幾輒付煨燼夫以智者慧力不能創之生前又不能保之寂後是名大智是名不思議佛法太虛施銀與其施瓦礫何異則焚銀與其焚瓦礫何異至教教爲禪禪教互靜亭池以訐廢笑前代不善佞佛坡公爲父拾道子畫版曰天下豈有無父之人哉此慾根未斷語君子

無夢園集 江一

三八

得而守之父安得而守之金湯祖師安得而守之雖然此四絕之一也夾兩澗擁五峯魯般殿焉百尺而無塵興廢廢興一時急者金剛殿兩花亭萬工池云智者坐兩花亭側僧徹源弘二飲之仙人竈以蕨餅蕨麵供飯罷見竈三石柱曰間丘寒拾跡也彼直戲耳突者突拈者拈拾者自拾負而趨者自負竈下逃者自逃太守追者自追西僧覓舍利者自覓寒拾不與間丘事間丘不與豐于事豐于片言千古饒舌而突之

而孩童之而宰官之而嶺之而巖之而詩之而
榜徨追賞之其奚以語遊左崖豐干居門植嘉
竹甃以石欄可坐豐干井可汲稍上踞虎室圓
石可枕面赤城塔可觸鈴而語

與僧說福勝石梁幽豁大龍湫五洩瀑記
宇內之瀑四而天台福勝觀居其首廬山香爐
峰居其次雁宕大龍湫居其三雪竇千丈巖居
其四余未登廬山耳至奉化過雪竇山下隱隱
見乳峰千丈福勝觀自華頂分支源石門經三
井其來也長沿厓飄曳初下也如夾蒲昌之巨
洪怒激也如奔太僕之萬馬遠觀也如懸足練
於萬綠叢中近觀也如倒雪山於無熱池內隔
陽響一天驟雨遠林撼萬樹若未踐萬斛之
珠璣茸百花於一石既因嵒而作勢因側仄以
旋舞於人則奇男子烈丈夫磊砢不平怒氣橫
胸防風氏可戮而東山可征桀紂可伐而少正
卯可誅秦項可滅而胡元可驅髮可衝其冠戈
可揮其日氣可冲牛斗怒可裂目眦若夫雁宕
大龍湫之瀑自雁湖分支源白雲菴頂經龍湫
尾間其來也短懸空飄舞因風爲力初下也傾
銀河於危口將半也洒濯沫於噴壺前之左之
右之睨而視之若理千絲於機軸下之後之遊

之仰而觀之如撒斛珠於虛空有時映日化作虹霓有時乘風變爲雲霧此有起伏無頓挫之瀑勢也於人則美丈夫豔女子可以乘羊車可以執麈尾可以連白璧可以映明珠班伯漸其麗何晏規其美似陳平而冠玉若董偃而賣珠亦可方之西子比之南威翻若驚鴻婉若遊龍榮曜秋菊華茂春松髣髴今若輕雲之蔽日飄飄兮望流風之迴雪又侶乎河洛之宓妃若石梁之瀑有福勝之頓挫無福勝之起伏福勝無

無夢園集 江

也若曰噤從瀑布聲中斷橋自青山盡處連此爲瀑道洶湧言衝突也若曰瀑流半作天邊雨片石全驚海上虹此爲瀑揚河潤讚霖霖也若曰石橋未到先聞瀑蓋竹初開別有天此爲瀑開堂皇形廣大也若曰翻湫何限不平氣津濟蒼生意藹然此爲瀑舉抱負摠憤鬱也旣若幽谿與五洩之瀑又不然他處之瀑不可以入畫入畫則板法幽溪與五洩之瀑卒難以入詩入詩則失真惟妙得古人之畫意深入山水之幽

無夢園集 江

情差可厓略幽谿之瀑亂石崢嶸於澗底樹木蒙襍於溪旁其高也不啻千仞其出也何止百湍始出潭以爲瀑復積瀑以爲潭瀑瀑相承潭潭相繼潭上危石蒙子年之怪木石上怪木繁百折之枯藤或向綠樹蒙茸中而窺其崩雪或於巨石巖藥處而觀其流雲或始則泉落於樹頭或次則樹生於泉上忽流之左而又流於右候觀之東而又移之於西下一潭有一潭之勝登一崖有一崖之奇真目道之不暇實洗耳之

可怡若夫五洩發源於仙人鞋頂結束於螺螄
大溪自下望上來之天末本是一瀑而乍起乍
伏者五每一洩相去者數里其立地也高其遺
世也遠縹緲雲端與白雲而作伍依稀月下與
明月以爲儔居百層嵯而百層疑軒轅神而疑
類姑射仙五落泉而五落石宜淺綠而亦宜淡
硃下一洩容許由而洗耳上一洩許巢父而飲
牛留最上之三洩第當與山僧洗鉢漱齒澄神
豁眸若夫斷橋與石筍妙在石而不在瀑苟以

筆夢園集 江一

三

詩而求之則冰絲晴織支機石玉屑烟銷承露
盤此斷橋之形容也曠實經年洗霽雨瀑流六
月飛嚴霜此石筍之形容也至於石羊頭黃潭
南壘等諸瀑豈無一段在勝莫之及矣雖然九
里坑不可少也品山第一品瀑次之

天台憶一

元稹題劉阮妻詩芙蓉脂肉綠雲鬟畫樓臺
青黛山千樹桃花萬年藥不知何事憶人間余
謂天台方是人間紛紛皆鬼窟耳

趙湘詩多年無客過落日有雲歸予聞有遊台
山者病足病餓大悔出游然後知悔橋不可已
也悔出山者有之悔入山者亦有之矣然則鴈
蕩老僧嚴爲賓賓可天台悔橋謂逐客可

湘又云水淨苔生髮山寒樹著衣余自鴈蕩歸
無夢園集 江一

三

正端午從華頂邀石梁諸靜室作善報于曇華
機有年八九十者有住山廿餘年不知何許人
者黃昏課誦畢天大雨石梁得雨如迂佳客悉
走使者治水陸水陸之珍畢至恰逢客來主人
附耳躡足不禁愉快著展張蓋浩然自得因誇
諸淨侶曰自有石梁恐未有此客一老僧張目
云公言何偈也雨石梁不如冰石梁石梁冰狀
如燈籠漆外而明中一縷銀河跌坐熟玩神爽
肅然忽聽一聲霹靂乃雪山倒下于千仞也爾

時佛牧俱絕老僧獨自受用余大愧

羅通題萬年寺妙蓮閣畫棟有聲啼海燕澄波
無影睡天龍余與雪堂久住寺中寺如蓮花形
其足則藕一枝也予坐精舍看巨竹可桶以盛
水時牡丹枝已折余來枝自連爲放花雪堂異
之王中丞贈雪堂戰馬馬常向雪堂騰躍悲鳴
竟老櫪下以徒步終其身戰馬逸而枯樹花思
公復思馬

曇花亭隱者六人不識名姓年近七八十餘爲

無夢園集 江一

卷一

立茶社每會王一人麵五升米五升誦經一小
卷而別其名曰以佛會友

五百山羅漢卓錫處石頭如蒲草包束又結成
葫蘆形點點似鐘磬木魚狀曇花亭羅漢自持
誦自鐘鼓每夜半時居上剎疑下方廣居下剎
疑上方廣詰朝詢之皆無有環視羅漢寂然無
有天封寺十六羅漢大奇如強壯漢子保養累
月神來氣來又如酒酣拔劍人鬼碎易手持二
藤杖余怪之問何處有此古藤僧曰羅漢自帶

來又問何處有此塑手僧曰羅漢自塑塑寸林
尊而去寺僧留之笑曰他是一尊我是一尊遂
不見

桐栢二松奇古老梅竟日行餓甚從者摘梅充
腹不能禁節取之顧視土地乃伯夷叔齊也夜
宿元明宮僧家歡喜接引臥起樂甚

碧潭南人住山六十年無瑕北人住山二十年
舒菴北人石梁下一潭天晴放光自小而大抱
之石梁不奇四寸里四面來路大奇斷橋奇于

無夢園集 江一

卷一

石梁然無遠神亦傷于奇也鴈蕩每如是天台
高山頂老僧不輟耕一到鴈蕩谷口與夫輩悉
儲三日糧乃人于是上帝救百夷叔齊居之古
今忍餓之士亦多非此二人不能久也天台養
人佛養之也鴈蕩餓人非餓死于土地土地先
自餓耳

上道人坑鎮海菴有寧海人住六十年不下山
今八十一有劉秀才四明人遣婦徑出住數年
年家中未有知者慈舟川中人坐關四十年萬

松菴桂林寧海人其年如之

天台精而麗如美女嫁仙郎鴈蕩山如清風嶺
王烈婦罵賊碎首波濤如唐將軍然火燒體遲
刻畧以免宋天子

塔頭寺金竹笋甚美

慈聖寺至萬年寺出十五里足下騰迅崩裂不
見水爲萬馬渡又一路出九里坑

石梁之東水從華頂下有雙溪碧潭經蔡嶺到
石梁澗南通圓峯頂故韶國師道場從大興坑

無夢園集

江一

卷二

出蓮花橋下西從萬年寺經道人坑過萬松菴
北從斷橋下石梁亘仙筏橋出諸水會二十里
至慈聖寺出新昌沃洲此水脉也山從華頂南
台郡東寧海連四明北新昌至紹興西至東陽
義烏此山脉也自龍王堂至五聖堂三轉水而
石梁有下釣水

斷橋水皆五色日耀之則金其樹不風而搖不
雨而濺橋中斷一石如覆舟水流其下淙淙然
水口道浸寬廣再下嶺看橋水四級而下如珠

集

華頂降魔塔伏虎壇巖壘石太白書室風雨
雨瓦破垣頽想太白高吟其巔惟有鯨吸三石
孟飽看蓮花八面差不俗也文殊寺在絕頂有
鉢孟峯娑羅室淡趣軒深雪菴有洞有岩曰橫
星土色金紫余携之曇花亭以華頂五色土供
佛自余始

大慈寺背負大雷嶺兩龍合抱形如燕巢

葛玄書三井天官山大字飛舞作勢與福聖寺

無夢園集

江一

卷二

之東北丹霞洞中仙人拍手巖亦仙家鑒賞也
寒山坑火處石柱尚存寒拾小像從雙塔出
石笋之根與石門峯相附其半有瀑一道倒下
數丈許噴沫如霧平石如臺傍笋根望龍潭廣
而遂巖下水倒激撲而石門隘僅容一人履石
尖援藤枝笋頂石無樹木近石門一面多杜鵑
松竹有龍鬚草出一溪之東百丈巖第三第四
溪折爲百花潭第六溪中子峯第七溪傍有石
壁壁有洞水澄綠第八溪九溪水深靚第十溪

溪十二溪如繫船巖劍峯蓮花塢大龍潭水從
華頂來石笋生華頂十里

寒巖北五里過清溪入護國寺尋桃源

斷橋水澗水下坎輒停又下一坎如切片玉
寒巖如破敗蓮房

婆羅樹九房六瓣

無字崖看明巖巖下通海一石孤立二千尺入
洞三十丈許一笋斜立越二洞見達摩

天台瀑莫幽于幽溪曲折高下傍樹與石而仙

無夢園集 江一

巖瀑自腹中出尤異石門浪大于馬

所過山有如老瓜皮色者有如銅青者

太平菴竹大于汲桶可作鐘

清江嶺溪江交代處

桃源山大青大綠杳然太古此一桃源彼一桃
源妙在尋不見又妙在尋著便不見

百花潭水從高處噴潭成蓮花旁湧又折而上

吾鄉二居士愛之卜于元弼真君三卜三拒東

百丈巖一層樹一層石

白雲精舍僧于月下望見白雲從螺溪入石笋
有紅燈

宋有二樵取石梁金錢錢鏐王所施也一鑄蓮

花一鑄大士重二兩許分錢不平官斷還潭

天台山中小溪大同紙佳

慈雲魯光據桃源之上僧作小橋渡之

天台皆丹青畫手也寒明巖仙人自家落筆

天台人以燒炭搗藏採黃精爲業炭一百斤值

五分土棗以原汁復煮最佳一方用何首烏搗

無夢園集 江一

單

碎和黃精黑豆曬乾爲丸

華頂落日可望錢塘出口望海五月可披裘

定光庵取徑甚幽僧拾殘碑字皆古篆

雙闕外百丈巖笋皆橫出瓊臺龍津澗水從此

出

九里坑卽秀溪禪庵道場天台山第一

華頂落日照沃州溪水

拜經臺在金地銀地二嶺之中銀地石如玉

華頂溪泉皆從石隙中出四週密樹

華頂蛙聲皆按板

天封十六羅漢一尊手執萬年藤杖其形如龍
上有三峯巒肩長數尺下兩分中一條直下左
從手中出竇座缺一牙有頤骨俱露筋脈盡出
乳動肚腹捷臂肉豐隆手指或直上或伸一二
指指爪半紅半白或禿或尖切似剪刀痕足指
亦然彌勒笑入肺腑不能出口一老者鵠臉數
疊肋骨陡露詎那豐頤隆腮有一手托珠龍在
梁上有手托一虎虎形如生伸爪捷尾衣襦皆
無夢園集 上

古未裝金時頭髮遇風吹動今皆坐木床罩以
黃帳有一天王相傳初建時有四人至三去報
命一畱守香火四金剛奇古

華頂二瀑雖不長勢亦雄

寒風闕小小位置皆自不凡

羅漢山五百避暑處

啗蔗嶺採菌處

天台人請人飲酒俱用小碟茗貯魚肉各以麵
餅捲食食一枚畱一枚俟飲畢各袖去士夫亦

然

草菜用溫湯加白糖并醋和食余食草六橋

蕭山一高明寺一

華頂大池水不可放天封旱曾開缺放水水至

處田即荒

斷橋多黃花菜

華頂梅俱老禿古怪新枝乍長被雪壓耳智光

上人云有僧來華頂大寒中敲冰而浴

又二極長大僧到寺一語不發受齋三匝而去

無夢園集

江一

四三

又一梵僧年七十餘頸下生鬚長垂過腹又一
僧云生自成化間有紅髮者

太白堂前有二池近堂爲墨池後有淨室敏吾

上人烹跑珠泉又一里至華頂智者拜經臺處

南下黃金洞昔有僧居今垣路不通東望大海

北望錢塘水如一縷寧波天水合一

黃金洞如斗室日出時上有光如電宛如銀樹

日出寧波一山如琉璃

伏虎壇在降魔壇外對望海尖頂後北下龍王

遷井以貽智者頂前爲太白臺

華頂水孤東一坑往天封通靈海入海南坑往雙溪通螺溪至秀城西北一坑往斷橋通剡東北一坑往大同寺通奉化

華頂東有茅廬僧本邑人也不識文墨因禮觀音曰觀音老佛

深雲庵前有僧號終南善通金剛三昧

智者于天台山拜經者五載後至華頂拜十三載初入山滿山鐘聲魑魅現智大師父母師長

無夢園集

江一

四三

雷霆閃電寂然不動出定後青天皎潔現一天橋如虹橋千僧空中持紅燈趨庭下瞻禮欲携華頂雄黃石深雲蒼蒼水至石梁烹茶通端午上有金釵山一菴望萬山城郭室廬遠在百里者俱在巔端東望山下雙溪竹黃色如金毛獅子飛舞下石梁坑水中石皆成錦上下顛挫奇山或突或伏或坐或立有石笋巖子笋倒垂俱有解簪上至方巖下又小方巖溪流迅馳直走上方廣趨至石梁與蓮花橋水會入曇花

亭與諸僧就廊下觀瀑有小鳥隱于亂水中不見其出亭前小門有大玉蘭二枝下一蒲桃藤附于長楓直掛曇花亭角護聖瓜石畔無可覓瓜生無數青蛇不許人折蒲桃唯供山間鳥鼠糧耳

大士像最古垂纓絡彌勒寒山拾得古像寒山一手印記一手附膝微笑赤足拾得一手拈珠一手閱卷亦赤足大笑

蓋竹洞虛懸數尺持燈然至蓮花橋攀樹枝遁

無夢園集

江一

之四

下噴空四至亭廊見苔蘚如錦稍前見流螢飛于水面三瀑如一段中空一鏡上方廣瀑在樹影中遇螢一閃白又見下方廣燈火流動如星移石橋一線痕下蓋竹洞望橋瀑合眼久乃見纖毫樹上如陰石深黑燈照樹頭枝垂垂欲動翠屏山有龍潭甚靈翠屏峰不可叫喊叫喊則石亂擲

水南大路曾有曹真人以紙條繫蝦蟆頭遂不鳴今蝦蟆皆白頭惟此處不鳴

華嚴經菩薩任處品云東南方有處名支提從昔已來諸菩薩衆於中止住現有菩薩名曰天冠與其眷屬諸菩薩衆一千人俱常在其中而演說法清涼澄觀國師調支提梵語此云可供養處卽塔之異稱唯東南方有赤城山其形如塔且其巔又有舍利寶塔樹下比丘曰塔七級高二十丈中藏佛舍利子四十九顆五代鄮國師修存二十八顆餘散安東都府內并應天寺國清護國等處昔稱清涼爲文殊化身其語信無夢園集 江 四四

可據也予住天台凝霞樓一月時步石橋家家橋上賣桑棧對赤城云

西域志天台山石梁橋方廣寺五伯阿羅漢之所住持晉白道猷行至橋所聞空中聲曰知君誠篤今未得度却後十年自當來也師心悵然留宿橋所聞西有鐘磬聲且復欲前一人麗眉皓髮問師所之師具答意老人曰君生死身何當得去吾是山神故來告爾師乃退然每思不得度石橋晨夕悵恨乃結草爲庵彌年禪觀後

欲造石橋乃泥積石洞開築道乎正因得度少頃睹精舍宏壯圓塔環異神僧叙接宛同未識因共燒香中食食畢將陳住意神僧曰知母孕卽時嘗經並畦有腥羶氣僊聖所不得近若欲來此必潔淨身意十年後方得來也相送度橋於是返顧橫石還合師還赤城封腥出腸胃以洗滌之今赤城山有洗腸井旁生青韭他處卽無是其驗也予游石橋最喜其上一小橋噴流如舞雪因下石橋湍激之勢潏潏必遠遂界無夢園集 江 四四

東西南北各作十里觀一爲斷橋一爲華頂其二忌之矣不如是觀不知石梁之妙只是未游石梁也不游九里坑終是未游天台也

嵩高山東南大巖下石孔中入有大宮闕自然明燭與日月無異有六僊人云月光童子在天台住來

舊傳天台赤城有五百天神居之言輒降禍獻至遇一嫗問途忽有負而投諸淵者獻飛錫救之冰立涸今乾溪是也住石室坐禪有猛虎數

十蹲在猷前猷誦經如故虎獨踞猷以如意叩虎頭問何不聽經俄而羣虎皆去有頃壯蛇競出大十圍循環往復舉頭向猷經半日復去後一日神現形詣猷曰法師威德即重來止此山弟子輒推室以相舉猷曰貧道尋山願得相接何不共住神曰弟子無爲不爾但部屬未洽法化卒難制語遠人來往或相侵觸人神道異是以去耳猷曰本是何神居之久道欲移何處去耶神曰夏帝之子居於此山二千餘年寒石無夢圖集 江一

是我舅所治當還彼住尋還山陰廟臨別執手贈曇香三奩於是鳴鞭吹角凌雲而去

義寧中隱士曇猷身留赤城山室顏貌如生垂而舉體絳色士標登山獨得見之他欲觀者輒爲雲霧所蔽

杯渡者不知姓名常乘大木杯渡水人因目之不修細行神力卓越世莫測其跡行至松江乃仰蓋於水中乘而渡岸經涉會稽剡縣登天台山數月而返京師按杯渡悲衆生之溺而以鼻

渡之蓋取其覆仰蓋失蓋之用失用則無蓋也所稱四無量無量之悲

齊建元中師登赤城山不室見猷公尸骸不朽而禪室荒蕪高蹤不繼乃顧人開剪更立堂室造卧佛并猷公像於是栖心禪誦畢命枯槁後於定中見一女神自稱呂姥云常加護衛或時有白猿白鹿白蛇白虎遊戲堦前馴伏宛轉不令人畏

定光禪師青州人姓許字靜照大同初隱佛隴無夢圖集 江一

居山三十載迹晦道明易狎難識有所憑記多皆顯驗蓋神人也智者未至前二年預告山民曰大善知識當來相就宜種萱造營編蒲爲席更起屋待之

開巖寺有天花尊者遺蹟梁普通間尊者來遊天台去縣西南四十里有巖高廣挺峙師以神力劈開感天雨六花人因稱爲天花尊者云智暉師於修禪寺架構香臺當香爐峯多檀柏木師欲伐用衆疑神所據夜夢神送疏遂遣伐

之智者勸沿江居民舍魚梁爲放生池歷年未
久復行漁捕師與章安禪智者塔焚香咒願有
漁人見僧立巖上意謂墮水者乘舟往救忽不
見居人覩驗遂停採捕

陳大建十四年師來天台值智者講禮足歸依
智者笑曰宿世願力今復相遇於是服勤左右
專習禪法行方等般若諸三昧隨智者至虛山
於陶侃瑞相閣行道感異僧爲改法京之名爲
普明暨居國清以取水爲艱指其石曰此石出
無夢園集 江一

水不亦快乎泉卽湧出日給千衆今錫杖泉是
閣提首那尊者於平田寺大着神力舊有釜極
深廣是其所鑄寺後過溪有西天大師庵肉身
尚存

行滿師首造石霜學禪法後往天台聽荆溪說
止觀頓悟妙旨因止華頂峯下智者院充茶頭
夜坐土牀燒糞掃以煖其下脫衣就牀蚤虱羣
咬伺其飽足又復整衣而坐所居檻外大松止
有寄生小樹遇師出坐必煽燭低俯時謂此樹

爲茶頭作禮

鴻山師行脚至國清受戒與寒山拾得往松門
夾道作虎吼三聲滿無對寒山曰自從雲山一別
迄至於今還相記麼滿又無對拾杖曰老兄
喚這箇作什麼滿又無對寒山曰休休不用問他
自從別後已三生作國王來總忘却也後參百
丈住鴻山按世間事都宜忘却亦都宜提起
人同心或默或語

豐干禪師不知何許人居天台國清寺或云
無夢園集 江一

人豐尚書之子形貌寢惡被髮布裘或時唱歌
人問之第云隨我騎虎遊松門與寒山拾得三
人相親每邂逅則長吟大笑人莫測也寒山問
古鏡未磨時如何照燭師曰冰壺無影像猿猴
探水月山曰此是不照燭也更請道看師曰萬
德不將來教我如何道寒山拾得共作禮而退
師欲遊五臺問寒山拾得曰汝共我去遊王臺
便是我同流若不共我去不是我同流山曰你
去五臺作怎麼師曰禮文殊山曰你不是我同

流師獨入五臺逢一老人便問莫是文殊麼曰
豈有二文殊師作禮未起忽然不見嗟乎自費
千饒舌後宗風多在口語尋索是失西來意卽
失豐于意也

寒山不言氏族以其寒石山中居止得名容貌
枯悴布袍零落以樺皮爲冠曳大木屐時來園
清寺就拾得取衆僧殘食菜滓食之或廊下徐
行或時叫噪望空謾罵寺僧以杖逼逐翻身撫
掌大笑雖出言如狂而有意趣予登寒明二巖

無夢園集 江一

三

蒼老絕似雁蕩是其出遊地也

拾得不知名氏因豐于山中經行至赤城道側
聞兒啼聲遂尋見一子可數歲因名拾得在園
清厨內滌器常日齋畢澄濾食滓以筒盛之寒
山來卽負之去一日掃地寺主問汝名拾得因
豐于拾得汝歸汝畢竟姓箇甚麼拾得放下掃
帚叉手而立主再問拾得拈帚掃地而去寒山
提胃曰蒼天蒼天拾得曰作甚麼山曰不見道
東家人死西家人助哀三人作舞笑哭而去園

清寺半月誦戒衆集拾得拍手曰聚頭作相那
事如何維那叱之得曰大德且住無嗔卽是戒
心淨卽出家我性與你合一切法無差余住園
清寺久住拾得奄下談逾夜分曉眺松崗雨洗
昏蒙夜半不辨濤聲雨聲松聲簟聲梵聲如聒
半月

神僧傳云師住白沙道場猛虎來馴近林產子
意有所依遊東白山俄然中毒而不求醫閉關
宴坐未幾毒化流汗而滴身乃復常元和初久

無夢園集 江一

三

旱民皆狼顧默沿澗青蛇夭矯瞪目如視默咄
之曰百姓枯渴苗死汝何不施雨救民耶至夜
大雨合境沾足

明淨師南遊東越天台諸名山每至村中乞食
齋於中路值羣虎皆張口閉目若有饑相淨以
匙抄飯內其口中餘者對而噉盡告曰如來食
少輒濟自他殊不副懷深用多愧明日乞食虎
又如前

左溪師憑巖穴建立招提面列翠峯左紫碧澗

因自號曰左溪每言泉石可以洗昏蒙雲松可
以遺身世常晏居一室自以爲法界之寬老者
之歲同於壯齡採紙而衣掬泉而飲洗鉢則羣
復爭捧誦經則衆禽交翔幽栖林谷深以爲樂
一日有盲犬至山長嗥伏地師爲行懺不逾旬
日雙目俱明每翹跪祈請願生兜率內院歛念
之頃忽感舍利從空而下

平田得法於百丈懷海禪師大和中謂衆曰吾
山水之遊未厭諸人勿相留滯天台赤城道猷
無夢園集 江一

三

曾止華頂石梁智者降魔將遊之也自襄陽還
進而來從沃州天姥人天台之西門得平川谷
中峯名大舍號曰平田結茅居之未幾見虺虎
孔子瞪目而視岸岸以杖按其頭曰貧道聞此
山是神僊窟宅羅漢隱居今欲寄此安禪檀越
勿相驚撓經宿領子而去愚謂此老從容自在
可同遊亦可獨遊

臨濟訪普岸禪師於平田到路口先逢一嫂在
田使牛濟問嫂平田向甚麼去嫂打牛一棒曰

這畜生到處走路也不識濟又曰問你平田路
向甚麼處去嫂曰這畜生五歲尚使不得濟
語曰欲觀前人先觀所使便有抽釘從楔之義
及見師師問你曾見我嫂也未濟曰已收下了
也噫此真棒喝不是笑罵皆佛

一行師因窮大衍求訪師資至國清寺聞僧於
院中布美其聲義義既而謂其從曰今日當有
弟子求吾美法已合到門豈無人導達耶即除
一美又謂曰門前水西流弟子當至一行承旨
無夢園集 江一

五

而入稽首請法盡授其術玄宗詔對無恒占其
災福若指於掌邢和璞嘗謂尹愔曰一行其聖
人乎漢之洛下閎造大衍曆云後八百歲當差
一日則有聖人定之今年期畢矣而一行造太
衍曆正其差謬則洛下閎之言信矣按余聞前
輩云曆法只是多美勝少美大都更數十年必
生一人訂定如洛下閎之後有僧一行是也惟
二三百載不經美遂苦歲差諸訛今西域食
曆美曆者萬餘人故其書可觀也孰知天台有

美僧歟

簡尊者初憩天台戲龍院時人早有龍卧巖間簡以杖叩之隨即霧霏簡善書求者多以鵝酒易之韶國師常語人曰此簡厭漢也按天台深處龍必居之禱而即應邑無旱憂每早邑令率父老請雨携龍宮一物懸城隍廟梁雨至鼓樂送還一日得電雨最大以銀鏈繫其足又三年禱而電復出則其鏈尚在

寶雲尊者師常呼人爲鄉人有問其故曰吾以

無夢園集

一

三四

淨土爲故鄉諸人皆當往生皆吾鄉中人也復

右脇念佛而化

智通師遊天台見智者淨土儀欣然會心嘗至招手巖因陳大願念阿彌陀佛誦四十八願已投身巖下若有神人捧之於樹乃復整心登巖曰餘生可厭大願已發惟海衆菩薩同相接引再投而下適在蒙茸草上遊越至法華山一夕見白鶴孔雀行列西下蓮華開合光明現前乃起禮佛趺坐而化

承明壽師字冲玄初任智者巖九旬習定有爲斥鷃巢於衣衾後於國清行法華散夜見神光持戟而人師訶之曰何得擅入對曰久積善德方到此中夜半繞像見普賢前蓮華在手遂泐智者巖作二闔一曰一坐禪定二曰誦經萬善莊嚴淨土乃冥心精禱得誦經萬善乃至七度於是一意專修淨業

祥庵主僧問如何是雪嶺泥牛吼師曰聽日如何是雲門木馬嘶師曰響示寂日拈拄杖示衆

無夢園集

一

三五

曰古人到這裡爲甚麼不肯住衆無對師乃曰爲他途路不得力復曰畢竟如何以杖橫肩曰柳標橫擔不顧人直入千峯萬峯去樹下曰回頭依舊亂山中木馬泥牛風雨細

濟顛師天台人父李茂春爲宋勲戚拜春坊贊善隱於天台師出家靈隱後居淨慈遊行願行言行巨測其濟物利生神通感應事蹟至多五伯應真之流也滅後數日有二行脚僧遇師於六和塔後附書歸書後有頌云看不看錯認

籬是木杓昨夜三更月正西麒麟撼斷黃金索
幼年曾到雁門關老去分明醉眼看憶昔面前
當一箭至今猶自骨毛寒只因面目無人識又
往天台走一番樹下和頌錯一着悔把茶瓢當
酒杓無端孤負六橋花三春紅紫教蕭索一從
誓出玉門關萬里胡塵過眼看誰道東風怨楊
柳至今沙暖水無寒單于冒頓平相識不枉生
還又此佈

周婆臨海紫巖人行乞於市逍遙度日夜臨普
無夢園集 江一

五

濟橋下每與戒公同遊歌曰笑我癡癡漢營家
無歇時四山若來合妻子各分離又歌曰世人
都笑我我笑世間人如意摩尼現無人識本真
時人莫測其凡聖皆掩口笑曰風僧風婆吃酒
蹉跎一日聞戒師化去亦於普濟橋下瞥然而
化口中左右皆生蓮華越七日有異僧眉髮皓
白跣足百衲携錫持鉢歌曰戒師又殊周婆
賢隨肩搭背萬世應傳言訖不見余生台郡地
于山訪僊蹤七娘廟在城闌祈子有卿

天台張伯瑞少好學晚傳混元之道而未備
致訪問遠歷四周後遊蜀遇劉海蟾授金液
丹火候之訣乃改名用成號紫陽能出陽神
謂得形神俱妙之道歸以所得粹成秘訣八
一首號悟真篇後世宗之年九十九歲跌坐而
化用火燒化得舍利千百大者如芙蓉色皆紺
碧

番慈上堂靈雲悟桃華玄沙傍不肯多少癡癡
和擔雪去填井今春花又開此意誰能領端
無夢園集 江一

五

少人知花落春風靜

曇真曾住江心龍翔寺病起上堂曰維摩病說
盡道理龍翔病咳嗽不已咳嗽不已說盡道理
說盡道理咳嗽不已汝等諸人還得其中意旨
也未

自詢號國道者傳法於了空大寂嘗燃臂供佛
雍熙初勅建受業寺遂然身報國火滅舌根不
壞詔改寺爲壽昌今萬年是也憶馬公其後身
歟是謂新傳

天台

天台山有四門智者大師以赤城爲南門以新昌石城爲西門徐靈府又以剡縣金庭觀爲北門余謂準此當以王愛山爲東門或者疑以爲誕不知皆有所徵也蓋名山福地必有神聖河衛不祥惟此台山自古及今無有虎豹之暴山民僉曰四門之內周環民居卽有惡獸經繇惟犬羊等物是殘見人則妥尾走匿草莽間赤城爲其南標石城爲其西固東蒼爲其眉四明

無夢園集

江一

主人

爲其日中有瓊臺雙闕佛隴香爐石梁瀑布等諸景骨肉不偏形神俱妙

阿耨達池爲瞻部四河之源河水流入四海天下諸山繇此四水而界此池之地其形最高爲瞻部諸山之祖而東華七山五嶽與夫崑崙莫不宗於此也蓋山因水界繇阿耨達池之水分天下之山爲四支而東華之地當一支焉此徒多河及黃河以南絕伽河以北之地界也自池水分支以後其脉或起或伏伏而爲地起而爲

山而崑崙四傍山麓各入大荒外入中國者東南支也其支又于塞外分爲三支左支環虞庭陰山賀蘭入山西起太行數千里出爲醫巫閭庭度遼海而止爲北龍中循西番入邈崑山沿岷江左右出江右者包叙州而止江左者北去趨關中脉系大散關左渭右漢中出爲終南太華下秦山起崧高右轉荆山抱淮水左落平原千里起太山入海爲中龍而南龍右出吐蕃之西衍至震旦起而結爲峨山次梁州次益州

無夢園集

江一

主人

次西南夷次南越次荊州次百越次閩中大豫章次吳越建業同一脉也衍至荊州起而結爲南嶽自南嶽東至度嶺又分三支北則豫章而下結爲匡廬南則張爲全粵而盡羅浮中則岷越翔武夷常山又爲潞水所分溪之左爲浙西溪之右爲浙東過爛柯太末至括蒼起頂南支僊都石門玉甌鴈蕩海門環抱於台之東南北支金華屏峙於台之西北其正東一支至大盆山一化而爲玉山再化而爲天台玉山又爲兩

支北支衍爲會稽泰望蓋自九里坑發源至縣出曹江東支過關嶺復大起之結爲天台說者謂關嶺回支起天姥溪峽而止不知天姥爲石城之胚胎自萬年藤公嶺發脉已爲僊人浪黃杜溪截斷是天台西北幹也關嶺過脉處北以黃杜南以左溪界水極分明台山峻提如海中巨浪陡然一躍纖悉頓足不必論其前後凡結爲九大峯中爲華頂峯東爲摘星峯東南爲東蒼峯南爲獅子峯西南爲大雷峯西爲葛關峯西北爲香爐峯北爲香栢峯東北爲菩提峯摘星峯分爲兩支一至緱城發爲長汀勾章諸山屆東海大嵩管江而止者左龍也一至緱城發爲象邑諸山屆太瀛海而止者右龍也東蒼峯亦分兩支一繇王愛山過桑洲至東巖清渚沿海而止者左龍也一於樞木村跌斷穿青山頭覆盆山迤衍入大固山孕臨海山川之秀屈章安芙蓉秀渚健跳周水亭傍而止者右龍也獅子峯爲歎畧九折峯東橫山之龍屆大溪而

止大雷峯亦分兩支左爲修禪太平高明三之龍屆曲溪螺溪而止右爲真覺後明清心教四寺之龍開洋爲縣治屆大溪而止葛關亦分諸支左爲國清赤城山之龍右爲桐栢之龍屆兩巖溪靈溪清溪而止香爐峯爲護國寺禿源諸山之龍屆左溪秀溪而止香栢峯爲慈聖萬年金庭上虞諸山之龍屆剡溪娥江而止菩提峯爲姚江慈水定海諸山之龍屆招寶山東北大海而止是知天台山者東瀨大海水而止爲東南一大結局而父於南嶽祖於峨山曾於崑崙高於雪山自雪山東南而下不四五萬里其中所有靈粹之氣莫不畢集於此寶華山在縣東三十里四都產花乳石色如瑤瑁瑩潤堅潔可愛李健裕謝寄石詩聞君采奇石剪斷赤城霞宋林逋謝天台僧寄石枕詩斷石自何許枕之懷赤城石筍巖直螺獅潭上根入潭水數十丈尖銳如筍多生莓苔及生卷栢蒙茸披離又如紫箬

將解

銅溪在縣西北二十里源出桃源洞以其水色黃如銅汁故名

鐵船湖在羅漢嶺下湖中有荷以水寒不花相傳羅漢嘗泛鐵船于此

繇明巖北五里而上四山聳秀水流亂山間錯如佩環院宇周阿並置巖下窻扉軒戶開闔于

烟雲紫翠中故南山之標勝者推寒明二巖高朋寺喬木參天薜蘿翳坎廡廡是居推牧罕

無夢園集

江一

三

至智者大師時居佛隴講淨名經忽經爲風飄翻翻不下乃杖錫披荆尋經所詣行五里許風息而經懸此復愛茲山峯巒秀發清溪鑒心乃卽其地以管淨居智者十二剎此其一也

道書云桐栢金庭洞天卽王子晉所治中有三橋一見二隱水則蘇珥琳碧泉則石髓金漿異赤鳥二年葛玄於此煉丹故今有朝斗壇齊永嘉元年征虜將軍沈約一千餘人并官乞爲道士居之唐睿宗景雲二年勅爲承禎置觀號桐栢

栢方置堂時有五色雲見唐史記以爲祥禁栢內四十里無得樵採五里不許遷葬

葉良佩曰明巖大畧如馬蕩靈巖但差小爾六變臺三面皆翠壁萬仞峭豎相向如城郭周遭

而臺則南嚮懸居其中折而東南可三里許爲巖闕翠壁山至此忽中斷對峙如闕門路出其

下而澗水從之然巖石皆陡絕不可下觀於邊還坐瓊臺而四壁之華葉曜日蒼風綺繡紛錯

鬱香蒼鬱俯欄百丈潭在臺左麓紆繞雙闕

無夢園集

江一

三

入雲溪屏息無諱其聽益遠真天台山之第一奇觀也初予自元明宮來謂桐栢已在于地及觀瀑布三井始覺其地乃在衆山之上不覺驚詫以爲大奇

張存遊采煙次桃源記出國清度盤迴嶺路如羊腸九迴盤旋而登之也次踰羊蹄嶺羊蹄者岡石皆散立若羊之蹄也下至嶺麓涉丹溪溪止再登峻嶺曰采煙新昌古天台分邑故桃源卽天台山也行至桃源溪度溪穿蘿徑約行

五里許見一古祠在亂山中破屋三間松蘿纏蔽榜曰劉阮廟像貌剝落靈寢蕭然出門四顧居人遼遠其入山古徑樵牧罕到荆棘蒙塞遠望雲山無盡桃林遍嶺野鳥山猿悲鳴長嘯偶問道於農家老父對云此去入千山萬山人煙斷絕其中古桃樹年深化為精魅常迷人不敢往云

張存道桐栢宮記過元明宮舊址長慶中有道士徐靈府居此號方瀛山形如素駝卸寶前對

無夢園集 江一

三

華蓋三圓峯澗遠宮前流灌稻畦諸水下溪會於二井井溢出瀉巖下則爲瀑布繇井東行至洞門山凡兩重舊有亭廢卽前案桐栢嶺嶺下有靈泉曰透壺遇春夏時用銅錫瓶盛泉自然滲出瓶外如汗流者

梁沈約桐栢山金庭觀碑仰出星河上系倒景高崖萬仞遂澗千迴翹心屬念晚臥晨起採三芝而延佇飛九丹而宴息乘鳧輕舉留鳥忘歸銘曰日爲車馬芝成宮觀虹旌拂月龍輶漸漢

萬春方華手齡始旦

陳徐亮孝天台山修禪寺智者大師放生碑林交五柳旣叢旃檀之氣塔現三層終縣水精之色雲崖天樂不鼓自鳴石室金容無形留影秀嶺欽岑浪波浩瀚洪濤層氣冒遠苞空巨壑喬松于雲翳日翔集飛走叢育珍怪地中藏玉觀曲枝而易辨淵內沉珠見貝流而可別神通開士如意桑門振錫呪泉騰空舞鉢受丹僊客汎急水而時來避官真人乘迴風而迺至

無夢園集 江一

三

元無見觀和尚塔銘華頂之勝自智者顓大寂韶高庵倍諸鉅公以徽名懿德貴泉石而天子之尊王公將相之貴必詔問法要躬禮慈容日馳輶駟致香幣使者冠蓋旁午然其地高寒幽僻人莫能久處惟禪師一坐四十年足未嘗輒閱戶限其拈提開示勘辯之辭頌偈蘭牘之筆誠般若之餘膏涅槃之勝後也

梁江淹王子喬贊子喬好輕舉不待鍊銀丹控鶴上窈窕學鳳對嶺屹山無一春草谷有千年

蘭雲衣不躡躡龍駕何時還

唐陸龜蒙怪松圖贊并序有道人自天台來示
余怪松圖見之甚駭人目根盤于巖穴之內輪
齒偏側而上身大數圍而高不四五尺礪硯然
蹙縮然餘不暇枝枝不暇葉有若龍攀虎跋壯
士因縛之狀 嗚呼水病而後怪不怪不能圖
其真人病而後奇不奇不能駭於俗故擁腫支
離神羞鬼疑

崔尚桐栢觀頌序曰桐栢山高萬人千丈周旋

無夢園集

江一

卷

八百里其山八重四面如一中有洞天號金庭
宮卽石弼王喬子晉之所處也我唐有司馬鍊
師居焉景雲中新作桐栢觀雙峯如闕中天豁
開長澗南鴻諸泉合漱一道瀑布百丈垂流望
之雪飛聽之風起石梁翠屏可倚也琪木珠條
可攀也儻花靈草春秋競發幽鳥清猿晨暮合
響信足賞也始豐南走雲嶂間起剡川非通煙
岑相接東亞入滄海不遠蓬萊西則浩然長山
無復人境故初營天尊之堂晝日有雲五色浮

竊其上三井拔龍之所時有異氣人堂後出者
三籠雲霞以爲色異哉予遊此觀卽祥雲出而
四十里不樵采處地無居人遊者採青梅療饑
其地有伯夷叔齊廟云

徐一夔序竊較赤城之霞氣瀑布之飛沅蕤諸
之滑石而皆莫若瓊臺雙闕之爲奇特峭崿巖
崢懸磴萬丈此至其頂地平如砥九嶺環拱雙
闕夾之瓊臺中居五芝蒼秀八桂森出樓閣繚
緲於彤雲彩霧之中彷彿如在天上余謂公特
無夢園集 江一

三

未遊九里坑耳

鄒至道劉阮洞記曰余病夫山水清而文辭俗
景物富而才思窮不能盡洞中之幽趣固辭而
不獲免此真實文字懺悔可與司馬悔橋並傳
今之以文字俗天台者類此而俗桃源尤甚無
他以凡筆寫僊境也

陶隱居稱桐栢山在會稽東海內有金庭誠不
克之福鄉方圓四十里常有黃雲覆之水則蘇
新琳碧泉則石髓金漿其山盡五色金也

王十朋或謂嚴閣衆後身嘗自記曰予嘗寫字作文貽寶印叔父叔父曰人言汝吾師也文僅似之字乃爾不同邪嚴閣衆尤工筆札予最不善書故也紹興庚午七月二十日因作文寫字兩俱不佳媿而曰嚴閣衆汝前生食蔬何多智今生食肉何許愚也用記之

石橋早禱即雨慶元庚申冬仲丁令大築築竹真亭嘉太五月不雨禱于廟于社弗獲丁令步禱其地條有巨鼃躍出迎至邑明日大雨是月

無夢園集 江一

志人

之既寶錢班班崖側攫取巨石陟下室其穴衆皆驚走浮屠氏因私之青蛇環繞縣覈金銀錢數十圓徑六寸而贏太平興國資鎮龍淵錢也丁令復還諸潭

石梁側有蓋竹洞天墮沒踰二百年往歲何公偁持節于此嘗夢遊其地訪求不獲丁尹竊探偶得之洞深可二丈餘中有二硤攢峯疊嶂如列畫屏又得曇猷厥初修道遺址於蕪穠蒼莽中

東南山水之勝安羅峯爲冠天台之勝華頂爲冠華頂之勝善興爲冠善興之勝安羅軒爲冠余登華頂拾五色土類雄黃太白亭候日出妙說尊者國清寺講經升座衆集或少有異僧十人自外而入威儀可觀致敬已坐行末講散後問訊即出遣侍者邀之皆凌空舉手挨拶而去

永嘉全德長史畫半千羅漢形每一迎請必於石橋宿夜焚香具鐺鉢幢蓋引導入于殿香風

無夢園集 江一

志人

遂至幢幡之勢而入門即止其方廣寺在石橋裡梵唄方作香霧始飄先有金色鳥飛翔後林樹石畔見梵僧或行或坐或招手之狀或臥空之形

凡曇華亭往來人供茗乳花効應或寶炬金雀靈踪梵響接於見聞石罅有木瓜尤異華時青蛇盤糾枝幹至寶落供大士乃去人目爲護聖

灰

台州基壓巨海黎民漁捕爲業爲梁者斷溪爲

憲者藩海大師怒傷自捨身衣弁諸勸耶先願
憲一所爲放生池子時刺史計詔臨郡請講金
光明經見者歡喜漁人改業亘三百餘里江溪
憲梁合三十六所同時永捨俱成汰池詔後還
都別坐餘事因繫廷尉臨當伏法遙想大師聖
伸一教其夜夢羣魚巨億皆吐沫濡謂明旦降
勅特原詔罪當於午時忽起瑞雲黃紫赤白狀
如月暈凝於虛空遙蓋修禪寺頂有黃雀羣飛
翔動嚙嚙棲集簷宇守月方去大師云江魚化
爲黃雀來謝恩耳師遣慧拔金陵表聞陳宣帝
勅云嚴禁採捕永爲放生之池
紹興中方士李季至越之樗蒲石闌于愁道傍
遇異人自石闌于揖季曰君來何爲季曰秦太
師遣往桐桐設醮請福其人太息曰秦已死矣
張浚劉錡皆當廷爲將相秦豈得存耶季大駭
亟去天台而秦之計至矣余遊此觀無舉火從
者病矣勅令摘梅子充饑限以數問土地爲伯
夷叔齊蓋古石像云夜宿元明官寺僧接引

甚素供精好似吾鄉善權洞時余未聞此記也
雖然遊鴈蕩絕難其常耳
石橋國清寺僧陳惠虛嘗與同侶遊石橋衆皆
股慄惠虛獨超然而度至石壁外微有小徑稍
平闊遂見空闌樓閣連亘十里許其門榜曰會
真府左曰金庭宮右曰桐栢宮三門峙峙入右
門之西見一高樓榜曰右弼宮又到一處忽見
一老叟訝曰汝俗人何得來此惠虛曰嘗聞過
石橋卽有羅漢時聞鐘磬聲故來相訪叟曰此
真僊之福庭天帝之下府爲小都會太上一
三降此宮較定天下學道之人功行品第非羅
漢所居也引之使行十餘里已見國清矣按石
橋古有之
寒山子入滅後有梵僧杖錫拾黃金鎖子骨或
問所以對曰吾拾文殊菩薩舍利歸西天耳後
人於此建塔
智者親承思太恩大師宗北齊北齊遠東龍樹
億樹祖於釋迦其猶台岳父於南嶽祖於岷

曾於崑崙高於雪山

知見一也而有衆生諸佛之分耶如來開示不開示衆生悟入不悟入故也法華已前如來豈不開示衆生豈無悟入以有大小之殊漸頓之別未悟一地所生一雨所潤無小無大皆歸法界之旨故須歸功于法華也

凡爲五時一最初成道於三七日說華嚴經謂之華嚴時 二於鹿苑十二年中說四阿含小乘經謂之阿含時 三於諸處八年中說諸太

無夢園集 江一

卷

乘經彈偏斥小歎大褒圓謂之方等時 四於舍衛國諸處二十二年中說諸部般若謂之般若時 五於耆闍崛山并娑羅雙樹間八年中說法華涅槃經謂之法華涅槃時

五時所說不出八教八教者頓漸秘密不定藏通別圓頓等四教是爲化儀如世藥方藏等四教是爲化法如辨藥味

判五時藏妙華嚴兼鹿說妙阿含但鹿無妙方等對鹿說妙般若帶鹿說妙法華純妙無鹿

化儀四教頓者頓大之教不從漸來正說於太

即華嚴也 漸者從淺之深次第得益即初鹿

苑大方等三般若也 秘密者佛或爲此人說

頓或爲彼人說漸彼此互不相知能令得益橫

在四時別無部帙 不定者佛以一音演說法

衆生隨類各得解於頓說中得漸益於漸說中

得頓益亦橫在四時別無部帙

化法四教藏者經律論三藏樊然不同三人修

諦緣度析色入空 通者通前藏教通後別圓

無夢園集 江一

卷

三人同以無言說道體色入空 別者別前藏

通別後圓教界外獨菩薩法修行位次互不相

攝 圓者圓各圓妙圓頓圓足明不思議因緣

二諦中道事理具足但化最上利根之人

四教化人旁正藏教正化二乘旁化菩薩通教

正化菩薩旁化二乘別教獨菩薩法圓教方爲

佛法

四教詮理化物廣狹藏通詮真理化六凡改惡

遷善畢凡成聖別圓詮中理化十界俱成佛道

藏教四諦苦則三相遷移集則四心流動道則對治易奪滅則源有歸無迷真重故從事得名通教四諦苦無逼迫相集無和合相道不二相滅無生相迷真輕故從理得名

別教四諦若有無量相十界果報不同集有無量相五住煩惱不同滅有無量相諸波羅密不同道有無量相恒沙佛法不同迷中重故從事得名

無夢園集

江一

古

圓教四諦陰入皆如無苦可得塵勞本清淨無集可斷遠邪皆中正無道可修生死即涅槃無滅可證迷中輕故從理得名

天封覺禪師上堂無生國裡未是安居萬仞峯頭豈容駐足且望空撒手直下翻身一句作麼

生道人逢好事精神爽火入真金色轉鮮

華頂尤菩薩鄴人先世習雕塑至尤藝益精光

好道遍參有道尊宿聞華頂無見和尚道行清

峻挾冒中所疑扣之年七十有三無疾坐脫於

華頂山

華頂正方禪師朱姓臨海黃耆村人號百川師真際和尚但以苦行為本靜練之極毫光如雪嘉靖己未入華頂作偈以表心要遂泊然坐化

商伯夷叔齊道書稱二子死為九天僕射治相

栢山今桐栢觀有二石像鑄製奇古體色溫潤

王喬字子晉靈王太子好吹簫作鳳鳴浮丘公

接以上嵩高三十餘年後人求之不得偶見耳

良曰告我家人七月七日待我於緱氏山至時

果見喬乘白鶴而去道家稱為右弼真人治相

無夢園集

江一

古

栢山掌吳越水旱五代時封元弼真君宋政和

三年封元應真人紹興庚申加號善利廣濟真

人台之寺院奉為護伽藍神余往國清久雨卜

之子晉云勸君忍耐休煩惱寺僧誌之

天台山元靈老君華真僊師遺第七僊子名屬

仁乘雲駕鶴遊歷武夷山安排地僊見張湛等

各有僊分乃遣何鳳兒往天台山取簪簡視僊

籍各有姓名乃安排魏王而下一十三人同居

此山吾鄉二友一崑山一湖州欲卜居天台問

于晉三卜不允

漢永平五年刻縣劉晨阮肇共入天台山迷不
得返經十三日糧盡餓殆或遙望山上有三
桃樹大有子實永無登路攀緣藤葛乃得上各
啖數枚而饑止體充復下山持杯取水欲盥漱
見蕪青葉從山腹流出甚鮮新復一杯流出有
胡麻飯糗便共汲水逆流行二三里得度山出
大溪邊有二女子姿質妙絕見二人持杯出
便笑曰劉阮二郎捉向所失流杯來晨肇既不
無夢園集 江一 三

識之緣二女子便呼其姓如似有舊乃相見而
悉問來何晚因邀還家其家銅瓦屋西壁東壁
下各有一大牀皆施絳帳四維帳角懸鈴金銀
交錯牀頭各有十侍婢勅云劉阮二郎經涉山
岨向難得挑實猶尚虛可速作食食胡麻飯山
羊脯牛肉甚美食畢行酒有一羣女來各持五
三苑子笑曰賀汝婿來酒酣作樂暮令各就一
帳宿女就之言聲清婉令人忘憂遂停半年氣
候草木是春時百鳥啼鳴更懷悲思求歸甚苦

女曰罪侯君思家當可如何遂呼前家女子有
三四十人集會奏樂共送劉阮指示還路既出
親舊零落邑屋改異無相識問訊得七世孫傳
聞上世入山迷不得歸至晉太元八年忽復去
不知何所

晉袁根柘碩刻縣人因驅羊度赤城山忽有石
門豁然見二女方笄遂爲室家後謝歸女以香
囊遺之根後羽化碩年九十餘

羊怡兄忻爲台州樂安令遊阮郎亭崖上有字

無夢園集 江一

老

世傳阮肇題情醉亭畔七日方醒夢入洞遇靈
英食青靈芝百節俱輕自括蒼往天台一日可
到日行三四百里

女貞有名焦靜貞者泛海詣蓬萊求師至一山
見道者指言曰天台山司馬承禎名在丹臺身
居赤城爾良師也靜貞既還詣承禎求度未幾
昇天嘗降入閭謝薛季昌曰司馬先生得道高
於陶都水之任當爲東華上清真人開元中文
靖天師與承禎赴長生殿千秋節齋直中夜行

道畢隔雲屏各就枕斯須忽聞小兒滿聲聲
玲如金玉響天師乃褰裳躡步而窺之見承禎
額上有小日如錢光耀一席過而聽之乃承禎
腦中之聲也天師還謂其徒曰黃庭經云泥丸
九真皆有房方圓一寸處此中又云左神公子
發神語其先生之謂乎一日謂弟子曰吾于玉
霄峯東望蓬萊有靈真降駕今爲東海小清童
君東華君所召必須往俄頃化去如彈腕弟子
獎其衣冠焉時年八十有九玄宗親撰碑文官
無夢園集 江一

七六

王可交蘇州人嘗棹舟入松江中流見畫舫有
道士七人皆玉冠霞帔一人呼可交與二栗令
黃衣送上岸且令合眼泊開眼已失黃衣但見
峯巒中松栢參天問之乃天台山瀑布寺前也
自是不食後挈妻子入四明山不復出
許碯少爲進士晚學道常歷天台於懸崖人不
及處題曰許碯自峨眉山尋僊月子至此後揮
花滿頭醉歌昇雲而去

王曼不知何許人天寶中賜號太和先生有姑

亦得道年七百歲往來天台貌如嬰孩
夏侯隱不知何許人大中末遊天台獨止一室
或露宿草樹間每登山渡水則閉目而騰此至
則覺人呼睡僊

五代呂洞賓遊天台居福聖觀嘗題一絕於壁
云青蛇遶地月徘徊夜靜雲開鶴未回欲度有
緣人換骨暫留踪跡在天台

洞天福地記靈墟乃白雲先生隱處世說載王
右軍得筆法於白雲先生又按野史辨才云右

無夢園集

江一

三七

軍作蘭亭記三百七十五字始夢天台子真傳
授筆訣以永字爲法云其後司馬子微亦號白
雲子

唐甘泉先生不知何許人隱華頂峯頻詔不起
開元十八年元宗特於玉屋山置臺觀以居之
許碯永嘉人性介不隨俗居玉霄峯三年絕
粒不語常制真一頌見赤城志又按續志載左
同仁云卽前志玄澤也師徐徵君常遊山經旬
不返樵者見與坐虎坐不食五穀後尸解

化石僧天台山東有洞入十餘里有石人市肆
多賣飲食乾符中有遊僧入洞經歷市中餓甚
聞食香買蒸餅啗之同行一僧服氣不食行未
餘里出洞門已在青州牟平縣而食僧俄變爲
石

曹法師至杭適大旱禱雨無應法師書片紙粘
背上曰雨出賣官聞之命往吳山行事用一大
甕盛水燒磚投其中青天轟雷一聲四神將立
左右日上蒼主旱雨不可求法師曰權借太朋
無夢圖集 江一

三尺水須臾陰雲四合黑霧漫空大雨如注至
地尺餘頃之開霽視簷下水悉有鮮魚蘊草太
湖果乾三入

褚伯玉字元璵錢塘人少有隱操居瀑布山三
十年初伯玉家爲娶婦乘車入門伯玉踰牆而
去高帝詔不起勅於剡白石山立太館舍之余
謂不肯休官只是舍不得舍妻自能舍官雖然
亦有妻可舍官不忍舍者

萬曆五年月亭大師講華嚴疏鈔於黃巖之林

中港先演玄談至判教與白宗稍有相忤茶頭
僧圓隴見闢王於茶館中舞大刀躍怒而出獨
更講堂俱成煨爐煨臘方傍殿烹羹序
梁昭明太子廟在縣一百一十里三十七都轄
龍山神即梁太子統頗著靈異案舊志梁太清
未飲景作亂陳霸先兵起統避地至此後人祀
之

支明夫人廟在石壁嶺東周顯德二年建神泰
嬪人最常見惟配以支明龍王送釋

無夢圖集 江一

三

李濟王廟在明巖山宋宣和間建初鄉人定基
于濟溪黎明將建一夜爲蟻移木于其地衆異
之遂建廟因名蟻慕廟

周神周凱字公武臨海人躬耕以養父母與陸
機兄弟入洛張華薦之凱知晉室將亂獨辭不
就永康中三江逆派邑將陸沉凱援弓發矢衝
潮而入水忽裂開電光中見凱乘白龍東去光
化未天台大饑凱化形爲商載米糞入已而投
於江變成赤龍騎而昇天

奇武穆王岳飛字鵬舉力戰圖復中原秦檜王
和議促召班師其部曲自相攻發矯詔殺飛父子
飛死爲神居天台第一峯楊維禎樂府詩云
生今人之英死兮厲之靈萬八千丈兮華之頂
帝命我兮司陰刑

蕨粉土名蕨鷄以初生狀如鷄拳故名苗可煮
食根可爲粉山中之民每於秋冬閒漫山開掘
漚漚爲粉或切素作麪或蒸炙爲餅皆甘美可
口萬曆己亥天台失稔鄉人携妻子入山採蕨
無夢園集 江一 三

度荒者萬餘人不填溝塹蕨之功也

陸羽茶經稱生赤城山者與歙同桑莊茹芝積
譜云天台茶有三品紫凝魏嶺小溪是也今諸
處並無出產而土人所需多來自西坑東陽黃
坑等處石橋諸山近亦種茶味甚清甘不讓他
郡蓋出自名山雲霧中宜其多液而全厚也
陸鴻漸茶經以天台瀑布泉爲天下第十三水
但得至瀑布泉耳苟過歷台山當不取金山爲
第一也

怪松在資福寺大數圍高不四五尺枝葉翱翔
於水面狀如舞鳳根株盤屈於巖畔形類盤龍
又石橋舊多古松故風景愈佳近爲俗品所
殺唐人詩云盡松一似真松樹待我尋思記得
無曾到天台山上過石梁橋畔第三株可想見
也

長生草卽僊人指甲蘭素花多香生山巖及古
樹中取而空懸曝之以日經年不稿王右丞詩
云老根那復占春色能住虛空自發生
無夢園集 江一 八

生卷栢生石上土人謂之萬年松曝之葉卷得
水葉舒雖藏於箱篋經年猶有生意

僊鹿高五尺逐則踞而請命

天台山有猿而無猴猴性輕躁喜犯苗稼山居
無此物亦萬安之福也天台游考云金絲猿隱
石梁間見者必大貴

念佛鳥聲喚阿彌陀佛攝藥鳥以其音丁當似
之金雀石梁方廣梵唄方作先有金色鳥飛翔
林石飛生鳥卽五技鼠狀類鴟大於鸞紫毛夜

飛人多以爲怪藏其皮歸產者持之則易蛇腹
故列之士貢

宋仁宗皇帝供施石梁橋五百應真勅詔曰朕
荷祖宗之休丕承洪業未嘗不虛懷遜士曷席
幽人雅聞天台之石橋近接四明之雪竇智覺
之遊風具在應真之靈迹儼存慨想名山載形
夢寐今遣內使張履信賁沉香山子一座龍茶
二百觔銀五百兩御衣一襲表朕崇重之意
孫興公天台山賦未游而記如隔壁話然其言

無夢園集

江一

會

曰輕舉而宅之遙想而存之名語也又曰穽域
中之常戀暢超然之高情亦佳

白玉蟾天台山賦天台之山神僊景象同迴人
百餘里高聳萬八千丈雲隨羽客在瓊臺巖
闕之間鶴唳芝田正桐栢靈墟之上藤蘿葛
蔓而夜月照白蒿莽荆藂而曉煙銷青千丈
瀑布而上跨石橋萬頃雲花而橫書佛隴幽
鳥一聲兮花落青澗丹爐灰冷而久兮不火
僊說壇高而知誰換骨金漿玉醴兮泉列石饌

瓊樹琪林兮花開春雪寒山拾得興國清老
伽藍智顗等明起定光之汰腐釋子耘藥僊
種茶文章不瘳山水癖身心每被溪山縛
玉霄峯上水鳴咽華林峯前雲寂寞
覺扣赤城賦木與石而爭砌花與鳥而交迷

天台山集咏

梁李巨仁云風急清溪晚疊峯如積浪分崖
若斷煙淡深閣過渡輕重聽飛泉

劉禹錫憶山云霞散曙峯外虹生涼瀑西何當

無夢園集

江一

金

謝塵役重去聽猿啼

孟浩然舟中曉望云問我今何適天台訪石橋
坐看霞色曉疑是赤城標

貫休春日行山云好峯行不盡流水語相隨黑
壤生紅水黃猿引白兒

張佑云纔登招手石肘底笑天姥仰看華蓋尖

赤日雲上午奔雷撼深谷下見山脚雨回首望

四明蟲蟲若城堵昏晨遊千態恐動非自主控

鵲大夢中坐覺身謂謝東溟子時月却平元化

母彭蠡不盈孟浙江微辨縹石梁屹橫架萬仞
千壁豎却融赤城巔勢來如刀弩盤松園清道
九里天莫覩窮崇上嶺三峽峴傍聳五空崖絕
凡路竊立廉與塵

司馬承禎山居洗心山瘦松亦勁鶴老飛更輕
逍遙此中客翠髮皆長青草木多古色雞犬無
新聲若有出俗志不貪英雄名

夏竦天台道中雲開忽見寺山盡偶逢人

汪藻天台道中水紋縈石作蟲篆麥隴掛峯如

無盡園集

江一

全

神衣

虞謙雲逆雨來歸洞口水流花出到人間

鄭善夫一夜雨聲吹不斷國清寺前溪水鳴

國清寺

唐皮日休十里松門國清路底嶺石上菩提樹
怪來烟雨落晴天元是海風吹濕布

陸龜蒙松間石上定僧寒夜半僧溪水聲急
僧木庵石鋪月色水流出山隔鳥聲風送歸

赤城

唐許渾題赤城中嚴寺厨開山泉散鍾盡雕甍
吟

夏竦煙洗曉日明孤頂雲破餘霞出半峰

華頂

唐賈島鴈過孤峰曉猿啼一樹霜

僧靈徹天台衆峰外華頂當其空有時半不見

崔嵬在雲中

皮日休華頂杖深洞求丹粟挑雲覓白芝

陸龜蒙華頂杖瘦於霜鶴脰奇是墨龍鬚

無盡園集

江一

全

石橋

唐皇甫曾松門風自掃瀑布雪難消

王亞夫樹色春猶凍

趙湘水碧苔生髮天寒樹着衣

萬年寺

羅適畫棟有聲啼海燕澄波無影騰蛟龍

桐栢觀

唐李白天台隣四明華頂高百越門標赤城霞
樓樓蒼島月凭危一登覽直下見溟渤

瀑布

唐曹松噴向林梢成夏雪
傾來石上作春雷
方千石門瀑布氣侵松樹
千枝
樹勢盡雲霞
道開

宋高似孫夜宿金庭洞香
趁玉女曉丹走山靈
勸

桃源洞

唐元稹僊洞千年一度開
等閒偷入又偷回
桃花飛盡秋風起
何處隋花去不來

無夢圖集 江一

僧靈一桃源山房無限青
山行欲盡白雲深處
老僧多

曹松擬劉晨阮肇遊天台
煙霞不省生前事
水本空疑夢後身

僊子送劉阮出洞花當洞
口春常在水向人間
去不回

劉阮再到天台不復見僊
子笙歌寂寞閑深洞
雲鶴蕭條絕舊隣

周美成人如風後入江雲
情似雨餘粘地絮

孟浩然上蓋峰巒萬仞巔
四山圍遶洞中天
秋風吹月瓊臺曉試問人
間過幾年

白玉巖石壇對坐活松風
鶴唳一聲山月落
杖頭挑月下山去空使
寒猿嘯晚煙

孟浩然宿桐栢觀緬尋洽
海趣近愛赤城好捫
蘿亦踐苔輟棹恣窮討
紛吾遠遊意學彼長

生道日夕望三山雲濤空
浩浩

揭執春來瑤草如煙碧雪
後黃精是玉肥
僧宗勣輟頭霞浸衣裳紅

無夢圖集 江一

念

瓊臺

唐柳泌崖壁盤空山路回
白雲行盡見瓊臺
方千積翠千層一徑開
遙盤山巖到瓊臺

宋高似孫瓊臺西路縱無
懸骨分不敢更思家
并郎昨不醒玉女聲如
孩

陳旼民潤如瓊玉琢古
尚屹若旣柱四不連
雙闕

宋夏竦三井銘亂澗四入
飛流外落

元楊維禎翻若飛虹印輕
雪

朱思平蒼藤已斷花盡不見金橋戲綠鬟
女郎潘氏聽殘一夜溪頭雨流出桃花幾片紅

寒巖

唐寒山子溪長石磊磊澗闊草濛濛
記曲登嶂不知重欲得安身處寒山可長保
微風吹幽松近聽聲逾好十年歸不得忘却
來時道有路不通世無心孰可攀

明巖

宋洪适幾層山裏屋一線竹中泉

無夢園集

江一

元許嗣曰花翠竹爭新鮮黃猿啼落青松煙
鄭巢靈溪館曉鷺棲危石秋萍滿敗船

元曹文晦美人不卷錦繡段倦翁渴下丹砂縣
氣連海嶼貫旭日光入溪甕生春潮兩龍爭
整那知夜一石橫空不渡人天邊漸蝕千峯
紫木杪猶餘一縷紅

寄贈

李白夢遊天姥吟留別東魯諸公天姥連天向
天橫勢拔五嶽掩赤城天台四萬八千丈對此

欲倒東南傾我欲因之夢吳越一夜飛度鏡湖
月湖月照我影送我至剡溪謝公宿處今尚在
綠水蕩漾青猿啼脚着謝公屐身登青雲梯半
壁見海日空中聞天雞千巖萬轉路不定迷花
倚石忽已暝惟覺時之枕席失向來之煙霞
世間行樂亦如此古來萬事東流水別君去
何時還且放白鹿青崖間須行即騎訪名山安
能摧眉折腰事權貴使我不得開心顏

宋之問寄司馬道士遠愧餐霞千童顏長自持

無夢園集

江一

項斯寄石橋僧溪中雲隔寺夜半雪添泉
賈島送僧歸天白石澗雙流水山門九里松

自黃巖入鴈山小記

出黃巖南門隔溪方山在馬足間乍見有頤而長者爲石丈人山駢石而坐更有昂首望者與入曰太平石丈人進相對也禮文公祠黃巖諸君如杜如趙皆列兩廡方山羽山左右拱山以劉奉林羽化故名夜有女子向村家乞鱗鮓之乃入羽洞遂委其地尋燼女子亦不至洞世小石皆方千百許亦方遊人說破則不可得其異如此方山之足溪水通潮小舸往太平仙居

無夢園集

江一

卷三

風散雨霽飯千店頭離城二十里

斷橋清溪所過農父皆長謳輿波聲斷續居人燒海殼和以炭爲雙門羅焙兩人搖曳得風如鑑鑄頭一朵紅雲搖曳灼灼如千頃紅花或如蒲萄紫或如珊瑚色余驚喜不暇林木蔽虧則從綠樹隙中目逆之輿夫偶憩細視皆成琥珀其遠峯高處如剪紫裁笑天上何開此機杼茫然不解行四五里山曲溪曲而嶺亦曲者莫如秀嶺嶺三四折前後行人遙相呼一片緋紫觸

兩鮮靈曰駐霞山其下耕犁皆有雲氣問山頭紅處皆栽茶地鴈茶香奇味奇色更奇吾將以紫茶爲紅友每過一溪山骨稜稜欲露水流洶際別有洞天常六七曲而樵徑香深路路皆迷新竹長黃鬚古廟前楓樟五株作老人咳笑巖前老松老栢俱佳路有樟樹擬作三峯採茶種笋山山沃饒溪宿大盤小樓之對紫琅玕數百溪聲欲咽余最得意在茶山紅紫而山路皆紅如赤龍下垂行台山見白龍千萬條未見有此

無夢園集

江一

卷三

特標出一段以洗遊人之眼

十五日上盤山嶺如七鳳齊張其翹作浮動狀而新篁爲之尾每一棹頭如通霄漢有石色如硃砂嶺以大樟爲中嶺下三四樟皆可五六抱樟奇更奇于藤產白漆樹幹甚清茶不可食而予可作油入溫州界見田中作釣竿者二十餘似漁蓬者笑此地何處得魚輿夫言有灌田井早則挽之以上渡口以來僅此一見甚矣民生之勤也大荆驛樟木六抱牆垂藤布頗神異美

入蕉美甚

老僧巖頭禿微髮眼口及頤皆作縐紋初看背後似有一盆種長生草大屏擁之既則化爲山峯既則僧巖巖與背後小巖并作僧背而大屏幻爲圓峯自石梁洞橋上至謝公嶺體屢變而端拱卓立毫不掉頭蓋僧之有定力者

石梁洞從關口入洞中燥而雄古左一洞黑暗洞右一泉曰玉泉階除皆靈草望洞口一石如大片雲雄奇之極急摸索之橫亘于洞之右若

無夢園集

江一

卷

駕長橋乃石梁也石梁取勝在僧巖而從橋止觀之氤氳間鬚眉耳目咳笑兼出

謝公嶺以下怪峯應接不暇結靈峯羅漢洞與老僧巖接膝而語登高而呼幾十五里忽于謝公嶺之半失其眉目俄見隔山一巖如跏趺大笑曰失一老僧得一跏僧羅漢洞背佛龕可數丈崖余登天台明巖見間丘馬跡達摩真容白猶洞大詫異誰知此山之陰盡出縹緲夫去鐵甲將軍執紅美女嘯鶴鳴鹿不可以百計乃知明

寒二巖特此山中分去一二峯而達摩諸相乃

畫羅漢洞手畧點一二筆也洞背極平正其巖復坐幾峯巒沓不知其所極天乎好奇至此恨千古文人落筆並無一語相似意者造物秘藏當其搦管時必有神工鬼斧摘其舌耶鴈山有山水而無文字豈不信哉予極服李五峯十記由今觀之入山僅得皮膚者其記真皮膚耳然渠肯竹杖芒鞋猶作此真不誑語亦足取矣聞其像在石門歸當呼而與之語大約天台溪如猛士鏖戰鴈山如壁上諸侯乍望陳兵設壘卽不披甲荷戈凜凜寒風逼人

無夢園集

江一

卷

雁憶

袁采記宋太平興國三年才母時宗僧全了始
居山之淺者曰芙蓉菴今能結寺邑卯僧行亮
神昭居山之深者今靈巖安禪谷天聖九年辛
未僧文吉得山之盡東而居者曰碧霄菴今靈
峰寺於是有民居矣皇祐元年己丑縣尉甄昂
乃發蕩陰山今南北閣由丁丑至皇祐己丑七
十有三年此開山之歲數也東盡縣之境止溫
西距白巖在蕩陰北關流南距玉環山在海北
無夢園集 江一

距蒼山在永嘉南溪此盡山之地勢也又蕩水南出
為大龍湫東南會于天柱飛泉南經筋竹入于
海蕩水北出為新溪東流會于寒坑板藏大溪
俱永嘉界大南入于海經江石門之水自
大龍湫經長嶺原入于海自芙蓉溪入石城之水會
于小龍湫經白溪入于海

香魚二名細鱗魚無腥而鱗極細肉甚美生雁
山溪澗中與潮水相通處春初時生月長一寸
九月以後可盈一尺則赴潮際生子生已則黑

瘠而死于鹹水中次年春初子復化為魚苗仍
入溪水中隨月而長五月以後可長五寸漁者
始取以鬻諸人味極清美作乾魚尤佳凡山水
入江處皆有之在樂清則石門潭為盛筋竹溪
芙蓉溪次之蕩水西流于永嘉南溪則自楓林
當溪下渡潭石廟潭諸處亦有之

石門內巨潭多鯉魚味甘而清美天晴日初出
時羣浮水上可一二畝許中有一巨鯉其長如
人衆魚環繞隨而旋轉漁者百計終莫能得

無夢園集 江一

卷

石梁寺梁拔起地上百餘丈如白虹下飲背有
石欲墮怪藤絡之如脉筋露出大石側削高出
梁背日氣從梁入散水巖自蕩陰章氏居行
二十里崖谷壁立拔地起瀑自崖端垂下匹練
孤懸坐洞穴中如明珠但說大龍湫奇不知梅
雨巖散水巖尤奇能仁寺有大鍋然多著脂
粉意者自甯輿嶺從海上來亘四十八盤嶺應
接不暇宜有此塗抹耶梅雨巖或海風狂擊
泉忽出谷八九里間入村落緣東谷觀大龍

嶽高峰爲常雲峰半曰道松池瑞鹿寺在其下
小洞中飛葉則大風起浴澗大石曰剪刀谷底
錦崖彩峰如海市樓臺乍構也泉飛不露壁如
白龍騰舞度馬鞍嶺羣峰流霞曉峴曰版障
觀音二巖突兀奔趨如獅如虎爲左右峰峰中
有洞架棧可登蒼蒼壁立爲屏霞障蓋靈巖奇
峰應接不暇不辨其中有寺龍鼻水可醫目峰
左安禪谷右展旗峰後一峰不緣諸峰曰天柱天
柱後有雙峰飛舞曰雙鸞又小峰曰卓筆旁

無夢園集

江一

之六

峰瘦削而美曰獨秀如髻曰玉女泉飛乍巨乍
細我行天台十里紅腸夾十里雲濤出入千萬
層紺碧珠翠山頭放我如何不思及游雁蕩峰
頭幾千百丈積成琥珀玻璃之色高不可登深
不可捫僅見絕頂萬年松翠五色鵬及蛟龍時
窺吾足而已展旗峰半天聰洞石級飛挽有
限若闕光自下生深險無著履處洞外二孔如
目一孔如口展旗外谷有鍋洞蔽以高岡草沒
無路外缺若門頂石若蓋圓池若鍋崖泉微沸

若烹飪然寺前有舍珠巖巖奇奇怪怪雖善圖
鬼魅者終年難著一筆而吾乃人持三升米期
期三日游以爲山之奇在是矣豈不謬哉諸峰
皆空虛夜靜則人言鼓聲傳應谷外出谷而北
淨明寺新月洞水簾石真芳鄰也又五里過響
巖十丈巖潭曰照膽潭北峰曰靈芝秀異靈峰
洞雨峰合掌紫而潤可磬也亦如擊鼓泉自壁
出滴如珠簾洞石也而泉面五老臺雁山開
自諸詎羅詎羅本蜀青神人受業天竺什迦爲

無夢園集

江一

之七

十六阿羅漢之一復返青神之中巖晚來雁蕩
足跡殆數萬里花村易山觀止矣能仁寺行
春橋三里許懸崖之窩有飛來羅漢巨石覆其
首恰容兩足或云自漳越海其狀若褰裳以渡
衣裾皆濕剪刀峰過冰峰更奇面大龍湫剪
山復剪水連雲嶂左閭王鼻右風洞呼嘯則風
至羅漢洞數千仞中竅一門如廣厦羅漢侍
坐相傳劉氏賣二女塑像云謝靈運守永嘉
有自郡城渡江上筋竹澗詩澗今在能仁寺東

南山峽中龍湫諸水所會入海處去海十餘里
寺西謝公嶺疑是蠟展經處也然止留得一詩
其他皆未經覽豈紗帽游套曾已然耶止
龍湫在大龍湫上數里有五臺二僧白雲之外
結屋住居湫畔種薑芋菜蔬飛流懸瀉亦數百
丈靈巖劔峰泉水下擣潭遙急迸出石罅直
上濟南跑突泉亦出地數尺自高原潛行地中
突出類是溫湯泉在靈巖寺后霞障石勝懸
崖石室中聞浙無溫泉惟此南之溫嶺一名

無夢園集

江一

四

溫嶺雁山東趾也去龍仁寺四十餘里地常溫
溫州以是名雁山志東至玉環山山在嶺南太
海中溫嶺非其至云龍仁寺八百寺田變賣不
及八百金昔稱贍僧之田贏千萬夫誰爲四十
八盤功德主翹首望之行春橋下西谷諸水
出筋竹澗入于海雁山之奇奇于海諸山皆舍
雲霧天台其宮闕也台八百里之勝雁匪海山
玉環千萬里而遙矣淨明寺前橋下空明如
星日屋橋橋銘銅鑲而成太平興國四年僧

無夢園集

江一

五

行亮神昭挈瓶荷錫共訪幽寺得雁山安禪
居焉新市蔣光贊爲剏殿太宗錫御書五十
卷軸成平賜靈巖額十八剏雁山東西內
谷中諸寺也若白巖與明因寺實相寺崇德寺
俱在東外谷之外然亦境內寺也合之三寸
寺陳州商入陳覺游雁蕩榮峰望西巖下
木如蓋捫蘿至其所一人如石乃入定僧也
欠伸張目有衣寄巖間有虎守之持錫杖命
虎搖尾去持衣授僧藤蓆有入僧膚肉者舉
法今以名其巖宋全了永嘉人遇天竺僧云
汝緣在浙東諾詎羅道場數遙當與龍湫宴坐
此尊者棲錫地也了遂感悟雁山之顯多自全
了發之其人放浪呼了游蕩云雙峰寺寒坑
龍聽經曰寒坑去此百餘里何從知之曰寒坑
應蕩原是一山風雷乍起仰視之蜿蜒在雲中
矣雁茶一鎗一旗而白毛曰明茶穀雨茶未
之一種紫茶葉比蘭杜鵑花雁山書院最盛
觀音竹方竹俱佳黃精以台雁佳台雁以

頂不聞雞犬之聲佳 何首烏靈巖寺下一本
甚大根如栲栳 如金雀而聲抑揚者曰山樂
官 玉面狸面有白毛霜后肉美謠云霜天玉
面狸 李季光元人也住石門詩文皆不俗今
長子孫于此 唐人詩未及雁山蓋游屐所不
至也 雁山詩作者少佳者更少宋趙師秀酒
城書曾說先朝路始通言開山之未久也翁靈
舒果落狼羣拾林昏虎獨行又背日山梅瘦隨
潮海鴨寒朱諫古道沿溪出殘僧乞食歸正計

無夢園集

江一

三

朋江聲雨勢三秋急雪片未花五月寒李季光
山椒雨暗蛇如樹石屋春深燕作家楊維禎夢
登玉女夜吟句哭到金人秋作歸與蘇軾此生
蹟有看山分已覺溫台落手中皆未至山而妄
爲也然鐵崖簡李五峰其詞痛矣五峰卽季光
序光詩雪消新水鴨頭綠沙暖小桃猩血紅又
雨後亂溪青似髮雪前病葉赤于花又筍與觸
樹驚霜葉桐枝敲雲損土花吳寧禮雁橫蕩月
驚寒到僧踏寒雲看瀑來與趙師秀蕩陰當紀

頂一雁未曾聞未知孰是林清源六龍捲海生
霄漢萬馬嘶風下雪城吳主一鹿啣花去與僧
分惜上一語未佳余易之云虎傍溪邊同我坐
謝靈運斤竹澗詩猿啼誠知曙谷幽光未顯巖
下雲方合花上露猶濕又石門山企石挹飛泉
攀樹摘葉卷想見山中人薜蘿若在眼又連巖
覺路塞又夜宿石門曉還雲際宿弄此石上月
其詩皆帶海色如王梅溪尋僧畫屏中往往多
八十蓋生長于斯往還熟也余每逢絕佳處必

無夢園集

江一

四

強人同觀自笑定光招手羅漢寒衣與余三之
矣釋惟一四海名山曾過目就中此景難圖錄
山前向見白頭翁自道一生看不足今有看不足
亭云黃少保文簡公准致仕

宜宗章皇帝御製詩云雁蕩峰高清不極中有
謝公舊游迹採芝斲苓可長年應在天南憶天
北

唐一行禪師畫南戒至雁蕩山而靈山亦像物
賦形步移卽換邑有倪端以畫雁山名新縣全

朱朱非之曰此山前后向背左右偏側皆有奇
妙豈可畫一面耶 沈括云自古圖譜未嘗詳
詳符中因造玉清宮伐木取材方有人見之錯
詎那有雁蕩經行雲漠漠龍湫宴坐雨濛濛句
蓋始于西域書然此二語已道破他詩未盡也
括又云山皆包在諸谷中自嶺外望之都無
所見至谷中則森然千霄當是爲谷中大小衝
激沙上盡去惟石巋然立耳如大水龍湫水簾
初月谷之類皆是水鑿之穴

無夢園集

江一

四

李季光自愛敲水看魚上山頭樹影落溪紅
夷簡雲外疑無路山中忽見僧虎蹲臨澗石猿
掛半巖藤趙師秀高風吹作雨低日射成虹
二谷玄徑重重起看山面面殊王十朋初冬天
氣佳雁歸山未寒薛應旂幽奇自是天珍祕
還陳剛蒼崖迴合中仰視天半畝李季光天根
盤海底大浪春其南衆山盡萌芽迸出碧玉簪
清波蝕之半玲瓏兀空龕又魚龍撼不醒醉如

臥箔盤又我家雁山頂擇勝不敢貪又絳水縑
地入萬鬼拔山出顛璘端坐天柱峰要觀日出
時扶桑射東影照見蒼龍鬚太湖僅一勺匡廬
忽平夷李季光頑鐵出冷太古色又破烟聲度
涵林鐘陳德永崖心如瞰鬼窟穴石口忽漏天
聰明 雁山高四十里頂上有湖方可十里水
自雁湖會諸溪澗會成巨淵淵側石檻有龍窟
如井狀檻中作凹石壁數百仞水從凹中瀉下
飄轉而中斷又忽轉舞向人俄失注或風過盤

無夢園集

江一

五

恒而不下 一山惟大龍湫脊最險薛方山至
此不得上乃解衣題詩寄白雲菴上人春處五
十餘步尤險屈曲數里有爛木殘像則爲白雲
菴也東南多怪石轉從西北石壁間又四五里
有平壤石垣荒址疑其爲雲臺菴也所過鬼窟
深壑攀藤上下其最高峰望澄潭又二三里皆
平沙萬頃此疑絕頂云 乾道七年郡守曾建
記能仁寺常以歲時日食千百餘 人太寧郡
王請爲奉先之地並緣爲好無復有僧矣予親

事兩月太上皇帝復爲能仁寺詔下之日老稚歡呼永嘉嶠嶠山海間去帝所千里而遠微恩若此倘念昔日飯僧之多今日存田幾何守此土者豈后曾公建也

劍泉峰如覆石船水走中間中有窟籠水湧六七尺形如劍

威虎巖自東嶺出一小衝望大龍湫及錦溪奔放近飛泉寺際似雲中雙闕曰種茶巖石門巖上嶺見筆架窺警巖三目大士劍室有光雙劍

無夢園集

江一

百

飛出馬鞍嶺下有上龍巖猴望峰近靈巖諸峰有一道泉下來回見采石山飛瀑數十處照耀

金紫

雁池四澗成四湖南湖最大湖水平平有泥中間湧出海潮泥平如掌印池中有蘆葦蕭草正二月過北八九月過南 能仁寺不出荆棘靈巖有虎不傷人 金絲猴白眉白臉金黃猴黑猴五段狸一節白一節黑尾可執以避寒 先過馬鞍嶺嶺東筆架山西飛泉寺下嶺進看龍

湫傍游天柱寺又瑞鹿寺又華嚴寺過小嶺羅

漢寺石門寺寶冠寺過西嶺靈雲寺梅雨潭出

長叫山本覺寺又瀑布水傍有剪刀峰回馬鞍嶺觀音巖淨旄巖鷹嘴錦屏峰出響巖巖內入

家邊龍王洞三台洞聽詩叟龍湫旁將軍觀瀑摩訶泉會賢閣天聰井朝陽洞 靈峰左有幞

頭峰右有雙筍峰下有含珠石果合巖上有靈芝峰下有照膽潭有風洞冬溫夏涼 草故內小

玉筍傍有鳳凰峰五老峰碧霄峰進真際寺有

無夢園集

江一

五

獅子巖馬莊巖梅花洞上北港龍潭 石佛河過

南藏板

山卽南閣張家又有北閣仙洞仙溪仙橋南閣有崇德寺仙人洞石筍峰北閣仙人洞仙人橋

巖多佳南閣巖蕩陰張氏去二十里有散水巖外望靈巖同奇峰而空其中如一座天帝城

玲瓏幻疊又似萬軍呐喊 仙人橋在南閣上有土山山下有大溪二里有石如鍋甑曰

甑巖 盤山嶺下樹一行可避暑 白玉洞天玉峰頂上遠江三十里恍若几席 天柱峰

迴迴行三里 天柱峰長松如竹平霞障竹
草 石梁洞上頂一松其妙 自溫州來以是
芳嶺限之自 來以大盤嶺限之自石門
來以謝公嶺限之中又以東西二嶺橫亘之過
嶺而奇一出其高在雁湖者幾四十里使人遇
夢其下而不可得一攀躋奈何才子之奇窮返
嫌造物之怪盡夫雁山非善怪海內自無著雁
山怪處耳好龍者遇龍而退舍談虎者逢虎而
咋舌喜構造者御以建章宮闕摩所置一椽置
無夢園集 江一
胡大客載寶以齋海上盛樓明珠亂擲而不敢
載其錙銖活王維活吳道子圖人物草木鬚髮
具備而無從寫其一莖半面老遶磨飛羅漢石
可航葦可渡咳唾可落星斗而不能不徘徊棲
止惟有雁嘹巨湖詎那長叫空山造物不深訝
耳 下四十八盤至樂清縣西玉甌峰洞口真
人住處收白猿山如上天柱峰大十四里倒轉
走山腰裏看洞洞中日麗明著雨不著夜星斗
如珠簾看漁船如畫棹 北崗山有三龍潭

佛潭 板藏潭 河南潭 真際寺可上蓮花
巖 本覺凌雲至寶冠能仁古塔上飛船管明
羅漢石門裏瑞鹿花巖天柱遶靈峰古洞真際
金靈巖霞障淨名連石梁不與雙峰遠十八精
藍遶雁巖此古語也 出靈巖而東五里響巖
洞洞東上有龜伸頸而望大松在其尾擁數十
樹而一松挺立 靈巖外望兩大石爲限展旗
作屏屏霞障峻峭欲起 摩訶泉以石掩其半
如卓刀勢泉從中細流 綠石山有瀑五節者
無夢園集 江一
有直下者有三曲者會作溪與小龍湫並下
龜巖懸數十丈有泉一道流入洞洞有古松數
十株作屏龜巖西有一立石名曰玉巖巖東有
三龜一上二下鰲頭巖口開 聽泉巖上下有
魚巖似迎濤而上鱗甲皆具有三石版自連雲
降爲屏如覆龕廣數十丈 卓筆巖獨秀有雙
鸞玉女屏其外上有滴泉如懸珠卓筆遠望秀
勁近視雄大 斷橋即在龍鼻之上約數丈空
懸有一石屏亦連雲障橋上皆樹 響巖下有

響珠泉樹響巖扶搖閣大輶峰虎鬚泉

羅漢洞水西大石壁有谷嶄嶄懸石卷然中抱
兩石相倚如合掌傍石欄直上千步乃至掌中
青天懸一線巖隙滴泉拍掌呼聲遶洞而不出
泉輒於呼聲淙淙瑟瑟與人語間出擊鍾鐺聲
奔谷中李五光曾書看不足焉泰定元年冬
予游巖峯寺最久一日晚坐門前展旗峯下見
蜀僧一羣停眸久之歎曰好個石壁運去予急
追之曰慎勿挫過于是解裝持拄杖出笋餅月

無夢園集 江一

五

色皎甚諸峯相向作老翁危坐天柱峯驚天半
落也次日過澗循小嶺五六百步觀龍鼻水山
半橫石龍奮爪忽陷石中脊見從西南石峽繞
數百丈勢盡垂入谷懸其鼻鼻大而紺色滴水
不絕盛雲濃霧滃襟袖間其西卓筆峯傍小龍
湫又西神泉反飛直上尺許曰劍鋒泉泉下而
上劍次流雲大石如塗丹曰平霞障居障左臂
則展旗峯予所佇立以招蜀僧者也天柱峯右
臂障障右脇龍鼻水小龍湫卓筆泉劍鋒泉居

脇中障左臂架棧道至旗半有一石穴穴有平
土類映澗水擊之聲障右脇牽挽上懸崖最高
石室室南小徑環種藥草溪路平熟若日有人
來往者石窪湯煖羅漢沐浴其中 來英宗時
居入行湫水上見老人持藥丸欲獻天子忽不
見詣郡上其事遣中使持香來雁山始名大
龍湫水五色清見石底未到五里大聲轉出谷
中奇峰作掃勢緣南山趾稍北折入東嶺水從
湫下大潭入人相持語但見口張不開作聲蓋

無夢園集 江一

五

世所稱雷霆鍾鼓皆其下潭之聲與大龍湫水
下光景絕不似石被激射紅如丹砂小鳥溪魚
優游閒緩如遊世士觀瀑多干詎那巷于看不
足亭予獨立大龍湫山下懸瀑數丈如明珠下
垂數千百簾亦一奇也每每石壁黃猿聞呼驚
蹙下窺人而啼 靈峰過澗折入谷中佛寺曰
淨明壞屋殘僧過者不知有寺山圍屋如城從
屋隙中出上屋山行二十步得石橋過澗或見
亭壇五六級石階入九轉一轉六七級兩旁夾

大石壁如行永巷泉滴如雪消下注谷口梅
雨潭潭上瀑水懸空數十丈谷中風起吹水濛
如四五月間霧雨鄰寺曰古塔寶冠羅漢石門
又一寺在南山與常雲相望路絕高曰飛泉
頂有大湖冬春雁入南海棲其中水墮入澗流
谷口爲大龍湫湖傍比丘尼塔寺一夕沉湖中
棠梨花數十百株土肥種蹲鴟大如斗從靈雲
寺南入山挽牽懸藤偃木以過望見永嘉城下
大江如鏡海氣如夜色山無燭燒水葉葦竹山

無夢園集

江一

五

鼠與人相向坐如狐狸大諾詐羅游方時師
語之曰花名村鳥名山則吾地也已行山下問
何地曰芙蓉村山云何曰雁山詎羅曰師謂我
矣入過四十八盤結屋谷底面湫水以居是十
八寺之始也人行盡日曲折在水中予不獨曲
折于水浸沒于水初沒于台山枯筍巖再沒于
雁山石門一帶及下天台而橋梁盡圯得一筏
渡如遇達磨官塘諸妓偷載篋筏之尾輿夫自
水中負之而上紅粉雜坐不能禁也官塘妓妓

之居官塘而奉烟燧奔走者唱禮侑酒設樂邀
賓演戲伴新皆優爲之雁游宜秋日春夏十

日九霧后行人不見前行人且秋冬毒虫盡去
乃可入然游客匆匆多者游至三十里止矣其
遠在深谷中水之見也大都天台之勝八百里
今十日而歷萬年高明國清石梁則五十里止
矣三日而歷大龍湫以下十八寺則二十里止
矣其他安在哉記得游九里坑奇幻甚與夫環
囑云願相公回去將此山著實作一記因歎人

無夢園集

江一

五

生不游台山總是枉生游天台不游九里坑總
是枉游及登雁蕩惟有大慟而已

剡溪記

溪江平渡二十里望上虞龍珠山翠色撲人三四曲爲金星吐月山陶家卜窰窰面前一山吐
萼樹皆垂雲左一小山鬱起竹木森茂而一小
崗尾之沿溪山二十餘乍起乍伏舉頭闕處則
有遠岫補之水六七折溪田遶其中溪聲如近
見樹根浮面宛若纖舟其下入畫則摩詰人詩
則青蓮山不甚奇而峭水不甚濶而秀人家不
多而山呼谷應日之夕矣牛羊下來境亦不寥

無夢園集

江二

寂稍前則馮家浦若雉堞環拱而晚照沙平水
波容與遠山皆碧霸王山突起江面山後修竹
崇崗漚爲一湖如半月日照風帆如雲而東西
兩霸王山可招臂呼蓋溪江水口二鎮山皆錯
綉臨江一壁獨出江流八百束如駕馬而鬪一
松兩巢如承露盤小浦藏舟綠樹爲家逢聞聲
而思想天工造此溪山神慵意懶塗抹成峯巒
唾餘是波浪傍溪諸山高者與屋平低者人行
反出其上凌霄之樹可伯叔行初出之笋可兄

第行如老人不耐行走持杖緩行常匍伏常跌

坐宜閑雲數片往來其間亦宜遠眺山與雲齊
江扶風湧令人目不敢視余方細聽溪聲落平
田而舟人已指點東山在數行松樹間散髮披
襟尋謝公見晉朝兩石將軍高約一丈五一神
氣安閑一威武作色鬚眉如戟各執長劍各披
虎甲腰玉環一劍作龍形一劍作鍾形臂結束
帛下皆懸一帶束緊玉環之上更有一束寺僧
云常走人村間今半身在草泥中余盡搜而得

無夢園集

江二

二

之初入嶺奇松十樹有二大石正襟危坐松枝
倒舞懸百尺而下垂田畝聞環珮音一松折躬
而上最奇峭先是風倒一枝枝猶在下去年雪
壓一枝枝在上作蟠舞勢更可悅痛此爲小石
門云纍纍而坐者西眺峯巒八松蟠臥則大石
門國慶戒碑立其上稍上爲洗屐池池灣月形
四環一澗池中勺水經旱不竭余自天台來無
日不著屐茲遊獨晴又晚霽自此爲薔薇洞更
衣亭荷花池亭池塘尚有菱草而路旁無洞聞

當年四面惟薔薇花結爲洞挾妓遊此故云洞
前後五松一松倒垂勢直從西眺望狀若交頸
洞口摸索五幹其上獨瘦舞腰肢疑美人影落
再上爲龍牙石者二左牙尤逼肖上頂一小塔
亦晉朝物小橋聽澗聲暗度一松和之殿前老
梅一枝山徑漸深湖如片鏡抵僧房行二里無
一人遙望僧房樓上間看山頭以手招之而出
爲太虛上人登其樓見樓右殿之巔有屋三楹
太傅祠也文靖中康樂公左襲封康樂公右皆
無夢園集 江二 三

長髯風吹鬚動聞寺有百身圖以谷鄉之僅存
其批又有嗣封公浴圖赤身裸立修髯過腹惜
乎不見舊有古鐘鐘煅鑄爲邑塔頂惟殿後高
崗晉永平元年僧注蘭書棋墅二字可珍若東
眺西眺二碑隸字不知何人所書筆亦奇古余
拜太傅公墓上西眺崇崗見戚家山王家渭山
坐于江面山一從嶺一從上虞一從董浦湯浦
一從蒿壩一有琵琶州水港環流結成琵琶之
形而水方沒澗隱于泥其聲靜悄可聽太傅遺

山頂騎馬巡山路皆平曠曰謂馬路余自尋大
石門而下浮上東眺見鴉尖山下有靈芝湖遊
人皆自西眺止余在山巔正觀落照舟移數十
步觀泗州州事坐指石崇巖中而一石雄踞臨
江卽眺石也行廿里瞻顧不絕抵上浦人家雜
紅霧中落照餘霞數道十里遊仙又十里卽蒿
壩云橋壁五里壁有夜光見壁下持燈者月照
帆影波容零碎至東關過舟畱一隙觀樹

刻憶

自陶堰抵蒿沙際灘江聲臥月色二十里爲東山孤嶼幽溪流幽山夾千流爲刻溪礪浦入刻以舟勝過清風嶺王烈婦初至正間千夫將執其夫與舅姑殺而將之婦求死不得給曰願服期月之喪許之兵適剗過此嶺噴血痛哭作書投崖下死近崖居民皆戮至今不寒而慄神能誘致倭入廟殲于官兵焉

三十五里至新昌新昌鑿石爲大佛月巖旁

無夢園集

江二

五

鏤如窻橋中秋正當崖鏤鏤有三松余在會稽見陶石簣坐千錐萬鑿中甚爲不平今佛亦不免况佛子也前有後猊二石甚古錢忠肅施錢以八千萬貫計會稽原是真山水近體在山遠神在水今幻作花園又幻在書舍太損自然刻流入娥江隔鑑湖一堤儘堪致棹興盡而返何爲者哉稱刻又或稱礪云出刻南郊渡石橋橋長三百餘丈日涉萬人天姥嶺萬馬渡一束山水慵懶之意爲之整肅故萬年寺之有九里坑

也是乾坤寒氷金玉之所結也

過新昌從桃墅而徑幽絕水咽于石受之微鳴宿班竹嶺爲談班竹童生亦一青云某查盤理刑過江忽見嬌童自錢塘匍匐迎若急欲訴者詢之無言每日手持佳茗送于路某公嗜茗道傍多渴甚樂之及抵班竹乃自言其里在云膝行而道之入洗膳乃公問所顧曰欲府取耳於是感慨曰爾意至不薄矣而責報甚廉而殆非今人也竟以故青青其矜至今稱班竹童生又

無夢園集

江二

六

有一事酷相類山西某別駕滇人也以馬市來吳停舟京口見金山寺一老僧掃槽送鼓忙曰好人好人酬之一金亡何非固山僧送菜合掌贊嘆酬之如初未幾諸山移樽疊而來者趾相錯于路舟橫于叢蒿之中也掃手曰好人何其多遂解維而去會墅嶺左太平益多巨竹

荆溪二十一洞記憶

石磬洞如雲亂飛中懸一石擊之磬也 三
洞在其傍玉女潭潭水澄綠煙樹蒼茫樹根如
石蹲枝葉皆成峰巒獨孤及日日思瓊樹即此
龍湫洞可舟舟敗僵臥一望杳杳或云可十
里兩崖一壑 白蛇洞白蛇啣茶古詩饒使山
僧怨白蛇我不任怨 白鹿洞洞口有田旱則
禱而泉出以厚斗從訕然一聲即止 棋盤洞
懸一線天然布棋行步時作棋聲 白鶴洞
口極隘以屨先兩人掖其首入洞水深一二尺
石倒垂如千葉蓮及爲藥爲房不可計水深處
一大士危坐僧與僕皆不能從 大成洞近洞
一楮甚大藤抱等入洞數武絕澗劈開懸二尺
高下渾滑各盡一石僅屨又數武左峯右窪一
石劒橫側足行稍前劒橫其腹稍下傾過此臥
一大石洞口老人曰下有秘書曾手探其鑰獨
石爲關肩而上有金山雪山山足微黑似舛樹
蒙茸出登一最高處陟數險級一大士玉立侍

無夢園集 江二

二

從皆玉結爲蓋垂纓絡亦玉凡洞之妙莫奇於

頂或天風海濤或嵯峨古木或錦鱗蒼蘚此洞

竟莫能名高而峻也屋畫險阻出洞猶怖者數

日 仙橋洞夾峙如空中行走洞有龍日夜鳴

倚水中石聽之大抵荆溪洞最深處即有一龍

穴焉不敢窺矣 天窟洞佛耳洞記得一石兩

穿雙懸日月未知何洞 張公洞從後門入洞

口下上皆鬼道有如青驢跡者曰張仙人騎也

仙之堂曰前曰後仙之房曰左曰右堂前簾數

重珠垂乳自頂倒垂自地壁立相去者或尺或

寸其象似家堂似燕巢似執笏似受詔似拜謁

似立鳥不可舉所過僊厨仙床周以雕闌鋪以

繡被此東仙房之奇仙人硯一石數形各有勺

水仙人浴具巾幕寶塔七層此西仙房之奇石

根迸裂忽開一天琪樹四簪有許用晦洞靈觀

冬青樹詩洞之前門高崗一望平湖萬頃矣天

申宮旁一石摩之皆桂香 善權洞口古柏數

行如鐵殿無梁柱有雷書可醫癰 殿柱間俱大

無夢園集 江二

八

史木巖謝鈞記一曰史半漢宮殿旁一石分兩
鈞之記溪五分雷節筆昉於唐

水一似瀑布一似珠簾不知水何來洞頂若虬
龍至高處水沸如雷不見水次晨行里許石級
而下洞門弘奧如架天作橋五六有一雪簑達
磨最特鹽房米廩仙田絕似畝鰲疆畫洞底皆
水砰礚甚乃知沸如雷卽其頂之上名旱洞此
稱大水洞而殿旁一石兩分之水卽從此出名
小小洞者也山有九峰狀如九斗曰九斗壇
金鵝洞近洗腸池亦法師述也 君陽洞從平

地觀之百尺之上皆潑水形知爲蛟跡 品洞
大成一白鶴二張公三善權四 大成仙家與
室張公仙家花園白鶴仙家池沼 玉女潭如
美人臨鏡尤愛瓊樹終日不能去記得摩娑其
下月色皎然 特雜九月 湖沒鎮初覓與人一駭而
力馳醉能拔屋及執輿甚恭凡奇險處皆得其
力天申宮敏上人酒猛飛渡如猿猱然 余遊
西洞庭累月顧其靈詭處恐不逮荆溪余所知
二十一洞 已忘 其餘環山皆洞也不能悉數之

矣 諸洞相去有三四里有遠至七八十里所
過琅玕夾道常數里溪水如畫 敝上人以大
成洞怖余余以獨遊白鶴洞過之上人讚服不
已 敝上人遊興極捷所以不能入諸洞口蓋洞
府水洞門揀溪數丈數十年絕無人跡矣
玉女潭僧寒儉不能飯治山花一盂雅稱其渾
張公洞僧僅存米七舍白酒一壺相與忍飢危
坐竟夜遊洞無可記其佳處曰怪其極佳處曰
極怪而已記者紛紛都可廢也山水人物一一
現成遊人觸之爲添一欬笑耳

荆溪小說緣起見鶯洞記都盡而說猶有存者
余一日自芙蓉寺上銅官抵自然菴晚矣將宿
南岳蓋十里已過其半虎大吼且逼從行皆恐
又黃昏無月虎愈吼不能步忽一人持刀下益
怖徐察之乃捍虎者耳其人勞苦余逐自然菴
作七十二小說一夜聞聲鹿無雜聲次日遊南
岳僧指點虎吼處在兩山之界行者必趨與
爭只尺及南岳訪洗腸池池故法師剗腸時洗
以服虎者也初上銅官山步行二十餘里如

龍脊上走又攝於虎銅官絕頂卽熊牧不至袁
府君墓俗傳漢時天葬銅官處此山初見二九
次百二十廣出又繼太湖如杯水湖上諸峰如
鳥影數十仞之山匍匐伏

說義興郡

義興城今縣治漢名陽羨至晉永嘉以周玘頻
興義兵三定江南分陽羨臨津國山義興永世
平陵六縣立義興郡統之表玘功也移陽羨於
君山下以今縣治爲義興郡唐以郡爲州縣而

無夢園集 江二

二

君山陽羨廢有臨津城國山城義興城宋改屬
長興永世城宋屬丹陽今屬溧陽平陵城亦在
溧陽綏安城屬長興蓋長城凡七許有數詩幾
處城荒舊堞崩春山那復想平陵只今雖有長
橋月猶付前人說義興 陽羨館舊名迎華驛
在長橋北南臨荆溪唐張祐次荆溪呈崔明府
詩云纖舟陽羨館謂迎華驛也亦名荆溪館唐
嚴維宿荆溪館呈丘明詩宋紹定初令趙與慈
因取祐詩改驛爲陽羨館後名西館驛

說長橋

王公升長橋攷長橋在縣治前初創自漢袁府
君卽斬蛟之所徐鉉長橋記對縣樓而直出跨
荆溪而橫絕陽羨治所更六朝以還爲郡爲州
爲守禦之治改易不常而橋之虹亘恒於故處
元豐二年火四年令褚理昂新名曰忻濟蘇子
大書其榜曰晉平西將軍周孝侯斬蛟之橋仍
旁寫李贊皇長橋詩刻石道左崇寧禁錮禍作
沈其石於溪水或因唐李華賦此橋詩有雲雨

無夢園集 江二

十一

生泉窟雷霆落劍鋒之句似不類今日遂疑茲
橋非古此不察荆溪廣狹今昔異也荆溪獨橋
南一路可通車馬橋自西迤東渺茫烟水今東
關潭最其深處蛟疑窟於斯孫權始築陽羨城
周遭才一里九十步僅包縣治而已管水大而
城小今水小而城大蛟橋風景安得不改 白
珽題斬蛟橋詩云蘇公百世士豪氣有相似洎
舟蛟川下洗石題所以平生爽惡意十有二言
裏指蘇榜言也 長橋下舊有白黿若出穴四

望而卑則爲兵兆神而祠之今廢

說山水

義興山長水遠余今所存者凡之也十忘其三矣

山姥山

縣西六里漢封蔣澄爲山亭侯因家焉朱

子贈山巡檢詩

國山名離墨山縣西南孫吳

時大石自立又有石裂十餘丈皓封之改名國

山立石頌其形鼓篆文述南岳山

縣西南孫皓

既封國山遂禪此山爲南岳取漢武移衡祭騰

霍之義卽古陽羨採茶處循南岳而上十餘里

爲銅棺山卽君山袁府君天降銅棺處也一日

無夢園集 江二

山產銅曰銅官

龍池山縣西南峭壁千尺有

伏虎石分賓亭凌雲閣一源巖龍湫石雞冠石

白雲巖有上菴中菴旁有龍池池多蜥蜴又三

里曰下菴

余游雨農起

荆川記自龍池出往

石屑二山夾澗山高百餘仞澗道澗四五十五步

人家緣澗以居唯亭午見日色從西霞可入舟

東

東南晉司馬時有大蛟孕子剖其殼

十里 手嵌空成穴長流溉田山有水洞 順

三 折溪後百餘步陸希聲隱居此山集

走震澤有魚象 太湖山有金雞墩有洞沈雁

詩太湖西擁大湖山萬丈青蓮一水環楚山與

太湖山亘而西

蘭山縣東南山有石麓東入

太湖五里隨水盈縮以爲隱見子山在其西北

趙孟頫詩弁山橫雨外笠澤湧天東 甌山卽

君山一技

縣西南二其形甌雲騰若炊梁蕭子

雲詩沈寥晚霖霽重疊晴雲深庾肩吾詩寒雲

間石起秋葉下山飛

烟山縣西南諸峰環峙

西碧雲南羅漢北雞籠東紫雲上有漁磯下臨

無夢園集 江二

溪谷孫堅常釣於此

章山縣西南近沸泉武

花二山連亘蜀山屹然特立原名獨山蘇文忠

公愛其風景類蜀故名有書院望見太湖銅官

諸山如列大屏 金鵝山計山東北相連屬管

有金鵝飛集此山唐改義興爲鵝州取此 陽

山

縣東北三多縱石而有橫峴以承流上有

子隱試劍石兩膝着處皆窪

浮山縣東北三

兩峰對峙三面溪流環遶因爲浮峰巖碧 磧

山

縣西南自小心山連亘而起下有金泉礪承

小心山土如金流入慈烏溪張祐詩決水金沙

碧梯雲石壁虛 丁山縣西南三十里或曰寧戚墓

孫觀鰲舟詩宿烏來還去微泉咽復通 楊梅

嶺縣西南二十里昔產蜜楊梅郡以入貢任昉至謂其

病民秦革之 太湖縣東四十五里南踰蘭山抵薰塘

嶺入長興界北越竹山抵百瀆口分水墩入武

進界其占本縣東境者百里而遙屬七十四瀆

西連諸水下注三江以達於海 太湖最大者

二一自寧國建康等處入溧陽至長蕩湖并瀾

無夢園集 江二

州金壇延陵丹陽諸水會於宜興以入一自宣

敘天目諸山下杭之臨安餘杭湖之安吉武康

長興以入而皆由吳江分流入海惟寧國建康

因有東壩不注此矣詩云天邊時白鳥烟外忽

青山 溧湖縣北四十里與武進縣中分南通荆溪

接溧陽金壇皆有溺姓者携龍殼歸地遂成湖

嘗遇烟霧或見蜃浮風浪湧 洮湖縣西北郭

璞江賦云具區洮涌 荆溪縣南二十步受溧陽金

壇諸流下注震澤荆溪山水之勝善權離墨銅

官諸山岡隴起伏具區匯其左蒼管引其前巖

維詩銅官之山溪水南周處廟前多夕嵐看捲

雲帆歌白苧勸嘗春酒破黃柑 西溪一名西

九縣西廣德溧陽金壇諸山澗水匯此貫城繞

郭以下太湖其長幾三十里 東溪一名東九

關外西南諸山水從西來而下太湖匯此任昉

詩交柯溪易陰反景澄餘映許渾詩水寒深見

石松晚靜聞風 洙溪縣東三里源出君山北入荆

溪水勢洄洑 東瀉溪縣東南三里陸希聲顧山

無夢園集 江二

錄謂山前百步衆流合而東任昉詩長溪水東

舍顧況詩來住義興東舍溪兩岍多藤花盛時

映水中青綠可愛故名菴畫溪一名蒙溪一名

五雲溪齊高祖詩披襟菴畫溪頭月獨孤及詩

萬峰蒼翠色雙溪清淺流許渾詩佛廟千巖裏

人家一島中 忻溪縣西南四十五里產水菖蒲雨溪

多石其土骨如石解縉詩翠禽啼處烟如織錦

鐸裁來雪未消 逆沙溪縣西六里出山山入白

雲徑高直詩風急長帆投極浦日斜一鴈下平

沙 后袁河縣西南袁令開以避西溪之險

閃溪河縣西北林御史浚以避西九 通澤河

縣東二里馮令避東九之險西接荆溪東連震澤

單錫水利書自蕪湖深陽伍堰達吳江猶人之

一身伍堰爲首荆溪爲咽百瀆爲心震澤爲腹

旁通震澤衆瀆則脉絡衆竅也吳江則足也今

上廢五堰之固而宣歙池九陽江之水不入蕪

湖反東注震澤下又有吳江所之阻而震澤之

水積而不洩記云岳國君章雄麗峙於前都柯

無夢園集 江二

陽計蜿蜒拱其後兩溪夾翼於肩百瀆分疏

於尾閭西北則洮瀾遠引乎三江東南則具區

震蕩乎二曜 寰宇記宜興山長水遠此一評

可作一部荆溪志李端詩送宜興路長人返顧

草盡燕回飛張佑詩山暝水雲碧月涼烟樹青

長橋深夜影遠櫓下溪聲皇甫冉詩酬裴國

想平陵春山滿陽羨題高雲惟將山與水處處

諸真賞三月三日同義處處藝蘭春浦綠萋萋

藉草遠山多送蔣遠人長帶溪沙淺時因山雨

溪皆可誦也若姚含詩送喻校書山春烟樹

江晚遠帆疎孫觀詩題溪雲蘿屬地青霞帔雨

萊填溝赤所錢方千詩贈向詳隱竿底細鱗輸

釣伴花邊白犬吠黃鶯李嘉佑詩淺溪通野水

綠茗滿春山王昌齡東溪翫月澄清入幽夢影

被抱空巖白居易送李較書寒食歸義興山居

到舍將何作寒食滿船唯載樹陰歸趙孟頫詩

初日出雲光射地雙溪入湖波接天若太白綠

水清以閒白雲有時來句可謂遊過荆溪數遍

無夢園集 江二

也 方達時義興八景有序云壯年奇趣消磨

漸盡追憶舊遊慚無惠政而佳山佳水自知無

恙也八景曰龍池夏雲蛟橋秋月泝洲雪簑國

山烟寺陽羨茶泉畫溪花浪玉潭凝碧銅峯疊

翠

說長吏

袁紀東漢會稽人爲陽羨長生而神靈能逆知

水旱而預爲之備無疾卒於官墓君山巔災沴

輒禱境內多虎患邑令趙與抵至未幾卽空其

群芳邑之害亦息浸塘劉宰爲賦殺虎行以
觀風者 袁道成化間令知民苦西九風波乃
循九之南鑿夾河起土千至泝洲延袤三十餘
里名曰後袁河堯前漢令現也 任昉泛溪有
絕物甘離群句固以名其村 離羣 李堅詩好風
吹句落烟邨便作棠陰記使君昉爲太守禁
子不舉及代維絹七疋米五包釣臺西溪濱
政暇垂釣焉訪到洽於田舍 桓玄嘗登高望
震澤嘆曰父爲九州伯見爲五湖長遂棄官歸

無夢園集 江二

志又稱其爲義興太守鬱鬱不樂 太白從孫
李銘宰義興白贈行詩落筆生綺綉操刀振風
雷余按詩雪會嵇耻奔宛陵道忠義憤然其曰
能文變風俗好客留軒蓋賢吏也 郡守陳客
學襄墓在箬山去郡後卒墓於此孫華老誌其
墓并人德之州縣歲時遣祭淳祐八年郡守李
迪爲文屬令丞修上塚禮今廢祠之學宮

說風俗

朱元晦詩歲稔村村樂官閒事事宜又云縣人

學子知所向慕東坡云飽福俗俗舊志云男
不遠遊婦女不交易士夫不衣文綉不乘輿
皇甫冉詩風俗猶傳晉永和 正德邑已宜興
仕而歸者十一人城東孝侯祠有崇丘茂林
池廣陂副使邵公實面丘作堂環以樓閣與
老觴咏其間王文恪公過而歎焉

說古蹟

青箱雜記載南塘徐鉉至義興讀溪太尉許
碑其陰有八字云談馬羈羈王田觀北莫曉其
無夢園集 江二

古鉉云此謂許碑重立也 泝洲浦中有潭浦
亭晉以爲周扎封邑許有穀詩勲名常帶一溪
橫 李司空山房在善權寺司空名嶺嘗於此
肄業後李魯伯李綱相繼寓此皆李姓寺有三
生堂李刺史史玉潭莊卽王女潭刺史名戴唐勃
海恭王之孫登進士第拜刺史終隱於此 蘇
三舍在縣西泝洲浦中址尚存宣和間張寶文
彥智遇風寄宿題詩云雨旸更無通步路四時
常有避風船 乾元初有三到亭大鎮禪師常

此駐錫與龐居士問答宋紹興八年了禪師爲記有龐居士三到斯山之語 到氏查林洽既兄弟居太守偕遊曰蘭臺聚 邊莊南唐封城止此屯戍守之一名石門 茶舍舊在卷壽溪南莊蔣頴叔置義田處 東坡別業在瀾湖塘頭

說茶

唐御史李棲筠守常州山僧獻陽羨茶會客嘗之野人陸羽以爲芬香冠絕他境可薦尚方遂

無夢園集 江二

置茶舍歲進萬兩可惜此茶恰遇此客顧況居茶舍詩家住義興東舍溪溪邊莎草雨無泥李嘉佑送陸士倫之宜興詩淺溪通野水綠蒼滿春山張籍茶嶺詩紫芽連白蕊初向嶺頭生唐歲貢陽羨茶萬兩元貢薦新茶九十觔歲貢金字末茶一千觔茶芽四百一十觔 國朝薦新細芽茶一百觔續郡志云洪武十年歲貢芽茶四十觔葉茶一萬三千觔今每歲止進芽茶八十觔南京禮部二十觔白蛇之怨吾知免矣

西石亭產梅石亭陳克詩石亭梅花落如積余閱武林誌宋大內植梅二本其一本來自張公洞絕佳 保安禪寺殿前垂栢連數抱而中剖余觀龍池老幹焦燒肌理盡裂大成洞老藤擁擇園抱如一再宿玉女潭飲獨孤及日日思瓊樹下根爲石如寒崖積雪 獸之屬虎 豹 鹿 麀 麀 狐狸 兔 野豬 蝟 獺 獾

說怪異

無夢園集 江二

毛萇游張公洞自洞穴而入至洞底東至太湖中洞庭山得石穴而出山上有毛公洞有毛壇鍊丹井萇自言洞中東行聞頂上有風波聲及舟人語 姚生常遊張公洞秉燧而入遇二道上對奕指青泥數塊啖之咀嚼芳馨道士曰可去矣懷其所餘出遇賈胡驚曰此龍舍也 申屠有涯携一磁瓶自吳遊楚脫衣附舟飲酒大吐衆逐之有涯曰風雪如此棄我何之挈瓶登岬躍入瓶 乾符中王氏女居湖沒桂巖山不

嫁一日微疾題詩而去及舉棺甚輕啓之存履而已 洗腸師開元間築菴南嶽忽膝間聞嬰兒聲下山得婆婦與偶生二子一日晨炊俾復進羹妻辭以盡曰非羹盡乃緣盡也復取木錫歸菴衆僧不納師偕二虎與衆決去留衆懼請止師乃剖腹出腸洗之有洗腸池 負鵝者遇一書生云足痛求寄鵝籠去許之與雙鵝並坐負之亦不覺其重前至大樹下乃辭去 冲寂觀故陶進宅井有白兔升天因捨爲觀真人挿

無夢園集 江二

三

蘆於地枯蘆成葦曰會真菴 唐道士許堅題於壁浴漏湖凌波而去 宋一縣吏家臨荆溪得白螺自縣歸見飲膳備具螺化婦 劉商彭城人第進士歷尚書郎性冲淡以病免至廣陵遇異人授藥九粒如粟食之不飢渡江遊茅山至義興訪張公洞晝溪極愛賞遂隱湖沒渚後樵者見之曰我劉郎中也莫知所終

說人物

徐鍇周將軍廟記君字子隱義興陽羨人晉都

陽太守魴之子少斯弛任俠嘗感父老之言以南山之虎長橋之蛟井已爲三害於是入山殺獸既而搏蛟浮沉三日竟斷之而出入吳尋二陸師之基年州府交辟及居近侍糾劾不避寵戚梁王彤違法君深文按之齊萬年反權臣惡君之強直以君討之及六陌之役梁王爲帥軍人未食彤促令進絕其後繼君自知必敗賦詩曰去去世事已策馬觀西戎藜藿甘梁黍期之克令終言畢遂戰自旦至暮斬首萬計絃絕援

無夢園集 江二

三

窮歿焉 周廟古碑刻平原內史陸機誤右軍王羲之書有疑贗者史言力戰死元康七年正月碑載九年菴捐館舍史言成都王殺陸機機歿十七載而爲此文史三子碑四子史年五十六碑年六十二他情事多不類永叔以爲弘景筆 射虎亭子隱射白額虎處斷蛟曝皮俗稱餘波滄焉 宋元祐初沈諛夜夢周侯語曰雀汚我耳汝爲拭之吾賜汝一指力及旦往視果與夢符諛以布拭自此勇抗百夫宣和間盜犯

境神叱曰我平西將軍也盜遂去適嘉靖海寇
戒嚴侯墓去地數丈有飛虫成團儼如旗幟搖
拽樹杪國朝洪武詔去舊號題袁木主曰漢
陽羨長袁公之神題周木主曰晉平西將軍周
孝侯之神建炎庚戌虜寇常州是年春巨賊
郭佑等犯宜興岳王提兵過金沙寺題壁云余
駐大兵荆溪陪僧寮謁金仙徘徊少憩遂擁鐵
騎千餘長驅而逝異日復三關迎二聖使我宋
中興得勒金石重過此豈不快哉其後矯詔殺
王子雲亦棄市次子霖自九江之宜興邑父老
相與置田宅以居之乃知泥坡字於荆溪非荆溪父老家於邑
之唐門沈周詩長林高塚空山裏風雨時時聞
甲兵今人類知滿江紅一詞而建炎數語固宜
碑之銅官絕頂以屬袁府君姚峯德祐元年
家居宜興適元兵圍常州守趙興鑑遁州人王
良臣等以城降嘗與陳炤等謀起民兵二萬力
戰死有僧莫謙之亦起死之元孽梁王據雲
南學士王禕歿之高皇帝再遣吳雲持節招

撫旣至伏節死弘治成午詔令雲南與王忠文
禕並祀謚忠節額曰二忠祠鄉人復舉祀於鄉
賢又與同邑衛遜並祀亦曰二忠祠潘子安詩
青山恨塞豺狼道白日忠懸虎豹關壯士自期
頭可斫孤臣誰信骨能還吳寬詩早知斯世
爲臣義不負中朝出使才辨髮肯來胡俗髮戴
頭直向虜前回謝遷詩海上不還蘇武節粵南
空賜尉佗書冷宗元詩老臣仗節使滇雲赤手
能扛鼎萬勛陽羨春鵬啼柱恨楚江夜鶴認孤
墳擒夷諸葛人難料罵賊張巡帝亦聞頭上青
天公道在明時雨露桂芳芬右忠節
許武字季長太守第五倫舉孝廉武欲成二弟
晏普名乃析賞爲三自取膏腴二弟皆瘠少鄉
人鄙稱其弟晏普並得舉遷武泣謂宗嫺曰向
以二弟年少未預榮祿故分財取譏今殖產數
倍悉推二弟無所留許荆爲郡功曹兄子世
常報仇殺人怨者操兵攻之荆出蹠曰兄一子
爲嗣死即滅絕願殺身代之怨者扶荆起曰許

緣郡中稱賢吾何敢犯迷委去太守黃兢舉
廉和帝時稍遷桂陽太守嘗行春來陽縣有兄
弟訟財荆上書自劾後皆感悟 吳達嫂亡傭
直給喪從弟欽伯以歲飢夫婦被畧達自有田
數畝鬻贖之郡命爲主簿避其兄又以先世舊
田讓族弟弟亦不受棄爲閒田建元三年詔表
其閭 陳玄子四世同居一門百有七十餘人
建元三年廉使上其事詔表其門仍蠲租賦

友唐薛登天

壽中累遷補闕時選舉濫甚上

江二

疏武后不納僧慧範怙太平公主勢奪民邸登
劾奏反爲主所構出岐州刺史 王安石當國
司馬公極論新法之害一日語邵材曰劾去司
馬大官可立待材毅然曰君實正人也可厚誣
之乎安石慨然即自劾歸

右正

唐蔣洙與弟

渙並舉進士洙官至尚書左丞歷官鴻臚卿日
本使者嘗遺渙金帛不受唯取箋一幅爲書以
諭其副 吳王由歲薦入國學任戶部主事權
課淮上雖族姓親故弟船往來毫無徇縱卒於

官旅視歸蕭然破篋而已敝廬三間兄弟共
李庭芝嘗同業師許恒應南試恒暴仆聞中虞
芝哀憫即投卷負其屍出累官平樂知府致仕
家徒壁立妻子饑寒李應禎過荆溪訪之時方
踞爐煨芋相對話舊埃熱啖之而去邵天和正
德初絳庶吉士授吏科給事中時劉瑾竊政連
差勘問外官事比復 命瑾怒其不株參不納
誦咄之嗾山西查盤張御史劾其受平陽府餽
爲民瑾誅事自復符丞使所至以清白概率於

無夢園集

江二

三

官察案爲發其囊僅銀三錢

右廉

單錫常修本

邑風土記傳於世蘇軾愛其賢以女兄之子妻
之來宜與每寓其家 單錫錫之弟嘉祐四年
進士嘗著吳中水利書書成蘇軾錄進於朝不
果行遂隱居不仕

右文

張秉時顧劭號知人

一見遂友之劭爲豫章太守瀕行從者百數人
秉疾劭辭曰張仲節以疾不克來當與別諸公
李少俟

右行

馮處士

失其

曹唐有贈南嶽馮

處士詩二首云白石溪邊自結廬風泉滿院稱

山居鳥啼溪樹斷靈藥花落閒應看道書烟嵐
晚過綠蕖濕水月夜明山舍虛支頤冷笑綠苔
出終日王門強曳裾 寂寥深木閉烟霞洞裏
相知有幾家笑看潭魚吹水沫醉噴溪鹿喫焦
花穿厨歷歷泉聲細繞屋悠悠樹影斜夜靜著
灰封釜竈自添文武養丹砂 蔣逸人失其名
甫冉送蔣逸人歸義興詩云驚湍流不極野渡
識雲岑長帶溪沙淺時因山雨深方同七里路
更逐五湖心揭厲朝將夕潺湲古望今花源若

無夢園集

上二

三

許到雖遠亦相尋 陶詳較書隱居陽羨方子
贈詩云芸香署裏從容步陽羨山中笑傲情竿
底細鱗輸釣伴花邊白犬吠流鶯 宋王克巖
隱居不仕王安石贈詩二首云荒村日午未開
門雨後餘花滿地存世上但能旌隱德無人知
道是王孫童子穿雲晚未歸誰收松下着殘棋
先生醉臥松花裏春去人間總不知 元簿幼
業進士輒棄去自號耘軒有歲後書懷云他鄉
故鄉老若此新歲舊歲窮依然烹茶但有二升

水沽酒初無三百錢

右隱

到洽彭城武原公

觀世方亂拒薦不就隱陽羨幽居積歲任訪舊
訪洽於田舍見之嘆曰此子目下無雙 薛戎
河中寶鼎人客陽羨山中四十餘年不仕觀察
使李衡辟署幕三返乃應多吏蹟 杜牧京兆
萬年殖產陽羨因卜居焉有贈李侍郎詩并序
序 李侍郎於陽羨里富有泉石牧亦於陽羨
粗有薄產敘舊述懷因獻長句四韻冥鴻不
非無意塞馬歸來是偶然紫綬公卿今慕曠伯

無夢園集

江二

三

頭郎吏尚留連終南山下拋泉洞陽羨溪中買
釣船欲與明公操履杖願聞歸去是何年 李
幼卿大厝間以右庶子官守滁州嘗於義興王
潭作山居與獨孤及屢有倡酬陸勲常寓義興
李郢秋晚寄題陸勲較書義興禪居詩有蘇房
聖架掩山砌石盆欹句 陸希聲相昭宗避亂
隱陽羨湖沒名其山曰願山著願山錄及山居
二十七詠蔣穎叔題其宅詩有云二十四亭蕪
沒盡溪邊猶有故時橋有山居卽事一首云君

山蒼翠接天冥東走江湖上洞庭茅屋向陽梳
白髮竹牕深夜誦丹經湧泉回穴魚龍氣怪石
驚騰鳥獸形爲問前時金馬客此間還作少微
星 皇甫冉丹陽人天寶中登進士調無錫尉
避亂居陽羨歸陽羨兼送劉八詩湖上歸航別
江南謫宦歸前程行更遠臨水淚沾衣雲夢春
生遍瀟湘客過稀武陵招我隱歲晚向柴扉酬
裴十四淮海每聯翩三年方一見素心終不易
玄髮何須愛舊國想平陵春山滿陽羨隣雞莫
無夢園集 江二 三

遙唱其惜良夜晏 高陽寓陽羨皇甫冉題其
客舍詩云吳國滯風烟中陵延夢想惟將山與
水處處諸真賞 顧況姑蘇人嘗居義興茶舍
有贈僧詩云家住義興東舍溪溪邊莎艸雨無
泥上人一向心入定春鳥年年空自啼 孫泰
山陽人嘗以二十萬錢置別業於陽羨俾原主
他徙一老姬哭甚哀泰憫然卽以所居還之
東坡與蔣之奇同第宴瓊林日坐相接爲說荆
溪山水坡公心動邑人單錫同年進士賦以錫

女妻之屬置田夫求田問舍且在瓊林宴上坡
固不妨後謫黃州移臨汝上章乞居陽羨嘗語
郡民瞻買宅聞姬哭而折券自是不復問舍寓
顧塘橋孫氏之舍而歿噫子瞻巧於買山之奇
巧於卜隣單錫巧於娶嬾郡民瞻巧於居間顧
氏巧於居停乃姬亦奇姬也豈卽向孫山陽哭
者耶 山陽孫泰以二十萬錢置別業而還之公題吾來陽羨
入荆溪意思豁然殊快平生之欲逝將歸老逸
少云我卒當以樂死 其言吾性好種植能手自
無夢園集 江二 三

接東木尤好栽橘陽羨在洞庭上柑橘載至易
得當買一小園種柑橘三百本屈原作楚頌吾
園若成當作一亭名之曰楚頌數語便是一幅
荆溪好山水菩薩蠻詞買田陽羨吾將老從初
只爲溪山好來往一虛舟聊同造物遊有書仍
懶著且復歌歸去筋力不辭詩要須風雨時噫
從初只爲溪山好却只是信得蔣先生一席話
蒙思放歸陽羨作滿庭芳一篇歸去來今清溪
無底上有千仞嵯峨畫樓東畔天遠夕陽多老

去君恩未報空回首彈鋏悲歌船頭轉長風萬里歸馬駐平陂無何何處是銀潢盡處天女倖棲問何事人間久戲風波顧謂回來稚子應爛汝腰下長柯青衫破群仙笑我千縷桂烟簪余謂荆溪前人寄題多不似如清溪無底天遠夕陽多何可多得望湖詩西風片帆急暮靄一山孤又云岷峨家萬里投老得歸無笑謂投荒萬里卜居萬里要他煩惱除是無山水處荆溪寫景鳳栖梧桐山秀芙蓉溪明晷晷直遊洞穴

無夢園集

江二

三二

滄波下臨風慨想斬蛟人長橋千載猶橫跨解佩投簪求田問舍黃雞白酒漁樵社元龍非復少時豪耳根洗盡功名話嗟乎干瞻胸中亦有功名兩字礪山長泉詩不能濟世人沉沉味寒碧元豐七年纖舟慶源亭有求書者既作數紙題其後云早發宜興飲酒一杯醺然至醉置拳几上垂頭而寢不知舟出門外泊於慶源周必大題橋頌帖元豐九月抵宜興十月六日寫此帖聞通真觀側郭知訓提舉宅即公所館不知

凡留幾日也憶買田未了賃居未了作亭未了臨風慨想斬蛟人君恩未報如何了徐溥跋東坡手書吾鄉山水佳勝昔蘇文忠公愛而居之故其名益著公之居此其事特見於文集與郡志中至訪其手蹟僅有所題斬蛟橋八字而已若此種橋一帖乃長洲李應禎携以示予者竊喜此爲陽羨故事也遂用摹刻於石

無夢園集

江二

三三

詩韋郎誇酷似情知蘇子賦歸來杜牧之詩贈李侍郎陽羨溪中買釣船序云侍郎於陽羨里富泉石牧亦粗有薄產又云義興近有水榭予謂陽羨尺水片石可珍即一艸一木一厘一畝亦可珍邵二泉憶西涯有卜居宜興詩相州未得歸韓者汝穎猶堪墓長公孫觀晉陵人宋大觀三年進士累官至尚書既葬父於龜潭觀亦葬此龜潭詩歲歲來尋墓畫春看山弄水意常新不知流水今何處只有青山是故人王居

正建炎初自江都徙居時秦檜專權公在溫
年亟以疾請辭歸陽羨初正爲舉子時耻用玉
氏說既第常著三經辨說 胡松年海州人紹
興初奉祠居陽羨之言村築室曰橫山孫覲題
波間指點見青紅雪脊嶺稜倚半空幻出生綃
三四幅遊人渾作畫圖中 呂祖泰河南人寓
居義興嘉泰元年進士論韓侂胄陳自強蘇師
旦周均書出中外大駭杖決流欽州就逮不懼
京尹受僂胄計誘之曰誰教汝共爲草者不答
無夢園集 江二

曰汝病風喪心耶曰以我觀之今之附韓氏得
美官者皆病風喪心也 蘇庠丹陽人幼爲清
江引詞蘇文忠公見而奇之客居陽羨號後湖
居士 慕容暉父唯良領常州刺史因家陽羨
居有雙楠軒聳立如蓋與蘇文忠公遊日爲雙
楠居士蘇子題雙楠軒南軒前頭兩佳水先生
撫翫常不足尤愛薰風五月初白銀花開光照
屋 汪藻鄱陽人壻於宜興莊氏愛溪山之勝
因卜居焉 周必大江西人封益國公自號平

原老叟卜居宜興 夢得云陸希聲所隱君陽
山今金沙寺其故宅建炎已酉春虜犯維揚秦
從大駕渡江夜相失小較自常州挽小舟投秦
教使入荆溪走長興夜抵湖洑因求宿金沙寺
中夕不能寐起行寺外月色翳翳然因記希聲
舊廬時予慕此山久矣望之若不可得今乃至
此 徐貴吳興人過荆溪寓久之識周砥於顯
親寺聽秋軒因定交後愛溪山之勝遂卜居蜀
山 陳儒中嘉靖癸未進士累官侍郎兼管祭

酒性惡封殖視財若仇既謝祿家益貧乃徙居
陽羨買田以給資足跡不及官府臨終見公臥
榻踈席破帷 右爲 史氏蔣弘謹妻幼寡誓不再
嫁誨子顯封慶國夫人初居潞湖宴甚有鵝自
給朝縱去暮揭竿於岨則畢集焉蔣之奇有詩
云凌風汎浪白於雲野放湖中曉至昏一舉招
旗畢來集至今人號養鵝墩 儲原善二女紅
巾亂私誓同死賊猝至家衆相抱而溺後流其
尸塋之曰雙貞墳母姚氏常夢二女魂化爲鵝

每哭雙鳩集庭垂翅作悲泣狀 陳氏王璉妻
璉死陳矢節時食醵梅吐核於地祝曰妾有三
心此核隨朽否則尚幸萌蘖尋挺生一樹右刻
右余謂先君名宦祠自語溪歸見寶帶橋大地
時俞觀察陪巡荆溪亟走告之因歷溪山各勝
虎見白岳既歸畫寶帶橋圖上郡王守許諱
申請憲檄下長吳吳江三邑僑工居亡何小地
余與賢邑侯葉侍御諱成捐貲助修橋成請觀
察記之觀察不有請諸父母詎之諸父母不有
無夢園集 江二

因刊舊記并書緣起

辛酉浙游

三月十二日練市月古樹啼鳥席於樹下聽鳥
歌進酒歌數闋酒酣起舞天將明鳥聲送之半
里

右一

武林初五日褚家塘火火二日沿門萬三千渡
江一瞽叟云是日江頭異風作三晝夜乃止

右二

十四晚步湧金扣小樵水活憇昭慶寺沽酒
無夢園集 江二

橋沉沉夜色如霜有巨艦沉於雪如玉之額絲
六橋穿湖心得月客曰和靖不云乎濃抹淡粧
臨鏡臺諸人者都不掉頭只管傳杯譏之也余
曰不然除却只管傳杯更有何事即用四字傳
三十五杯逕上柳州亭

右三

十五日渡江江頭競渡中流微鼓浪花平十八
九時六渡錢塘先嚴自暨浦來崇暨浦父老哭
聲亂江上之濤今祀於崇矣若耶蘋藻亦復不

絕

右四

過江雷電大作西與樵亭古跡西施嫁而樵也
少憇汲六眼井水憶長洲江候遺先嚴手牘云
西施美人生於諸暨嫁於長洲二百年來香魂
當往來兩國間我二人皆以簿書失此良緣殊
可尋味西與古西陵渡錢鏐王易之

右五

西與買渡水樹爭綠溪溪如畫樹紫以古藤凡
無夢園集 江二

五里風雨欲來急登岳廟江濛濛不辨其南山
雲處江迺出亘數百里產蓴絲似小荷翻雨絲
絲軟美肌理甘膩齒頰間作寒潭助以蒼桂使
公烈攪以甜蜜兒女情濃產不踰境味不踰宿
武爲語曰西施已嫁之花也蓴菜未嫁之菜也
莊亭六眼井通湘湖南中過蕭山二浮屠有鶴
鳴其上

右六

從枕席過山水陶壠平遠逸曠而金簡玉宇遙

右七

付宛委山一夢昔人云不見蘭亭胸中猶有蘭
亭則余未至山陰時胸中已饒右軍數腳本矣
高橋古木一本五大幹倒臥橋側入嚴村四山
圍抱山窮水盡忽山忽水忽山而又山水而又
水不知何道出何道止

右八

是日午睡甚酣夢延一相識劉君及予出迂又
疑非是方巾紫袍握予手登樓樓懸青絨團圓
無夢園集 江二

之下盈數十軸異卉燦目與客談罷已到曹娥
江口謁娥果一樓乍見額扁劉似夢及閱誠意
劉青田碑記乃悟扁額之劉余年家尊行而青
田先生之文應青絨云山茶花垂數百年根如
奇峯居人云有折取一花者其手自懸于樹勸
石識戒兩廡畫娥相四十二幅悉如夢孝女泉
最冽

右九

曹娥江以孝女名慈谿縣以董孝子顯名余讀

漢娥碑及漢旌孝二詔如見古人以孝子故慈其母兼慈其邑漢家宏遠夫孝子勤汲於遠樂母嗜泉隣母以覩其子隣子忿毆死董母孝子初引刀斬之嘆曰豈有無母之子哉仇母既死又引刀斬之則曰子不竟服親之喪猶無子也又三年始加刃自伏法原其罪孝則孝矣母既死矣故謚其邑以慈不以孝憐孝子也白孝子也孰若娥與父長枕江心劬勞寤歌乘清下土也歟哉

無夢園集 江二

右十

據壁上圖曹父以端節戲潮死孝女年十四先割股聞矣初擲衣於江叩屍所泊抱父浮於江面岸旁晒之娥復投父於江負而起明有禮也娥既死沿江盤旋再逆流而上其屍屍猶負元選姬嬪一姬禱於祠孝女爲改其容姬得幸予封

右十一

娥江手可招而渡山甚逼過梁湖予自錢塘渡

西與宦於浙者主家巧袖豐梁湖不聞有此

右十二

四更過上虞壩枕上乍聞鑼聲舉鏡舟動漸浮船底微吼吼不已如怒虎如悲驢人語雜竹索

右十三

曉過姚江中壩則立於岸水懸壩丈雙建表而削其石挽者以索繫船尾三掉而首昂甫上石與木憂木與舟憂底平首尾皆躍首止而尾三掉長年雖伏速從伏起持篙急下舟勢搖山疾

無夢園集 江二

行如矢

右十四

浙東船圓爲覆方爲載余名曰混沌若無伏羲一畫太極幾乎悶死推蓬展視義畫儼然四過壩乃知混沌船之妙

右十五

姚江舊城倚龍泉山宋高宗幸而美其泉行一日水寬平山委蛇波瀾宏濶四壩從下而上近城九里謁宋石將軍廟將軍旗翼揚浙中破虜

簪贊我 文皇帝親征沙漠茲土者有自漢
浮水錢清湧潮之異樟樹可數抱

右十六

舟泊天寧寺步寧波府前見太守一童生告示
大妙據呈一卷也而或稱姚以忠或稱姚以孝
忠孝豈能兩全某縣重生其出鬼入神乎不
失笑

右十七

步月湖微雨呼小舟上四明驛樓烟樹滿湖
無夢園集 江二

長四沙夾竹爲牆多置樓上可琴書下可舟楫
此墅彼祠賀知章一椽仍奉香火湖可乞炊登
延慶壽昌天封三寺延慶寺後入永巷忽有池
池後觀堂堂後方丈寂無人聲天封塔上定海
招寶如几案乃從日湖歸

右十八

夜將爲奉化之行余自入浙東評山水紹興
鎮姚江平遠鄞奉化瑰璋錯繡如絳霄天半起
伏萬重張帆趁潮尤愛風棚欄坊橋溫台孔道

盡樓二十二間山四遶漁父立橋柱迎潮布網

右十九

宿沈家村雪竇茶笋佳次晨駕小艇二十里觀
金鍾塔岳林寺栢岳林晉佛涅槃地示寂柩已
在封山以袈裟乞居士地布裝六十畝居士曰
某塋域在此乃爲割裝一片化身入閻晉天福
寄書莆田令遣岳林寺僧自題曰彌勒真彌勒
化身千萬億是時現時人時人俱不識復自疑
云卽此是真不得更狀吾相然後知其彌勒也
無夢園集 江二

堊於殿中永樂現形稱奉化縣布袋和尚鑄像
送山始見水碓

右二十

途遇一人執余裾問云公何地上任曰非官
看命麼曰不會然則何來曰看山水其人呵呵
曰這是一位堪輿先生了

右二十一

坐封山活佛道佛一僧云鴈蕩山石屏有龍鼻
是羅漢題詩以筆蘸鼻之一孔曰一筆點乾龍

鼻水方覓句俄見石屏裂開卽續曰等閒題被
石屏風今龍止一鼻滴水愛其言記之

右二十二

余在梁湖見主人質朴曰袖豐其少衰矣及到
奉化問主人安在梁夫人與令郎同聲荅云臨
海縣打袖豐去了

右二十三

立王尚書鈐牌下憶

世宗朝天下清官王鈐石簡忽聽其孫偕登官

山謁建文死節戴探花宗彝祠瞻表化臨海鈴
鐸相聞方正學手可招戴公

右二十四

海味江瑤柱第一出奉化惟清明時有之大蚌
尖口其肉可鮮食次青鯽若寧波以來蛋徒
鮮鱸鮮淡菜慘魚墨魚皆美時正盛

右二十五

自奉化登陸至臨海三嶺初桑隍嶺坦過嶺繼
棚虛嶺少峻嶺下海濱二石曰石孔山海之星

也而象山遙見漁人立蒹沙中布網海山晴霽
波爲不揚忽山高烟起乃峰頭火燃航炭於海
塔珠嶺額曰台東第一關四山陡絕奔如萬馬
下分田畛宛然深隍山鵲野蒲風飄異香

右二十六

所過其溪橋十二竇橋皆勝人臨海有義井題
曰十族芳名隨正學子秋義骨聚重泉乃方正
學八百七十二義士瘞骨處也

右二十七

無夢園集 江二

過江以來男子勤而女子不出闔地無遺利人
無遺力山頭亦種芋老僧亦荷鋤越是以多君
子也

右二十八

路逢一客云世間事無全美北方坑厠少生祠
多此中坑厠多生祠少此言有屬吏治記之與
夫問余云科場文字如何做予曰有題目就做
文章與人曰若要文章字字在題目內真苦殺
人了此言有關作文并記之

右二十九

晚由西門禮正學先生祠左祠以文學余保孤一以進士育孤二以寧縣尉藏孤者一以浙金憲放孤遇難者一右祠四人同時同里久難諸君子也龍山舊祠先生移而之城

右三十

出城有古岫嶺自午炊後入松門關渾如隔世事略記得梁隆山雄奇望葛僊翁學士坪煉丹井窺其下子孫居者萬計孤衍四十猶沿晉代無夢園集 江二

衣冠山瀾馳至處水堆八九

右三十一

過江晴旋雨紹興雨鄞江雨奉化雨皆以舟縣奉化抵崇法寺五嶺三過嶺而微雨就宿越明日謁正學先生山雨欲來強止微風又晴

右三十二

初登松門嶺側瀾澗水白如雪聲如雷一峯起一峯折一峯委蛇相抱一峯欲落不落一峯驟來海上躍半空步行五里如擁翠屏百里之內

擁玉京肘腋間遇隘石爲關飛鳥不窺俄焉旋碧散爲村落題曰愛山真堪愛頂種竹萬竿新盡龍孫皆雄老不可逼視路多虎跡遇斤竹嶺老僧真源坐關余曰此謝康樂所游地也老僧不識一字曰這謝康樂就是老先生姓名否山頂有墓有田牛羊下來千仞之嶺爲畝爲澮墜乎越之勤也獨苦竹山而已哉

右三十三

由斤竹嶺而下爲湧溪輿人云前有崇法寺臨海天台乘傳至者多就館苦刈草秣馬詰朝徑去或竊其什物當事者特未之聞耳

無夢園集 江二

右三十四

由湧溪上輿人號傳一里卽崇法寺余行半里絕無所見則指亂山頭樹木曰此卽寺矣本從深寺叢中左山圍蔽三折而上始繡繡之內寺寺而經堂而左樓居然一布金地初澗逕下乃砌而西出接竹灌田一聲清磬滿地香草池有四季竹又其上爲大樓溪云

右三十五

莫上天台路雨脚酸如醋村語也余不然山有
葛公妙儒菓也松門嶺有執雉以市者湧溪酒
亦不惡過嶺數里路皆精砌

右三十六

崇法寺而下岡巒隱伏澗流三十餘里其巨者
爲大樓溪時見山頭飛瀑數百丈或寂無聲或
憂憂不已慧明寺在焉抵縣將二十里平曠廣
衍至永清橋沿清溪市有後以道府駐霞莊樓
無夢園集 江二

正對赤城山呼酒與落霞共醉時三月十三日
初入天台路也

右三十七

次日步妙山山在邑之東祀張睢陽西峙學之
文峯或日色橫列街巷三段如乾卦像

右三十八

雨中在霞莊樓一無事事雜取游覽之所得者
記之

虞淳熙序方外志雲雨慈味笙簧道聲虎落時

開鹿柴不守笑司馬過橋之悔嗤阮客還家之
悲

屠隆序釋氏教宗自智者大師傳四明尊者爲
教觀禪宗自雪居韶國師授永明禪師爲宗門
五百應真化方廣寺彌陀一化現國清爲豐干
文殊普賢祠化現一爲寒山拾得一爲戒闍黎
周七娘仙宗帝命周靈王太子晉王桐栢宮後
劉晨阮肇採藥遇仙唐司馬子微隱此山受度
黃詹公宋張紫陽真人闡悟真之旨王過少許
無夢園集 江二

玄度輩從剡溪入此山采真焉

無盡序東晉曇猷棲神蕭梁定光顯主暨陳隋
智者立宗命教海內以爲指南

山頂對三辰當牛女分野上應三台西城記本

云震旦天台石橋方廣寺五百羅漢居焉華嚴

云東南方有處名支提山有菩薩石天冠與諸

菩薩眷屬一千人常住其中支提卽塔惟東南

方有赤城其形如塔巔又有舍利寶塔卽赤城

爲天冠住處

自荊州南岳東至度嶺北繞匡廬南盡羅浮中
則陝越抵武夷常山又爲水所分溪左浙西溪
右浙東過爛柯太末至括蒼起頂南直仙都石
門玉甌屬蕩海門抱於台之東南北支金華屏
峙於台之北正東一支至大金山一化爲玉山
一化爲天台玉山又爲兩支北支衍爲會稽泰
望蓋自九里坑發源至嵯嶺出曹江東支過關
嶺復結爲天台若天姥有石城胚胎自萬年藤
公嶺發脈已爲仙人浪黃杜溪菰住是天台西

無夢園集

江二

三

北幹也關嶺過脉處北以黃杜南以左溪界水
極分明台山峻拔如海中巨浪陡然一躍纖悉
頓足前後結爲九大峯每升其嶺皆可數十里
如在平地山無背向四面如一山有八支八溪
爲界以華頂爲車軸山周遭如八重輪亦如八
葉覆蓮

赤城其南標石城其西固東蒼其肩四明其目
骨肉不偏形神俱妙

南門一支取華頂直道以南巖溪爲界自赤城

山 國清寺 金地道中 金地嶺 定光菴

真覺寺 佛隴大慈寺 太平寺 寒風關

長壽寺 文殊寺 西竺寺 察嶺

南門二支取華頂迂路以礪溪爲界 清心寺

傳教寺 礪溪道中 幽溪嶺 高明寺 清

涼寺址 螺獅潭 黃潭菴 聖蹟內外菴

東門一支取華頂直道槎溪爲界 慧明寺

槎溪道中 顧歡隱處 天封寺

東門二支取華頂仄徑以水溪爲界 王春山

無夢園集 江二 三

斤竹嶺菴 彌陀菴 仰天湖道中

北門一支取華頂峻路以羅木溪爲界 澄深

寺 摘星嶺 大同寺

北門二支取華頂險以福溪爲界 金庭觀

福溪觀道中 慈聖寺 石梁橋 斷橋

西門一支取華頂迂路以開溪爲界 青浜

布水 玉女溪 瀑布寺 福勝觀 桐栢宮

瓊臺 雙闕 護國寺 桃源

西門二左支以黃杜溪爲界 石城山 石佛

劉阮村 司馬海橋 金聖嶺 彩烟山 天

姥山 石梁道 僊人浪 應心泉

西門二右支以秀溪爲界 關嶺 白巖山

秀溪口 龍湫瀑布

西門二支直取華頂 萬年寺 鐵船湖 羅

漢嶺 通玄峯 香爐峯 華頂寺 華頂峯

二岐路一至會聖由小路上藤公嶺與萬年會一至萬年過道人坑先往石梁至紫嶺頭會

徐大受賦張無夢結菴雙闕云大壑之心瓊臺

突起嵐光破綠狀如削瓜 石梁現光現花佛

無夢園集 江二

三

隴見橋見嶺 東橫山台山之脚有新婦巖下

有石鴨相傳水打石鴨頭此地出公侯 九峯

山在瀑布寺前義之與支遊焉 蒼山鳴海

山吼必大雨 寒山子蛻於寒巖梵僧拾其骨

曰吾拾文殊舍利也龍鬚洞巖竇間散若亂髮

明巖寒山詩重巖我卜居鳥道絕人跡 寶

峯山產花乳石李德裕詩聞君采奇石驚斷赤

城霞宋林逋謝天台僧寄石詩斷石自何評枕

之懷赤城 華頂峯周一百里夏有積雪 蒸

餅峯在石梁北僧曇猷訪方廣寺有石如屏號

蒸餅 天台本東海島嶼獅子岩下有竅日初

出光入隙中謂之日窓 翠屏岩山勢中立如

案兩端畧起似展誥軸名展誥屏 石筍岩在

螺蛳潭上根入潭數十丈尖如筍如紫箬之將

解 關嶺宋令鄭至道去任邑人至此不忍捨

因留家焉羅漢嶺有巨杉大百圍凡供五百太

士集此嶺 赤城玉京洞許邁嘗居此與王羲

之書自天台山至臨海多金臺玉寶仙人芝草

無夢園集 江二

三

其下有洞二百里魏真人所治吾宋暨唐天寶

嘗以日中星鳥望秩此山宋咸平天聖中屢投

金龍玉簡 宋景祐中僧明照見劉阮洞口金

橋跨水有二女戲水山元祐鄭令至邑夾岸植

桃數百本構亭浮杯 蓋竹洞宋憲使何偁夢

遊其中訪之不得 聖蹟石一石如僧履一石

如僧袂 五百羅漢泛海至此船與物皆化爲

石有覆船山 雷馬山有潭以縋懸桅至山半

又挽而下方到潭測 黃壇潭智者放螺處今

巨螺浮於潭之石筍每鳴吼有大風雨 船湖
在羅漢嶺下以水寒不花 昭慶院三井唐宋
嘗遣使役金龍白壁一井觸於尼而塞 墨戲
洗腸處井邊生青韭仙人井飛流噴沫俱在赤
城上 應心泉在萬年寺泉爲賀允中出苑中
自記 放生池陳大建十年智者置亘百餘里
初禁採捕紹興置放生池縣前五顯廟前有石
碑 金錢池在赤城曇蘭誦經有神獻金錢像
棄之池中 就下爲田依崗爲地龍神窟宅風

無夢園集

江二

三

雨無恒晴多則禾不秀雨多則稻少實故僧寺
簷而僧德涼 大建七年智者初來宿石橋見
三人阜幘縫衣老僧即定曰禪師若欲造寺山
下有皇太子寺基捨以仰給三國成一大勢力
人能起此寺寺若成國卽清後將滅時爲宮寺
基畫或因囑書貽晉王晉王命司馬王弘依圖
造寺創寺後開東宮後煬帝以智瑛啓定光見
夢於先師當呼爲國清寺後燬而重建柳公權
書大中國清之寺天台佛三字建炎重新之詔

易教爲禪禪教互爭寺僧相擊雨華亭萬工池
遂廢 大慈寺所書虞世南華嚴經紹興中泰
檜盜去 天封寺智者遇一老父告云師卜菴
邊盤石可止遂結廬焉自號靈墟註涅槃經於
此 萬年寺有親到堂取仁宗賜衣時如朕親
到寺語 廣巖寺寺鑄鐘不就老嫗施一錢
投一錢冶中鐘成而錢宛然在焉曰貧婆鐘有
懷容羅漢真身 高明寺智者講淨名經風忽
飄去杖錫行五里經憇此寺稱淨明堂名翻經

無夢園集

江二

三

寧國寺智遠結廬每誦經羣鶴翔空紫雲覆
頂 開巖寺梁普通三年異僧肇開此巖六瑞
繽紛如雪賜額天花尊者開巖院 金地庵梁
大同初定光居之枯石數片爲招手石古語云
定光金地遙招手智者江陵暗點頭 宿佛菴
在四顧坪佛樹僧居之張承祖五百像後有徒
掘得白磁瓶一并磚刻心經題沙門佛樹 桐
栢官永嘉元年征虜將軍沈約一千餘人棄官
乞爲道士居之唐肅宗景雲二年勅爲承禪置

觀五色雲見禁封內四十里無得樵採五里不
許遷葬醴泉愈疾道士徐靈府故居有黃雲覆
其上 福壽觀焉玄飛白書王右軍評其書如
鳥鵲勢塞上有三井洩爲瀑布有濺珠亭引瀑
布灌池塘刺史姚鵠建老君殿得玉簡上之刻
曰海水竭台山闕皇家寶祚無休歇詔付史館
宋天聖間遣中侍投金龍有布衣孟合附詩以
進嘉泰二年令丁大榮立碑刻習養之瀑於石
崖 晉墨猷釋者興寧中至天台山赤城有大

無夢園集

江二

五

神居之言輒出宗遇一姬問途有投諸淵者飛
錫救之水立涸名乾溪坐禪猛虎數十蹲前
如故一虎獨睡以如意打虎頭問何不聽經皆
去大蛇競出大十圍舉頭向猷半日乃去後一
日神現形曰夏帝之子居此二千餘年今去寒
石矣猷行石橋橋斷聞空中聲曰後十年自當
來也乃憇一石室室中盡鳴屍猶平生義熙隱
士褚世標見師不朽其後欲觀者輒雲霧蔽之
梁定光姓許字靜照隱佛隴三十載迹晦道

明智者未至前二年預告山民曰大善智識當
來相就宜種荳造醬編蒲爲蓆更起屋待之且
坐減凡三瘞龍骨涌出後置殿乃已 隋普明
禪師依智者國清講堂狹小欲廣之俄而荊州
都督周季節施杉柱泛海而至章安在赤城忽
見師身十餘丈高出林表 明淨禪師山饑乞
飯遇群虎張口閉目若有饑狀淨以匙抄飯內
其口中 周七娘夜臥普濟橋下每與戒公同
遊歌云笑殺愚癡漢管家無歇時四山若窅後

無夢園集

江二

五

妻子各分離與戒師同化口生蓮花有異僧歌
戒師文殊周婆普賢隨肩搭背萬世應傳
赤城國清狎虎如犬識其居數其齒僧謂余曰
今智者經行虎必出矣敬合掌賀余曰好事不
如無天王曹源二井泉色白而味冽問所謂
率臺更好亭新羅園麗夢堂塔銘古竺樓大半
蕩爲冷風嗟夫智者之於國清寺也以不見寺
成瞑目爲恨而詔命司馬王弘依圖勅造今數
經兵火舊觀未謝方其未至定光豫勅山民種

豈造營紹蒲以角之群盜見神仗而不入白塔
因新剎而放光區有不滅者存今廢而爲古石
門萬松徑止觀亭也其蹟可攷也垂成而復廢
爲萬工池也其泉可潄也潄則雙澗匯而萬山
之水不泄也垂廢而可枝梧可鼎革爲天王殿
雨花亭也雙澗自螺溪源出龍湫過湫入放螺
處有巨礪水溢二丈戛於橋面中峯如飛鳳七
塔之上山關一面積土成崗樹樹合抱雄楓臥
於道路最奇者菩提印月謾謾長松鳴澗旁雙

無夢園集 江二

三

松忝天鱗甲飛動 大松枝如天龍之伸臂墨
雲亂淩又一松方作虎蹲勢忽地附道旁而上
其枝空中如舞蛺蝶百智者示現乎

象山龍射首其一目龍怒而覆舟 招寶山氣
象宏濶國初守海不於象山而於定海 象山
似筍其海由寧波台州而環旋 高高翠微裡
遙見石梁橫蓋從新昌路入也不知者以爲謬
石筍有一峯每一重土外一重石溪中屹立
石筍上有兩尖如竹之未解箨者 樵徑三十

六盤皆用木渡 笋峯似小五泄一級一泄
天台可圖騁蕩不可圖 天台唐詩多未入刻
者 山多藍鵲 金地嶺因霧壁不見 龍湫
瀑甚長 華頂望諸山如海各溪不減長江
山如人面要取活意 看青巖江流甚曲 寒
山拾得開山智者中興 山中並不見有山人
來 石碓臥松在國清瀑布下 啗蔗嶺竟至
縣 國清下兩山分一澗中流行數里過一橋
澗乃在左 尊萊不宜用鹽鹽則消其脂 瓊

無夢園集 江二

三

臺下二三里甚妙

游馬鞍山記

子建怨詩願爲東北風吹我入君懷齊齡有將
心流影之句白也愁心遣寄夜郎嗟乎自古丈
夫不得意空教風月一番忙癸丑春旣出長安
門雨桃花微酡霽山蒼然漠漠平沙暮烟欲直
距蘆溝橋五里慈雲庄老衲舉手招兩就宿月
出空庭踏月三更雨寂歷和長樂鐘吹殘夢晨
屏奚奴戒裝四十里外予與家仲款段行烟巒
襟曉吹遠峯如林所至里爲築菴石代瓦鱗十

無夢園集 江二

字

五里綠楊垂曳鄉心搖落坐酒家胡孔道良鄉
車馳穀擊間行小山夾路又五里至馬鞍山嶺
陡絕樹襍崖傾蔽日虧月憇永壽禪林壘嶂前
屏蜿蜒其右出盤磴青苔古色山翠自落憇掖
行逢歌者歌易水不許彈狹不許操燕趙女爭
瑟則浮白客惟之余曰兒女真英雄偽戒壇峙
巖左詢故歲選律僧傳戒軌法詔華四月八
日觀乎不女只且不士禿僧敗妓宣淫無憚猶
出少府錢謗法宜誅壇面山雙浮屠障之僅掌

其內天龍人鬼森侍明燈異香遠從諸番出婆
娑松下千霄交枝類偃蓋燕都異松三報國寺
高才勝人生綺谷家馬鞍秀岩阿潭拓寺老禪
揮塵品松潭拓最左磴嶺千佛閣松梢盤玉露
禁城春色杏靄間二之日重游西山來青山似
萬馬西來顧其奔騰欲盡雖饒秀色不堪遠味
此中使我作關塞極天想崇山峻嶺相去寸數
茸翳類焦山隆半之圍三之樹十之鳥百之
其下幻上人安禪處正觀人一名飯祇垣精

無夢園集 江二

三

舍罷出其藏衣鉢頃已亥飭尚衣司視謹疲馬
山行愁日晚足下有白雲已履屐其巔則里數
以七靈洞以八紘宇靜室間決策往抵上十方
禪寺石瑩而黝洮遠山數百里陟觀音洞洞口
維摩半室局有茅數束亦無鳥雀糧隘遇樵僧
數輩勞乎曰槎枻數樹石田半區饑飡野蔭飽
臥白雲賓送日月於林菁之中老此足矣遠望
一僧棲樹頂剪香芽俄下揖予入化陽洞紫藤
壽百年鐘鼓不鳴老僧龍鐘臥持炬洞右入始

石級漸土高下深百丈上視沒其頂下視滅其
屨岸巾袂袒裼從事二里龍躍而出指爪鱗
甲奮有魚揚鬣巨浪中一獅跌而仰其膝欲吼
視之石分子布筭黑白道曰仙人杵有峯四垂
去地尺昂其首則甃低其膝則黏與類寧黏曰
倒蓮石入小天門壁如漆夏淋曰澣珠石再僕
至大天門廣袤古佛危坐瞻禮而出有天穴池
深洞陰沍乳滴地爲石歷亂峯大噪始揖衣下
不敢仰視忽凌霄漢虛空選擇成觸如來若來

無夢園集

江二

五二

若去昔坐若臥洞容萬人或曰厖涓洞無考然
兩山之間夾成蹊車不方軌古馬陵道云朝陽
諸洞居嶺孫武子洞山之半化陽洞最勝

游潭柘寺記

出化陽洞之夕客憊余曰山者人之骨奇者山
之骨招隱記云不如叔父大麋肉人耳好山明
媚可枕可漱肉山耳躡雲根而人骨聽虎嘯而
山骨客奮循修嶺下行爲平原俄高阜歷阜峯
出沒如指十里馬鞍山金碧背射歷歷數松梢
不聞人語響迷往一遠山牛羊下來詢童子臥
牛背荅五里惟有麋鹿跡黃犬導之前森壁爭
霞孤峯限日二里守塚戶兩三家手指尋昧昧

無夢園集

江二

三三

雉飛者三鵲巢於石蘿徑野兔橫轅十里落日
半啣四山欲瞑俄衝關長楊夾道青松間五里
定國公城兆小橋流水四達家人出逢老姬曰
東雨作二里余仲偕客不知所之路石石磴騎
步夾雨益注鬼火不青三里瀑訝何道出俄烟
突半里至額廟道士臥強起曰前三里敗屋鱗
喜得寺狂呼隙入古屋窺松鼠聞無人驚悅見
道上持挺下曰我家平原村一里三古幢迎馮
首泗水蛇行躡起躡始寺泉益迅由香積厨渡

欽鴈匯池沼如沫如珠如搖珮如鼓瑟如風擊
竹雨淋花月皎皎諸琳宮閉山杪牆如帶僧迂
日豹來夜非挺不行趨入鍵顧余仲後忽嘯岩
谷延之入復鍵坐大樹下月無纖翳濯見水壺
芍藥蓋幽卉襟左植櫻桃歲進因憶漢明時宴
羣臣大官進含桃盛以赤瑛月下同色皆笑空
盤此景依稀似飯寂公房以山花膳問寺何年
曰寺五百載而幽州始禹貢去都雉西北七十
里山故海眼壤宜柘柘老潭枯始龍穴大殿中

無夢園集 江二

三

華嚴師退之二舍兩巨角躍而出寺困水迂龍
入嶺水從嶺下山主定國公域產狼豹牛馬不
得畜故築城障之猶獲初額嘉福改潭柘龍泉
寺改大萬壽寺詳大定間蔡居士楊節度記晉
梁唐宋代有佛日廣慧雪洞無初諸比丘而從
實廣惠善海通理益光顯之元至正間雪洞賜
御酒皇姊公主致膳東宮命談禪禮數異

聖朝太宗遇姚少師處

英宗詔廣惠戒壇遊跡罕遼金元皈依最泉潭

溪寒枕簟晨觀兩巨角峙殿之巔長及腹倍獸
蹲踞欲躍爪揚吻張出其鱗之而眼抉其匪色
似鳴累朝模範不就吻不張鱗不出眼不抉其
匪色似不鳴不蹲不踞四壁藻以水墨蕉竹坐
華嚴師騎老龍陰霧霽霽起澎湃生虛壁庭松
摩霄一枝倒挂左殿蔭碣上蝌蚪古碑一道磨
辭讀之云從顯宗皇帝幸潭柘龍泉寺奉旨作
頌臣僧重玉進曰一林黃葉萬山秋鸞伏參陪
結勝遊恠石爛編躡玉虎老松蟠屈臥蒼虬俯

無夢園集 江二

奎

臨絕壑安禪遽迅落危崖瀉瀑流可笑紅塵奔
走者幾人於此誓心休明昌五年記餘不勝錄
有元至正八年碑紋如霞扣之鐘信州葛天麟
記履屨爲三聖殿唐鑄石彌佛最古黃連樹跨
兩石坐根苗露寂公採而啜予曰代柘折而左
磴禮白衣大士殿經藏週如棹檣藻而麟之胡
元父子姑婦侍青蓮座下右靜宇演僧居之左
峻探泉根負勢競上互相軒遶泉水激石冷冷
作響余最愛碧雲泉泉道坦四三折此峭下澗

皺石盡數百折天穴云牆外有僧結洞茅異狀
碑處出山尾山導走良鄉止形隘伏蘆溝橋一
帶皆然別有天地余屏奚奴夜入狼豹藪中遊
僅兩日計而再月則四之四陰晴則六之余骨
山山亦骨余肉相者退矣在白衣殿中見雙履
跡匣而襲之曰妙嚴公主膝有序而贊之者序
曰夫差遵父命而亡越勾踐嘗胆而亡吳伍員
之離楚國申包胥之哭秦庭皆苦心志勞筋骨
絕歲月忘寒暑而後願有所克今睹此跡逆想
其來以有情之踵磨無情之磚磚穿跡成雙足
宛然使人見之不覺身毛俱豎意慘情悽則四
予心力所積視此足力淺深寧有優劣哉贊云
以踵摩磚磚漸易磚易精進猶未止磚穿大地
承足底地穿有時人不見我獨了了無所疑因
之耿耿生悲泣嗟乎吾悲其意而錄之胡女子
有骨哉

無夢園集

江二

三

遊嶧山記

踰鄒縣城二十五里爲二家店距十里嶧可開
道登日之夕矣亂暮雲而入里長者云道隘曉
嶺宿晨初日分陟彼土祖中斷若門闕土人呼
紀王城漢志山下故鄒城郭遷嶧依山爲邑紀
在東海嶺榆蓋春秋紀國何居然嶺有紀王墳
下有紀王礪慈彌陀寺左觀風亭當門古幹鱗
張鬣舞揖魚龍鳧紫連青鄒邪諸山東吸海其
北延月臺右一石鏡而立猶雲蒼翠其上庭
碣大書鄒嶧書門三代地里書始皇乘羊車命
李斯刻石曰書門蓋嶧居太山鄒邪會稽間問
所立石宋元祐移置鄒學宮奚居玉海齊乘晉
永嘉亂建興元年中書侍郎鄒鑒從鄉曲于家
鄒邪王府以鑒爲兗州刺史山南大峯名鄒公
嶧云左周邾文公祠茅成子配茅成子者主益
見執以束帛乘車請抹于吳不泯其社稷文公
一言恤民祀之義飲彌陀菴大都岱宗海上來
涉長河結爲峯左帶嶺東之東蒙遠山數百里

無夢園集

五

六

秀出千芙蓉太山西南至是而盡六山魚貫從
泉流數十道如一浮漚窮盡瀛渤環山皆洞洞
挾風雨負紅日上七里輿十里步步肩人足而
躋下五里步三里蹀二里緣石髮髮竭行鳥背
輕翠微者曰山遠翠近則微石而面目之介異
之匪盤之門闕之止其奇以躡以攫以噬以冠
飾以披鏡以蹲舞以見孫以徒妾止洞而乳之
鐘之穴之池之廡之止又其奇以奕以吟以嘯
止峯起伏肺腑藏在中竅穴居外止又其奇如瓊

無夢園集

江二

四九

瓊籠眼如如來屈指爲光明拳兒女嘯嘯語止
余所見峰山小者星墜大者雲奔墜者上奔者
臥懸崖石覆似鈴中舌其二砥其八垂霄漢下
去地淵層疊上去天咫尺半石竅尺路半以寸
石甃中長緋桃蘭草合抱之木遠不見稍顧從
石底數其根如噉虛空石崩路絕以手指月亡
失月輪亦亡其指怪異屈伏舌吐不下將巔余
憶郭公山晚眺金鰲珠闕鷗鷺咽暮嘲以水圍
勝之及登望海石東海一杯水落霞欲醉觀

矣是日飯罷游盤龍洞三折肱入有泉貯水
僧焚不涸如器中鐙聲出于外音韻倫次三石
夾一石懸之爲鐘豐下銳上無鏤奇篆下垂
絕鐘前臥石疑魚龍聽法如是天人圓光成音
披音露妙折而上飛雲洞峙天門試劍兩石下
洞瑩微日射綠樹交影出由山東面折而南又
西旋之有亭坐泉足下流一石可桴至大通巖
朱櫺洞曰真儒境祀孔子蓋崑崙之東爲岱岱
南爲嶧二山之間秀所鍾云嶧陽孤桐見禹貢

無夢園集

江二

二

入孤桐寺予聞桐枯復生萬曆十六年桐生枝其右孤桐
榭半幹大石屏之書嶧陽孤桐訪金仙洞泉曰
甘泉或云桐可令抱一幹挺上丈一大枝橫直
贅于枝上者三高三尺丙戌存萬題後老道士
曰山靈忘名將隱矣無幾而桐枯或云孤桐者
孤生之桐非孤樹也孤生朝陽四無陰翳故名
及登險腰半足試劍戟翼舉則胸鳴背負則色
土邪覷則鸞龍悅而窺吾足步片石橋一線孤
懸躋止輦過橋石盼隱仙洞洞壑登一鑑亭池

曰龍池一石跨水長蒲蓮蘋藻青鳥飛跼石墮
亭之三池映其一而從小隄曲沼入觀音菴俯
視一鑑亭影零亂池中瑟瑟如夜塔急雨菴之
北石菴舊亦曰蓮花池數里歷覽扼險處如追
如奔至青華宮西三里仙人宮呼吸之氣通帝
座西仙人洞元時仙者居之然余覽洞中斷石
有元祐七年像紹聖四年帖云洞廣二十丈形
覆釜背一峯如丹鼎洞負鼎而開鼎上有九峯
峯頂彈丸元明真大師通天大師安然子真真

無夢園集

江二

三

通教大師遠塵子皆碣青華宮之巔爲冠子石
望大風口冠子在其足矣三里泉喧夕照乳峯
明滅雲駛月運舟行岍移爲撞爲刺爲射爲括
如風吹光如刀斷水梵唄歌自然敷奏從白
雲宮來十五里而響徹林木池沼皆演法音余
臥梅樹下如聲度垣了無所礙俄有挾予袖上
白雲宮者由掬龍洞坐來鶴菴渺渺平烟悅視
羣峯落星不可數沉日欲低猶在千巖上五華
峯懸而瞰西峯平而揖之躡石級禮玉皇昔遠

塵子潛修于斯東遊海上見帝像自海浮出及
還像端然洞中異而祀之結茅爲居其中自雞
犬飲聖水井在宮左自洞出宮有雙松倒挂一
枝仙人伸其左肘右道藏閣下追塵子押記書
延祐十年泉曰冽泉素湍淥潭迴清倒影出坐
遠塵子白日飛昇臺面獨山河東襟海三子峯
峙雲霞山半稠畧見近山峯頂田疇如薺石八
二老坐六子立曰八卦石山中有雲不絕數十
里羽士家雲中余所歷老君礪大青巖小青巖

無夢園集

江二

三

五老石東倉口西倉口皆異循五花峯道石巖
尺積阜委蛇攀輿夫足握草根登五花懸崖如
砥石覆其上尺瓦承之左望海石巖氣千丈騰
躍欲上右紀子墓桐陰布結清露晨流撫琴動
操衆山皆響去白雲宮里許云下南天門雄勁
而隘石高三十丈廣半之披剝萬泉一山咽喉
云臥虎石踞門外可坐泗上十二候鮮食字以
草攻之雖畫出有石如鼓將士曾鼓欲鳴雲騰
鳥飛風動塵起

佛言一石雲湧駭浪三青魚鼓鬚噴霧下泉
皮礪或曰神僧解其皮處始陟輿步半舒眺及
下足刺刺進則謀人僕痛退則謀馬馬瘡所遇
石曰龍靈曰鶯嘴曰門曰猴精曰滑角曰靈巖
侯曰虎皮石曰書洞其可封秩者以百不以封
李杜主詩壇顏山上奇石上官儀居仙人宮宋
沈葦擬詩紙片片下一奇也石坐五千人者十
生萬人五歷碧桃菴南華觀徐八寨二郎宮透
丹峪囑陰臺麻楷苑嘗聞嶧有樓觀七十二然

無夢園集

江二

三

如書門郗暉者已化為飛塵蕩為冷風矣日下
春榴花交路人紀王礪老僧曰王修行處出山
土岡綿亘邑人曰紀王城而博聞者以為謁凌
高諸亭題詩惜不盡記東方巨鎮宗岱宗羣山
列岫臣妾同西南特起一巨峯却立不屈如英
雄趙孟曉臨四顧青天近暮眺千峯紫氣含
仙人樓觀七十二濯纓尚有當時泉始呈羊車
去不返書門題石空宛然近魯郊空且曠目
力不可窮條見千仞青橫截乎其東羣峯相後

先蹲踞如兒童吳茲山何萃萃秀色參青天紆
迴帶洙泗淮徐挺其前徐畢萃峯巒切帝居石
門遐眺見青徐琅玕拔地千尋起菡萏籠烟百
色舒平野遙連邾子國荒苔誰辨客卿書名山
不少遊人跡若個登臨是歲除某河勢遙分
雙白練山形近作九青蓮又滄浪如衣帶半挂
青巖色又落星不到地累丸不到天玄圃亦已
幽羣玉亦已顛金華牧兒何吮轡一入紫壇無
何有又深林已盡鳥不鳴攀緣猶訪白雲近

無夢園集

江二

三

行狐狸穴姬壠狼島悲中落若水花開絕巘奔
愈遠沼出層崖地自偏錢達石上已無秦相字
巖前獨有魯儒祠梁萬轉千迴路忽迷盤蛇
一徑誰能造李化大地烟霞三觀接長淮風雨
二陵來黃克山勢雙蓮蓮時河流一酒杯朱長連
雲迷漢渚到海避秦鞭又懸崖虬磴折出壑鳥
聲迴春長停雲曉亮亂別澗飲虹雷張鶴斷石
豐薛迷小篆層崖落露瑣孤桐先胡壑萬壑響松
濤飛流掛巖谷又紅退火龍甲綠明翠羽輪

孤柯搖落霜林白
 雪夜喧喧夕照紅
 老雲爲屋山深酒是霞
 琴成半死孤桐樹
 碑滅全消小篆文
 石花帶雨青初密
 凝烟色欲霞
 人自山腰尋洞人
 僧從巖底結茅居
 絕頂石崩如斷路
 半巖雲起忽成峯
 邃洞有天通巨壑
 豁崖無地敵危臺
 壘來空世界孤桐枯
 去鳳來無
 天接山光
 碧石妨洞影孤幾點羣山小
 于巖落日低
 泓聖水隨緣酌萬劫神光不住心
 惟餘千載
 無夢園集 江二
 心散作山間雨
 石落不落懸崖鍾孤亭
 孤軍千秋桐
 在臥虎石磨崖上
 字峯回瞻
 島道徒倚上天門
 榆莢漫前浦
 桃花述仙源
 決去杳獨嘯環海見危垣
 暫喜離塵想焚茗
 〇〇
 〇三
 靈跡遺往代者舊
 〇春情雨霽浮雲歛
 風和芳草生探奇經虎窟
 攬勝聽龍鳴
 欲覓飛昇處
 海空落日陰絕壑
 盤空曲驚峯
 白日危島
 飛雲影亂鍾靜柳烟垂紅霧隱蒼莽
 古苔沒斷碑堪輿頻入望
 〇是爲貪奇嘉靖壬寅閑中獨

鳳池八卦石上勝國碣
 拭而歌之云玄鳳起金
 白雲飛玄風
 齊今白雲歸山高
 今地勝物換全
 人非不圖今日
 今金碧輝輝鶴流徇
 伴絕俗造微納白雲
 而出岫無乃示吾橫
 氣之幾呼多奇篆
 不能讀遊以癸丑三月之廿有七日
 無夢園集 江二
 主

西蹟訪梅記

由光福抵銅井逕穿西蹟居民賴種梅而勤種桑然志稱香雪三十里或曰古梅花國長子孫而處不繫乎人也樹之亦生不樹之亦生在百萬梅花中語人曰少梅花處奇無梅花處奇老桑穠梅稍絕類矜嚴老婢啗梅花不如不如彼屈曲不挂牙頰間詞家之辱梅花甚矣花之至坎軻者夫以睡魔辱之以郵亭辱之以鹹鹵辱之以丹青辱之以篋簾辱之以絲桐辱之自來

無夢園集 江二

卷六

人近梅花梅花偏不近人夫西山之土宜梅其人宜桑可以鄰矣藉西山之交愛梅與桑等梅亦不芳然則三十里之梅卜不知已而處焉者矣泛鄧尉溪徑深曲素娥匿影樓閣半籠綠束庵至虎山橋水遠亂山兩塊一溪盡密四匝遊人至此酣適欲狂予大笑吳儂俗甚是焉如銅坑橋此水淺而山逼彼湖靚而峰長亂西崦度青芝長堤浮映玉山作記者云如萬丈錦落港染成湖水作臙脂浪予大笑曰是焉如寧湯

山桃花臥三萬頃蓋蟠踞種桃桃伐而梅盛兩山代之湖上花事一番除目也山之高出鄧尉者曰銅井亞銅井曰安山西接具區極北青霞亂抹遠可眺錫山九龍嶺頭萬株臨波隱見大都泛鄧尉銅井間水道十里偏宜棹槳深處隱約香葩模糊烟水中勿着醒眼銅井顧園寶珠山茶可合抱一樹五色割梅花片席居之乃祠徒廟二古栢丈人行也余臥一樓晨起嶺上數株如霜行數里太湖出輕濤引風度萬玉霞

無夢園集 江二

卷六

波爲熨斗柄嫺然欲語又二里湖光漸微荒村深塢處處飛花山窮水起漁鼓數聲疑花神擊浪西磧而梅疎度嶺復茂古亭老銅井宋黃金紫墓一里極饒老幹山蒼樹奇纔入董墳點染多穉氣極喜陸家塢卜築者五峯禮初顧先生袖挾雲霞攜手千筍同上一岡瓊積數里西蹟一帶杳然流水猶不減數千萬株奉慈菴在其偏余卜築讀書處泉曰壽岩背七寶疑一脉連

無間寒潭微公構樓養閒名紫雲以菴東南

有池晨出紫雲遙奉慈而去僧來復居之元季
徐良夫招客其上稱養賢橋光福諸刹強半廢
而奉慈與王玄墓竟無梅矣然西噴第一玄墓
次之正須索解人耳巔有巨石李將軍以百夫
出之其根抱可數畝莫窮其底有大批祀三林
寺僧未割愛耶踞石一望鄧尉法華障銅井者
芝左游龍右洞庭諸山乍盾乍起湖波混茫水
影交映蓋梅之勝三自懸崖而下自窪眇而並
自扁舟橫波而上下景可照者發人之評宜輕
陰淡日空小橋曲澗空銅瓶紙帳夫物之待而
妍者皆有所不足也梅豈有不足哉宿銅坑里
有亡橋盤皆清徹亦堪雅部道途見圖丁一示
云爾家有花爾客爾圖引而折我我花何事不
覺啞然失笑噫余猶以清罵一場圖丁一示爲
不辱梅花也

湖橋訪桂記

初宿銅井湖橋居人謀泐石建橋余樂道其事
以名吾記銅井山茶樹下追憶開時五色參差
老桂方池環之因話陽羨洞壑此花類銅官杜
鵬凡余游陽羨二十一洞各記夜走南岳侵於
虎踞踰迤自然菴指七十二峯作七十二說鼠
臂之幾盡時時擬續曰惟遊鼠餘未暇也同遊
者浮大白引余言隱屏書之故附記焉司徒祠
柏下盤旋不能去其次玄墓石頭堪佇耳仕堦
有竹極佳花繁而蕊醉眼模糊欲雨不雨鳳凰
山花皆席地獅子挿滿身花張牙掉吻以酒醉
之獅子笑余亦笑獅子舞余亦舞獅子頭腦目
鼻狼籍噴花不勝酒頽然立余亦不强顧青衣
曰有酒乎山多名賢寢處其下亦有僑寓語漢
鄧尉氏曰山以君名卓哉飲吾酒一杯語晉刺
史都太玄曰君有仁政其葬也衛土之燕千慈
哉飲吾酒一杯語唐太保陸象光曰君不附太
平公生直哉飲吾酒一杯語陸甫里曰光福以

西土多石少君采樵焉幽哉飲吾酒一杯語珠
 隨綠居士黃金紫曰秘閣山林適哉飲吾酒一
 杯語顧景繁曰讀書五十年薦舉不出逸哉飲
 吾酒一杯語元隱士邵姚耿三氏曰篤學無嗣
 徐達左收塋之勤哉飲吾酒一杯語王尚書曰
 君死土木之難烈哉飲吾酒一杯尚有殘瀝山
 鬼欲來余戒勿與率恐皇而退是爲七之日尤
 一日虎山橋下過賣蝦翁赤鬚而十指毛呼與
 飲甚豪雨乍霽山如新沐橋上見牧牛老人背
 無箒簫鼓賽神橋下過戲語之曰盍往乞乎曰
 腹已飽耳余曰汝牛幾何齒曰明年二月是牛
 週歲爲種秫待君賀矣余曰非不欲來恐傷飽
 耳是夜山水之態甚奇大都類此歸舟靈巖山
 下月色清佳客過而問曰桂何如予曰品不逮
 梅而功遠過之梅索解人耳敗骨糞土桂則春
 之蓬頭老婢桂則嬌之垂邁龍陽桂則鮮之長
 年挽者桂則蒙之童僕林立桂則逞之肩輿負
 簷桂則載之此其功可勝道邪客曰有二佳

無夢園集

江二

今

話乎曰傍舟太湖風傳其香不見一花謝倫之
 下有船一隻挽子一升蘿一斗一大斛一陶之
 販花翁也

無夢園集江二

今

西湖月觀

甲寅居堯峯登妙高吸太湖手煮寶雲泉自龍
洞下瑯玕夾流水侵于枕簟深夜鳥啼四更吐
月游魚欲躍假寐未遑曉烟如抹風急雨來四
山暝合泛石湖榜伽間十里嵐光天長水遠以
此貪戀家山唯西湖舊游小草未削初夏日長
簡付刷氏嘗謂游山水如睡臥記述如作夢當
其夢時好醺皆夢一經收竄情事倍佳無乃非
昔夢耶既編補帆為括月觀畱作湖上一夢

集夢畱集

江二

全

初四月紀

癸丑秋八月暮維舟棕毛塲步石函俄見湖光
逕棹斷橋係叔一峯送影湖面紅衣落盡遠水
一枝藕花泊妓依稀太守昔年西泠橋下問水
雲寬窄落日銜山波波擁紅巒夾綠陰斜入外
湖青蒼異狀騰焰短矣月乍鉤草欲碧一半勿
畱逆鑑上下極愛雷峯蒼立

初五月紀

自溜水橋觀慶忌塔昔要離誘入吳因風勢以

才鉤其冠而刺之葬此咸淳間怪物浮水若鐵
棺然其西鄰侯橋石函入下湖問趙宋諸貴人
堅僅餘花圖老卒歌一篇耳寶所山奔水導逆
以海潮余坐落星石漱一勺泉下大佛寺萬柳
成幕橋左斷寶雲山之東宋家花如錦曰錦塲
及上秋陽臺淒神寒骨海風四起月到望湖亭
蒲前人語西湖淡靚空濶納光景而涵烟霏漫
衍而不迫紆餘以成文陰晴之中各有奇態酒
空急抵昭慶岸沽酒

集夢畱集

江二

全

初六月紀

汎曉湖及湖巒光盡紫海雲未斷出寶佑橋
紅袖青旗總宜名園酒碧名橋彷彿觀之孤山巖
立長烟初淡山水未深余觀第三橋碑不祀鄒
侯今與白蘇處士四曰四賢祠然范文正張忠
定朱徽國不宜入耶其巔歲寒巖樂天就四照
為竹閣而麗農樓快雪閣萃其勝南陸宣公祠
今益以嚴光林逋趙抃王十朋呂祖謙張又南
九成楊簡宋濂王時章想陳遜胸大臨又南
六一泉東坡先生惠勤上人哭歐公處也孤

飯罷送客上湧金門泊藕莊飲雷峯下南屏披
曉壁翠落蓮花洞口久之乃歸臯亭諸山飛蕩
如亂雲補兩湖之缺斗折蛇行與燈明滅在孤
山語處士曰有是哉處于清濁之間歐焉蘇焉
范焉白焉參寥焉慧勤焉甚之而韋后焉賈似
道焉

初七月紀

殘醉未醒閉戶作句客作竹就飲池塘蕭條夜
深與客過溜水橋月漸低急放舟十錦塘月影

無夢園集 江

公五

半溪湖如擎寶幢卽之微縮斜下如懸指漸一
指片指俄落寒潭光經時不散桂輪自水中央
的燦兩峯高處月在天而半在水而圓比于山
高月小余進一籌矣

初八月紀

行唐刺史九里松下長晝風雷江濤夜合隔林
先作雨昔吳說書額高宗揮數十幅不能及天
矯作勢萬乘碎易松旁黽院宋取金沙礪水礪
官酒由合澗

北自靈隱
南自天竺

登北高峰山起歡出

畦跨富春控餘杭局結錢塘突爲峰鳴雞見且
升盤三十六灣而陟西望羅刹遙接海邑郡城
飛來峰樹自崖谷擺起根生石外翠凝蒙羣鳥
悅山客開洞曰龍泓宋丁翰之月夜集鸞處問
靈隱浦惟流泉淙淙跨澗一樓亭冷泉干巖面
寺暗林香青林洞之北昔人長嘯集猿呼曰猿
笑爲建飯猿臺逐侶出雲呼兒歸洞最宜向抱
氏山房一聽猿啼松落三竺之勝亘數里自飛
來轉寺後如伏虬飛鳳稽留峰介天竺之中遙

無夢園集 江二

公六

響飛空歸流欲瀉大悲泉流講堂下空巖懸乳
幽淙嶺在其東南深壑巉巖艸叢石瘦仰天一
線至捫壁嶺左逼障右臨溪而活沙塲滑善崩
上天門湖海一色矣自錦堤歸忙上保叔塔觀
落日山高峰蔽畧見紅霞數道到寺門海日蒼
黃倒影余乃自梅花嶼之北婆娑深樹旋下客
舟斷橋賓月忽被孤山一角水底影破則狂吐
月旣下偕琴僧過第三橋道人臥呼之不出龍
王廟後冰臺攀而上彈雙清一曲水靜夜寒

游魚不出波淺舟閣一夜凍湖心笑前人行過
畫橋天忽曉誰似我中流自在須臾魚燈影綠
樹數峰終青雲起如烟易小艇傍湖心亭杲杲
日出

初九月紀

是夜雨 是日觀百妓會禮十

錢塘門百妓會十萬人家市聲到海皆成紅霧
俄見飛騎者入石榴裙擁始由鎮海樓上子胥
廟山自天目翔舞而東瀕于鳳凰薄湖掠江左
折吳山江介海門昂首穹脊掉尾內向道士曰
無夢園集 江二

晉天福江水溢寶達呪止之夢偉人曰員閭命
矣予笑曰豈有地老天荒數千年怒不少殺而
擊山破岍者哉所至前瞰江後俯湖則三官廟
最風搖泉韻浙浙出石罅視之既靜其聽始遠
則青衣洞最雲開山露雨過竹涼高見滄溟則
雲居菴最巖竇窳窳秀石玲瓏鶴髮龍骨蹒跚
其頂壽藤怪蔓羅絡蒙密于霄之木根不土芽
寒泉滴瀝乍繁乍細煮石簪燈十宿洞中不能
言去則瑞石山紫陽菴最昔人云石者山之骨

相也吾獨取夫怪怪奇奇者焉彼固化工之所
深寶也譬之于士亦豈以狂狷爲非材也哉喻
削凌空白露夜滴則素駝峰雪風洞最若夫三
折肱而凌霄則其人殿庭一樹最蓋仙窟云丁
野鶴蟬蛻類者尚奕奕永樂間御書招張三丰
不至今塑三像祀之坐立余謂夜靜何人吹簫
管三丰臥也霜林葉盡羣峰出三丰立也肯與
冷泉作主一百日不用二十四考書中書三丰
坐也

無夢園集

江二

初十月紀

汨岳墳三橋三妓騎嘶綠楊白衣躍上捷如飛
兒爲浮數白已送客湧金門清波遠烟一片紅
粉銷歸何處中流忽聽客呼遂上其舟又是一
番泡影矣

十一月紀

是夜微雨

鎮海樓之南爲寶山誦子瞻詩野客歸時山月
上棠梨葉亂鴝鴒呼及同秦仲二子游云平明
已報百吏散意卽其几席湖山簿書魚鳥處也

玄妙觀問洞賓題蕉處一龕烟火而已白馬廟折而西曰七寶山少游夢天女求贊維摩像處昔雲閣黎居山坡入方丈小院見其隱几低頭讀書與之語漠然不對蓋不出十五年矣後贈以詩有讀書常閉戶客至不舉頭句余謂作吏如子瞻可以游釋如雲閣黎可以從吏游

十二月紀

清波門折而東南曰鳳凰山左江右湖千山軒翥其麓爲萬松嶺唐宋州治卽錢王故宫云宋

無夢園集

江二

全

通大內碧瓦鱗次植日本松作觀堂三茅觀鐘鳴觀堂之鐘應之則駕輿山背芙蓉閣風帆沙鳥一溪通小西湖亭曰清漣萬松入蟠介亭諸勝皆列皇城之外江子皆禁繁紹興福解陳修表蕙嶺金堤不日復廣輪之大太山玉牒何時清封禪之塵高宗平書懸壁然淳熙間奉宗及皇太子朝上皇德壽宮爲泛湖觀潮亦盛事云嗟乎韋后不挽欽宗之輪而一目存誓啗于道及乳母抱度宗行廊廡手粘一塔影歎宋家

無復生氣平閣貴妃詩南宋可憐無故主西湖空自夢朝雲悲夫自梵天寺而北折而西爲勝果禪寺臨江突兀南連秦望東亘吳山笑語落富陽月巖最善中秋清輝滿隙如合璧左爲忠峰宋敷前司營在其右石筍林立錢曰排衙自瑤小竹石壁夾道古石甬云樹散雲收虹殘水照歸由湧金喚渡得月柳洲亭白雲滿川飛浮來往水皆縹碧

十二月紀

無夢園集

江二

乙

參寥泉舊在孤山從築于此有泉出寺後仍名參寥焉西爲宋布衣岳琚祠又西爲錦塢其巔初陽臺葛洪吸日月于此驚巖作危墮勢峰拔地削立數千百尺龍瓜拳攫鐫洗萬古如新每作雨崖鐵色紫陽先生嘗提舉浙東法得祀祀其下葛嶺之上舊招賢寺白樂天詩雖在人間人不識與君名作紫陽花子瞻入壽星院悟前身曾到此昔似道貌儀彌遠架廊疊磴而趙紫芝與葛仙翁並墓其下不知後人如何作眼寇萊公集妓賞綾千段

桃獻詩萊公默然及殿嶺南道杭州桃疾曰
我天竺山下樂天拈花爲喻子瞻拈身爲喻
桃拈纖爲喻皆老禪也又聞坡公仇池筆記
人喜食鷺日層百湖上夜歸百鷺皆號若有所
訴嘉靖間侍御令巡官日報層鷺之數日層
千三百有奇噫坡倅杭時戲語酒食地獄高幾
羅之獄爲一空今鷺亦宜空矣晚上湧金酒
舟歸自昭慶步月曲港湖舛層委聽小橋流澗
立斷湖湖舟不行穿瑪瑙寺抵石函橋皆作響

無夢園集

江二

三

湖水空明荷藻交橫

十四月紀

從野堂諸君子與偕儀伯季生玄暉君翰修止
曰放星之子懸約余由昭慶寺後取徑系堤山
園樹周西湖如艷妝山陰如翠幃深處此中蘭
湯浴罷時也月皎甚移席廣庭山如碁布瞰巖
而峙爲態舒緩草木蒙籠空青微出飛鳥時歸
紛紛點石儀伯歌與偕和出門四山如畫風露
浩然行一里至渡頭返曉起讀行卷唱吳塘海

門飛上明月

十五日紀

是日觀潮

浙潮銀山雪屋有頭數丈或曰浙去潮近猶金
兩山橫鎖江口衝突颶激他江去潮遠湧水而
已余觀潮兵馬司前目逆海門兩山嘴合士女
雜浪花中日下春玉抹烟屏如鸞一行愁萬松
嶺絕巘左一亭秀出巖阿俯湖瀕海西湖雷峰
如坐如臥松濤濤峻絕若斷齧逶迤表忠觀讀子
瞻所書記余謂千古絕得意之文其次謀止高
無夢園集

江二

三

麗王獻金塔疏莊嚴有體二文並得之湖文章
有神矣古云胷中無萬卷書眼中無天下奇山
川未必能文縱能亦兒女語耳坐靈芝寺門
詞王永流寂寂俄見紫雲萬重荇藻鷗鳬皆染絳
色數聲鐘磬千頃笙簾放舟錦堤樓舫齊垂楊
亂拂紅妝吳姬半醉清謳凌于波上棹湖心亭
吳越勝人各集豔姬嬌兒未幾歌漸杳月影在
地繽紛殊狀余乃偕客自六一泉步西泠橋選
樹四橋以下湖光深靚漁不張燈金沙灘口微

開水魚五橋更籌亂六橋淨慈鳴鐘堤有行人
還第三橋保叔昭慶鏗鏘相荅行十二里而天
曉遠烟微出海面

按堤南一橋曰映波對西岸六橋舊有旌德
觀先賢堂觀本定香寺寶慶京兆袁詔改
建有虛舟雪錦二亭祀許中下四十人曰
仰高祠花竹紫紆小山曲逕二橋曰鎮瀾
對西岍五橋舊有湖山堂前擁雙塔後植兩
峰四望洲回浦合三賢堂祀白蘇林三公
無夢園集 江二

三橋曰望山斜對西岍四橋水曰花港舊有
雪江草堂四橋曰壓堤對西岍第三橋舊
有崇真道院石臺籠燈以照夜船水仙王廟
亦名龍王祠以樂天和靖子瞻附祀兩廡并
曰薦菊取蘇詩一盞寒泉薦香菊五橋曰
東浦對西岸第二橋六橋曰跨虹斜對西
岍第一橋稍北爲西泠橋

十六月紀

由延祥觀眺竹閣故基移自孤山昔人祀樂天以

妓故園沉紅昵綠樂天去後倩妓傳詩耳西爲
宋洪忠宣祠又西鳳林寺鳥窠談禪處也予笑
白蘇兩公日與湖上人家雜處不辨官長湖光
澈澹如几案間物鳥窠猶向樂天愁心火相構
識浪不停豈其胷中著一西湖耶棲霞嶺下弔
岳武穆王閱新碑獄卒隗順負屍踰城至九曲
叢祠潛瘞之以玉環殉樹雙楫識焉今并祠云
其又西張憲墓夜闌飲垂虹橋須臾移第二橋
斜望西泠孤山霞起空山響木魚海天欲紅是
無夢園集 江二

夜游裏六橋

按楊公堤裏湖西岍也太守楊孟瑛旣開西
湖遂築此堤增建六橋然近北山三橋宋時
已有之楊公所築特南山三橋耳第一橋
近淨空院玉泉之水出焉曰環壁西通耿家
埠第二橋金沙灘之水出焉題曰流金西
通施院路游靈竺者停橈其間第三橋近
龍潭有時祥光浮水曰臥龍西通茅家埠
第四橋連玉泉山而東浴堤屈曲蒼翠掩映

題曰隱秀西通花家園 第五橋西挹高峰
舊有景行祠西通麥嶺路 第六橋從定香
橋而入近發祥寺虎跑珍珠二泉之水出焉

曰濬源

十七月紀

仙姑山入青芝塢觀魚玉泉寺泉溉千頃靈鷲
寺在其後北爲法華山而西溪秦亭則法華之
分支也自行春橋出蒼烟老木間爲九里松余
與客品松選奇輒狂呼林谷浪花仰激琮琤

無夢園集

江二

卷五

豁其南爲仙芝嶺而合澗橋峙飛來峰路口冷
泉一亭清輝如昔偶憶樂天招韜光入城光不
赴苔詩及黃紙詔下僧徒悵望歎達官不下山
山僧不入城便是清涼世界始從岫嶠山房山
半峰高百盤泉數十折長松夾道引竹流泉散
如飛雨豈紅蕖紫芽能敵月下碧天哉菴有金
蓮池純陽殿觀滄海日出塔前秀靈艸芙蓉數
朶開屋薄老楓落紅滿地世外春秋艸木自寒
煖塑像絕佳仙自塗抹雲氣自此陟風篁嶺林

壑深沉流淙活活自龍井而下四時不絕噴故
叢薄荒密元豐中辨才泮治潔楚坡云天竺已
幽阻風篁更盤紆者也片雲石之上曰獅子峰
高出羣岫可瞰江滸天竺諸峰疊繡如畫辨才
送子瞻過嶺有過溪嶺辨才老焉曰歸隱橋詩
坡云與子成二老來往亦風流曰二老嶺其下
宋陳剛中墓建炎議恢復與張子韶等七人共
謫詩云同日七人俱去國何時萬里許還家蓋
足壯也片雲與衆二亭甃池構石彈碁流水龍

無夢園集

江二

卷六

井大樾幽古石鑑平開閒花寂艸延緣其傍鳥
韻相答水東出茅家埠入湖古人云西湖之西
浙江之北風篁嶺之上深山亂石之間盤幽宅
阻嶺之左右大率多泉者也其左爲神運石龍
井之上爲老龍井人烟曠絕一泓寒碧盃大海
塊長江西湖如鬚髮諸峰膝行匍伏僅見天目
翔舞一帶人家茫茫烟雲海氣烟霞石屋十里
桂花撲人游裾道旁狼籍亂插枝頭士女賤如
土已薄暮道太子灣西玉岑赤山之間惠因澗

鍊櫃鎖蛟高麗王子導澗中水甃池轉輪色如
監獅象含雲氣定香橋至四橋月上全湖金紫
垂虹喚渡抵昭慶

十八月紀 是日觀潮

九溪十八澗僻江干游屐鮮至古無咏者九溪
在老龍井之南其西爲十八澗蓋烟霞嶺之西
溪環者九水出江而北遶龍井十八澗則徑通
五雲山雲棲寺昔柳千厚記楚山石曰以慰未
賢而辱于此者又曰其氣之靈不爲偉人而猶

無夢園集 江二

卷三

爲是物故楚之南少人而多石予怪其言若說
固多名人卽賢而辱于此者豈在石下哉是日
也憇漾碧軒金蓮數畝有鳴柳戴紅裙曉渡驚
破白鷗徐行定香橋張伯雨構水軒夾赤山浴
鵝溪水下烟霞嶺卽山左麓開壑礪爲徑杭越
諸峰江湖海門在指掌洞曰水樂泉自頂下山
之窪伏流飛注水波皺而聲漸激東坡詩慣見
山僧已厭聽惟餘海月空留照寧問鄭獬名
其洞云旁小築幽絕水樂洞在烟霞石屋之

無夢園集

江二

卷三

惠因澗北爲于忠肅墓蒼松一帶間以疎篁
六通入定光寺飲卓錫泉出麥嶺有冰雪堂再
經龍井歷九溪峰窮水盡白雲自開山如落鴈
蹲鴻每一澗鼻口相呀蹄股交峙岸之突而出
者水滌之如蒼龍蛻骨環數小橋峰若起若斷
艸樹蔽翳巖下硯礪多千年積雪有門半掩竹
數畝法雲泉自嶺下凝乳花泉甚白度閣數楹
小龕坐臥佛石居焉出沒煙扉間而光影在澗
出復尋澗往山容舒卷澗分近遠履平地如深
洞凌高則作琴筑聲麓漸平潮泥浸野田江尚
蔽傾洶湧作遠勢出六和塔則越山樹木人家
影江面方候潮乘間入虎跑泉宋學士以僧披
法衣焚呪久之泉乃出爲作記不審南岳童子
遺虎移泉視性空權力何如哉出六和塔口初
由月輪望潮頭余從轎上觀自六和至白塔嶺
立峰際百越山窮潮頭九折天風吹海立擎豬
龕直入富陽銀龍砵砵右望則大山蔽江一面
置掠而上猛過西陵潮頭漸隱目送數十里

知是嚴灘氣始平江舟盡泊六和已魚鼈朝蹕
視一江秋雪余乃起客招且暮以炬上慈雲嶺
其南爲龍山自天目分支淪江而東局結于此
望太極亭八卦田王伯安書院伯安寄汝中盛
稱天真之樂以此至湧金輿人呼渡余不可
遂異風作湖爲推浪絕行舟道錢塘門月上

十九月紀

客邀上青翰舫抵湧金燈火遙閃水亭晚渡極
喧榜其亭云平沙水月三千頃畫舫笙歌十里
無夢園集 江二

時予笑云只有六時耳那得有十二時夜訪小
蓬萊飲極酣臥舫推簾拾斷橋殘月

二十月紀

曉入靈芝寺爲錢王故苑懋彭祖菴故宋聚景
樓前學士橋銑嶺諸山之水出錢塘門輸委西
湖必經橋下其傍仙姥墩姥採百花釀酒仙後
十餘年賣酒洞庭云南屏山羅漢室錢王夢十
八巨人隨行一僧手像五百尊而化去宋表五
山淨慈其一丞相鄭清之記雙井理宗書額

車輦經行處也蓮花洞口居然一亭湖山在
萬工池千年古樹交柯積蔭旁激洞石如砢
宋乾淳舊賞曰小蓬萊在雷峰塔畔故內侍
昇園峰類削雲喬木樂植槎于石膚有理宗
愛松由藕花居而出林亭幽雅兩山岸湖皆
別構北山雜市廛中如石面橋石橋木瀾居
架木幾不辨山水南屏一望垂楊蕭疎可愛
又臥青翰舫居苕藻中以此已適之味令人
遠折問水亭而南爲孫忠烈祠宿舫中四更
嘯月臺晨起掠艸滿湖長堤如烟雨微見
峻嶒湖面

二十一月紀

棹昭慶看錦堤走馬堤盡一亭出慈金沙灘西
湖以諸泉勝泉以龍井勝故金沙一帶皆流泉
窺境第三橋歸追月玉蓮亭宋競渡奪標所笑
此游春水梅花翰一著耳然當以九溪十八澗
勝之應爲西湖樹我一標

西湖雜紀

初四日至棕毛場散步石甬橋俄見湖光如蓬
故人狂不自禁急呼小艇恣其所之 十九日
暮已買歸艤立昭慶湖畔見淨慈一帶巒翠欲
滴湖舍夕照逕渡湧金聽歸人爭渡再宿青輪
舫樓月落枕上縱筆望湖亭將曙而別 四
日抵湖是夜月初九雨初十月十一微雨市
之廿一月看月湖心十七夜宿湖舟三觀潮再
聞淨慈晨鐘于定香橋一六橋天曉一晝則極
前人藕花桂子之勝編月紀之留作湖上逸事

無夢園集

江二

下

嘗出湧金門北爲柳洲問水三亭問水卽宋
豐樂樓址柳汀花塢歷欄檻前兩高峰夾菱歌
漁唱一時會合 臥青翰舫保叔一峰在予枕
簾推牕視之斜對斷橋惟見掠艸滿湖 西冷
居兩湖之中花明如霞雜以灘鷗 觀月三橋
梯上漾碧軒水淺舟閑一夜凍湖濱 雷峰塔
老蒼突兀如神人指笏 十五日看潮歸歷湧
金錢塘清波三門遶湖紅霞千萬層倒浸湖底
尊萊自蕭山惟湘湖第一第三橋近出墓

下湘湖手將之 方弄水中月影忽被孤山
其一角 三潭印月舊在湖心今爲葑泥王漁
詩塔邊分占宿湖舫寶鑑開奩水接天 中秋
夜余行第五橋至六橋聞淨慈鐘還四橋保叔
昭慶鏗鏗互答 曉看孤山漂絮美女嬌羞逐
電追影至第三橋盡矣金沙灘一帶流水無人
偶見金蓮半畝中紅裙曉渡 曉起海雲墨山
烟烟隨曉炊亂海雲猶浮其上 自龍井歸至
第三橋月始上顧視湖平峰峰盡斂

無夢園集

江二

下

陽山志

陽山社二十八則

一遊太湖以迎落暉

箭關

一候天雞以呼曉雲

浴日亭望海中出日

一撫晉栢以吸龍茗

龍塚之傍有泉有茗皆曰白龍

一鋤耙石以摘仙種

無夢園集

江三

耙石嶺仙人種玉

一次雞峰以伴羽客

雞峯洞羽客幽棲俱舊題

一憑滴水以瞻桃姑

滴水巖之左有桃姑洞

一枕爐峰以恣野眺

箭闕下有香爐峰

一醉公孫以奠忠魂

吳毅孫聖於蒸丘卽陽山

一訪元發以破巨浪

坡公集滕元發破浪相訪使人神聳墓在

陽山栗塢

一戲鯉峰以候龍開

宋陶弼於此山觀雙鯉戲老父曰龍也行

且鬪君亟去是日覆舟弼免

一弔顧元岳以復修綠

山房名修綠元慶有陽山新錄

一體白龍以核建置

無夢園集

江三

龍母廟在西隄新祠在澄照寺前並存

一嘯鶴山以逐令威

東井白鶴山丁令威宅有丹井山產白鶴

一考書堂以遲佳客

宋端拱初謝賓客濤講學於仙泉院之西

廡

一枕巨巖以看飛瀑

滴水巖四時不涸

一移襟構以顯石壁

山峰惟石壁最佳王文恪易以長雲今爲
屋掩欲盡出之

一扁學易以平愛憎

李嵩隱山玩易有不緣懶出志巾櫛免得
時人有愛憎句

一理艸堂以新唐句

山有顧鍊師艸堂唐李順贈以詩

一默禪誦以紹淨因

正德寺僧道昂暗誦法華每入城持誦數

無夢園集 江三

三 陽山志

周

一訪古墓以祇先哲

吳鬱林太守陸績漢豫章太守陸烈山陰

令陸寂宋鄭虎臣滕章敏公元發王節慈

公倫又有瓊姬墓夫差義子塚一十八所

節慈公死於金其子負骨以歸

一坐雲泉以躡八景

雲泉在大石石若頰頰斷鵲黃姬水八景

曰拜石軒毛竹磴招隱橋空晚屏玉塵瀾

青松宅楊梅峒款雲亭

一臥山房以譜十友

元慶大石十友譜端友石屏陶友古陶器
談友玉塵夢友湘竹榻狎友鸞歌直友鐵

如意節友紫簫老友方竹杖清友玉磬默

友銀潢硯

一審山街以稽古麓

陽山背陰面陽山如石砌曰甃陽山一日

泰餘杭山一日萬安山四面若飛曰四飛

無夢園集 江三

四 陽山志

山大峰十五箭關爲絕頂晴日望海中羊

山春秋曰蒸丘又名燕山產白玉脂曰白

塔山吳越錢氏泉出寺生千葉白蓮改仙

泉寺宋祥符勅額澄照寺又爲白蓮禪院

白龍行宮靈濟廟今載祀典

一延淨侶以度往生

一減奴子以靜山靈

一囊餘糧以施鳥雀

一訂佳節以盟蓮社

九月八日爲始十五日止

一全古墳以勸好事

陸鬱林墓在陽抱山陽山西支壠元朱德
潤母感夢止穿墳後德潤官翰林子吉仕
國初清顯又朱憲嗣穿兆近陸塋夢云此
太逼能相讓當有興者旣而子狀元希生

無夢園集

江三

五

陽山志

陽山社則 終

登陽山絕頂觀落照

嶺外孤亭攬翠開天風吹上四飛臺行如鳩鵲
人持杖履曳星辰海一杯
突兀飛亭倚漢斜接天波浪欲乘槎低峰忽起
千尋勢片日驚吞萬丈霞
太乙仙人嶺頭遇凌空賦就驚人句長風吹落
半天雲幻作芙蓉插千樹

山僧指點面羊躡龍母祠前曲水分欲爲故人
留落日猶堪持贈數重雲

無夢園集

江三

六

陽山志

白露蒼蒼深處葭平田漠漠遠無涯四飛一闕
雲爲補九日明朝帽欲斜

潑染蒼霞滿袖斑泉聲落石聽潺湲老僧昨扶
江清至却傍陽山說蔣山

月滿空山夜色蒼碧天無際思茫茫風高古木
喧龍子波繡珠宮駕海王

禪房夜坐

山童滌杯進茗老僧揮麈談空一室半開天地
千巖忽響梧桐

長雲僧舍和韵

絕巖懸精舍虛堂白日閒無多牕外樹不盡眼前山碧水沉湫冷蒼雲點石斑儘看留客住何必輪重開

觀音巖看月介公至

風前欲自笑雲外若爲期忽報山僧至山深知未知

空翠庭梧桐

梧桐何太瘦亦在萬山巔月落空庭處迢迢下

無夢園集 江三

七 陽山志

遠田

箭闕月

缺月掛箭闕前村漁火喧秦王不敢射缺月月將圓

玩月後山房剪燭邀諸君子修蓮社品山中位置時廣德友沈君翰次日行

天近遊雲坐風高蹴月行山空心愈淨松老韵俱清江海原無相兒曹也自尊蘭茶聯左席玉露滴前楹下榻秋分夢鳴鐘夜課經禪龕含竹

隱漁火過溪焚未着觀空眼偏饒度世情幾年

學面壁今日反浮萍無菊堪醕酹登高憶弟兄

萊莢緣岫采薜荔援壚生琴動禪心寂棋敲鳴

樹爭且因燒燭短莫便賦詩成掃葉頻吹茗披

窠爲引瓊尋香花影宿擎竹落筠輕惟石藕爲

供香厨芋作羹伊蒲和露煮丹井搗霞烹咫尺

風塵迴蒼茫天水并偏宜秋夜永喜共故人賡

方寸惟杯酒寒楓染去旌相看誰獨醒萬丈只

孤撐曲沼開蓮社空林訂法盟山山將賀九樹

無夢園集 江三

八 陽山志

樹盡和嚶峰闕綠嘗滿忙還閒自評我方論半

偈月已過三更鳥奏花間漏霜分殿角鉦俄看

千萬頃紅日爲誰睜高季史詩但覺羣山繞在下坐撫其頂同兒曹

賦罷硯有殘墨再作一律貽嚴玉式望亭

建橋未就併詢之

身上最高處馮虛屬眼寬月來滄海白秋老洞

庭寒水落飛虹迥天空度鵲難中山有蓮社欲

解故人鞍

臥起

兩離兩坎極無極無極元來日日新不爲風塵
伸赤手常將天地照人心

長雲峰下臥崧高一夜天風叫海濤笑指坎桑
懸赤日未醒塵世利名曹

亭開山頂山還闕日入淵沉淵又生不向此中
清徹骨青天相對只盲行

離九天南日最尊如何浴日在淵澄淵淵徹底
藏根密身坐雲霄已萬層

登高莫笑世間迷斗柄茫然東與西急束道衣
無夢園集 工三 九 陽山志

捫蘿棧錯尋海底又前溪
以手指月月在天以波印日日在水碧蒼鑄出

千龍鱗海嶠未離君知否
擁被天風臺候日

擁被跏趺坐蕭然一鳥鳴波雲猶半黑天水未
全分風樹搖星影平嘯拂鑑明赤城疑漸近湖

上小山橫
海日

中山清漏徹蓮花翠冷曉阮濕露華杯引滄海

分席近杖携星斗過簷斜夢回曉車空千界月
極扶桑燦五霞一自咸池歌浴日天雞呼醒萬
人家

歸舟慶西山廟橋成謁晉王司空祠擬作
銘

有廟維赫有橋維屏僧彌難弟法護難兄不家
於家乃家吳氓祀二公者非公寧馨惟德是念
非捨無名千載之後蔚有鉅卿墜崖危磴不令
不寧濤飛樹杪涉阻荒荆相彼樂園憚於太行

無夢園集 江三

十 陽山志

蹴平鴈齒瓦扶魚鱗星梁斗柱銀漢式憑雲濤
雪浪玉虹崢嶸司空執劍司徒鳴鉦聳立其上
揚旌拂旄駿惠南國麗牲貫星三秋月色半夜
鐘聲尸祝湘澤楚張司農重定以莫不增樂奏笙鼓勿
替雲仍履安思危爲善如登

九日曉登陽山懷黔中高明柱有引

憶中秋與明柱飲酒仙祠歸舟遺其巾以
十五綯而得之酬漁父三百明柱東云不
佞輕萬里而識荆致先生非九月而落帽

但網客索貲太奢殊非江上丈人風耳時
明柱在天目山馳訊却寄

旭日亭亭護曉霞懷人極目各天涯却追落帽
驚龍府額使懸旌望海槎嶺外白雲天目鴈樽
前黃菊洞庭花君來萬里交情重烟水迢迢隔
漢巴

附陽山龍母塚考

東晉隆安中山下居民繆女及笄出行暴風雨
立龍塘側俄見一白衣老人與語歸姓父母逐

無夢園集

江三

十一

陽山志

爲丐明年三月十八日今龍塚上產一肉塊居
民棄水中倏焉塊破化而爲龍夭矯母前若有
所告其母驚絕於地雷電飛沙折木咫尺不辨
既霽但見白龍升騰而去衆乃厚墓其母祠之
山巔恒雨暘禱必應太平興國間建廟山南曹
巷熙寧九年遷澄照寺東隅建炎間主僧覺明
新之相傳龍子以怖死母故謫居瀟湘每歲是
日必歸山間風雨凄冷胡俾碑又云每歲誕日
龍歸省母前期旬日天氣肅寒四山烟雨乍晴

復合正誕之辰龍必見形或長身尋丈隱於衆

山之上或小如蜥蜴依於廟貌暴風雷雨澍溝

號木則其驗也紹興十九年六月某日奔雲驟

驟盲風驟雨捲去女牆數百丈居人余氏吸入

雲中負販者吸而復墮無傷焉有士子焚諫書

祠下乃稍止笮有白鬚老人至鎮江買船自云

從長沙來與船人錢十千約其至蘇州陽山看

親處還登舟卽今篙工悉睡日暮抵潯豎舟人

至山下於廟中像前得錢五十貫乃以錢設僧

無夢園集

江三

十二

陽山志

供辭謝而去大吏以聞紹興二十九年四月賜

廟額曰靈濟乾道四年詔封顯應夫人我明

革夫人封號止云陽山龍母之神每年誕日撤

鄉畢集祀龍母於東祀龍於西率以爲常謂之

龍生日按宋范至能又以繆氏爲邢氏羅春伯

見聞錄諸書謂湖廣長沙瀏陽道吾禪院旁有

龍潭卽陽山白龍所居而海鹽乍浦之陳山有

龍湫揚州興化之率頭湖有龍潭皆此龍別居

云

陽山龍母記

陽山祀龍母跡甚異其有關於糖人甚大龍而姓之母之子之白衣語而振振而棄之塊而龍之母死而塚之祀之自山巔遷曹巷再移澄照寺龍去之楚廟食長沙誕之日神具來士女咸集頗恠然晉隆安以來未改也尤異者白衣搖櫓長沙僅一夕而泛吳門仙井濯鱗帥漕率兩邑而與神物紹與已卯所部以禱雨聞乾道戊子守臣以加封請於是額曰顯濟褒顯應夫人

無夢園集

江三

一三

陽山志

云國朝大學士金公幼孜文定吳公寬雨泉陳公鏊幼海周公天球皆記之宣德五年太守况公伯律奉璽書減荒賦百餘萬積歲大稔終周文襄之世餘米滿倉而神與之語嘉靖間願齋徐公屆秋祭吏循例請委小吏公毅然不可而神又與之語此二公皆夢也夢見於郡侯何居且夫躬祭而有年者願齋也方出郭而雨者弘治孟郡公俊也意疾痛則呼父母豐年則昇祖媿猶與享之乃以成熟報歟然他人夢夢公二夢

醒神有語有不語耶居民上神所不語蓋有異於祀者矣况公齋宿而夢徐公夢白蛇游於庭已謁廟壁上圖白龍而驚報祀也周室中興早已太甚至靡神不舉呼羣公先正莫我聽聞豈事神別有道歟記稱龍去其母若有患苦蛟龍二郡庭若有控訴今此下民亦有訴也苦役甚或又曰龍天矯飛騰鼓雷霆潤風雨奚患若之有寢與之間乍往乍來楚天接膝奚控訴之有然且有苦也有訴也况民乎雖然龍亦有異之責天子獨憂於上賢能協贊於下扶杖携筇思見德化不呼龍誰呼哉嗟乎今之爲龍亦難道秉宿德降福既穰穰矣公私之積皆空徒嗟瓶罍豐凶之粟竝貴空羨倉箱吏茲土者難龍子龍孫晨昏之際職思其居亦不易也竊願龍爲其難爾嘉靖之役鄉紳袁公祖庚爲之倡夫出雲雨與出金錢孰易也

無夢園集

江三

一四

陽山志

堯峯山志序

讀書堯峯之巔自石湖十五里山水迴合初抵寺白浪千頃疑震澤有峯遠秀疑縹緲山僧曰此楓落吳江也郡諸巨浸也松之泖也突兀如神人虞山也美好如姬黛玉峰也又數里陟妙高峰三百太湖而穹窿陽山率靈巖諸巒障其後稍下多景巖西山點點漁郎竝坐又嘗妙高觀落日湖山一島桃浪一葉皆含靈妙其了無意況者彊啖耳溝池耳村舍耳夜半月華如雲

無夢園集

江三

三

堯峯山志序

湖天渺渺向所鄙爲田叟野烟牛羊下來之暇無異萬千頃之洪濤也余無以名堯峰惟記在山中作續詩餘序云始見松陵之城郭若麗山同里諸浸焉澹臺寶帶積沙陳湖之濱焉泖湖若練玉峰若環橫山若盤穹隆若賓陽山若拱虞山若垣錫山若龍上方若脫石湖若盃焉自青莎塢萬玉隈而上浸吾腹者三萬六千頃之半焉泛若鳬凡三十餘峰焉荆溪之銅官嘗謂之碧巖如鵬決起焉天如薺焉舟如月焉日月

復龍母舊記記

陽山之有龍母塚也自晉隆安始也龍于廟食千長沙以三月十八誕龍日省母士女畢集晉以來未之改也祀山嶺千有餘年其始遷山南曹巷自太平興國始也再遷澄照寺紹興己卯帥漕以禱雨聞則曰龍濟乾道戊子太守姚憲以加封請則曰顯應夫人國朝一剏於況公鐘宣德五年學士金公幼孜記之再夢於孟太守復弘治庚戌吳公寬記之三歎於太公徐公

無夢園集

江三

三

節嘉靖壬戌陳公鑒記之自徐公後又二十年鄉紳袁公祖庚倡助周公天球記之許墅戶部張公節太守朱公文科二守孫公成太吳邑侯傳公光宅告成事今距之又數十年諸文學踵門以請余喟然嘆曰龍而姓之姓而繆之母之子之內而嵬之嵬而龍之龍而白之母死而去之去之楚而誕之日鼓雷霆來之昇哉昇哉以爲異也碑記所稱白衣附楚舟給餽直自長沙一夕泛吳門舟子入廟門風風雨雨飢直之半

並出焉落日之帆如雪焉霧霽見一項焉電起
閃一峰焉月上泛一波焉雲開獻一峯焉吾見
夫人縹緲焉飛塵焉而以拜石則神人焉袍笏
焉丈人焉一草一木皆頂禮焉新鐘鼓之聲壯
雲山之色焉凡此者皆天地之餘所謂旁望萬
里之橫山而皆青翠俯察千仞之深谷而皆懸
黑吾乃忽然而捉筆亦如天之一北一南地之
影長影短箕爲傲客房爲駟馬而已意終無以
名堯峯也

無夢園集

江三

卷之六 堯峯山志序

藏龍母帳中誰爲爲之乎後唐天成二年毀西
仙泉鱗物見郡丞楊抗帥燭香鱗湧誰爲爲之
乎此二事一見於紹興庚辰一見於紹興壬戌
或又曰後唐天成二年毀西仙泉鱗時見竊有
感於兩太守之夢况伯律奉璽書減荒賦百餘
萬神與之語葦祠後積歲大稔終文襄之世
餘米滿倉徐願齊夢白蛇蜿蜒庭中若有所訴
以語兩泉公秋祭吏請委官代不可見壁間畫
如夢爲之捐贖大有年事之以有禮報之以有
年而夢皆徵于郡疾病呼父母豐年昇祖妣其
猶與享之故以成熟報也居民上而神之所不
語大都繇祀不親鰥寡困恤故他人夢夢二公
夢醒今東南力困粟貴十餘年神宜先醒龍昔
者有訴矣今此下民亦有訴也龍無意乎敬龍
必敬其民高太史李迪賦陽山不云乎中有一
泉長不枯乃是蜿蜒神物之所都

無夢園集

江三

卷之六

堯峰山興福庵齋僧常住田記

甲寅之秋坐堯峰而志之一艇過石湖錦我於清輝白雲相往還品峰題石或當暮眺星月相亂宿鳥撲刺予乃篝燈極思曉起賓日太湖忙夷山泉朗吟於勸春之禪家夢之崗又時携短瓢與釋悟亮坐白龍洞言其師湛公蓋百年來吳中緇徒行義高潔類師若弟者罕矣戲謂山盡石也石田可耕乎風雨欲來蘸硯池爲寫膳僧田記去今十有七年亡何賀田三百畝柴山

無夢園集

江三

堯峰山田記

三百畝以崇禎戊辰歲八月得請於邑侯陳公上請大中丞曹公自津役之外捐其繇夫計僧而田之計田而夫之夫不厲禪僧不蠹食舉甚光且天下半浮蠹與其食浮於人也無寧人浮於食方內外皆然而方以內似尤甚何也誦者居上爨者居下是食有別也孤雲野鶴一飽逕去是食有節也飲食豈細故哉堯舜在上登峰躡頂能無動乎當事之風厲遠矣寺故有寶雲敝衣糲食其道益尊後有雲谷王文恪作

再游陽山記

游之難難於天初四日微雨午晴得月次日又晴得日陽山鼎建已載小誌丁巳季秋自白塔嶺訪丹井龍張雙晴以待燭舉山之乎此山四飛環山如魚之鼓鬚而鯉魚峯一帶噴沫更佳最宜黃昏作一幅瀟湘拖雨觀小憩禪龕爲彈漢宮曲未終秋葉滿空階登臺一望峯如挿天王文恪公所題卽舊顏石壁處一片芙蓉混以庵廁欲出之周浚蓮池特龍部說法其間鯉魚

無夢園集

江三

三

峯而上有觀音巖稍進則亥龍石曠而邃宜閣閣斯萬頃杯千山塊仍移長雲峯諸雜構布其間千古大快心事是夜爲禪伯適禪爲酒人適酒爲琴侶適琴最喜作詩少耳五更綿絮裹頭捧一壺陽羨茶候日出執禮甚恭因憶去年此山中看落日會送友歸廣德余有欲爲故人留落日尚堪持贈數重雲句蓋餞日也坐望海色漸紅紅光中如煙微抹海上山也蒸起而煙凝日久之味也初如一星甚燦日也又久之星

記云今天下之事廢而不舉者亦多矣彼獨任
修有若易易然者乎嗟夫廢閣在縣寓而修舉
在佛刹士大夫靳膂力孤寡養而僧徒叩魚磬
視太平尚其飲之食之教之誨之哉

漸曲曰日未也疑別道出左右顧日輪忽擁若
焰中聲盤旋浴同人驚呼浮空盪摩海煙直上
泉星如壁上諸侯忽然自解或曰賓之初筵雜
客無敢厠耳寺僧曰有住山數日不得觀或得
日風散之海與日混濛微見黃絕不類此日出
時海底如又日曰第二日余曰第一影耳始海
而湖千流見需而絳始四飛之絕頂而石壁千
峯見需而碧四飛有亭箭闕最高處余曰四飛
山名也亭宜一住有獅子窩如紫鱗徑極曉友
人直長拂髯闊步而下數百丈無懾色余與語
易之習坎曰天險不可升也正爲有脚力人開
一眼遂斂足逡巡禮白龍母祠龍之母繆氏產
龍而塚于此塚下方井卽白龍泉產茶絕佳就
泉煮茶移晉栢下晉栢大四圍一本十四榦幹
如龍鱗疑卽龍也不知何人伐其二榦龍歲一
觀母水深平地三尺寺僧棲於樓昨歲龍來空
中飛數十丈殿大圮余謂早則禱神無事敝其

堯峰山

堯峰山在橫山西唐免水院在焉今稱堯峯寺
有妙高峯多景巖碧玉沼寶雲井白龍洞觀音
巖已上清輝軒偃蓋松東甯西隱已上十景姑蘇志

橫山過圍甚廣環以佛刹如薦福楞伽寶華堯
峰之類皆在焉其支隴傍出各立山名堯峰山
在西麓堯時人民避水登此故名下臨太湖最
高也吳邑志

無夢園集

江二

堯峯山

壽聖寺

古免水院在吳縣治胥門西南四十里堯峯山
唐末慧齊建院宋改曰壽聖寺寶雲居之弘治
初蒞與文通修大雄殿觀音殿龍王殿東齋西
隱住釋廣愈通震

露禪庵

在龍洞西南性公建下庵曰興福以塘名興福
云庵在縣西四十五里宋咸淳二年性澄建吳志
性公復之露禪庵有妙高堂大徹堂法喜軒

盛而不之計或宜聞於主祀者以先圭壁之求
歟噫寶閣成石壁出徐議龍祠矣

無夢園集

江二

五

淨信軒七佛樓華嚴樓關王閣衣荷池漂菰池

二池浮青庵余在鳴踏嶺一道吳山一道靈巖

住釋悟亮露禪悟繼與禪

吳文定公祠

文定公諱寬讀書山中繚以石垣皆公力也祠

在觀音殿之左有柏森峙曰文定柏志仰德云

堯峰十二景

清暉軒

在免水院袁泰詩樹杪見風帆正對南湖水蒼

無憂園集 江三

子 堯峯山

露臺芙蓉塔寶公塔也余名之上古清暉軒也樹雜崖

傾日月蔽虧余以題柏志其舊云

碧玉沼

在免水院色如碧玉西南湖下有神螺

多景巖

在免水院西南石廣而平甚狎湖山如吳江之

烟樹若雪之雲峯銅官之落日石湖之雪鏡西

石之樵歌風烟舟楫水樹千重而白沙虛壁最

宜天山雪後

寶雲井散玉映揭寒余題

在免水院寶雲鑿周益公南歸十景井其一也

徐中丞源爲之記

白龍洞

洞飛白龍故名釋性公創雲阿居焉其巔有望

湖亭今廢

觀音巖

在龍洞之北其巔二重更峭突叩之欲浮石

梁翠壁幽深奇絕吳邑志

無憂園集 江三

二 堯峯山

偃蓋松廢

懷深詩寒松門底如張蓋

妙高峰

峰勢半落青天晴空歸鴈暮雲無極而青翰日

落深樹月飛空中雕梁也

東齋廢

王山人寵詩旭日散高齋王司馬世貞詩跌坐

看西山

西隱廢

王寵詩羣峰閣將夕又按懷深詩如今滿眼事
奔走欲向何人話此心生于東沒于西飄之也

鐵塔 二景志不載○廢

王世貞詩當時鐵輪王建此七寶樹

半峰亭 廢

蔣堂詩寶雲構茲軒接引心不倦

鯨吸巖 題石十六 日涉園 題石二 勸春橋 題石十四 萬玉

限 題石三 客鴈塘 題石十四 渡松壑 題石十四 駐霞城

題石三 薺月簷 題石十六 天湧巖 題石十八 青沙塢

題石十八 家夢嶺 題石十四 喧閣 題石二十 平虛庵 題石十 子定

登堯峰道六

陸道四

一從西石村至多景巖繇家夢嶺喧閣青沙塢

鯨吸

巖入免水院

一從西塢至日涉園躋百步塢

一從鴨踏嶺至觀音巖

二從興福庵至觀音巖 二道俱繇浮青庵

水道二

一從石湖越來溪至王山蕩山欲盡而隱尾一
水涵之

一從木瀆抵興福塘按胥口之水至木瀆香水
溪出焉又東入跨塘而越來溪會矣

山勢第一

李膺大詩雲峯何岩崑去天凡幾丈厥向東也

山原天目發於陽山自陽山分華鹿而南迤邐

天平既靈巖別繇穹窿而東止楞伽沿具區堯

峰突兀焉繇石湖抵山范成大云行人半出稻

花上溪山廿里衣帶皆飛寒色

具區所見如莫釐縹緲馬蹟鼇山禹期 禹會諸

夫椒 敗延 葉余長沙 亦曰長衝 武 吳王養獨

小椒 與椒對 大貢小貢思夫 秦人採藥不返 大

雷小雷 兩山相對而不相見 東岳西岳龜與龍

而差三山 相迫東西 五石浮山 五山 貓山 鼠山

對峙如謝姑小謝姑白浮歷耳筆格荈浮芋浮

青浮杜圻大都落日半邨峰峰獻曉姿觀覽矣

山一支自穹窿亘香高峰脊橫榜仰白石黃獅
何至洞庭穹窿君也

山一支自陽山亘大石玄墓銅坑華鹿錦峯玉
遜白陽仰天琴臺高景天平支砌定陽山君也
橫山張巨翼上方脅也

白石黃獅何四山不連如落星焉

水觀第二

水經吳萬水所輳觸地成川源太湖入海東入
于河爲三江鮎魚口北出至分水墩爲澹臺湖

無夢園集 江三

三 竟峯山

而黃天陳湖獨墅尹山諸湖爲之匯自分水墩
南連吳江爲龐山同里其旁流汾湖泖構李東
通泖自沙湖轉而北則楊涇蠡口東流海虞之
雲和塘而崑至和塘自陽城湖並東入吳淞江
新洋其渚太倉者自新洋江合栢家瀆夾鰻鱺
瀆皆在峰巔指掌未見者福山之道江梅里白
茆之道海然茫茫天水不知孰非海孰非江也
少讀宋單錫水利志築吳江之千橋以通太湖
及從山巖一望城邑漂水面鮎人夜火差擬

樽曉日露疑幾烟與水平矣

自胥口東出吳山之南堰于白洋灣其水渺瀰
折北滄爲石湖

越來溪起石湖東沿至橫塘一帶越自松江北

沿橫山鑿溪入吳卽此溪也宋參政范成大因

溪故城爲亭榭焉

吳邑志

太湖西首無錫東號松江南負烏程北枕大吳

其水發源有二一自西北宜興來一自長興山

蹊來却從長橫水口流入吳淞江又東流二百

無夢園集 江三

三 竟峯山

六十里入海

吳邑志

三江松江婁江東江也其水口在吳邑東南三

十里名三江口一江西南上七十里至太湖曰

淞江古笠澤一江東南下七十里至白蠟湖入

海曰上江亦曰東江一江東北下三百餘里入

海曰下江亦曰婁江胥口太湖之委自三江外

其支流一東出香山胥山之間曰胥口謂太湖

東邊兩山對峙南曰胥山北曰香山一水曰

胥口 鮎魚口自胥口東流北出

吳邑志以上
言水簡棧故

悉載之山中
觀其爲大也

鮎魚口盡于波面如鷺一行焉

王山橋挂月一鉤近之則滿

直星港如箭

石湖如盆盎

品石第三

世間有情之物莫如石以情生不以情死莫如石余游西洞庭焉石公龍嘴間須臾風湧千頃吐吞然不逮堯峰矣何以故開闢有堯峰而奇

無妄園集

江三

堯峰山

堯峰之石自余始堯峰之示人少矣

按吳縣范志云太湖石以生水中者爲貴石在水中歲久爲波濤所衝激皆成嵌空又按陳休太湖石賦駭立驚犀低開畫屏素烟散而復聚蒼苔死兮又生譬夫枯槎浮天黑龍飲水鬼狴無狀雲飛乍起夫此咏庭中石湧自湖者耳不知湖石住者皆有根抱雖拳石難拔其可移而之庭皆蠢石也宣和朱勳造巨艦載一石入京師以千人舁進役夫各賜銀碗并官其四僕皆

烟雨妙高觀落日微見數漁艇久之百帆出山

外有青山落日故人情以青山贈我也白雲自

怡悅不堪持贈矣

日將西下湖水半白帆如雪其矯舉如雪之飛

也

坐龍洞四野密雲蒼山欲沒大雷電炤長而聲

微

雨中松如泉下峽尤宜枕簟其聲厲而多思

曉白雲類繞絮彌巖谷間浮一縷霧散而樹沐

無妄園集

江三

堯峰山

雨至谷響林偃樹如驚鳥晚山綠烟淡抹夕陽

暎之明月來時隱隱遠波欲紅日未見也

法鼓禪燈木魚清磬師也歸鳥落葉飛絮浮烟

友也鶯語未滑好花欲放佳樹春望

自寶雲井至妙高峰觀出口一徑也

青霞生餘峰經聲出半嶺

方春菜花開客舉一似余日似菜花隔湖花尤

盛客又舉一似余日似隔太湖菜花未暮雪山

何似

承節郎及金帶劬遂爲威遠節度使而封石爲磐固侯皆臺石也雖然太湖石奇矣以堯峰勝之非居山一月不能知也

品泉第四

山泉數道暗度珠懸而下其美視惠山而饒平遠不品於羽隱君子也泉每兩輕泉既清妙遠惠泉五分泉既清妙遠道鮮汲間有至者居人以餉餉泉在寶華山應之日飲數斗吾事不旣濟矣乎按宋蔣堂云堯峰有顙暹禪師別號寶雲因山間舊井涸枯乃鑿

無夢別集

江三

堯峰山

石造井踰歲僅成旣列而甘大爲叢林之利又曰今茲泉眼在魯塢則寶雲井蓋宋時所鑿而以僧之別號名井云

衣荷池漂菰池在露禪庵

松滋井在平虛庵

游觀第五

橫山芳鄰也湖來妙高峰自穹窿而欲盡登橫山而欲無盡

余居文定祠晨起赤日動千波吳江城郭皆佳

輿人曰行路難此最也以城孫吳山嶺以木瀆縣鴨踏嶺

游妙高峰有之多景巖罕矣觀音巖龍洞有之鯨吸以下益罕矣

余日夜者太湖無一字說得像羅處約詩逢山方得地見月始知天唐桂芳詩水濶疑無地天低剩有星高啓詩遠水初涵夜長天盡作秋堪輿家言郡治正脉實自太湖諸山以石骨崩洪橫列太帳至天池西兌過峽復起大尖轉笏

無夢別集

江三

堯峰山

臨峙天平左帳高景右帳靈巖中抽昔庵金山穿田再起獅和索山遂變墩阜如金錢散地萬點梅花以兌龍從金閭渡峽入城轉亥轉艮轉辛出葑阻巨浸而止左枝峙虎丘婁齊其氣自西北而南右枝從上方趨尹山道迴顧榮墓盡丫濃村其氣自西南而北近有黃天蕩金鷄堰養蔭其間此外復經吳淞江環旋盤繞龍將焉往郡邑稱首豈無自哉

勝人題咏第六

顯公祠祀元臻子節度使文舉二祠俱在薦福山壽聖院卽其葬處也

宋禮部侍郎蔣堂墓在橫山魯塢堯峰寺傍

草木鳥獸第七

碧玉沼之前文定栢也側有銀杏合抱曰選樹免水院西來栢挺一幹如枯葦掛星栢在真武殿寶公塔有古藤焉余所顏掛衲藤也

自度松壑抵露禪菴萬松皆喧松短小而勁特

無夢園集 江三

主 堯峰山

翡翠果爲最纔三尺爾蓋百年物矣

興福菴種荷花其芋絕佳秋老寒塘可玩也

草之屬 芝蕙蕨

藥之屬 貝母枯梗紫蘇益母五爪龍

羽族 畫眉裙帶黃鸝練鵲鳩雉鷹鷂鵠百舌

山谷所產 虎爲曆初年所自太湖良獐鬼於菟

欄檻佳賞 荷芙蓉簷蔔桂菊葵百合海棠

木槿

蓮豆果實 桃李梅栗櫻桃楊梅枇杷棗榴

蘇州堯峰顯暹禪師僧問學人乍入叢林乞師

一接師曰去問承教有言是法平等無有高下

如何是平等法師顯暹曰堯峰高竇華低曰恁

麼則却成高下去也師曰情知你恁麼又嘗言

冬去秋來樓閣門開若也入得不用徘徊

徐源詩月明自宿太湖心咫尺不聞遊此地按

樂天有寄元稹詩云報君一事君應羨五宿澄

波皓月中故傲之以堯峰也

或問依草附木之精靈精靈豈有依附如今明

無夢園集 江三

三 堯峰山

道之士何爲亦自倚物而行答曰明必不倚倚

必不明今之說者俱謂精靈倚物性靈物倚似

矣未透也又謂精靈倚物性靈用物透矣未脫

也余獨曰精靈倚物性靈離物夫惟離物乃能

用物夫惟用物乃謂物倚故曰離幻卽覺又曰

致知在格物格者去也去物者離物也不然豈

者命在杖失杖則顛安保倚者之長爲我倚哉

所宜抵慎堯峰海性說

廣陵王元洞祀吳越中吳軍節度使錢元瓘

日涉園

三益徑 招近局 紅友 一人歸
 好邱杯 霜果林 展榮 從黃綺
 在人境 墟里烟 延目 度鳥屏
 挈壺至 木葉間 吐嶺 日夕佳
 托行雲 客中過 人處宿
 語未竟 似客星 右山徑

有黃綺無紅友可乎挈壺至者故人賞我趣也
 招近局松子落也歸雲熟歸鳥熟歸樵熟園日
 涉以成趣也

平虛庵

蔚荔境 照葵 松滋井 宿龍
 鳥翼隨 泛酒 寒花溜 雲背
 無夢園集 江三 圭 竟峯山

生翠微
 右免水院西

對西洞庭最參差處高峰山如擎

鯨吸巖

亮簪 似乘船 勸飛觴 雨水鏡
 照碧 逢曲 秋浦玉 一漁翁
 見秋山 飛紅雨 晚雲簪 酬高樓
 採藥崗 響木魚 寒橋袖 右免水
 西南

吳江雨水鏡也太湖麴車也橫山以南振五翼
 其北一巨股承之震澤千萬頃以眺東南層波
 未易敵耳晚雲如髻寒雨勸飛觴有石危立一

漁翁也

青莎塢

縹緲 紅壁 半輪秋 什碧空
 鰓電 落鏡 春水含 夜光
 鴈萍 未眠 帶寒波 夢中看
 散珠 吾廬 枯木樵 集星
 潭鏡 右免水院南二

枯木橫槎葡萄美酒吾廬醉也山月半輪孤帆
 遠引吾廬夢也舍南舍北皆春水吾廬忙也如
 天落鏡吾廬開也

喧閣

無夢園集 江三 圭 竟峯山

長雨漏 釣夕坪 藤籬沙 水深中
 花積盤 出海曙 獨登臺 琴長生
 梁父吟 青楓浦 何處鐘 堅游絲
 泛寒洲 故人情 寒樹遠天 各天
 寫翠 水宿 調砧 右免水院南三

莫喧于風莫喧于鳥莫喧于樹莫喧于雨萬松
 之下雲處人家兒女笙簞水宿鳥呼依微遠天
 耳

家夢

片日帆 畢賞阿 在玉臺 隨去帆
 霞明浪 洛社到家處 長如客 歸
 點頭眠 右免水院南四 日靜

石瘦而並峙家在夢中到家處也夢在家中長
如客也心隨帆影去山河余禍增一幻矣

萬玉隈

劍花凝霜臥滄江雲滿身鷹眼
青歸露濕神洋影雲滿身鷹眼
天同壘冷花開一沙鷗季毛驕
分夕密鷹風嶼鷗鷺三珠樹
千家小市花床遠山眉瑤瑤足
助秋荒紙烟在春曉愁風雨
盡滄洲師飲
雲中閣青翰
右免水院南五
咫尺愁風雨非愁也痛飲真吾師非飲也天地
無夢園集 江三 三 亮峯山

一沙鷗不速之客三也濺舞觀花在奇而平一
帆行處感損山眉

天湧巖

騎船刺白鋤雲錢吹白歸煙
騎奇彈夜磨磨騎葉與歸脫
濕蟬茄喧吹馬騎影新乳產
千峰雨起漁樵柳日山流玉驛
錦雲裝一潭星翠眼波紫玉驛
駐塔廟錦苔峯半篙春紫玉驛
右免水院南六

御日山下幾處起漁樵懷皓腕于神泮駕芙蓉
之綺船我所思兮騎影隴坂忽作關塞極天想

吹馬嶠如伸五指圍廣數十丈亦曰五老舉

勸春禱

元亮徑紅瘦舞淪漪落月家
抱玉眠勝友宿禱懷謝烟籠
萍帶宿禱懷謝烟籠
花積右免水院西北

春誰勸月誰落紅誰瘦自平虛菴而南數石如

舞如奕如坐如拱

駐霞城

起松尋鐘疊春浦半花源
帝梧聽雙蘭亭坐掛芙蓉
魚床橫黛星雲庄驅雞岩
韻野周鼓海晴岩漂花城
無夢園集 江三 三 亮峯山

駐霞如城啼榕如坐有風徐來驅鷄入雲自
免水院之駐霞城隔竹敲茶韻野諧風一奇也
浪為慢羽為衣波為步啼榕一奇也牽花紫蔓
春色如積日暮水漂排芰末也一咏一觴半花
源蘭亭座一奇也暮鐘可尋為君起松聲一奇
也借問君何人空山白雲耳

度松壑

一帆影夜歸人諧風磯兩三松
翡翠巢楓落正儘豐初掛夕冠
右夏采浪花慢夜珠來飲水池
亂美星右免水院北

青丘 諸雨 龍雲 貯陰 華夏 關
樓 鴻鳴 翠 警 寒 爭 祖 夜 閒 多

月出稀釣萬壑度松有客話雨最是風雨夜閒
多可憐日裏

飛鏡臺

客 馬 堂 坐 閒 鐘 餘 勝 間 玄 島
晚 花 映 涉 脉 語 崖 觀 紅 崗 雲 在
秋 水 席 經 雨 橋 宿 烟 潭 弄 珠
晚 風 起 花 雪 鷗 可 在 鴈 可 客 飛 鏡 臺 飛 明 月 也

無夢園集

江三

美 先 華 山

繇經雨橋而下陽常聽也花紅來觀新蘆隱之
落寒汀也風波朝夕令人遠矣

薺月巖

天地 青 杯 渡 喻 法 運 對 玉 峯
對 馬 鞍 山 容 聽 烏 還 引 天 峯
雷 轉 峯 勞 波 石 渡 虎 連 海 岱
識 香 林 水 明 樓 滿 漢 還 潮 洞
薺 涼 室 花 芙 岩 水 梁 橫 雲 洞
古 雪 雨 果
右 免 水 院 北 四

贊曰江畔舟如月天邊樹若薺能作是觀流水
白雲常自在 觀音巖口鳥還也其非薺月也

動日掌之下大士居之夢涼室也虎欲度花欲
笑梁欲水也巖之上還潮洞水明樓也與酣落
筆酣岳也海日引天鳥還之第一峯也懷深詩
寶陀大士金身現懊惱遊人空看山着眼青山
非其至也寒潮帶夕殘夜水明繫人秋思鳥還
一徑橫山五馬寶華疊樹使我不厭遠峯屏之
劉然一同浮青夾太湖之兩鏡眺大士巖奇石
項領自王山蕩而來者多採菱刺魚樵叟也

無夢園集

江三

三三

堯峰露禪庵供米疏

晦堂贊云超玄機於鷲嶺露赤體于龍峰聞時
富貴去後貧窮涸翁見而閤筆曰不如借水獻
花與一切人供養及贈花光仁老云大般若手
能以世間種種之物而作佛事度此有情則一
枝一葉一點一畫皆是老和尚鼻孔噫嘻艱哉
真耶戲耶老和尚不可作借水獻花大是難事
湛公大開堯峰既示寂性公相公皆能世之魚
磬日續長者效坡公以怪石供余曰是索諸枯
無益園集 江三

三人 堯峰米疏

魚盍田乎性公曰否吾師不褻不視栖毒霧中
未嘗貧窮莊嚴太虛蕤龍象未嘗富貴奈何
編氓藉田撞擊虛空余曰盍募金錢儲十載糗
備乎相公曰否廼謀釐致歲粟而余以少倡多
計以貳伯爲西江隨其願力伐碑記之陽月爲
期二公諾焉夫天子食而知宰相之味必侵宰
相食而知具官之味必曠故有一人之食自有
一人之味湛公設學字堂者再上下兩庵各以
經師統之四方雲侶皆識字皆知味矣或曰西

來不立文字以何供日以借水獻花供以怪石

供

無益園集

江三

三人

堯峰米疏

陳太史無夢園初集金山記

山在郡城西北七里大江中長山西北起爲五

州山至下鼻浦遂入江突而爲此山始名浮玉

道經云自玉京諸峯若浮而至者又各獲符

山晉破符堅置又名伏牛山唐志貞伏牛又名

金山唐貞元間有裴頭陀掛錫于此其朱大中

祥符間改名龍游山宋真宗嘗夢山之頂曰金

鷲峯曰妙高峯東麓水中孤石如蹲曰鵲峯東

麓之北曰妙空巖宣德中僧葺其北折而東北曰

日照巖亦曰朝陽洞正德中僧葺其北洞內古

照巖三字因構樓于上其下水中有善才石延

敬則宛如傍有盤陀石即郭璞墓日照西北曰

祖師巖亦曰頭陀巖又名裴公洞又名蟒蛇洞

即頭陀開山得全處昔有蟒蛇盤據其南面西

其中頭陀驅去之常有僧人定於此其南面西

日石排山三山奇峭險峻立瀉流中巨浸不沒

排亦謂之簪也蘇軾詩亦曰雲根島其上多

澤其又四大字刻于山亦曰雲根島其人多

刻木爲稍南即郭璞墓相傳墓在山下中理

悉不稍南即郭璞墓相傳墓在山下中理

拜兒孫之句墓下有中冷泉水經品第一又

謂之北渚類集云江水至金山分爲三渚最廣

波流險處其後寺僧于大雄殿之西穴一井以

給游客云大徹堂前亦有一井與金中冷洞不

記云萬川東注一島中立丹輝碧映攬數州之

奇于俯仰間而下盤魚龍之宮神靈之府實堪

輿圖六奇絕處也宋曾子固云金山之勝非獨

據江瞰海並楚之衝而演吳之要也其浮江之

檻頌崖之屋椽摩棟竭琅琅山四出有以夸天下

者無夢園集乾德南徐懿昭張次江之類受衆川

之委東趨而將至于海也其浸汪洋以無涯其

流舒肆而莫止率然屹立江中以迎其衝者金

山也參勝覽圖經及洞天記

潤州大江本與楊子橋爲對岸瓜洲乃江中一

渚耳潮水昔通揚州城中唐李紳詩云鷓鴣山

頂片雲晴揚州城裏見潮生大曆後潮始不通

今瓜洲與楊子橋相連自楊子距江三十里瓜

洲以開爲限雖楊子橋亦不至矣蔡寬夫詩話

山有佛寺建於晉太寧中名澤心至唐有裴頭

陀斷臂立誓重開山謂之觀宋真宗賜名龍濟
禪寺政和中復為神霄官後仍名龍游寺元至
治中僧應深即寺之右建大閣焉止嚴萬佛之
像下肖五百羅漢之容文帝潛邸之日登是閣
壯深締構雄偉出帑金成佛像以贊之至順中
深奉佛像以進上曰閣中萬佛已莊嚴乎對曰
像具未完即出內府寶鈔五萬緡賜之名其閣
曰萬壽永樂中僧道淵重創廊閣更名金山寺
妙空巖在山之陳麓禱祈銅鈴縱廣教誡許其
無夢園集 千一 三 金山記續

上崖巒疊出下則萊石隱起荒茅篁竹蒼翳其
前僧敏機作竹院于其傍 國朝侍郎周忱復
營治之
寺舊有輪藏并巨鐘而井亦在山對必渡橋汲
之宋寺僧別舉入定夢遊龍宮龍王謂曰寺每
雅輪藏鳴鐘告官為之震動汲水者亦有穢汚
請皆去之僧許諾覺而語其徒遂移輪藏置鐘
井寺鑿井於寺左大鐘亦不鳴建三禁堂焉
宋武帝夢僧告之曰六道眾生受諸苦惱

不修水陸齋以拔濟之帝叩諸沙門寶誌回集
經必有因緣帝乃披閱佛書剏造儀文親臨金
山修設宋慶曆中僧瑞新擇山陽之地建水陸
堂元至大延祐間三建水陸會感神光金燈之
異僧應琛復新其堂焉
唐咸亨中長安法海寺英禪師夕坐方丈忽異
人來謁曰大覺寺吳僧義濟藏金山水陸儀文
孟願往求之于山非寺修設言訖而隱英遂訪
之義濟而果獲焉 願禪師集 宣 金山記續

寺有兩薦慈塔宋元符中丞相曾布字子用西
府俸所建以薦其先者政和中寺有霄宮道士
乃去塔上相輪而屋之謂之鬱輪霄臺僧寶印
復為塔
順濟龍王廟即下元水府五代楊氏所封宋祥
符初賜額曰顯濟東南有龍王池又謂之龍洞
原唐不除大水與江通常隨元豐中寺僧了元
稱上下冬夏不竭鱗介生焉以禱者病涉又附禪林割牲以饗非便遷於江
南岸之西津建炎中煥浙西安撫劉光世置

嘉泰初封英靈普惠護聖泰江王嘉定中郡史彌堅里建記云夏六月不雨至孟秋之望告禱于祠膚寸之雲起自祠傍次日炎熾亭午焦山外濃雲滌墨冷風掠人面如冰雪兩龍見於其間水波逆立有聲上與龍接疾電震雷甘霖隨至歲以大熟

史彌堅記畧

國朝洪武初封順濟王正統中郡守吳崖改建于大雄殿之左天順中郡守姚堂復新之廟在附爪洲江神祠正德中

無夢園集 于一

五 金山記

毅皇帝駐蹕臨池願開宋史載神世忠代兵全元本在是矣廣成距元豐遷廟已五十年蓋廟雖遷而故宇之在山中者未幾廢棄意地而徐知誥之會像屬劉裕之破孫恩孔賊意會公碑皆在山之上今渝入江游止餘一臺耳

朱元祐間僧了元靜夜東望忽見焦山西吐五色霞光上燭星漢旦夕方滅因卽于方丈構妙高臺潛對其地今址在山畔而爲層巒掩蔽焦山不可望而見矣

詩序

楞伽室在妙高臺下蘇子瞻記云朱張安道

翰林學士出守滁州一日入瑯琊山藏院呼棧

梯梁得匣發之乃楞伽經也恍然覺前身乃知藏僧寫楞伽未終而化卽續書殘軸筆跡宛然如昔元豐末軾過南都安道出此經授軾且以錢三十萬使錢板印施江淮間軾曰此經在他處猶爲希世之寶況于公平請家藏爲子孫無窮之福金山主僧了元謂軾曰印施有盡若書而刻之則無盡軾乃爲書之元使侍者曉機走錢塘求善工刻之板以爲金山常住乾道中主

無夢園集 于一

六 金山記

僧寶印卽軾寫經處扁曰楞伽室云

蘇子瞻集

禪師佛印洪名了元住金山寺以蘇子瞻性喜

燒猪每製以待其來一日爲人竊去子瞻戲作

詩云達公沽酒飲陶潛佛印燒猪待子瞻採得

百花成蜜後不知辛苦爲誰甜 子瞻過潤留

寺數日一日值佛印挂牌與弟子入室子瞻至

方丈見之印云內翰何來此間無坐處公戲云

管借和尚四大作禪床印曰山僧有一轉語內

翰言不卽答當從所請如稍涉擬議願留所繫

玉帶以鎮山門公許之卽解玉帶寘几止卽回
山僧四大本無五蘊非有內翰欽於何處坐公
思議未卽答卽急呼侍者云收此玉帶永鎮山
門公笑而與之印取衲裙相報因賦二絕子瞻
次韻答之云病骨難堪玉帶圍鈍根仍落箭鋒
機欲教乞食歌姬院故與雲山舊衲衣裴休書
于歌姬院持鉢乞食又云此帶閱人如傳舍傳流到我亦
悠悠錦袍錯落真相稱乞與伴狂老蕩回唐詩
雲公號州人姓張氏入九歲時其兄成安再朝
夕往返萬餘里改號萬回唐武后賜以錦袍王
無夢園集 于

師民壽詩註

歌者哀絢乃天寶之李龜年也宣和間供奉九
重嘗言東坡公昔與客游金山道中秋夕天宇
四垂一碧無際加江流瀕湧月色如畫遂共登
山頂之妙高臺命絢歌其水調歌頭曰明月幾
時有把酒問青天歌罷公爲起舞東坡集
元豐末子瞻得請歸耕陽羨舟次瓜步以書抵
金山了元師曰不必出山當學趙州王等接人
元得書徑來東坡迎笑問之以偈爲獻曰趙州

當日少謙光不出山門見趙王爭似金山無量
相大千都會一禪床東坡稱善與佛印東云
離揚州日忙迫不復知公在郡也但畧見焦山
耳行承示諭知世外人尚切切如此吾輩何足
道耶妙高詩聊應命耳僕不知大顛何如人若
果出世間豈一退之能輕重哉今日過邵伯埭
自此入塵土狹狹之鄉矣回望山水間揮塵談
談豈可復得詩無中僧題
元豐中子瞻在金山寺夜觀江光初起熒熒若
無夢園集 于

金山記

漁火鬼峰旋睨而大照耀江山閃映林木棲鳥
皆驚賦云是時江月初生鬼二更月落天深黑
江心似有炬火明飛焰照山棲鳥驚悵望歸卧
心莫識非鬼非人竟何物
蘇軾守杭郭功甫過之誦其金山行至再三不
輟既而問軾曰正此作幾分軾曰十分功甫驚
喜以爲遲已也軾徐曰三分是詩七分來讀豈
非十分耶
李龍眠畫子瞻照容弟子由贊之惜了元像
亦龍眠筆

金山寺後東坡過金山自題偈曰心似石灰之
木身如不繫之舟問汝平生功業黃州惠州瓊
州

佛印遊京師天子以高麗所貢磨神賜之客有
見而歎曰嗚呼善哉未曾有也嘗試與子稱其
齊莊循其鉤絡舉而振之則東盡嶠夷西及昧
谷南放交趾北屬幽都紛然在吾箴孔綫蹊之
中矣佛印笑曰甚矣子言之陋也吾以法眼視
之一一箴孔有無量世界滿中衆生所有託竅

無夢園集

十一

九 金山記

所衣之衣箴孔綫蹊悉爲世界如是展轉經
十反吾佛光明之所照與吾君聖德之所被如
以大海注一毛竅如以大地塞一箴孔曾何碍
夷昧谷交趾幽都之足云乎當知此衲非大非
小非短非長非輕非重非厚非薄非色非空
切世間行膠墮指此衲不寒鏤石流金此衲不
熱五濁流浪此衲不垢劫火洞然此衲不壞云
何以有思惟心生下劣想蘇軾聞而贊之曰
而寶之見衲而不見師衣而不匠見師而不見

衲惟師與衲非一非兩眇瞻視之蟻蝨龍象

簾子瞻以怪石供佛印佛印以其言刻諸石

子聞而笑曰是安所從來哉予以餅易諸小兒

者也以可食易無用予既足笑矣彼又從而刻

之今以餅供佛印佛印必不刻也石與餅何異

參寥子曰然供者習也受者亦習也刻其言者

亦習也夫習何適而不可舉手而示蘇子云

此而揖人人莫不喜哉此而詈人人莫不怒

矣乎也而喜怒哀世未有非怒者也予試知

無夢園集

十一

一 金山記

義之皆習則喜雖存而恨片刻與不刻無不可

者蘇子大笑曰子欲之耶乃出以供之

金山灘瀨下多龜鼉窟宅每沂洄順流噲噲

浮或近或遠出沒浪花間頗類馴擾可玩故

子瞻詩有扣關見龜鼉揚首意自得之句

子瞻金山賦鼓詩有誰能斗酒博西涼但愛

厨法鼓香之句

唐世五月五日揚州平江心鑄鏡以進故國朝

翰林撰端帔子親身用其事至馬王岳紫閣

瞻馳隱曉霞瑤堦九御薦萑華何時又逢江
鑑試與君王却衆邪李邦直云艾葉成人後柳
花結子初江心新得鏡龍瑞護仙居趙彥若云
楊子江中方鑄鏡未央宮裏更飛符菱花欲共
朱靈合驅盡神姦又得無又楊子江中百鍊金
寶奩疑是月華沉爭如聖后無私鑑明照人間
萬善心又江心百鍊青銅鏡架土雙翹翠縷衣
李士美云何須百鍊鑑自勝五兵符傅墨卿云
百鍊鑑從江上鑄五時花向帳前施奇神元鑑
無夢園集 千一
江中今日成龍鑑花外多年廢鷲陂合照乾坤
共作鏡放生河海盡爲池蘇子由云楊子江中
寫鏡龍波如細縠不搖風官中驚捧秋天月表
照人間助至公唯東坡不然曰講餘交翟轉更
廓始覺深官夏日長楊子江心空百鍊只將無
逸鑑典其輝光氣焰可畏而仰也東坡別集
白樂天爲杭州刺史徐夔自富春來張祐亦傍
舟而至各希首薦白曰二君論文若廉蔣之關
勝負在於一戰祐曰其題金山寺曰樹影中鏡

見鐘聲兩岸聞雖基母潛塔影掛青漢鐘聲和
白雲之句亦未爲佳也尤文簡詩話
自張祐吟詩後詩人開筆孫魴復吟一詩時號
絕唱然魴詩不及祐如驚濤激佛身之句寺何
其低而小哉末句仍自驚衙卽天多剩得月一
聯亦未爲至以其亦可用之落星也梅聖俞
山形無地接一聯絕妙尾句有味孫又有句云
結宇孤峯上安禪巨浪間可以相埒然移之南
康之落星永嘉之湖心亦無不可詩鑑
無夢園集 千一
金山居大江中迥然孤秀詩意難盡故張孫詩
爲第一羅隱亦云老僧齋罷關門睡不管波濤
四面生日記
王平甫金山會宿之作只第四句佳被乃兄介
甫壓倒平甫自和有云檻外風吹前渡語江邊
影落萬山燈半空月上方清徹萬里潮來自沸
騰又較親切方壺
陳元巳謂楊公濟金山詩爲住宅牙人語解量
四至信然但介甫前四句亦類此其實自是佳

句胡荈溪云平甫有北固山連三楚盡中冷泉
入九江深平甫幾楊蟠而反自作此語何耶細
味之公濟尤勝

後齊漫錄

郭功甫金山行造語豪壯易飛不盡暮天碧
聯大爲王介甫稱賞荆公北固西與句尤爲中
的

三山詩話

王陽明年十一歲時其祖竹軒携往京師過金
山寺翁與客酒酣擬賦詩未就陽明從旁賦曰
金山一點大如拳打破維揚水底天醉倚妙高

無夢園集 十一

臺上月玉簫吹徹洞龍眠客大驚異復命賦戲

月山房詩曰山近月遠覺月小便道此山大

月若人有眼大如天還見山小月更濶

王文成年譜

李秀卿刺湖州至維揚遇陸鴻漸謂曰陸君善

茶天下所聞揚子南零水又殊絕二妙千載

遇何可輕失乃命軍士之信謹者挈瓶操舟詣

南零汲之陸潔罷以俟俄水至陸以杓揚水曰

江則江矣非南零似臨岸者既傾至半又揚之

曰此南零矣使駭服曰自南零齋至岸舟盪

懼其掀挹岸水增之處士神鑒也李亦驚異

新水錄

李贊皇居廊廟日有奉使京口者托取中冷水
其人醉而忘之泛舟至石頭城方憶乃汲于江
中歸京獻之李飲之歎訝非常曰京口水味有
異于頃歲矣此頗似石頭城下水其人謝過

隱廣記

李約在潤州得古鐵一片擊之清越又畜一猿

洛山公每月夜泛江登金山擊鐵彈琴猿必鳴

無夢園集 十一

和傾壺達夕醉而後已

呂祖謙曰久客江湖不見偉人昨在金山見

元發乘小舟破巨浪來巍然使人神聳

東坡別集

陳亞少卿維揚人善詩什滑稽尤甚嘗遇蔡君

謨于金山僧舍酒酣君謨題詩屏間曰陳亞有

心終是惡卽索筆對曰蔡襄無口便成衰

志林

歐陽文忠公宿采石渡夜聞相呼之聲舟尾忽

應曰參政宿此不可去公疑之至五鼓岸上馳

驟有聲舟尾天呼曰如何行者答云道場不

無所得而歸公愈異其事後遊金山以告寺僧曰昔者施主於寺設齋方第二筵其妻乳母少頃腥風滅燭衆駭其異公詢其日正宿采石之夜也

夜話錄

宋柳開知潤州胡旦爲淮漕俱以文著旦作春秋邀開於金山寺觀之頗以著作自矜開止傳述而已爾何敢竊聖經之名今贈六劍我狂悖語訖勇逐旦旦聞步歸衣冠投劍謝

無夢園集

十一

王

金山記續

幾及舟人擁入猶砍其舟以快忿焉

王盡清詩

江

唐開元中潤州大風起自東北擁海濤及金山沒瓜步貞元中魚鼈蔽江而下皆無首有黑氣如隄由海門山橫亘江中與北固相峙又有白氣如虹自金山出與黑氣交將旦而復光啓中江水赤凡數日

唐志

唐光啓中金山寺西石磯上有異獸狀如牛

角色黃而毛長可數十丈引首望城中久之復回顧廣陵寺僧觀者漸多乃躍入水波濤洶湧如衆車馬聲移刻乃止

稽神錄

宋天聖間近輔得龍卵于大河其形色如雞卵大若五斗囊獻之詔遣送寺是歲大水漂金山廬舍數十間後人于鐵狗廟下亦得一龍卵寄于寺龍壅水上門取卵不得

筆談

宋治平初星隕宜興許氏園光焰掃空藩籬焚盡熒然沉地其竅極深熱不可近後發地得一

無夢園集

十一

金山記續

圓石大如拳一頭微銳色如鐵重亦如之乃遺寺藏之

筆談

寺有行者素佻健嘗晝寢同袍者戲畫一龍于其臂頭尾鱗鬣狀頗逼真行覺而見之戲曰吾寢而臂出龍豈非天授乎常黥之以成其異乃以針刺而加墨焉積數月墨色漸紫又數月其紋稍稍隱起約高一黍米每風雨之夕此龍蜿蜒如動一臂爲之搔不安行病之他日漂于江江水爲之開豁數丈此臂騰掉上下如非已有

者行益以爲神時時潛沒水中見鼉鼉魚鼉歷歷在目一旦自念曰金山盤踞江心其下宜有根著盍探之乃下投窺至江底見山根大僅數抱若一柱擎其山焉因運臂撼之山爲搖撼不止室宇皆動僧怖以爲地震焚香祝三寶食頃而定行登山知而竊笑之旬日乃爲同袍說其實因具言臂龍之神同袍驚以白長老長老曰此妖人也潛詣鎮江告官請殺之官謂誣罔不爲理僧懼其爲已累也辭行而繼之行既訖訖

無夢園集 下

二

無靈焉 烟霞小說

金山紀蹟二

金山一名互父山亦名頭陀巖按頭陀巖記謂因李筠奏而易名然建中開揚州陳少遊以甲士臨江韓滉總兵臨金山與少游會則建中時已名金山非自筠始梁天監四年卽金山修水陸會則金山之名非始于建中矣

金山始建唐書謂明帝時祥符圖經謂始于

唐蓋因頭陀開山而誤也宋祥符五年改山名

曰龍游天禧五年復名山曰金而以龍遊名寺

無夢園集 下 金山紀蹟

政和四年改爲神霄玉清萬壽宮時詔天下悉

立此宮而鎮江府以龍游寺改建徽宗御書爲

天下神霄第八郡守毛友汪藻皆有記又藻記

稱先唐時嘗以爲龍遊觀蓋一時逢迎之論非

實也南渡燬于火淳熙中僧蘊衷重修學士洪邁記

石排山盛夏有大蛇莫知其數盤結于木陰間

相傳上有郭璞墓按韻書排與簾通此山皆巉

石隱出水面若木簾然故名宋元祐間總管段

廷珪言揚子江古號天塹舟到金山急流處謂

之攬渾泰定間臺臣檄云金山盤渦旋激號爲

大渾險之甚者似又不專指是山矣

原志

唐若山刺潤州好方術用府庫錢市藥遂有所
遇同游金山寺自中流隱去有遺疏留郡中玄

宗省而異之

太平廣記

東坡游盤陀石云中冷南畔石盤陀古來出沒
隨濤波

子瞻與寶覺上人東云去歲赴官迫于程限不
能住舟一別中流縱望雲山杳然有不可及之

四庫全書

下

金山記續

歎既渡江遂蒙輕舟見餞復得笑語一餉之樂

慚荷之懷殆不可勝言別來因循未及奉書專
人至辱教累幅慰喻反覆讀之爽然如對妙論

仍審比來法體佳勝其比粗遣但未有會見之
期臨紙惘然惟萬萬自重至遊堂記卽當下筆

遞中寄去近有後杞菊賦一首聊以當一笑人
還草草

子瞻與佛印東云辱書伏承道體安佳甚慰馳
仰遊山固所願也方迫往筠州未卽造見還日

如約匆匆布謝不悉

文忠公集

金山了元嘗以衲裙贈坡而坡酬以玉帶僧寶

傳出洪覺範之手洪與坡同時所載不過如此
而世傳因借師四大爲坐下轉語不得而輪帶

者妄也

鄒志

東坡佛印二像元時猶在王都中爲之裝今已
不存矣

梁天監中祐律師主金山寺嘗奉詔宣水陸儀
文

無夢園集

下

金山記續

宋咸平中僧幼聰獻金山圖于眞宗因詔遣內

侍藍繼宗賜大藏經一部

元虞集萬佛閣記云一念慮之善一佛之全體

也一號令之善一佛之大用也譬如瞻日于天
人各見日如日視已不知所見共一日也觀月

于水人各見月如月視已不知所見同一月也
散之諸有名之爲萬歸之如無其實一佛也一
佛萬佛也

曾子固記水陸堂云慶曆八年潤之金山寺火

明年寺之僧瑞新來治寺事某月擇山之陽亢爽之地勸州之人某氏爲水陸堂積錢之數百三十萬積日之數若干而成

別峰禪師洪武初奉

勅住山嘗赴京賀

萬壽聖節寓雞鳴寺

高廟親臨幸賜詩曰命駕雞鳴訪老禪知師昔日往承天幼年參學心猶切晚歲修持操愈堅進發性天香馥郁月澄秋水玉團圓一毫照徹無夢園集 干一

三 金山紀蹟五

三千界何必藏身北斗邊

正德丙寅寺僧夢一衲告曰山有洞久塞吾正處其中僧寢覓至一處榛莽翳翳頗似有迹因鑿之果得一洞石壁有刻字曰日照巖其下有鉢而遺骸在焉乃水壅之構小樓其上東眺焦山海門無際萬頃一碧金山極險處也

吞海亭在巔東瞰海門天水蒼茫陸遊入蜀記云每北使來聘例延至此亭烹茶焦山舊有吸江亭最爲佳處故此名吞海以勝之可笑也

萬曆癸巳 勅賜大藏經一部僧空滿建閣奉

之翰林簡討王肯堂記云空滿從北方來結廬危巖下髮不難足不履始輓石爲經閣十年間變成精舍寺舊藏經殘缺滿乃與徒如然至京師時天下乞藏者蜩集所司厭之不以聞然猶內降香藥紫方袍賜滿以歸而如然獨留誓不得藏不已淪落長安中者五年刑部郎中吳撫謙嘗守鎮江屬肯堂爲題疏令資檀信具楮幣摹印不必仰煩

無夢園集 干一

三 金山紀蹟五

官掖可得二百金于全藏廢尚缺四之三會內侍周珣因內奏事牌子趙媛以聞

聖母大嗟賞取二百金付內侍張本益以金繒不月而就時綠海有警他藏悉尼不發而獨此附便差舟歸

彭祿留雲亭記云景泰甲戌郡守白公命住持弘霍寧媛作亭于頂或曰晦冥之朝風雨之夕雲氣往往停留其上故名

彭兵憲國光吞海亭記曰金山據海上游而茲

亭據山絕頂當夫日月踴出如金九曜冷閃爍
激射沉影浮光變態無極若乃陰霾霧雨天水
蒼茫上下玄同如鴻濛一氣混沌未分時或長
風驟來驚濤黏天怒波拍空山根搖而欲浮地
勢振而若飛恍如神鼇揚著島嶼騰躍憑欄俯
視目眩心顛海之大觀于斯爲極舊有亭曰吞
海嗣山僧公始復之

無夢園集

十一

金山紀蹟

虛傳水陸之場晉代靈丘已成陵谷之變惟見
殘碑斷碣清江白雲而已

華雲金山重瀆龍池記云龍池一名龍洞水通
大江與潮上下或云日照巖西北其處也正統
丙寅周文襄公徙順濟龍王殿于天王殿龍江
流盤渦人稱龍門鑒池其後命曰龍池旣而水
涸有年嘉靖壬寅邑侯李隆仲屬僧圓濟濟之
元薩天錫寄卽休師詩老禪在處水雲重按天
錫詩集休乃鶴林僧也豈嘗移錫蒞金山歟又

甘露常欽爲金山卽休了師掌記室

金山瑞新禪師僧問吾有大患爲吾有身父母
未生未審此身在甚麼處師曰曠大劫來無處
所若論生滅盡成非曰恁麼則周徧十方心不
在一切處師曰泥裏撼椿上堂世間所貴者和
氏之璧降侯之珠金山喚作驢屎馬糞出世間
所貴者真如解脫菩提涅槃金山喚作屎涕碗
鳴且道甚麼說話落在甚麼處故不是取舍心
重信邪倒見諸人要知麼猛虎不顧凡土肉洪

無夢園集

十一

二

鑪豈鑄囊中錐

金山懷賢圓通禪師僧問師揚宗旨得法何人
師拈起拂子僧曰鐵甕城頭曾印證碧溪崖畔
祖燈輝師拂一拂曰聽事不真喚鐘作甕
寶印俗傳前有佛印別峯印及寶印號金山三
印

洪武中僧來復見心以詩名

僧凱南清能詩審哀刻金山古今詩文纂修佛
書

金山善寧法印禪師僧問天皇也恁麼道龍
也恁麼道未審和尚作恁麼生道師曰手裡白
鞭驪珠盡擊碎曰退身有分師曰知過必改
堂願視大衆曰古人道在眼曰見在耳曰聞在
鼻臭香在舌談論在身覺觸在意攀緣雖然如
是祇見錐頭利不見鑿頭方若是金山卽不然
有眼覷不見有耳聽不聞有鼻不知香有舌不
談論有身不覺觸有意絕攀緣一念相應六根
解脫政問諸禪德且道與前來是同是別莫有

無夢園集

十一

三

具眼的衲僧出來通箇消息若無復爲諸人重
重注破放開則私通車馬捏聚則毫末不存若
是飽戰作家一任是非貶剝

克勤佛果禪師嘗謁玉泉皓次依金鑒信大爲
詰黃龍心東林度僉指爲法器而晦堂稱他且
臨濟一派屬子矣最後見五祖盡其機用祖皆
不諾乃爲祖強移換人出不遜語忿然而去祖
曰待你著一頓熱病打時方思量我在所到金
山染傷寒困極以平日見處試之無得力者追

無夢園集

十一

三

釋五祖之言乃自誓曰我病稍開卽歸五祖病
痊尋歸祖一見而喜令卽叅堂便入侍者寮立
半月會部使者解印還蜀諸祖問道祖曰提刑
少年曾讀小豔詩否有兩句頗相近頻呼小玉
元無事祇要檀郎認得聲提刑應諾諾祖曰且
子細師適歸侍立次問曰聞和尚舉小豔詩提
刑會否祖曰他祇認得聲師曰祇要檀郎認得
聲他旣認得聲爲甚麼却不是祖曰如何是祖
師西來意庭前栢樹子聾師忽有省遽出見雞
飛上欄杆鼓翅而鳴復自謂曰此豈不是聲遂
袖香入室通所得呈偈曰金鴨香銷錦繡涼
歌叢裏醉扶歸少年一段風流事祇許佳人獨
自知祖曰佛祖大事非小根劣器所能造詣藉
助汝喜祖徧謂山中耆舊曰我侍者叅得禪也
建炎初住金山適駕幸維揚入對賜號圓悟大
師時堂中僧一十八人皆大徹因名大徹堂然
達觀禪師曰欲識佛性又當觀時節因緣僧問
如何是時節因緣師便求座問如何是事因緣

奪境師曰家裏已無回日信路邊空有望鄉人
曰如何是奪境不奪人師曰滄海盡教枯見渡
青山直得輾爲塵曰如何是人境兩俱奪師曰
天地尚空秦日月山河不見漢君臣曰如何是
人境俱不奪師曰鶯囀千林花滿地客遊三月
草侵天嘉祐四年除夕遣侍者持書別刁景純
學士曰明旦當行景純開書大驚復書訣別顏
讀景純書良久乃化

巍然魂在數林松北宮律舊志題云文宗而得
于宋名勝錄又直作梁武帝余訂爲元文宗作
蓋天監中武帝雖幸金山而七言近體始盛于
唐齊梁之代未見也元文宗初出南海又出展
建康虞邵菴萬壽閣記今上潛邸之日親登是
閣則爲其作無疑

李伯時爲元寫照元曰必爲我作笑狀元符元
年正月四日聽客語有會心者軒渠一笑而化
其爲人服義疾惡臨事無疑滯嘗舉宣長老赴
甘露宣後竇元元白于官曰宣演法未有像

乞改正宣竟以事遭逐楊次公曰牽牛蹊人之
田而奪之牛元不卹也

郡志

無夢園集

于

金山紀蹟

金山記蹟三

太平廣記李德裕使人取金山中冷水蘇軾蔡肇並有中冷之句雜記云石排山北謂之北澗釣者餘三十丈則中冷之外似又有南零北澗者潤州類集云江水至金山分爲三冷今寺中亦有三井其水味各別疑似三冷之說也錄徐文貞與鄧文峰戶部東云十日至鎮江十一日湯都督沂東邀予同方山登北固至第一峯聽覽嘯歌有超出六合之想忽大風吹予二人

無夢園集

干一

金山記蹟

幾墮巖下若造物陰有所忌者退飲佛殿觀入皮鼓鼓益以沂東所戮海寇王良皮靴之其聲比他鼓稍不揚或謂人皮視牛革厚理或然也酒半沂東召二人搏一人長可五尺餘其一人龐然大也顧不勝會報虜且入冠予以言激沂東沂東慨然曰嗟乎使僕得備戎行豈惜此血囊不爲國家出死力哉予二人歎重久之嘯時鄒別駕水東同以明邀登金山遍觀其所謂海嶽樓江天閣留雲亭及壁間諸石刻賦詩一章

有下窺三楚平揖兩都之句薄暮風雨大作留

宿寺中十二日午後始渡江而北蓋旬日之間

數百里之內觀遊之奇勝畧備惜公不同之也

見聞

隆慶已巳余被召北入滯疾淮上疏再上乞休

未得報移舟泊瓜步歸下會天氣乍暄運艘大

集河流淤濁每旦舟子棹江濤中汲中冷泉一

日舟觸罌破索他器承餘瀝以候淪茗聞金山

僧飲食盥漱皆取給於此此何異奉割十五城

無夢園集

干一

幸

勢趙壁而荆山之犬用以抵鵲陸平東請

吳太宰公嶽守廬州時中丞南明王公廷守蘇

州二公同年友也一日以公務會于鎮江吳折

東徵王公爲金山之遊載酒一瓶米數合肉床

許蔬一束於舟中屏騶從趨王公同舟往王公

熟視其具笑曰兄昨折東相徵具止是邪曰吾

兩人自足用多具何爲比至命庖人卽所載治

具相與論心盡歡竟日而還懷遠世目之

東坡大風留金山兩日云塔上衆鈴獨自語

此葉天圖配補

日顛風當斷渡于湖詩云塔上一鈴語湖頭

日風用坡語也

俗下

郭祥正字功甫有逸才詩多新意丞相荆公過

金山寺於壁間得長篇讀之反覆諷味間知功

甫所爲由此見重最愛其兩句云鳥飛不盡暮

天碧漁歌忽斷蘆花風又曾題人山居一聯云

謝家莊上無多景只有黃鸝三兩聲公乃命正

繪爲圖自題其上云此是功甫題山居詩處即

道人以金酒鍾并圖遺之

量客

宛丘公護其先府君櫬歸葬時一舟載靈櫬宛

丘公守櫬舟中一舟載家累子期與其母夫人

在焉舟過金山舟人以便風大繩維兩舟並行

子期將過宛丘公船失脚墮江水公震慄重賞

令救比卸帆停舟須良久而子期若有人捧出

水面者終不沒今登政府豈偶然云

雜錄

韓蘄王在鎮江一日抵晚令帳前提轡王權至

金山仍戒不得用舢波慰給浮環借一卒至西

津遂浮以渡登岸寺僧巨測疑爲鬼神詰得其

詳以手加額因指適所歷處皆龜竈穴曰官旣

不死他日必貴權後果建節

清波雜志

舒王宿金山寺賦詩一夕而成長句妙絕如日

天多刺得月月落聞歸鼓又曰乃知像教力但

渡無所苦之類如生成山谷在星渚賦道士快

軒詩點筆立成其畧曰吟詩作賦北窓裏萬言

不及一杯水願得青天化爲一張紙想見其高

韻氣摩雲霄獨立萬象之表筆端三昧遊戲自

在也

冷齋夜話

無夢園集

干一

金山記

歐陽文忠公慶曆末宿采石舟人再睡湖至月

黑公方就寢微聞呼聲曰去未舟尾有荅者曰

有叅政船宿此不可擅去齋料幸爲携至五鼓

岸上臘臘馳驟聲舟尾者呼曰齋料幸見還有

且行且答者曰道場不清淨無所得公異之後

遊金山與長老瑞新語新曰某夜還水陸有施

主携室至忽乳一子俄覺腥風滅燭大衆恐使

人問其時公宿采石之夜其後蔡州求退之銳

者亦其前知然耶時公自叅知政事除蔡州黃

魯直熙寧初宿石塘寺寺有鬼靈異僧敬信之
一夕夢曰分寧黃刑部至僧曰侍郎乎尚書乎
曰侍郎也魯直南遷已六十親故憂其禍大又
南方瘴霧非萊壯老人所宜魯直笑曰宜州者
所以宜人也且石塘鬼侍郎之言豈欺我哉魯
直竟歿于宜州較采石之鬼何愚智相去三十
里豈魯直癡絕故欺之耶冷齋夜話

王韶晚年頗悔取熙河時事嘗游金山寺以因
果問衆長老皆言以王法殺人如舟行歷殺螺

無夢園集 下

金山記

蜂自是無心韶猶疑之時有刀景純者比韶爲
前輩亦學佛多在金山忽一日與韶邂逅於長
老坐間韶復舉前話以問衆答如前刀獨無語
韶曰十八丈以爲如何刀曰但打過賢心下否
韶曰不知十八丈打得過否刀曰以其所見賢
打過不得曰何以知之曰若打得過自不問也
韶益不自安後數歲發背終日闔眼醫者告之
曰看病亦當看眼色樞密試開眼看韶曰安敢
開眼斬頭截脚人有許多在前月餘病劇遂卒

無夢園集 下

金山記

韶未患發背前涇原知縣王直溫一夕已就寢
矣中夜有人扣衙門甚急曰請知縣斷遣一公
事直溫起燃燭坐廳明見一吏抱文案并見數
卒領一罪人至白直溫曰奉天勅令知縣斷此
王韶公事直溫熟視罪人頗殷肥矮矮其吏宣
判將王韶決脊杖配洪州斷訖直溫復歸寢忽
驚覺問其妻曰我曾起否妻曰爾睡甚快不曾
出直溫曰豈乃夢耶悟不復道明日以韶名字
問人或曰今樞密使王韶亦殷肥矮矮外無有
者直溫異之未幾果聞王韶罷樞密請官洪州
發背而卒異哉事見子由詩錄樂善錄
本朝翰林蘇公紳嘗題潤州金山寺一聯云僧
依玉鑑光中任人踏金鼈背上行時公方舉大
科識者以人踏金鼈背上行乃榮入王堂之兆
已而果然公位止於內相豈亦詩之識耶奇蹟雜記
楊子江心水號中冷泉在金山寺傍郭璞墓至
最當波流險處汲取甚難士大夫慕名求以爲
茗操舟者多淪溺寺僧苦之于水陸堂中

以給游者往歲連州太守張思順監江口鎮
嘗取二水較之味之甘冽水之輕重萬萬不備
乾道初中冷別湧一小峯今高數丈每歲加漲
鶴棲其上峯下水益湍泉之不可汲更倍倍時
矣

游宦紀聞

吳人鄭夷甫少年登科有美才嘉祐中監高郵
軍稅務嘗遇一術士能推人死期無不驗者
推其命不過三十五歲憂傷感歎殆不可堪
有勸其讀老莊以自廣夷甫謂金山一僧端

無夢園集

卷二

金山記

坐與人譚笑間遂化去夷甫聞之喟然嘆息曰
既不得壽得如此心復何憾哉乃從佛者投首
楞嚴經往還吳中歲餘忽有所見曰生死之理
我知之矣遂釋放懷無復芥蒂後調封州判官
預知死日先期旬日作書與交游親戚叙訣及
次序家事備盡至期沐浴更衣公舍外有小園
面溪一亭紫飾夷甫至其間親督人灑掃及焚
香揮手指畫之間屹然立化

夢溪筆談

東坡遊金山詩云江山如此不歸去江神見怪

驚我頌我謝江神豈得已有田不歸如江水盡
與江神指水爲盟耳句中不言盟誓者乃用子
犯事指水則誓在其中不必詛神血口然後謂
之盟也送程六表弟云浮江沔蜀有來言江水
在此吾不食卽此意

東坡別集

嘉靖七年二月初二日金山五顯靈官雷擊一
柱到底縱直如線

戒菴老人漫筆

邵文敬善書工碁詩亦有新意如江流如白龍
金焦雙角短之類又有半江帆影落尊前之句

無夢園集

卷一

吳

人稱爲邵半江

邵半江一日題陳圖南小像云盤陀石上淨無
塵岳色江聲共此身莫怪吳儂渾不醒百年俱
是夢中人詩成求質于李西涯西涯給之曰尚
有一二字欠穩待予更之西涯乃默記竊爲已
有先題吳公畫上後邵公見之撫掌大笑

美山

王敦鎮南州欲謀大逆乃召郭璞爲佐時明帝
年十五一夕集朝士問太史王敦果得天下邪

史臣曰王敦致天子非能得天下明帝遂單騎微行直入姑熟城敦正與璞食璞久之不自敦敦驚曰吾今同議定大計卿何不卽言璞曰向見日月星辰之精靈五岳四海之神祇皆爲導從翌衛下官震悸失守不卽得自將軍敦使聞謂是小奚戲馬簡定非也遣三十騎追不及敦曰吾昨夜夢見石頭城外江中扶犁而耕占之璞曰大江扶犁耕亦自不成反反亦無所成敦怒謂璞曰卿命盡幾何璞曰下官命盡今日敦

無夢園集

干一

三

誅璞江水暴上市璞尸出城南坑見璞家載棺罷及送終之具已在坑側兩松樹間上有鵲巢璞逆報家書所言也謂伍伯曰吾年十三時於柵塘脫袍與汝吾命應在汝手中可用吾刀伍伯感昔念惠銜涕行法殯後三日南州士人見璞貨其平生服飾與相識共語非但一人敦不信聞棺無尸璞得兵解之道今爲水仙伯注山海經夏小正爾雅方言著遊仙詩江賦上縣客傲洞林云晉書有傳

出神仙傳按此可證金山璞墓之妄

李妙惠揚州士人盧氏妻盧久遊太學人謾傳其死時值饑荒父母欲奪其志李誓死不嫁後流落過金山題詩壁上以見志後盧及第歸見之知爲惠作令人物色竟得之夫婦遂和焉其詩曰一自當年折鳳凰至今魚雁兩茫茫葢棺不作橫金婦入地還從折桂郎彭澤晚烟歸宿夢瀟湘夜雨斷愁腸新詩漫寫金山寺高掛雲帆過豫章

皇明詩統

寶曆二年崔從鎮淮南五月三日瓜步鎮申浙

無夢園集

干一

三

右試就渡船十艘其三船平沒於金山下一百五十人俱溺死從見申紙歎憤特軍司馬皇甫暉入啓事與從同異之座有宋生歸儒者語曰彼之禍不及怪也此亦有之人数相類但其死不同耳浹日有大譙陳于廣場百戲俱陳俄暴風雨庭前戲者并馬數百匹繫在廡下迅雷一震馬皆驚奔大廡數十間平塌凡居其下者俱壓死公令較其數與浙右無一人差焉

獨異志

佛祖統記云梁天監二年帝夢神僧告曰六道

四生受苦無量何不作水陸大齋以拔濟之盡以問諸沙門無知者唯志公勸帝廣尋經論必有因緣帝自遣迎大藏經置重雲殿帝積日披覽創製儀文三年而後成乃建道場於夜分時親捧儀文跪於佛前悉停燈燭而發誓言若此儀文理協聖凡愿拜起燈燭自明或體式未詳燈暗如故言訖一體燈燭皆明再禮官殿震動天而寶花天監四年二月十五日就金山寺命諸沙門依式修設水陸大齋三晝夜普濟羣靈

無夢園集

十一

金山記

帝親臨法席詔沙門僧佑律師宣文大彰感應周匝之除此儀不行至唐咸亨中英禪師夢一人告曰開世有水陸大齋可以利益幽品其文大覺寺僧義濟得之愿師往求如法修設師詣大覺果得其文遂于金山修齋已畢復夢數十人前致謝曰今蒙法力皆得解脫

水陸緣起

政和間嘗以金山龍遊寺改建神霄宮汪彥章記云父老相傳先唐時嘗以爲龍遊觀已而爲浮屠氏所有者幾二百年故金華楊氏洞天

曰中國洞天不載于名籍者尚多有之金山其一也

歌者袁絢歌罷坡爲起舞而願問曰此便是神仙矣吾謂文章人物誠于載一時後世安所得乎

業

壬午歲廣陵瓜洲市中有入市果實甚惡或問所用云吾長官明日上任有謂長官爲誰云楊副使也又問官署何在云金山之東遂去不可復問時浙西有副使被召之揚都明日船至金山無故而沒

無夢園集

十一

且

山無故而沒

補神錄

自姑蘇至毘陵曰常州自常州至京口曰潤州謁水府祠渡揚子江登金山見巨浪拍天鯨鯢出沒屢樓駕空朱碧相照呼雲吸霧一息萬態紛紛紜紜不可名狀

西征記

佛印禪師爲王觀文陞座云此一瓣香奉爲掃相塵博士護世界大王殺人不曉眼上將軍立地成佛大居士王公大喜爲其父師多專殺也

宋曾幾高齋漫錄

閔壽卿爲方外游壹息玉華山春築方丈室
金粟如來余季孟以一漚署其庵以默存署其
閣壽卿請偈余作偈

太雨集

宋高宗建炎四年四月兀朮由廣德破臨安韓
世忠自秀州移師鎮江待之先以八千人屯焦
山寺以邀虜歸兀朮遣人約日會戰世忠謂諸
將曰是間形勢無如金山龍王廟者虜必登此
覘我虛實乃遣偏將將三百卒伏廟中又遣三
百卒伏江岸遣人于舟望之戒之曰聞江中鼓

無夢園集

干一

金山記

聲岸兵先入廟兵繼出虜至果有五騎趨龍王
廟廟中之伏喜先鼓而出五騎振策以馳僅得
其二有一人紅袍玉帶旣墜復跳馳而脫詰二
人者云卽兀朮也旣而戰數十合俘獲甚衆又
獲兀朮之婿僞封龍虎大王者舟千餘艘虜終
不得濟復使致詞願還所掠假道世忠不從益
以名馬又不從時韃靼在濰州乃遣李董太一
趨淮東以爲兀朮聲援世忠奏捷上曰金人使
侮以來兵將多是望風奔潰今歲如韓世忠雖

雖不成大功皆累獲捷若自此訓練甲極力
措置今冬虜來似有可勝之理朕觀自古恃衆
而敗如尋邑昆陽之戰者多矣乃出世忠奏命
尚書省以黃榜諭中外時虜衆十餘萬而世忠
戰士纔八千兀朮登岸語世忠以二人從見之
兀朮語不遜世忠怒引弓射之亟馳去先是世
忠與兀朮相持于黃天蕩以海艦進泊金山下
將戰世忠預命工鍛鐵相連爲長纜貫一大鈎
以授士之號捷者平旦虜以舟噪而前世忠分

無夢園集

干一

三

海舟爲兩道出其背每縱一額則曳一舟而入
虜竟不得渡乃求與世忠語世忠酬答如尋時
于所佩金鳳瓶傳酒縱飲示之兀朮見世忠整
暇色益沮乃求假道甚恭世忠曰是不難但迎
還兩宮復舊疆土歸報明主足相全也兀朮旣
爲世忠所困欲自建康謀北歸不得歸或教于
蘆場地鑿大渠二十餘里上接江口舟出江背
在世忠之上流遂傍冶城西南隅鑿渠一夜渠
成次早舟出世忠大驚金人悉趨建康世忠尾

擊敗之虜終不得濟世忠乘風使蓬海舟往來如飛兀朮謂諸將曰使船如使馬何以破之乃揭榜募人獻所以破海舟之策有福州人王某教其于舟中載土以平板鋪之穴船板以擢槳俟風息則出江有風則勿出海舟無風不可動也以火箭射其竊蓬則不攻自破矣一夜造火箭成是日引舟出江其疾如飛天霽無風海舟皆不能動以火箭射海舟竊蓬火烘日曬人亂而呼馬驚而嘶所焚之舟蔽江而下世忠與餘

無夢園集

十一

卷

軍至瓜步棄舟而奔還鎮江兀朮乃得絕江而

遜
紹興四年十月以建康鎮江江東宣撫使韓世忠駐鎮江金人與劉豫南侵世忠自承州移軍鎮江既而往濟師大敗金人于大儀十一月撫密張浚來視師長驅臨江部分諸將身留鎮江以節度之世忠遣使詣兀朮約戰且言張樞密已在鎮江兀朮遂宵遁

紹興三十一年以知樞密院事葉義問至鎮江

權立行府九月金主亮入寇以劉錡爲江淮浙西制置使錡病求解兵柄詔錡專防江上錡遂達鎮江十月儀問命虞允文往蕪湖趣李顯忠交王權軍顯忠至允文語之曰敵人揚州必與瓜洲兵合京口無備我當往公能分兵相助乎顯忠分李捧軍萬六千往京口義問亦命楊存中將所部來會甲申至京口時楊存中成閔邵宏淵諸軍皆聚京口不下二十萬庚寅亮至瓜洲允文與存中臨江按試命戰士踏車船沖流

無夢園集

十一

卷

上下三周金山回轉如飛敵相顧駭愕已而亮死

宋嘉祐五年正月元日達觀臺穎禪師遷化生錢唐丘氏年十三依龍興寺爲大僧神情秀特于書無所不觀爲詞章多出塵語十八九遊京師時歐陽文忠公在場屋穎識之游相樂也初謁大陽明安禪師問洞上特設偏正君臣意明何事安曰父母未生時事又問如何體會安曰夜半正明天曉不露穎罔然棄去至石門謁

禪師理明安之語曰師意加何聰曰犬陽不道
不是但口門窄滿口說未盡老僧則不與麼類
曰如何是父母未生事聰曰糞墜子又問如何
是夜半正明天曉不露聰曰牡丹蒙下睡猶兒
類愈疑駭曰扣之竟無得益自奮曰吾要以死
究之不解終不出山聰一日見普請問曰今日
運薪乎類曰然運薪聰曰雲門嘗問人搬柴柴
搬人如何會類不能對聰因植杖于座笑曰此
事如人學書點畫可倣者立不者拙何故如此

無夢園集

下

卷

全山記

未忘法耳如有法執故自爲斷續當筆忘手手
忘心乃可也類于是默契其旨良久曰如不頭
曰執事元是迷契理亦非悟既曰契理何謂非
悟聰曰女以此句爲藥語爲病語類曰是藥語
聰呵曰女乃以病爲藥又可哉語曰事如兩得
盡理如箭直鋒妙寧有加者而猶以爲病茲實
未論聰曰借其妙至是亦止明事理而已祖師
意自知識所不能到契事理乎故世尊曰理障
碍正知見事障能續生死類恍如夢覺曰如何

無夢園集

下

卷

全山記

受用聰曰語不離家曰安能出紉纏類嘆曰機
涉唇吻便落意思皆是死門終非活路辭去過
京師寓止附馬都尉李端愿之園日夕問道曰
啼公卿多就見聞其議論隨機開悟李公問曰
地獄畢竟是有是無答曰諸佛向無中說有眼
見空花太尉向有中覓無手攬水月堪笑眼前
見牢獄不避心外見天堂欲生疎不知忻怖在
心善惡成境太尉但了自心自然無惑曰心如
何了答曰善惡都莫思量又問不思量後心歸
何所類曰且請太尉歸宅類東遊初住舒州香
爐峯移住潤州因聖太平之隱靜明之雪竇又
遷金山龍游寺嘉祐四年除夕遣侍者持書別
楊州刁景純學士曰明旦當行不暇相見厚自
愛景純開書乃驚曰當奈何復書訣別而已中
夜候吏報楊州馳書船將及岸類欣然遣搢
陞座叙出世本末謝禪贊萊林者勤修勿怠曰
吾化當以賢監寺次補下座讀景純書畢大衆
擁步上方文類踟躕揮令各遠立良久乃化

雲居佛印禪師字覺老。師生饒州浮梁林氏。世業儒。父祖皆不仕。元生二歲。琅琅誦論語諸家詩。五歲誦三千首。既長。從師授五經。畧通大義。因讀首楞嚴經于竹林寺。愛之。盡捐舊學。白父母。求出家。度生死。禮寶積寺沙門日用。試法華。受具游廬山。謁開先。遲道者。遲自負其號海上橫行。俯視後進。元與問答。捷給乃稱。賞時年十九。又謁圓通訥公。訥曰。骨格已似雪竇。後來之俊也。時書記懷璉方應詔以元繼其職。江州

無夢園集

十一

金山記蹟

承天虛席。又以元當選郡將而少之。訥曰。元齒少而德壯。雖萬耆衲不可折也。于是爲開先之嗣。時二十八矣。自承天遷淮之斗方。廬山之開先歸宗。潤之金山。焦山。江西之大仰。又住雲居。凡四十年。開德化。緇素稱神。之賢者多與之游。東坡謫黃州。廬山對岸。元居歸宗。酬酢妙句。與烟雲爭麗。及其在金山。東坡釋還。東吳次丹陽。以書抵元曰。不必出山當學趙州。上等接人。元得書。逕來坡迎。笑問之。元以偈答曰。趙州當道。

少謙光不出山門。見趙王爭似金山。無量相太千都。是一禪床。坡抵掌稱善。又嘗謂衆曰。昔雲門說法。如雲雨絕。不喜人記錄。其語見必罵逐。曰。汝口不用返記。吾語異時。禪販我去。今室中對機錄。皆香林明教以紙爲衣。隨所聞。卽書之。後世學者。漁獵文字。語言正如吹網。欲滿非愚。卽狂。時江浙叢林。尚以文字爲禪之謂。請益故元。以自風之高麗僧。統義天航海至明州。傳云棄王位出家。上疏乞遍歷叢林。問法受道。有詔。

無夢園集

十一

金山記蹟

朝奉郎楊傑次公。館伴所經吳中。諸刹皆錢如王臣。禮至金山。元床坐。納其大展次公。驚問故。元曰。義天亦異國僧耳。僧至叢林。規繩如是不可易也。衆姓出家。同各釋子。自非買崔盧門閥。相高安問貴種。次公曰。卑之。少徇時宜。求異諸方。亦豈覺老心哉。元曰。不然。屈道隨俗。諸方先失一隻眼。何以示華夏師法乎。朝廷聞之以元爲知大體。奉公伯時爲元寫照。元曰。必爲我作笑狀。自爲贊曰。李公天上石麒麟。傳得雲居道。

者真不爲拈花明大事等閒開口笑何人泥生
漫向風前艱枯木無端雪裏春對現堂堂俱不
識太平時代自由身元符元年正月初四日聽
客語有會其心者軒渠一笑而化故令畫笑狀
通載

紹興五年八月五日圓悟禪師示寂諱克勤字
無着彭州崇寧駱氏子依妙寂院自省落髮受
具游成都從圓明敏行大師學經論窺其奧以
爲不足恃謁昭覺勝公問心法久之出關見其

無夢園集 十一

三 金山記

如詰公頗有省時慶藏主衆推飽參尤善洞下
宗旨師從之盡其要嘗謁東林照覺頃之謂慶
曰東林平實而已往見太平演道者師恃豪辨
與之爭鋒演曰是可以敵生死乎他日涅槃堂
孤光獨照時自驗看以不令辭去抵蘇州定惠
疾病幾死因念曠昔所參俱無驗獨老演不吾
欺會病間卽日束包而返演喜其再來容爲侍
者值漕使陳君入山問法演誦小艷詩云頻呼
小玉元無事只要檀郎認得聲師侍側忽大悟

卽以告演演詰之師曰今日真喪目前機也

喜曰吾宗有汝自茲高枕矣師因以是事語

鑑懃懃未之信師曰昔云高麗打鐵火星爆

指頭初謂建立語今乃果然懃愕然無對時

眼禪師尚少師每事必旁發之二公後皆大徹

由是演門二懃一遠聲價籍甚叢林謂之三傑

演遷五祖師執寺務方建東厨當庭有嘉樹演

曰樹子縱橫不可伐師伐之演震怒舉杖逐師

師走辟忽猛省曰此臨濟用處耳遂接其杖曰

無夢園集 十一

三 金山記

老賊我識得你也演大笑而去自爾命分座說

法崇寧初以母老歸蜀出世昭覺久之謝去于

荊州見丞相張無盡談華嚴要妙逞辭婉推玄

旨通貫無盡不覺前席師曰此真境與宗門旨

趣何如無盡曰當不別又曰有甚交涉無盡意

不平師徐曰古云不見一色始是半提更知有

全提時節若透徹方見德山靈濟用處無盡翻

然悟曰固嘗疑雪竇大冶精金之語今方知渠

無模索處師嘗有頌云頂門道下轟霹靂滅

出

膏肓必死疾偶與丞相意會無盡喜曰每懼祖
道寢微今所謂見方袍管夷吾也澧州刺史請
住夾山禾幾遷湘西道林初潭師周公因提舉
劉直孺願見師至是皮相之不甚爲禮及見開
堂提唱妙絕意未始增敬焉政和末年有旨移
金陵蔣山法道大振僧問何如是實際理地曰
何不向未問已前薦取僧曰未問已前如何薦
師曰相隨來也進云快便難逢更借一問曰忘
前失後進云若論此事如擊石火只如未相見

無夢園集

下

金山記

時如何師曰三千里外亦達渠曰恁麼則聲色
外與師相見答曰穿却鼻孔問忠臣不畏死故
能立天下之大名勇士不顧生故能立天下之
大事未審衲僧家又作麼生師曰威震寰區未
爲分外曰恁麼則坐斷十方壁立千仞師曰看
箭問不落因果不昧因果是同是別師曰兩箇
金剛圍曰爲山撼門三下又作麼生師曰不是
同途者知音不舉來嘗示衆云恁麼恁麼雙明
不恁麼不恁麼雙暗不恁麼中却恁麼暗裏隱

明恁麼中却不恁麼明中隱暗只如和座手揭
却許多建立恁麼犯手傷鋒且道喚作什麼到
這裏高而無上深而無底旁盡虛空際中極際
虛塵淨裸裸赤洒洒是箇無底鉢盂無影杖子
熊耳山前少林峯下老胡九年冷湫湫地守這
閑家具深雪之中直得情忘意遣理盡見除
有一箇承當且道雙明雙暗雙放雙收是建立
是平常總不與麼也未是極則處且作麼生是
極則處擘開華嶽連天秀放出黃河輓底流宣

無夢園集

下

金山記

和中詔住東都天寧太上在康邸屢請宣揚有
偈云至簡至易至尊至貴往來千聖頂額頭世
出世間不思議然是時欽宗在東官師對太上
前有至尊之謙建炎改元宰相李伯紀未住金
山駕幸維揚有詔徵見顧問西竺道要對曰陛
下以孝心理天下西竺法以一心統萬殊真俗
雖異一心初無間然太上大悅賜號圓悟禪師
乞雲居山歸老朝廷厚贍其行至雲居之明年
臘歸寺蜀太師王伯紹迎歸昭覺紹興五年終

月五日示寂將終侍者持筆求頌書曰已徹集功不必留頌聊示應緣珍重珍重擲筆而化春秋七十有三坐五十五夏諡真覺禪師塔曰寂照通真

漢書膚施如月見于東南少時而又震一聲流著西南又一震而墜在宜興縣民許氏園中遠近皆大火光赫然照天許氏藩籬皆為所焚是時火息視地中有一竅如杯大極深下視之星在其中熒熒然良久漸暗踽踽不可近又久之無夢園集 下 金山記

發其竅深三尺餘乃得一圓石猶然其大如拳一頭微銳色如鐵重亦如之州守鄭仲得之送潤州金山寺至今匣藏遊人到則發視王無咎為之傳甚詳 夢溪筆談

韓滉築石頭五城自京口至玉山毀道佛祠四十區修塲壁起建業抵京峴樓雉相望造樓船戰艦三千柁陳少游在揚州以甲士三千臨江大閱滉亦總兵臨金山與之會 府志

王堃至京口增修官兵民船守險備具淳祐六

年知鎮江府兼都大提舉浙西兵船江面幾至里調兵捍禦以守江尤重于淮瓜洲一渡甚狹請免鎮江水軍調發專一守江置遊兵如呂蒙所言蔣欽將萬人巡江上增創水艦就楊子江習水戰登金山指麾之 府志

宋天聖中近輔獻龍卵至今匿藏金山予屢見之形顏色理都是雞卵大若五升囊舉之至輕唯空殼耳 正德府志

盧進士妻妙惠者姓李氏揚州女也盧宋第時無夢園集 下 金山記

隱讀西山寺中絕音耗成化間有同名者死京中鄉人誤傳盧死父母信之憐惠貧寡欲奪其志不可必強之于是江西鹽商謝啓聘之惠自縊者再為防守者密得不死既受聘強之歸謝至則操節求死啓不能犯置母旁安馴之母亦揚州惠恃其爪葛懇請為尼母佯許之意其久可成禮時啓舟先發歸母偕惠後舟過金山寺下因禮懺惠題壁云一自當年折鳳凰 詩 前 後署曰盧川妻李氏題盧後登第承命往江

西促 憲廟實錄至家則虛室矣頃遊金山見其詩徑抵豫章得徐方伯差臺隸歌其詩于各鹽船下遂知其任謝接致公館歡會如初謝商亟嘆曰貞婦也乃置之

女範

海陵人王綸女爲神所憑自稱仙人字善數品形制不相犯吟雪詩云何事月嫌欺不在亂飄瑞葉落人間上柳瑞他詩句詞意飄逸類非世俗可較題金山云濤頭風捲雪山脚石蟠虬常謂綸爲清非孺子不曉其義亦有詩贈

無夢園集 千一

金山記略

曰君爲桐葉我爲春風春風會使秋桐變秋桐不識春風而居數歲神舍女去懵然無知嫁爲廣陵李氏妻

劉貢父詩話

韓熙載仕江南每得俸給盡散後房歌姬熙載披袖持鉢就諸姬乞食率以爲常東坡以玉帶贈寶篋寶覺酬以磨衲東坡作詩謝之曰病骨難堪玉帶圍

云詩別

云校江南野史亦載前事與此小異

皇帝以英唐之資宸文聖作渙然超卓方居王

邸時從太上皇視師于江左經由京口題詩金山曰屹然天立枕中流彈壓東南二百州狂虜來臨須破膽何勞平地戰貔貅辭壯而旨深已包不戰而屈人兵之意矣

宋百刻史詩話

慈聖光獻皇后嘗夢神人語曰太平宰相項安節神宗密求諸朝臣及遍詢吏部無有此姓名者久之吳克爲上相療卿生頸間百藥不差一日立朝項上腫如拳后見之告上曰此真項安節也將之奇既貴項上大贊每忌人視之爲六

無夢園集 千一

金山記略

路大漕至金山寺僧了元滑稽人也與蔣相善一日見蔣卽手捫其贅蔣心惡之了元徐曰中卿在前穎叔在後蔣卽大喜

可談

唐若山魯郡人也唐先天中歷官尚書郎連典劇郡開元中出爲潤州頗有惠政遠近稱之若山常好長生之道弟若水爲衡岳道士得胎元谷神之要嘗徵入內殿尋懇求歸山詔許之若山素好方術所至之處必會鑑鼎之客雖術用無取者皆禮而接之家財迫盡俸祿所入沐雲

有餘金石所費不知紀極晚歲尤篤志焉潤
府庫官錢亦以市藥賓佐骨肉每加切諫若山
俱不聽納一日有老叟形容羸瘠狀貌枯槁詣
款謁自言有長生之道見者皆笑其衰邁若山
見之盡禮加敬留止月餘所論皆非丹石之要
若山博採方訣歌誦圖記無不研究問叟所長
皆獲如也復好肥鮮美酒珍饌品膳雖瘦削老
叟而所食敵三四人若山敬奉承事曾無倦色
卒夕從容謂若山曰君家百口所給常若不足

無夢園集 十一

金山記

貴爲方伯力尚多闕一旦居閒何以爲膳况帑
藏錢帛頗有侵用誠爲君憂之若山驚曰某理
此且久將有交代亦常爲憂而計無所出若緣
此受譴固所甘心但慮一家有凍餒之苦耳叟
曰無多慮也促命酒連舉數盃若山飲酒素少
是日亦挹三四爵殊不覺醉心甚異之是夜月
甚明朗徐步庭下良久謂若山曰可命一僕運
鑄釜鐵器輩數事于藥室間使僕布席壘鑪曰
鼎鑪之屬爲三聚熾炭加之熾然如甕不可窮

視叟于腰間解小瓢出玉丹丸各投其六闔扉
而出謂若山曰子有道骨法當度世加以篤尚
正直性無忿恚仙家尤重此行吾太上真人也
遊觀人間以度有心之士憫子勤志故來相度
耳吾所化黃白之物一以留遺子孫旁濟貧乏
一以支納帑藏無貽後憂化可命棹遊江爲法
世之計翌日相待于中流也言訖失其所在若
山凌晨開閣所化之物惘然照屋復扇閉之即
與賓客三五人整棹浮江將遊金山寺既及東

無夢園集 十一

金山記

流江霧晦冥咫尺不辨若山獨見老叟棹漁舟
直抵舫側揖若山入漁舟中超然而去久之風
波稍定昏霧開霽已失若山矣郡中几案間得
若山訣別之書指揮家事又得遺表因以奏聞
其大旨以世祿暫榮浮生難保惟登真脫屣可
以 永爲期昔范丞相泛舟五湖是知其主不
堪同樂也張留侯去師四皓是畏其主不可久
存也二子之去與臣不同臣運屬休明累叨榮
爵早悟升沉之理深知止足之規棲心玄關

得丹訣黃金可作信淮王之昔言白日可延
真經之妙用既得之矣餘復何求是用揮手紅
塵騰神碧海扶桑在望蓬島非遙遐瞻帝關不
勝犬馬戀主之至唐玄宗省表異之遽命優其
家促召唐若水與內臣賁詔于江表海濱尋
訪杳無音塵矣其後二十年有若山舊吏自浙
西奉使淮南于魚市中見若山鬻魚于肆混同
常人視其吏而延之入陋巷中縈迴數百步乃
及華第止吏與食哀其久貧諭市銀二十挺朋
黨夢園集 十一
日復與相遇已化金矣盡以遺之吏姓劉今劉
子孫世居金陵亦有修道者又相國李紳字公
垂嘗習業于華山山齋糧盡徒步出谷求糧于
建方迨暮方還忽暴雨至避于巨巖之下雨之
所沾若浣焉既及巖下見一道士艤舟于石上
一村童擁檝而立與之揖道童笑曰公垂在此
耶言語若深交而素未相識因問紳曰頗知唐
若山乎對曰常覽國史見若山得道之事每景
仰焉道士曰余即若山也將遊蓬萊偶直江

維舟于此與公垂曩昔之分得暫相遇詎意
耶乃携紳登舟江霧已霽山峯如畫月光皎然
其舟凌空泛泛而行俄頃已達蓬島金樓玉堂
森列天表神仙數人皆舊友也將留連之中
一人曰公垂方欲佐國理務數畢乃還耳紳亦
務經濟之志未欲棲止衆仙復命若山送歸華
山後果入相連乘旌鉞去世之復亦將復登仙
品矣 仙傳拾遺
米芾臨金山賦其或浮玉掩霧石排落湖注潏
無夢園集 十一
玉焦山之名又不知何據或名互父山元和郡
縣圖志互父山在縣西北一里晉破符堅獲互
賊置此山下因名土俗謂之金山舊志如此然
文義不明恐有缺誤新志復改作獲符又因此
誤未釋遂附會之耳或名伏牛山南徐州記
山北江中有伏牛山唐志潤州貢伏牛山銅
今金山正在蒜山北江中 舊府志
金山舊名澤心不知始何時或云始晉建武
符圖經寺起于唐之裴頭陀而孫觀止梁末

曰故剎踵梁陳之舊與圖經異梁天監四年歲
帝臨寺設水陸會見梁高僧傳宋熙寧中有進
士楊諤作水陸因緣記引此事碑今存

咸平初澤心寺僧切聰獻山圖詔遣內侍監繼
宗賜大藏經祥符五年詔改山名曰龍游天禧
五年又遣內侍江德明就飭佛像給錢三百萬
市木修寺寺僧求表舊名詔山曰金山寺曰龍
游原志

政和四年七月乙未詔天下悉立神霄玉清殿
無夢園集 下

壽宮鎮江府以金山龍游寺改建漕臣詹度總
視工事徽宗親書殿閣寺十名賜之爲天下神
霄第一郡守毛友爲記又汪藻記云父老相傳
先唐時嘗以爲龍游觀已而爲浮屠氏所有者
幾二百年原注

新安詹濂書金剛四十二輩經勒石金焦飛
有爲作記者云汝酒人也吾且與汝登金焦盼
大江呼高漸朱亥優施之輩相與左陵陽而夜
姬姜前列方圓後陳絲竹淋漓浮大白擊列唾
壺說劍慷慨瞋目而語人間不平事今白虹貫
天山鬼晝嘯天吳紫鳳之屬低徊不去此不亦
樂而亡死而何云佛事未解所以

金山之勝超乎物者所以遺乎太古詩人每出
奇句與山爭勝惟張祐之作差足快意孫魴驚
無夢園集 下

清滅佛云者已不免徐凝之謂于談者之口若
王介甫比固西典之句亦未必壓倒孫張吳楚
乾坤扶桑弱水安得此老大手筆哉正德已巳
石滄楊一

吳人祝允明京兆書法爲 本朝第一至所書
唐張祐金山詩尤得意者余友元美太僕雙鈞
一幅寄余余甚珍之因付鎮江守林君刻石山
中亦茲山佳翰也揭用二年蜀人張佳胤
吳知府林應雷立石
黃山谷星宮遊空何時落寺律落星開土添結

屋二律皆詠落星寺王守溪慙媿山僧問長公
一律乃吳縣金山寺舊入集中今俱刪之

江自岷山而下歷夔湘會彭蠡演迤數千里至

千瓜潤金山在潤之江心起長山西北為五州

山至于下鼻浦潛入江中突為金山高一百九

十尺廣六百二十步東望大海西控百川南據

吳越北通淮揚誠天下之偉觀東南一大奇勝

也山狀若龍游出水曰龍游又若伏牛曰伏牛

山之顛曰妙高峰江心上有龍游寺登妙高峰

無夢園集 千一

望焦山海門皆歷歷可視丞相張商英題善財

不定時七日既云無處皮一姑胡故邦相達發

下望白雲青嶂萬千重成化中于江亦曰金鼇

侯陳銳重書妙高峰三大字勒石

峯宋學士峯下而東臨江突出中有巖曰日照

更曰朝陽洞可二丈許都牛膝經又書朝洞前

少東二石曰盤陀東坡有詩三六字得之在水

曰善財又曰鵲石青溪詩在三六字得之

時有天竺僧不問財如德雲山東有岩曰妙空

給衍裕縱廣數丈許四德中都網兜敏機作星

尚書周山北有巖幽深不測曰頭陀巖又曰麟

洞唐裴頭陀得金處故名昔有蟒蛇盤據其北

巖中留得老頭由北而西為中泠泉又曰龍井

山西水中石出隱然若簾曰石簾山又曰筆架

山仰郭璞墓山西少南有池曰龍池又曰龍洞

深廣十餘丈晴雨取水

咸亨二年長安西京法海寺英禪師獨坐丈室

有一異人來謁曰弟子知有水陸齋可以利益

無夢園集 王

幽明自梁武沒後因循不行今大覺寺有吳僧

義濟藏此儀文願師往求以來月十五日于山

北寺修設苟釋徒牢敢不知報英尋義濟果獲

儀文即以前期日于山北寺依儀修建次日曠

暮向日異人與十數輩來謝曰弟子即秦莊襄

王也又指其徒曰此范雎此穰侯此白起此王

翦此張儀此陳軫皆秦之臣各坐本罪幽囚陰

府夜冥冥無能救護昔梁武帝于金山設此齋

時前代村王之臣皆免所苦弟子爾時亦暫德

息苦惱然以微情未決不得出離今蒙吾師教
齋弟子與此輩并列國諸侯眾等皆乘善力慈
生人間慮世異國殊故此來謝言訖遂滅自起
儀文布行天下作大利益與稽古等江等
元豐中五色霞光夜起達旦始滅佛印主浮西
雲亭東望忽見魚山之西北五色霞光上燭
星漢旦夕方滅印四構妙高臺對其地
朱進士虛中王日休一日附舟至鎮江間缺冰
不能行乃于金山借四經即阿彌陀經也欲較
勘刊板廣傳舉筆之時右肘有濕疾其指自痺

無夢園集

千一

金山記

寫字非便予乃舉指念阿彌陀佛與觀世音菩
薩數聲禱告乞除風疾以成寫此經禱于空指
遂不掉以至終帙無恙以此見佛與菩薩只在
目前但人信心不至耳龍舒居士文
金山有一龍穴常吐毒氣如雲有近者多病或
斃大曆八年釋靈坦往居之毒遂滅
宋別峯入定夢見龍王語見師既諾出定語其
徒咸莫信乃探袖中龍鬚巾襪示之遂將輪藏
移于江南鶴林寺鑿中冷于寺左大鍾亦不鳴

故建三禁堂

金山都綱弘霍戒獵孤高成化三年二月十二
日涅槃托生南京柳千戶家四歲方言忽曰我
是金山寺霍僧官其父異其事令家人至金山
詢問使曰其生時正是霍公人滅之期及長送
能仁寺出家

成化中僧雪堂于金山繙閱大藏經本郡熊守
為鎖齋糧一日疾終熊守獨坐衙內恍惚見雪
堂徑入私室頃之報曰室人產一男命吏往金

無夢園集

千一

金山記

山探看雪堂是日時其僧入滅矣

弘治十六年七月十八日夜僧安議卧聽江上
龍舟競渡聲起視惟見空中火色熒煌船自西
下繞寺而去明旦其僧非渡遂遇覆舟之溺

嘉靖二年七月二十五日

大風潮起自東非佛
揚浩蕩近古未有盛

船原以死
者十萬計

嘉靖六年七月初一日夜至三更忽聞霹靂聲
聲房屋皆震動天明已見靈觀閣對金柱樓橫
上摧破裏面樓板下摧破外半面觀者皆震

其事而莫測其理

元長溪應深至大間敕住持金山賜金欄千條
衆築建萬壽閣賜內府寶鈔飾萬佛像歸賜羅
漢莊沙汰之田命學士虞集爲記

長在號別峯洪武初勅主金山又勅住寧波育

王寺嘗赴京慶萬壽聖節寓雞鳴寺高廟親

幸賜玉音云命駕雞鳴訪老禪知師昔日住

承天幼年參學心猶切晚歲修持操愈堅蓮發

性天香馥郁月澄秋水玉團圓一毫照徹三千

無夢園集 千一

五二 金山記

界何必藏身北斗邊

瀾文海悟別峯之旨周文襄雅重之嘗贈以文

爲建毘盧千佛二閣奏免寺役

凱南清聰敏機俱能詩文永樂中應詔同赴纂

修秘書

霍甘霖任都綱巡撫侍郎周公忱命主金山重

建大雄諸殿奏請藏經尚書沈固爲留玉帶

全體恭能詩重建吞海中冷三亭學士黃淮

編保定侯梁珪爲留玉帶

溥無際住持金山性慧博記大夫士至必曰金
山主人嘗建毘盧閣祖師殿及修陂塘垣闢以

利寺業賦役之免多其力

賢大愚警敏善幹嘗建殿閣亭臺石磴陂塘告

除珊江屯軍占業力免公役

宋都尉李端愿問達觀穎禪師云人死識歸何

處師曰未知生焉知死都尉曰生則已知師曰

生從何來都尉據議久之師曰只在這裏思量

甚麼都尉只知貪程不覺蹉路師示曰百年一

無夢園集 千一

六六 金山記

夢今朝方省學士刁約問達觀曰佛教於世間

何用師曰日用少不得約曰作麼用師曰在眼

目見在耳目聞約曰千佛甚麼事師曰若不干

佛事將何爲見聞約曰自有眼耳在師曰雕畫

一切人物皆有眼耳只爲無佛耳目不能見聞

佛是覺義爲有正覺號之爲佛若無正見聞盡

是邪解

觀察使李端懿問達觀禪師曰西方淨土如何

得到師曰即今坐却雕梁畫棟是懿曰西方淨

世是好假不好真佛此是妄耶師曰佛不妄
是觀察妄懿曰如何得妄師曰若不妄何求西
方淨土大凡淨土者是清淨之性西方是日落
之處令人作歸投處卽是西方淨土極樂世界
也李致謝而退

清欲了庵禪師示金山安藏王云好峯孤頂何
人到往往多從外邊討直饒一念解知非早已
全身墜荒草不如放下心意識坐看青天走紅
日揭翻華藏十三重逆順自然無得失輕提重
無夢圓集 千一

接低復高殺活豈在撥吹毛推出秦時轆轤鑽
平地滾滾飛雲濤

了菴送金山崇書記云不即文字不離文字截
斷衆流發揮宗旨妙高臺上雨初晴天江淼淼
烟冥冥三閤峻極不犯令佛手未展驢脚呈百
匝千重俱裂破鎮海明珠生咳唾龍山月白風
露清一曲胡笳少人和

李麟伯時爲印寫像印曰必爲我作笑狀自爲
贊曰李公天上石麒麟傳得雲居道者真不爲

拈花明大事等閒開口笑何人泥牛謾向屋
簷枯木無端雪裏春對現堂堂俱不識太平時
代自由身後果一笑而滅

僧問瑞新禪師如何是佛曰面黃不貼金云意
肯如何師曰八風吹不動

僧問善寧禪師如何是佛師云眉如初月眼似
流星云如何是法師云義列交羅星分大野云
如何是僧師云古貌棲層丈夫意氣

紹興中岳飛途中得夢問金山道月曰夜夢
無夢圓集 千一

兩大抱頭而言未審凶吉月曰二大著一言乃
是箇獄字必要謹慎飛謝登舟月又囑云風波
亭下浪滔滔千萬留心把舵半謹備同舟人意
反將身推落在波濤又曰將軍此去莫心焦未
審金脾氣怎消滾滾風波須仔細勞心把舵要
堅牢飛至錢塘果被秦檜陷于風波亭下後檣
知月囑語差何立提月正遇說法立候聽已月
乃重整衣香問訊大眾上座合掌作偈曰吾年
四十九是非終日有不爲自己身只爲後開

何立自南來我向西邊走不是佛力大幾乎落人手竟入滅矣

僧問法慧禪師云大修行人還落因果也無師曰鴉鳥入水人皆死毒龍行處草不生

僧問佛印曰如何是佛印曰木頭雖不就云如何是虛妄印曰梵音深妙令人樂聞云如何是城裏佛印曰倚門傍戶如何是村裏佛印曰食麻食麥云何是山裏佛印曰倚草附木

僧問達觀禪師云如何是向去底人師曰從無夢園集 下

主金山記

歸青嶂裏不出白雲來云如何是却來底人師曰自從遊紫陌誰肯隱青山

至正中僧德煥刻石牌山詩曰碧潭深皎潔教我如何說性理本來明萬丈中秋月

景泰中僧寧設刻石牌山詩曰卓錫金龍上禪餘步小岑碧潭深似海水冷有龍吟

蘇子瞻與蔣之奇同登嘉祐進士約卜居陽羨後以言事謫黃移汝上章願得居常制可以潤常隣封也乃往來于潤寓居金山寺李伯時筆

公之像留金山其弟子出贊之洪武初毀去東坡被妓登金山以酒醉印戲命妓同卧印睡書壁云夜來酒醉上床眠不覺琵琶在枕邊像語翰林蘇學士不曾彈動一條弦

佛印偈魯直請東坡家印云吾今做得桃花醋甚美取而共嘗之皆皺眉故世謂之三酸云小皇祐四年泰州海陵縣將仕郎守本州司馬姜仁惠於金山寺建藏殿收贖大藏經函置功德周圍後遺于江南鶴林寺至今存焉

主金山記

觀堯卿云有士大夫自浙西赴官湖外妻絕美舟過揚子江大風作于金山寺下所乘一舟覆妻孥盡溺唯大夫賴小艇得脫就寺哀憫累日然後去三年後滿秩東還復就故處就寺設水陸供薦薦于佛乞使妻早受生罷時已四更少焉童奴掃地逢一婦人滿身流淚如饒延裸跣抱柱如醉如癡喚之不應黎明僧眾聚觀太赤亦至細認之乃其妻也駭怖無以喻命加薦燒具湯藥守之至食時稍稍知人自引手接湯藥

而復法夫婦相持而泣遂言其故曰我初沒時
如被人拖脚引下吃數口水入水底爲綠衣婦
官人携入穴穴高且深置我土室中以我爲妻
每夜袖糕餅之屬飼我未嘗茹葷問其安得此
物初猶笑不言及既昵熟方云是水陸會中得
來因告之曰我因悶已久試帶我出瞻仰佛事
少懽心意如何彼堅拒不可求之屢矣一夕導
我攀險梯危上寺中望燈燭熒煌花幡羅列及
詣香案邊聽疏乃是君官位姓名遙薦我者我
料君在此盤旋遶寺不肯退緣衣苦見促我故
退適會罷燭滅強拽我行我聞君咳聲願兄不
得緊抱廊柱不放遭他毆打極困他怕天曉始
拾去此身墮九泉下不知歲月賴君復生皆佛
力廣大所致喜甚而哭夫亦哭遂爲夫婦如初
滿寺之人莫不驚異緣衣者蓋水府判官也

異編

東坡因宿東林與照覺論無情話有省黎明獻
獨云溪聲便是廣長舌山色豈非清淨身夜來

無夢園集

干一

金山記

八萬四千偈他日如何舉似人未幾抵荆南聞
玉泉皓禪師機鋒不可觸公擬仰之卽微服求
見泉問尊官高姓公曰姓程乃稱天下長老底
拜泉喝曰且道這一喝重多少公無對于是導
禮之後過金山有寫照容者公戲題曰心似已
灰之木身如不繫之舟問汝平生公案黃州惠
州瓊州

五燈會元

無夢園集

干一

金山記

題亦多唯寺影中流見鐘聲兩岸聞及天多剩
得月地少不生塵最爲人傳誦

事文類聚

留雲亭在潤州金山之絕頂平樂府仙官嶺有

翔鳳亭宋鄒浩建以爲避暑之所

山堂肆考

蘇東坡少年在金山寺讀書治牀下土見一太

兎白銀以土埋之語僧曰吾得官當修建寺宇

後數年舉進士令家人掘前銀修寺命僧計數

留後爲驗十年東坡辭官歸家與僧較其數則

與所得俸祿相同也

山堂肆考

鎮江張皮工之子年十六偶一夕見一美人來
言吾上界司花仙也與汝塵緣未了特來相就
乃留宿其父母但見兒子僵仆于地而已良久
始甦父母卽知其故雖切憂之亦未及祛禳也
凡一年體日羸瘠他日恍惚爲美人携至金山
寺有二道人在井亭上召語之曰子鬼氣深矣
非吾不能救子欲絕之乎否兒拜曰心欲告絕
而婦人不肯去且身不由我攝持今遇仙師望
乞憫救道人曰且從吾遊言訖忽登一大山問
無夢園集 十一

金山記續

師何處曰天目山也頃之又在杭城吳山土出
一劍授之曰予汝歸俟婦至卽斫之兒受劍拜
謝二道人倏不見遂買舟賁劍而歸父母望之
已數日矣具告以故父乃藏其劍俟之至夜美
人役來方就枕父卽仗劍奮斫其腰頓成二截
乃日用茗帚也明旦二道人款門求見父叩之
子曰卽授劍士也出酒飲之道曰借汝兒隨吾
至杭有言相告父不得已命兒隨行少頃已至
杭城問汝肯爲吾藥童吾與汝俱仙兒謝有終

母不可曰汝無緣迷道之歸廣覽異編

易澤中有火素問云澤中有陽燄注陽燄如火
烟騰騰而起子水面者是也蓋澤有陽燄乃山
氣通澤山有陰燄乃澤氣通山文過海賦陰火
潛然唐顧况使新羅詩陰火暝潛燒是也東坡
遊金山寺詩云是時江月初生鬼二更月落天
深黑江心似有炬火明飛焰照身棲鳥驚悵然
歸臥心莫識非鬼非仙竟何物注引物類相感
志山林藪澤晦明之夜則野火生烟散布如人
無夢園集 十一

金山記續

秉燭其色青異乎人火劉須溪批云龍也非是
坡公西湖詩又有湖光非鬼亦非仙之句與此
可互證楊升菴文集

潤州金山寺張祐留題雖名賢經過縮手袖絨
不敢落筆蓋茲山居大江中迥然孤秀詩意難
見其寺與山出于水中之意也祐詩久爲絕唱
云寺影中流見鐘聲兩岸聞羅隱有題金山之
句詩云老僧參罷罷關門後不管波濤四面生孫
鮑有詩云結宇孤峯上安禪巨浪間亦可亞前

正人之詩也 青頭高議

燕華君題金山寺云清頭風捲雪山脚石蟠地

青頭高議

楊升菴云唐人韓垂題金山寺詩當爲第一張祜詩雖佳而結句終日醉醺醺已入張打油譚料矣 文集

楊升菴云郭璞善地理凡遇吉地必剪爪髮以瘞之故郭璞墓所在皆有 文集

客有問此山何以名金僧言昔裴頭陀開山得無夢園集 十一

金山記蹟

金故名客笑曰若然則銀山是得銀錫山是得錫耶殊不曉出自佛書大地外有香水海以滌之海水播溢無常天帝設四大金山浮游于海以鎮定之以此山似之故名之客又問何爲浮玉此出仙經上仙居浮玉山朝上帝則山自浮去因金焦俱在水上似之故云 鈞叟紀聞

記

金山江中有毒龍變習百出船客由真州渡必欲渡此江須大祭乃得否則必覆往有神僧呼龍曰汝能見身乎龍卽見一頭如山僧曰汝能

天却不能小能入吾鉢中手龍卽入鉢中僧曰汝能出乎龍百伎莫能出僧因與之說法開其毒惡龍請降以聽法今封順濟龍王是也春秋祀之

金山從北崖下一穴能客人出入中空洞而上數丈石牀如案一洞大方二丈四面風生不願久留

中冷泉中梯可下須冬涸時乃可大可數丈高可二三尺以手捫銀杏樹根直立但不知下至何處 無夢園集 十一

金山記蹟

金山記蹟

金山有一巨蛇色黑往年人常見其身大如斗夜橫于山巔不知者以爲木石或踐之尾動而去必不傷人皆謂是修行蛇也近不見想爲龍矣

金山有一片水銀大千席月下或將曙時飛集僧屋忽不見偶一夕中夜月初上時有山人孔承寵見所積柴蘆上一席如銀近視之即蹏然飛去驚問山僧始知之

金山塔時放舍利光遊客與僧頻見之

金山所居僧及借寓之客與行者過江必無傾履之患即偶遭之亦無傷生者聞神龍常默爲訶護

金山中冷泉水比他泉水每甌重數錢腹瀉者寒飲一甌頓止煮茶無宿垢

金山水陸法事爲古今第一道場每中元例作水陸普度天下一切橫亾之鬼其夜施食撒去粟飯不戒數石明早顆粒無存時有僧明桐戒

無夢園集 千一

金山記續

行特虔善爲談口施食風清月白之夜四江聞其哭號之音咸怪之近或無此僧亦無此聞矣金山江天閣靈光神祈夢者多奇中傍有一催官神凡有走失人輒禱之能復見以故人常與之挂袍神色如生者

禪堂向有主僧占燈有厨下一童不知何來年可二十歲凡人惟笑不復言孔承寵嘗携其簪至隱處叩之彼惟大笑知其爲異人也與之言世外事及道中情觀其意彼始肯首振臂而去

每飯熟鳴板集僧彼輒至齋堂歌舞不知所歌

何言堂主叱之則大笑而臥于竈下夜不就床惺惺獨坐承寵時以果餌貽之彼不食納諸袖懷中或置諸石上對之歌舞強之畧食少許以餘呼鳥雀鳥雀爭至食之盡彼乃撫掌大噱不踰月沐浴坐化

三官堂舊有僧定福居之卽今成果師也其僧誠慤不苟山中僧見其不事將迎惟茹素禮佛輒以駱子呼之駱卽痴之別名也光有明桐作

無夢園集 千一

金山記續

都綱時不容挾妓登山戒行尤嚴今其孫定堅號二如者深明佛典頗能詩更脫畧於世緣孑然物外

三官堂定福存日一童名薛法雙目至午後則昏蒙無光因此至山中與僧執爨擔水求食而已定福使之禮觀音其童每至五更詣香案前稱觀音號禮至天明則張爨水之役如此經年寒暑不輟而雙目頓明初不識一字後復學誦諸品經一日對人曰卽此山中有何功德我將

去後開在淮西江嘴渡人不愛來直驅窮鄉陋
雪無論晝夜呼之輒至予無難色越數年春有
以事至准到一菴甚幽潔主僧出見乃薛法也
而言論超越戒行異常其地泉南乃與之初建
衣食卧具皆無改于當時惟供佛至虔不事工
求人益重之乃知學佛止是苦行不求財色各
食睡五者則道自光大

江天閣一老僧號無碍原南京寺僧居金山有
年茹葷酒醉歌自怡居閣司金山晨昏鐘鼓寒

無夢園集 十一

金山記

暑不輟雖大醉誦金剛經不止年過七十餘歲
常携酒登留雲亭飲客失足墮崖下人謂必死
即不死肢體無全者使人下視之宛坐一石見
人至輟大笑問其所傷老僧曰幸無傷即此一
壺酒還是滿的衆笑以爲奇常渡江落水止淹
半身移時舟往拯之老僧體服不善水無乃誦
金剛經得護持也一陳令尹微時寄食于老僧
後中甲科授丹徒令登山問無碍在否衆答應
渡江矣頃歸見陳耄聾瘵陳意執足起問僧還

識我否我卽某也老僧卽大笑以手搭其肩
如此發達陳佯作色曰我今主此縣汝我治
何可狎乎遂與同飲言舊時去語之曰汝可來
縣中當與汝飲老僧曰我僧也世外人但可乞
食郊野豈宜入城見縣令公如不遵舊能分我
食餘足矣陳笑而許之終陳之任未嘗入城就
金山多有異人至無能辨之孔承寵初住藏殿
書補殘經一僧至問曰汝書經也費自何出
曰自辦僧曰亦賢矣袖出丹砂數兩曰此養成
熱砂三分可開一兩語畢卽去追還不及時有
一僧楚山者素好此術偶見問之求少許試爲
之孔平日極惡此術置砂於佛座令彼自取去
彼出望外喜莫自持每對山僧點化自售其能
有大理卿聞其名聘去欲得其訣惡其秘不卽
授閉之一室遂餓而死甚可笑也向使孔好之
又不知將至何禍非義之利果可溺乎
孔承寵住藏殿一日將午作湯餅一大鉢欲延
他客適有頭陀自稱廬山王雲松向孔言饑

指鉢中麪可食之彼即據鉢而食畧不少讓移頃俱罄夜臥殿石上時隆冬一單衣無寒色孔以草藉之不許達曉熟睡鼻聲如雷孔怪之彼引孔手拭石熱如火居廿有三日未嘗見水火每至午方食日止一食每食輒盡三四升喜面壁坐一夜初漏問孔曰汝曾遇異人乎孔曰聞授養生方而去孔年今九十有六矣

江有一老龜夜宿甘露港口窟金山岸下以就食時有一僧與龜狎客欲見之僧輒擊魚呼之

無夢園集

卷一

金山記

節起其身四裙水蛭聚吮僧曰吾爲汝去之用鐵鉗拔出百條龜快對僧開口作聲如笑目光如電投之肉其大如斗信口啖之或投之饅頭若餡有葱椒卽吐之後僧不知何去他人呼則不起雖終日擊魚若罔聞者人謂僧去龜亦去一日被大砲誤中其背死于北固港中今江龜未絕無與人狎者

留雲亭外數武其地頗四燃燭于上雖大風其光不搖繼與家指爲天中穴

黠哥石崖下有一穴可入上行數丈許有石室大方丈中有石床乃知金山上下皆石故能久柱江心龍門下水深二百丈日爲江濤衝激壁立不接雖與郭墓相向實不相連勢亦峻絕也郭墓至冬水涸石出五老峯傍一石名龍眼石船至此爲旋濤觸石罔有不敗者山僧募化遊容舍大木植龍眼石上舟見木柱建避之庶免害但此木必是楠檉良材大且堅不爲浪折其質貴不久輒盜去使得石柱立之乃能久遠

無夢園集

卷一

金山記

裴公洞是山絕高處每至重霧及昏夜舟行迷誤遭山石卽覆孔承寵勸衆鑄大鐵板懸絕處復建一亭名省霧亭皆旦霧合令洞僧擊鐵板舟人聞之達去鐵板上鑄承寵名

以上俱釣史紀聞

金山十九觀

韓蘄王一日抵晚令帳前提韓王權至金山戒
不得用船懸給浮環遂浮以渡登所寺僧疑爲
鬼神指所歷處皆龜鼉穴也

歌者袁絢妙高臺歌坡詩罷坡爲起舞曰此便
是神仙矣

胡旦作漢春秋邀柳開金山寺觀之頗自矜開
贈一劍以戒狂悖

李約每朔夜泛江登山携古鐵一片又畜一猿
擊鐵彈琴猿必嘯和

呂祖謙曰昨在金山見滕元發乘小舟破巨浪
來巍然使人神聳

郭功甫金山行向子瞻朗誦鳥飛不盡暮天碧
一聯大爲介甫稱賞

子瞻與佛印東今日過邵伯埭自此入塵土狹
狹之鄉矣回望山水間塵塵妙談豈可復得展

公弼云西飛白日茫于我北去青山冷笑人
子瞻夜觀江光若漁火鬼烽旋盼而大閃映

木棲鳥皆驚

木棲鳥皆驚

了元靜夜見焦山西北霞光上燭霄漢于方丈
構妙高臺潛對其地

東坡大風雷金山兩日云塔上一鈴獨自語明
目顛風當斷渡

別峰入定夢見龍王語師旣諾出定語其徒咸
莫信乃探袖中龍鬚巾襪示之

克勤佛果禪師見五祖聞道在金山說法堂中
僧一十八人皆大徹

子瞻云金山寺與柳子玉飲大醉臥寶覺禪榻
夜分方醒書其壁

文丞相詩男兒斬却樓蘭首閒品茶經拜羽仙
岳武穆詩男兒有志扶中國不斬樓蘭誓不閒

陸平泉云被召北入泊舟瓜步每旦棹江濤中
汲中冷泉聞金山僧飲食盥漱皆取給于此阿

異秦割十五城易趙壁而荆山之人用以抵鵠
王鳳洲登靈觀閣候京口酒至詩云倚欄興劇

盼京口忽有扁舟來百壺

沈石田詩常惜忙未到到來方悟閒過江如隔世入寺不知山

王陽明十一歲同祖過金山賦詩一絕又賦藏月山房詩傾一座

吳公嶽守廬州王公廷守蘇州以公務會鎮江吳邀王遊金山載酒一瓶米數合肉斤許蔬一朶王熟視其具論心盡歡

金山詩話

金山詩話

張祐詩僧歸夜船月龍出曉堂雲樹影中流鬼鐘聲兩听聞

祐詩實金山絕唱惜結句弱耳楊用修評之詩矣

馬戴詩夕陽依岬盡清磬隔濤聞每見落日倒景至山之西而止則山之東已障之矣或暮還山磬聲宛在濤聲之外始知

此句之工

孫鮑詩去來剩得月地少不生塵

月光協水色沈漾一山如入水壺中山居此江心四面風皆受之雖竟日几席無塵生此句亦入微矣

韓垂詩根盤大江底影挿浮雲間雷霆常間作

風雨時往還

每登山巔四顧無著俛睇空江浮茲魂石即

水使孤根兀然而往躡員嶽勢亦岌矣際起風雲雷疑則洞穴迷濛響應輒引酒自醉

爲神恐

韓持國詩鴛栖秋殿冷龍伏夜潭深

此山向來多鴛巢于殿閣藻井之上不啻
百以其山孤迥絕市代者既無僧飯每餘易
于求食足以全生也

熊茂叔詩塔影波搖動鐘聲潮拍回

塔雖植山頭實邊于江影落水流翫之可厭

塔云塔珠搖海日僧梵逐江濤

李商隱詩迥前無地江澄下有天

李商隱詩

李商隱詩山惟枕江樓憑江而立開窻則天光雲影

倒景于澄波之中終日對之未覺厭倦況而

西日多晚照則浮光躍金天與江色眩亂兩

目但不宜于暑也予云孤月翻江征鴈斷寒

濤撼石盤龍驚

又詩曉色關詩思江籠兩岬烟

文正范公岳陽樓記闌極登覽騷墨之情盡

而矣遠觀色獨足以闌但烟波江遠客思特深

耳

蘇軾詩蓬萊不可到弱水三萬里不如金山
清風片帆耳

又詩半夜潮來風又便臥吹簫管到揚州

山雖懸江實近而易于渡與至可適登高

眺則心神怡曠何事求丹丘于海上也

蘇轍詩竭來長江上孤高三千尺僧居厭山水

四面貼蒼石

僧居憑江倚石開牖則江光溢座引潮則閣

氣清甚

又詩

又詩鐘聲鏗鏗答山谷鳥鳴力薄墮中流惟有

胡石上宿誰知江海多行舟

此詩雖詠金山之實相而行舟不畏其孤絕

浩蕩以寓行險僥倖者多也

王安石詩倪視大江奔茫茫與天下

登吞海亭俯瞰江流浩浩勢與天而同流令

人有身世浮鷗之想

又詩山月人松金破碎江風吹水雪崩騰

山月之金被松破之江風之雪遇水成之則

見松金生喜見雪浪生恐殊不知月白風清
自若也能不以所見爲憂欣則心光常靜道
風常清矣

蘇舜欽詩陰壑瀟風雲陽崖產金碧

入裴公洞則山氣陰森俯江天閣則波光獻
灑此句得之矣

又詩扣欄見鼉鼉悠然意自得

予聞觀瀾堂崖下有老鼉窟之時有一僧與
鼉狎每扣沫魚呼之則起遊客以肉投之觀

啖而洋洋復逝後僧去而鼉被鐵釘誤中之
今則無矣

范仲淹詩山分江色破潮帶海聲來
意工而句壯登此山誦此詩亦可以輟矣

梅聖俞詩山形無地接寺界與波分

無地接則兩岬縣絕可知與波分則獨峙江
心可知雖辭氣平衍而實工矣

又詩老僧忘歲月坐石看江雲
坐石看雲至忘職別則此僧庶得無生之趣

不知金山近亦有此衲否也

王岐公詩大風吹江晝翻雪驚濤捲浪晴轟
此句言江中風浪之勢有如此客云長風吼

日掀洪濤拳石年年聳孤翠

郭祥正詩鳥飛不盡莫天碧漁歌忽斷蘆花風
此亦江天之妙句也遊覽之情豈無欣戚之

殊

黃庭堅詩笑看郭璞墳前水激石淘沙幾日休
郭璞刑于姑孰人謂其能精于堪輿故指水

中之石實非也客云景純未必眠江底遊客
空勞指石頭

曾鞏詩壺觴對京口笑語落揚州
嘗三醉妙高臺乃知此詩之妙

沈括詩蘆管玉簫齊送夜一聲飛斷月如烟
予云潮帶漁舟歸浦澈夜吹銅笛下金焦

蘇紳詩僧依玉鑑光中住人在金鰲背上行
金山有玉鑑堂佛印之室山在江水鏡波之

中故名若金鰲者此乃取其實相改山爲鰲

客從真州下江中道遙望金山儼一巨觥
首渡江而北是以名之非關紫戴三山也
楊蟠詩天遠樓臺橫北固夜深燈火見揚州
唐宋時金山雖居江中而玉山尚聳橫若山
亦高大連絡之勢與北固山朱甍甚遠今三
山俱頽矣且瓜渚未成市鎮潮直過揚子橋
以抵江都今已城截南徐之水豈能復見燈
火此詩是誚唐宋中景槩非今日也
王平甫詩雲隨草樹繁羣岫江浸樓臺點萬壑
無夢園集 下
當時山有二塔夜燈粲然人遙望之誠若萬
炬今山近建一塔誰其燈之且聞近塔有徽
商施銅鈴每鈴連螭首重廿餘斤今惟一三
鈴矣
黃庭堅詩楚雲斷處山浮玉吳月生時地湧金
客云雲連吳楚山形斷月滿樓臺水色分山
危素詩持呪降龍秋雨歇焚香迎客晚潮初
被當秋雨後晚潮初登山入寓僧房故吟之
不可泥于降龍舊事

薩都刺詩落日地中去長江天際流
彌勒臺在中冷泉北登之西眺則江浩無涯
惟見滾滾自天際而下至郭璞墓勢益旋湧
舟行多畏之則不能不使心胸曠蕩形神寒
逸也
又詩鶻冷山腰月龍噓海角雲
鵬多巢于東崖懸樹之上月出則飛揚不定
至五六月天陰晴變幻咫尺異觀龍多白雲
中垂艇人多見之間至鱗甲不隱惟首藏窺
雲不甚辨也此實近江海故與他處不同
又詩客去客來天地老潮生潮落古今愁
此詩見人世之促忽而乾坤之悠長以道眼
觀之總在大化之中何有促忽悠長之異哉
又詩剪燭題詩雲氣裏不知身已在龍宮
予嘗雨夜同客論文于江天閣有云虛閣夜迷
紅燭短空江雨氣白雲深
趙孟頫詩千帆過盡暮天碧惟見白雲時往來
松雪生平得意句亦金山實景也

虞集詩吟苦不知身人畫更添白鳥破烟昏

妙景如畫

王世貞詩千帆風色使人愁又云山形自拱秋
雲壯海日遙將曙色寒又云滄海潮吞丹雘法
大江天捲白龍來又云雲低鴈驚行時斷日落
龍罷臥轉驕又云極望千峯爭日出中懸壯
擘雲孤

此奔州詠金山警句別所詠詩悉能馳驟李

注杜

無夢園集 十一

金山詩話

汪道昆詩斗牛夾岼懸河鼓龍象乘潮迸雪峯

上言山當形勢下言寺坐大江句自工而意

遠然亦奇掘河鼓星在天潢之中斗牛二星

夾潢而立况牛女屬吳分野雪峯是佛修道

處

唐順之詩僧定潮來去月明江淺深又云洲光

孤斷石井脈割寒江

前詩聯以見禪心之不動月色之無私後詩

聯句警而聲韻清峭迥曠境唐也

丘濬詩吳樹風吹斷淮山水蕩迴

江之南屬吳江之北屬淮楚今皆隸于秣陵

故詩句合而言之風可斷樹而山獨不接

柱中流信然也

陳銳詩鳥從天外沒僧向渡頭歸

僧居此山不解自逸日管管于城市若不獲

已者能不為鴻臚之所誚者鮮矣予云片石

難留羈世客野鷗應笑過江僧

李夢陽詩三首中警句屢學樓臺結龍專頡頏

無夢園集 十一

金山詩話

游光涵天上下影變地沉浮一身銀漢上四顧

鏡波開魚龍狎不浪草木潤長春吳楚地形伏

江淮秋氣來

崆峒不獨辭章足冠我朝而人品孤潔無愧

古人矣

陸深詩潮聲生絕壁江影落孤雲

靜夜江聲若自山頭而下曉烟未散凝雲低

度則江之流影若與烟雲相掩映乃見此句

之工

沈周詩遇江如隔世入寺不知山又云頭白妙
高方縱目落霞孤鶩晚猶貪

前詩二句深得遇江入寺之趣後詩三句乃
知此老晚年纔獲過金山則落霞孤鶩不獨
此老貪之是人皆能愛也

李開芳詩鳥背看雲度鐘聲帶月殘

暮雲低度曉月半殘金山晨夕閒見如此亦
清越矣

皇甫詩莫潮風外落寒獨雨中深

無夢園集

于

李

百泉吟詠深挹六朝獨此聯使人中唐誰其
辨之

陳經邦詩江聲搖草樹海氣隱樓臺

深得前人之意趣冥合浮玉之見聞

袁宏道詩穿藤逢石怒倚險嗅波鯉

京口當羣江之匯誠魚龍之藪但水勢浩渺

奔流無停春暮岷水渾濁夏季則清徹與山

井無異誠宜淪茗詎有波鯉也

李言恭詩遠水接天盡高潮到檻平

前人有遠水兼天淨此詩暗合

楊一清詩風高鵬鵬驚秋半江轉龍門到海邊

此詩在今時金山詩中亦卓然而不遜者

李東陽詩潮聲夜落江心寺

昔人有楓落吳江冷一句遂名譽于當時此

句足以當之

唐寅詩憑君指點分吳楚滿眼風波自古今

伯虎此句清淡而有餘味

李攀龍詩雲光忽落龍臺雨色飛來鸞峯暮

無夢園集

于

李

雄渾

沈奎詩帆歸極浦和烟沒鷗伴閒雲逐浪浮

景屬金山所常見而意寓入世之馳逐雲之

閒適于言外

張翥詩閣影靜依波面石聲聲清落海門烟

句清遠亦金山之佳致

虞謙詩塵埃不向山中住日月常從海上來

順口道出若無思而自工

吳國倫詩江合萬流奔赴海嶼蟠一柱上撐天

予云江流自古天難盡石時何年水不知

屠隆詩山當京口捎雲過寺倚江心截浪迴又云天地蒼茫孤寺出東南咫尺大江分又云臨色遙連三島樹風塵不到六朝僧

赤水詞擅藝林及詠金山則碍于前人而未
能獨出一意風塵不到六朝僧當雄視諸作
劉應秋詩萬頃潮聲連海動千尋塔影落江寒
首句使置于錢塘詩中益雄矣

李祝詩風過星河搖薜荔雨餘宮殿削芙蓉又
無夢園集 千一

云山孤向背承飛瀑寺古朝昏咽落鐘

清勁可喜瀑字不若浪字

李承勛詩千秋月浸龍宮冷一夕潮平陽渚寬
題詠屬遊人多處最難下筆非句相犯則意
亦相同昔有一僧謁豫章守守問可遊滕王
閣否僧曰遊矣復問見幾詠可僧曰俱無當
意者守曰能當之乎僧詠曰洪都太白方積
翠倚穹蒼千古遮新月半江無夕陽至今板
于閣頭

顧璘詩天晴秋見海山潤午生雲

山情水貌自是深遠不動聲色溢于目前
殷實詩月來江側景風定水無聲

予云天淨江空月潮歸石破雲

傳慧詩天晴沙氣白夜靜海雲黃

予云雲低連水白日落半山黃

孔彥光詩月分江練白濤涌嶼螺青鷗散鷺鳴
落龍來欲聽經

客云鵲窺齋罷階前集龍聽經宛水上歸
無夢園集 千一

郭佐卿詩四面天皆水千山樹盡雲

予云乾坤不盡江如織今古常浮石似雲

孔承龍詩今古疑浮玉孤高似落星月來連海

白潮滿接天青

客云夜色虛無江噉月曉聲浮動石吞潮

何遜詩日莫鐘聲何處落山光海氣滿扁舟

比夜半鐘聲句太過之

顧璘贈僧詩相見了無言空庭踏秋月

止可贈了元一輩

屠隆詩山僧無一事洗鉢挂藤花

客云月下跌江石松陰滿衲衣

馬一龍詩江心無地服佛面有風波

佛面有風波句能出人意意外可賞也然自驚

清瘦佛身變化來

陸沈初詩何處龍臨洞中藤藥坐松間

原此亦偶以所值言之予謂何處藤藥則及物

藥坐皆幽人事也

王孫勸詩鳥臥波心樹僧移屣上船

王四詩所見而偶憶亦有在也鳥能安臥僧

却管管

張萱詩憑高最蕭瑟風雨隔江來

風雨隔江來形容山之孤峙最切

金山造浮玉廊集句

碑廊北至無梁殿

樹影中流見潮湧千帆瓜步青鍾聲雨听聞雲

連萬樹揚州白人閒道路江南北地上風波世

古今茲維金山草木潤長春山孤向背承飛瀑

魚龍狎不浪寺古朝昏咽暮鍾清色掛虛簷

吳綠水浮天瀾樹光穿落日六代青山隔岬多

石髮長新堤江邊見月潮初白地永封斷碣海

江臨風日轉黃玉簫飛月斷如烟流水與天半

臥海脈有碑廊扣闌見蒼蒼揚首意自得獨吟

幽鳥下中流真見不尋丈長笑亂峯橫滿地莫

論無坐處墻低樹沙多容月石瘦花怪宴得春

日出隱高峯雲光忽落蛟能窟潮來捲大殿雨

色橫飛驚鷺峯笑語落揚州清風偶與山阿南

壺觴對京口明月聊隨屋角方春來江色鮮雨

過水雲碧漁燈驚鳥下中懸一柱擎雲孤墻影

隔江生極望千峯爭日出波濤隨彩筆碧潭龍

去水生苦風雨泣江萍滄海月明珠有淚海門

烟樹潮歸後江面山樓明照時影變地浮沉客

去客來天地老光涵天上下潮生潮落古今愁
海氣隱樓臺斗牛夾岫懸河鼓江聲挂草樹龍
象乘潮逆雪峯杳杳歸舟送梵音紛紛落月搖
空影亂石維舟住細雨鍾聲帶古今西風倚檻
嗟夕陽鴉背分吳楚日落山氣紫開門江霧黃
玉洞未歸雲渺渺渚烟連去鳥金波空映月扶
依沙柳繫迴船買客貪風力雨過千帆亂佛燈
江妃鼓浪花風回雨嘶聞人語海色遙吞碣石
高月華倒浸寒潭靜川光孤斷石山中無地著
影無夢圖集 千一
塵埃井脈割寒江水底有天行日月鴉宿腥林
徑日落鼉鼉臥轉驕龍歸損塔輪雲低馬驚行
時斷海色遙連三島樹風塵不到六朝僧淮山
水蕩迴塔擎燈影凌雲渺吳樹風吹斷船載鍾
聲出浪堆潮滿接天青草薄晚山猶露石月來
連海白雪消春渡欲生波鷗鷺宿樓臺潮聲夜
落金山寺蛟龍避鐘聲雲氣朝浮海上峯歸渡
客舟多天遠樓臺橫北固傍崖漁鼓亂夜深燈
火見揚州老蛟一夜獻瓊瑰觀席寒風不成渡

僧定潮來去十年清夢是重來月明江淺深萬
里奔流須著此山分江色破古樹撐雲信有巢
潮帶海聲來斷鰲閣水疑無地弄月疑金見數
點殘燈山寺秋凌風怕錫飛一聲磬徹江天曉
帆影春霞沒日月常從海上來漁歌夕浦生風
雲時向山頭出試登絕頂望鄉國江南江北青
山多帆飛鴈影連龍歸下界眠滄海劍掛蛟腥
起月過中流倒玉環清磬隔潮聞天迴江漢西
孤柱夕陽依所盡地缺東南若此亭插影浮雲
影無夢圖集 千一
間山月入松金破碎盤根大江底海風吹水雪
崩騰沙靜渚鷗眠僧依玉鑑光中住風依江燕
舞人踏金鰲背上行陰壑瀟風雲鳥飛不盡暮
天碧陽崖產金紫漁歌忽斷蘆花風焚香迎客
晚潮初持呪降龍秋雨歇落日地中去九霄星
斗摘來多長江天際來大壑雲濤行處合吟苦
不知身入畫更添白鳥破朝昏寒樹雨中深
川遠帶征帆影暮潮風外落遙漢哀傳候鴈聲
高閣切星辰層雲錫響安玉壘新秋照步繁落

月明珠帝女遊風鈴語半天滄海潮吞丹鷺去
水氣蒸初地大江天捲白雲來日落半山黃人
從渡口窺巢鶴雲低遠水白僧在窓中數落鴉
俯視月水并坐恐星斗涇晨望愛明滅雲開天
鏡倒樓臺夕遊鷺蕩摩界入水壺寬日月隋柳
分堤綠荒亭猶勒宋皇詩歸雲夾浪輕古碣尚
雷蕭帝吼駐錫逢山色江浸樓臺點佛燈停盃
見浪痕雲隨草樹紫羣岫過櫓妨僧定曉磬昏
鍾佛屋深鷺濤凌佛身雨迷烟棹征帆遠鴉栖
無夢圖集 下
秋殿冷盡日如聞驟雨來龍伏夜潭深無風但
覺鷺濤沸驚翻三島出落日海門何處舟鷺駕
一峯來疎烟水國前朝寺一身銀漢上鴻鴈來
時月印沙四望鏡波開風濤險處龍藏鉢遠水
接天淨雲掩丹光遠更重高潮到檻平濤翻雪
色寒猶落剪燭題詩雲氣裡不知身已在龍宮
霜高木葉秋晴龜戲水綠子染垂藤鷺鳥逐健
鷗粘天青欲無沙禽下榻行千尋月浸龍宮冷
海鷗聽經至一夕潮平鷺渚寬最愛簷前景絕

奇江心曉然郭公墓鮫人分夜火荻月漁燈照
斷魂龍女給晨餐秋風野寺供僧飯天地石色
老墓前無地拜兒孫東南江勢開山下有田埋
壽鼎漂石龍涎春霧浪交沙鳥跡晚潮餘佛面
有風波前朝人往寺碑在江心無地厠今夜月
明遊客稀漁火落寒星巖肖蠟房苔半合烟波
浮夜月江圍龍窟木長腥嶺影落江寒鳥飛青
嶂銜烟去潮聲遠海動濤捲蒼雲抱月來更深
月正中山影杳無像載逝春栽樹江上青山掛
無夢圖集 下
羅樓拋生目飲風前露柳墮樓欄樹木有寒
意挑花臨水爭江紅江山如故人草色閉關深
徑碧風搖供佛火難石常磨細浪圓雲涇定僧
不增鈴自觸微風語霜飛臨浦鴈月照渡江僧
老樹嘈昏鴉千尋石塔爲高髻帆影上屋角
帶青山是黛螺白日走風滿寒鳥自啼山色裡
黃金浮夜氣老僧常住水聲中帆影失飛航風
高鷗嶺鷺秋早夢客迹遠樹江轉龍門到海邊
雨纖手江烟風想廣野新天遠孤城壯吳淞

時地湧金潮平怪石層楚雲斷處山浮玉長江
百折出城由舍衛渡恒河海闕五城圍世借逮
津登彼岬願將第一中冷水捧祝吾
皇萬壽杯

觀音洞密嚴堂記

蓋聞密爲因嚴爲果因果一是爲密嚴亦曰神
咒一江精持咒病目再明辛亥月夜過之執其
手曰萬壑千巖裏相逢此一江竊慨今之講師
從口說入患不密以蝶狎終患不嚴密與嚴
江有之自予游京口北面事者首治淨次一江
今別去十六年二公精挺色振與江山並登詩
不云乎客去客來天地老潮生潮落古今愁有
如置二公於波浪間可使天地不老今古不愁
右爲一江老僧書於江中

紀遊

曾讀米史公書始知蓬萊方丈瀛洲爲三山始
皇好奇衷徐福語遂舉求仙問藥事心快之吾
吳金焦非固名襲而實眩欲爲山靈拭干及登
金之妙高臺焦之吸江亭非固之三山樓竟寒
落地龍江無色不知一片熱世界失在何處
更爲兩金鳥作雙低回於朗鏡中若遠若近而
琳宮紫刹飛廊舞磴爲之色矜鳴呼所謂蓬萊
訪丈瀛洲名掛圖籍而試以此律其實無殊
卽反居水下之說特福之恩始皇耳然古今遊
三山者咸便帆過舫稍稍載筆延討輒以傲人
是以皮相山靈貽辱非淺愚謂遊三山必未遊
數年前聞風結想幾深夢寐及遊則裹歲糧携
同心一二奇書數種塔然居之雞五喔後急奮
策孤往據絕頂最高處細觀雲之往來湊合度
水入林含岷吐谷或白衣或蒼狗或橋梁或車
蓋姿狀萬出應接不暇日始升則迴視日所矚
處隱隱晦顯遠近濃淡之奇畢在林巒相錯時

及返照靜看落鴉帆影出沒長江之致不全在
丹金五色爲奇也大雨後短衣狼狽趨亂壑
泉間觀水勢不能直行躍舞飛鳴與山爭奇
一統之內春時花未發先課數詩商擬開時景
色及爛熳離花數百武擇危樓杰構置酒凭欄
與客指點霞封綺錯之奇秋則山水本色營猶
病客乍痊動定閒靜又如醉士臥起七碗茶後
他奇石露奇怪木呈怪江邊形澄以遠泉之響
悠以調興堪歌李青靈絕句數篇消遣此蓋三
山之勝場古今遊之所不及也迴視蓬萊方丈
瀛洲失最負名不可大愧耶

化鷄國記

鷄國作化鷄國記

國時大江心鷄鷺不當蛟龍族屬或曰建於禹
鑿之年或曰非也所由來舊矣帝遣五丁不能
去羽族至者如劫火燒海底風鼓山相擊金魚
其鄰國也海若怒鯨波立國君慧而黠率子孫
臣庶遷浮玉山之大樹之顛水母無眼全仗蝦
蝦止浪息復返其國世尊大悲令天龍神鬼說
法云煩惱是波浪毒害是惡龍塵勞是魚鼈嘆
國號曰北鷺頒朝典歲再朝西天諸尊者有樹
曰鳥道然後令諸尊菩薩說法云萬境無生滅
如水常通流卽名爲彼岸然後世尊自說法云
自性迷卽是衆生自性覺卽是佛爾時羽毛鱗
介皆現色身古佛聞之渡江而至曰折葦汀世
尊偕諸菩薩諸天龍神鬼瞻顧而退曰送鳥塘
風來潮咽如聞欬笑曰鷄笑屏夜靜江空啄殘
寒月曰啄月磯有時倦羽浴罷對影自戱曰梳
羽巖與魚鳥狎處任公子罷釣曰夢源墩國以
大治世尊倒用魔軍一切諸魔爲王侍者多

塔前靈山會上世世長有化鷄國不凌遲衰微

矣千載以前有郭生者自言吾當老其中生死
人因墓之予亦不之訝夫貞魂淑魄騎長鯨而
至者何必郭生何必不郭生采采江蘋於以薦
之一石點頭若生領予者曰采蘋處其旁有捫
蘿棧懶迹滿沙遠矚得井人影在焉因歌少陵
眼花落井水底眠句曰眠影湫逾武境益闢舉
手高寒剗然長嘯吾欲架天作長橋曰架天橋
十日之內凡再遊焉江妃進膳似魚頭供國玉
皈依佛後復令啣書至予與沈子朗偕偕往則
以伊蒲供館于舞蛟洞作度世經二卷續水陸
儀文一卷得詩如千首若舞蛟洞諸勝則朗倩
之記在

焦山記蹟一

山在郡城東北九里大江中與金山並峙相去十五里其山自京峴東北至馬鞍東零石公山入江止而為此山後漢河東焦光字孝然一隱此故名今祠爲護伽藍神前經有佛印又名譙山寰宇記通典皆稱譙山茂宋之問詩成入亦名浮玉巖石有古刻浮玉山二一在石屏石側三六字無名氏書金山趙孟奎書一在三詔洞右之意全鰲浮玉互名譙諺後莫之考耳山之餘支東出分峙於鯨波瀾森中曰海門山海經名無夢園集 十二 焦山記蹟

關唐詩稱松寥夾山即此李仲殊詩亦謂之雙海門碑目山巖登江北行人樹幾行峰韓維詩一帶分江山巔盤礴處曰焦仙嶺曰禮斗壇其下南麓有燒丹井下有焦山渡山之西畔曰觀音巖南曰羅漢巖又爲羅漢洞怪石對峙水際石上宋理宗西南曰磨崖石又爲瘞鶴巖今論於山壯觀亭左曰義之巖又有海雲巖見了元詩序西南半麓有三詔洞即三下詔有隱士像傍有棧道石舊刻棧道數字隱隱皆蔡邕贊傍有棧道石其下水際有角觥石二石相峙而不河可也

有釣魚臺石石磴側有石屏石吳傳開書石屏瘞鶴巖側有霹靂石義之巖東有鑽丹石怪石有半中一竅聞而山西北隅林木隱森人跡罕至碧桃灣在焉東北隅烟梢霧篠叢密蔽翳境更幽僻青玉塢在焉

焦山寺舊名普濟創自東漢興平間唐僧法寶重建宋名普濟菴元祐初僧了元居之後仍名寺景定中燬僧德暝復建

國朝宣德正統間僧覺初弘行復拓而增創之

無夢園集 十二

二焦山記蹟

梵宇遂與金山抗矣

世莫知焦光所出無父母兄弟丁漢獻帝建安末關中亂竄河渚結草爲蝸牛廬呻吟其中冬夏袒露垢汚如泥後野火燒其廬光因露宿遭大雪袒臥不移人以爲死就視如故後尋幽勝徙京口城東江中之山洞居焉朝廷三下詔徵之不起後人因名其山而扁其洞詳傳

明應公祠在寺之大雄殿東宋祥符中隱士見夢真廟封明應公親製詞以告刻石殿中隆興

中郡守方滋請於朝加英濟二字郡人蘇師德
記天順間郡守姚堂重建前古柏二株甚蒼翠
唐宋物也像舊用袞冕後改用袞衣大帶云
郡人沈固焦隱君祠記云邑或之徒不免屈節
先生終老空谷子陵以來一人而已西漢養士
二百年王莽謀逆而子陵僅見東漢養士亦皆
百年袁曹角逐而先生再見兩漢清節之士皆
見於季世以表國家養士之報云

無夢園集 十二
三 焦山記

文卽焦山寺建道場以濟拔之因建閣以貯御
製云

元大德中江浙僉省周文英渡江阻風許建塔
於山有頃風止乃捐貲創造歷九年而成名鎮
寺塔或謂山形如龜塔不宜有啓土得龜數枚
後寺果多事遂廢今吸江亭其遺址也

吸江亭對金山高倍留雲山很多巨石如獸臥
草中草樹四垂如衣女蘿幽僻藏勝隔江石壁
不減金山之長廊

徐有貞壯觀亭記云余與太守姚君堂搜奇選
異得景之會處於山之西南作亭以據之南臨
鐵甕之城北瞰瓜步之洲西接龍盤虎踞之都
東控海門天蕩之險候取李白登高壯觀天地
間之句以名其亭正德中僧妙寧脩焉

瘞鶴銘石刻二一在山之西北麓觀音巖下濱
江崩崖亂石間常爲江水所沒秋冬水落始可
摹榻歐陽文忠公云他人俱得數字余得六
十餘字一在壯觀亭左側崖石上者乃翻本也
無夢園集 十二
四 焦山記

瘞鶴銘并序華陽真逸撰上皇山人逸少書宋
資政邵亢就山下斷石考次其文闕其不可知
者江陰真宰丹陽仙尉茅山真君此寺僧如玉
所定本也

宋咸淳中趙潛題僧如玉瘞鶴銘辨証後師示
以瘞鶴銘辨今因以所得陀羅尼經右軍書遺
之郡志有墨寶二卽此帖之在郡治者與華陽
真逸書也於是古蹟二寶俱萃於焦山之下三
坐石止坐笑領悟固多矣奚庸多辨

蔡佑雜記瘞鵲銘不著洛氏但稱華陽真逸
因謂義之書實專直以爲真右軍書無疑蘇
美詩山陰不見換鵲經京口空傳瘞鵲銘亦以
爲右軍書圖經云字亦奇特不類右軍筆法而
類顏魯公東觀論云晉成帝咸和九年甲午歲
逸少年三十二不應稱真逸此銘決非右軍書
矣銘下有云上皇山人逸少書非王逸少也蓋
唐有此人亦號逸少耳丞相張子厚云石刻在
崖下水濱其側復有同兵添軍王贊一詩汲題
名小字數十字畫全類此銘疑卽贊書或璿學
銘中字而書此詩歟璿一作讚舊志作晉人今
觀其自稱丹陽掾又稱功曹司兵添軍皆唐官
名京口自天寶後稱丹陽而詩亦不類晉人語
故係於唐因載諸此以俟知者集古錄以華陽
真逸是顧況號但無年月可記又檢唐史及先
文集皆無此號唯湖州刺史廳壁記自稱華陽
山人耳不知歟陽公何所據也東觀論以陶弘
景自稱華陽隱居文格字法殊類弘景今日真

逸豈其別號歟考銘後壬辰歲甲午歲乃梁武
監十一年十三年也隱居天監七年東游海嶽
權佐會稽永嘉後還茅山則十一年十三年正
在華陽矣銘後有題丹陽尉山陰宰數字及唐
王贊詩字畫亦頗似但筆勢差弱當是效陶書
故題于石側或以卽贊詩歟矣西津詩話云除
讀道藏陶隱居外傳號華陽真人晚號華陽真
逸此蓋同斯號矣
華陽文學馬子灝題云淳熙中暇日游焦山
訪此石刻初於佛榻前見一斷石乃其篇首二
十餘字有僧云先年崖間震而墜者余亦信然
遂挈舟歷觀崖間尚餘茲山之下二十餘字波
間片石傾側舟人云此斷碑水落時亦可摸榻
余因請於州將張子顧出之張欣然發卒挽之
旣出則甲午歲以下二十餘字偶一卒復曰此
石下枕一小石亦覺隱指如是刻畫遂併出之
疾讀其文則與佛榻所見者其文相同特以較
之第闕四字而筆勢頗異乃知前所覩者爲詩

僧所紉耳近觀陶隱居諸刻反覆詳辨乃知此
銘真陶所書格古要論亦云真弘景書其字神
妙銘考

曾收以瘞鶴銘蔡邕焦光贊江淹焦山集王瓚
詩爲山中四絕類集

陸務觀與何德器張仲玉韓無咎題名云隆興
中踏雪登焦山觀瘞鶴銘置酒上方烽火未息
望風檣戰艦在烟靄間慨然盡醉薄晚泛舟自
甘露寺以歸次歲乙酉正月環碑爲刻之石

無夢園集 十二

焦山記

唐王真之題陀羅尼經石幢云集宗祖晉右軍
書自稱雲陽野夫歐陽公集古錄云卽王真之
書字畫頗爲世重宋咸淳中郡守趙潛於郡治
移置山中建亭以覆之

宋咸淳癸酉石刻一絕云文韶翰墨此曾題倪
仰當年若有期地老天荒崖石劃臨風惆悵立
多時

咸淳間尤文簡云瘞鶴銘側一小碣云縱步不
知遠夕陽猶未回好花隨意發流水逐人來無

名氏刻石碣傍復一小石刻江外水不凍詩題
云丹陽掾王讚作全詩載集中其刻
石者止四句耳

蘇子瞻書焦山綸長老壁篇長於譬喻趙彥本
云此篇乃坡公全用小說一段事裁以爲詩意
最高妙

咸淳壬申石刻丹石無光古刹存全篇刻
集中
前有有序曰欲援東坡故事爲我佳處留蘇轍構
體猶勁不著作者

昔有傳先生者少好道然焦山石室中積七年
無夢園集 十二

焦山記

感太極君詒之與一木鑽使穿一石槩厚五寸
許云穿此槩便得道乃晝夜穿之積四十七年
鑽盡石穿其石卽鑽丹石也隱居真詒

李約於焦山得一石號寶峯後載歸洛

王叔弘記云嘉靖中楊繼盛大書焦山二字於
壁及其名氏日月椒山乃楊所自號也蓋椒焦
同音或其自負後竟以劾奸論死忠臣處士各
節略等焦山亦云椒山可也

焦山記跡

蘇子美黃魯直皆以瘞鶴銘爲右軍書得非本
潤州圖經而言之故魯直云頃見京口斷崖也
瘞鶴銘大字右軍書以此觀之遺教經非治
軍筆畫也若瘞鶴銘當爲右軍書無疑又有詩
云小字莫作疑凍蠅樂毅論勝遺教經大字無
過瘞鶴銘又董道書跋載張子厚所記云銘凡
文字句讀之可識及點畫之僅存者百三十餘
言所亡失凡五十字計其完書蓋凡九行行之
無夢園集 十二
全者二十五字而首尾不與熙寧三年春余索
其逸遺於焦山之陰偶得十二字於亂石間路
甚迫隘偃臥其下然後可讀故昔人未見其後
又有丹陽外仙江陰真宰八字與華陽真逸上
皇山樵爲似是眞侶之號又追自書後云余于
崖山又得唐人詩詩在貞觀中已列銘後則銘
之刻非顧況時可知又按蔡君謨曰瘞鶴文非
逸少字東漢末多善書唯隸最甚至於晉魏之
分南北差異鍾王楷法爲世所尚元魏間盡習

隸法自隋平陳中國多以楷隸相參瘞鶴文有
楷隸筆當是隋代書曹士見曰焦山瘞鶴銘筆
法之妙爲書家冠冕見前輩慕其字而不知其
最後雲林子以爲華陽隱居爲陶弘景及以句
曲所刻隱居朱陽館帖參較然後衆疑釋然其
鑒賞可謂精矣

江淹詩本作焦山按焦隱君事見圖經及類集
詳皇甫謐逸士傳而蔡邕爲之贊然舊記古詩
無言此隱京口者京口無焦山是可疑也錢先

無夢園集 十二

生允治云焦先以象受禪居河之濱爲犢牛廬
太守董經往視之不肯語經益以爲賢魏代吳
先爲祝劬之歌歌云祝劬祝劬非魚非肉更相
追逐本爲殺牂羊更殺殺癡癡按歌中以牂羊指
吳殺癡指魏何嘗指京口也且先居河中足跡
未嘗至江南何得以焦山而冒其事耶又云先
佛狸南寇臺遣征北參軍管法相守焦山則非
焦山明矣

鄒浩記御書閣云余前登連滄觀以縱目而大江橫貫於前金焦拔出江心岌岌於左右如人分引兩臂之狀太宗皇帝深念沉淪波濤之人未脫苦趣嘗遣近侍卽山建道場以濟拔之御製文疏著在寶刻與佛日輝光照耀幽冥無有終極

舊傳鑽丹石了元詩註出道書真誥指傳先生焦山石室故事舊傳之訛明矣

霹靂石旁有宋吳琬大書心經刻石

無夢園集 十二

焦山記略

壯觀亭有東冷泉石焦光煉丹井

會景亭舊名佳處亭郡守王應麟易名

元聞僧鏡堂增置寺田刻石以傳

如玉住焦山著瘞鶴銘辨証

正統間宏衍奏請賜經律論重建千佛閣海雲

樓

山比金山差大而寺當其前故土人有焦山山

裏寺金山寺裏山之語

王麟洲世懋遊焦山記曰以遊招隱之明日

鐵遊江上山比挂席行駛若馳駿安若就雅

息抵沙岸矣嫩葭黃麥錯雜錦色俄觀碧柳盡

插波間連卷異狀巨石偃仰映柳中出余時也

大樂之登岍入寺循崖登山郭道人菴在翠微

金山當其面出菴若相賓主息足菴中已稍近

而上爲佳處亭有楊石棕閣老碑記公瑕篆書

題壁間山多密篠蒙茸徑側攀緣而上遂陟山

巔巔有亭角其四周形似浮屠僧云廢浮屠也

東望海門與天上下圖山或爲有無金菴若羣

無夢園集 十二

焦山記略

西浮水面不當一柱矣遙邇欲下以未擬三詔

洞更取他道瞻謁而返凡上下所得磨崖字無

慮數十百剔蘚讀之多兩宋人名次亦國朝名

筆也下入水晶菴菴當南面最勝坐瞰江流象

山近若可梁橋帆往來必出其下始過一院幽

閒無他奇獨藤花翳牆香氣鬱勃可愛已復下

循東麓而行歷僧舍盡爲北麓兩小山並峙江

中若雙闕然淺流細石相戛爲金玉聲則余向

所濯足處也從茲以西磴石林泣竒瑰競効

從石罅中行尋華陽臺鶴銘讀之尚班乘其
其半石之大者若皇小者若室僂者若釜立者
若屏若珖而完若剖而連劇石仰望上爲三詔
洞諸崖陟削數仞枝蔓緣綴皆奇觀也

鄭觀察懷旭焦山遊記云漢中郎比其寂默
皇甫歎其幽玄樂必棲衡九朝廷之舊德探天
宇地自羲皇而一人又神洲清淺稻穗過滄海
之田天風颼颼木葉下澄波之浦則有星壇雲
洞半錯落乎珠林竹塢枕灣仍蕭森乎寶地動

無夢園集

十二

三

焦山記

海音於清梵則夕落晨錯儼風範於神丘則春
蘋秋蕩况此峯之勝蹟多遠古之遺文傳世寶
桑南仲蟠踞之鼎淪波斷石道少瘞鶴之銘
施工部浚明撰護法菴記云繇焦山之麓歷磴
道一再折過大士閣有祠祠漢武安王祠前翠
山拱抱驚濤瀉浪匯於兩溪封田柳蔭交翠其
下

成菴師體禪師上堂舉臨濟示衆四喝公案乃
召衆曰這箇公案天下老宿招撥甚多第恐持

未盡善焦山不免四撥著地與諸人分明莊

一遍如何是踞地獅子咄如何是金剛王寶劍

咄如何是探竿影草咄如何是一喝不作

用咄若也未會拄杖子與焦山吐露看卓

曰笑裏有刃又卓曰曰壽龜無眼只卓

曰恐俊不禁又卓曰曰出問是路更有

舉話長老也理會不得上堂道生無角鐵

雁少室一生二祖父開田說大義二生三梁間

無夢園集

十二

焦山記

條少處滅大蟲怕喫生人膽有若無實若虛爭

掩驪龍明月珠是則是秘如焦山坐斷諸方活

頭一句作麼生道肚無偏僻病不怕冷油壺拍

禪床下座室中常舉茗帚柄問學者曰依稀茗

帚柄髮髯赤斑斑衆皆下語不契有僧請益師

示以頌曰依稀茗帚柄髮髯赤斑斑棒下無生

忍臨機不識爺淳熙己亥八月四日先示微恙

卽手書并硯一具別郡守侍御曹公建至中夜

書偈辭衆曰鐵樹開花雄雞生佛七寸四每

籃絕斷擲筆示寂公以偈悼之曰翩翩隻履西風一物渾無布袋中留下陶泓將底用老

無處判虛空

鄂志

枯木法成禪師與照闡提未嘗相識照住寶峰遣鵬侍者丐于江洲照自題其像曰雨洗淡紅桃萼嫩風搖淺碧柳絲輕白雲影裏怪石露深水光中古木清唳你是何人成見歎曰今日方知此人鵬遂請益其贊成曰豈不見法眼枯來山境話曰我二十年只作境會鵬忽有省

焦山懷深慈受禪師被旨往焦山僧問如何是

佛師曰面黃不是真金貼曰如何是佛向上事

師曰一箭一

華僧作禮師彈指三下問知有

道不得時如何師曰啞子喫蜜曰道得不知有時如何師曰鸚鵡喚人僧禮拜師叱曰這傳語漢問甚麼人不被無常吞師曰祇恐他無下口處曰恁麼則一念通玄箭三尸鬼失奸也師曰汝有一念定被他吞了曰無一念時如何師曰捉著關黎上堂古者道忍忍三世如來從此盡

饒饒萬劫于殃從此消默默無上菩提從此得師曰會得此三種語了好箇不快活漢山僧祇是得人一牛還人一馬潑水相唾掉嘴罵卓拄杖曰平出平出上堂雲自何山起風從甚澗生好个入頭處官路少人行上堂不是境亦非心喚作佛時也陸沉箇中本自無階級切忌無階級處尋總不尋過猶深打破雲門飯袋子方知赤土是黃金咄

陸特御鳳翔按江南四郡一日蒞事鎮江往觀

焦山因問山所繇名或以焦光對遂造禮祠下

見哀然袞冕者則焦光象也謂所從郡守以下

日光處士也崇而祀之可袞冕不可高潔沉靜

付形自然生且弗廬弗食弗衣而袞冕被焉華

質弗倫非先生之意卽命易以莖服伐石紀事

以上

焦山記蹟

焦山記蹟

焦山記蹟

瘞鶴銘劇銘乃瘞吾鄉華亭鶴也

陳府公紀古

倪元鎮所居名蝸牛廬焦光亦有蝸牛廬又

黃伯思以瘞鶴銘爲陶隱居書似矣獨謂以朱

陽帖參之絕類則余所不許朱陽帖出於信本蓋不足復疑且其寒峭取姿與銘體方嚴乃二相反安得強令

疑古錄

瘞鶴銘潤州楊承江焦山之足石巖下惟冬亭水退始可模打世傳以爲王逸少書然其語不類晉人是可疑也歐陽永叔以爲華陽真逸乃觀況之道號或是況所作然亦未敢以爲然也

無夢園集

十二

瘞鶴銘

予嘗以窮冬至山中觀銘之側近復有唐王璿刻詩一篇字畫差小於鶴銘而筆勢八法乃與瘞鶴極相類意其是璿所書也因模一本以歸以示知書者亦以爲然其題云冬日與羣公泛舟此山江水和初不凍今年寒復退衆芳且未歇近臘仍袂衣載酒適我情興來趣漸微方舟大川上環酌對落暉兩片青石稜波際無因依三山安可到欲到風引歸滄溟壯觀多心目豁豁時况狼窮日夕乘槎何所之丹陽功曹祿王

今此刻亦漸漫漶尚可讀也有好事者當試之以驗予言之或是也

墨莊漫錄

焦先者字孝然河東人也年一百七十歲常食白石以分與人熟煮如芋食之日日入山伐薪以施人先自村頭一家起周而復始負薪以置人門外人見之鋪席與坐爲設食先便坐亦不與人語負薪來如不見人便私置於門間便去連年如此及魏受禪居河之湄結草爲菴獨止其中不設牀席以草褥觀生其身垢污濁如漆

無夢園集

十二

焦先

潦或數日一食行不繇徑不與女人交游衣弊則賣薪以買故衣著之冬夏單衣太守董經因往視之又不肯語經盜以爲賢後道野火燒其厓人往視之見先危坐菴下不動火過菴墟先方徐徐而起衣物悉不焦灼又更作菴天忽大雪人屋多壞先菴倒人往不見所在恐已凍死乃共拆菴求之見先熟臥於雪下顏色赫然氣息休休如盛暑醉臥之狀人知其異多欲從學道先曰我無道也或忽考忽少如此二百餘歲

後與人別去不知所適所請者竟不得一言也

此神仙傳

嘉靖壬子楊椒山渡江訪唐荆川先生不值因登焦山題得月亭壁云楊子懷人渡楊子椒山無意合焦山地霧人傑天然巧瞬息神遊萬古間後豫章謝廷傑督學南畿摹此詩刻之石未幾亭圯墨跡湮滅云

焦山堂外紀

洪漁隱叢話云東觀餘論黃伯思所作也其跋陶華陽詩云隱居書故自出流俗其在華陽

無夢園集

十二

云焦山記碑

得許陶顏三真跡顏最多而學之故蕭遠雅淡若其爲人伯思此跋稱贊弘景書如此故以瘞鶴銘爲類之第余初不曾見弘景書未敢遽以爲然

瘞鶴銘考

宋曹士冕云焦山瘞鶴銘筆法之妙爲書家冠冕前輩慕其字而不知其人最後雲林子以華陽真逸爲陶弘景及以句曲所刻弘景朱陽館帖參校然後衆疑釋然其鑒賞可謂精矣以余考之一本山樵下有書字真等下有立石三

一本我傳爾銘作出於上真爾其藏靈作紀爾歲辰張堅本作丹陽外仙邵亢本作丹陽仙尉又有作丹陽外仙尉者且中間辭句亦多先後不同尚俟罕舟過楊子手自摹印以稽其得失之十二可也

瘞鶴銘考

元陶九成輟耕錄載瘞鶴銘仙家字下無有字而多無隱我故四字與他本不同

瘞鶴銘考

都少卿玄敬金薤琳琅云右梁陶弘景正書瘞鶴銘刻京口焦山西南之麓正臨江水予弘治

無夢園集

十二

云焦山記碑

甲子嘗遊焦山問僧銘之所在則云已崩裂墮江雖水落亦不復見予信之載其語遊山記中正德己丑冬再至京口錢道人德孚爲予言嘗識其處予既驚喜且自笑昔爲僧所誑遂與德孚及鄉貢士俞貞明渡江登山踏雪尋之果得於石壁之上可讀者僅二十字因榻以歸未至銘數十步崖上有宋嘉熙二年陸放翁題字云踏雪觀瘞鶴銘乃知晉人好奇已先于予銘殘缺而錄其全文好奇之士庶幾同一快也

瘞鶴銘考

瘞鶴銘見稱於世不在爾亭之下但以其僻在
荒寂山僧憚於摹刻詔云崩身墮江人間既出
其本雖京口士大夫往來山中亦以僧言爲信
吾師南濠先聖家藏碑刻甲於東南嘗錄其文
爲題品爲金薤琳琅凡數十卷獨以未得此
爲恨輒指放舟京口冒雪渡江果得於山石
之下親指以歸錄是此銘復傳人間而僧亦不
能曉矣昔羨白石有蘭亭考俞壽老有蘭亭續
考沈澆錄其義取古今論辨爲一編名之
瘞鶴圖集 十二

日瘞鶴銘考天下後世豈無同余之好者乎正
德戊寅正月十日姑蘇顧元慶謹書 瘞鶴銘考
唐劉年君佐弟延年子永龜年仁父遠年元老
因訪右軍碑蹟攀至此熙寧元年季春廿日龜
年謹題釋景宗同遊 石存

陳朴文叔章道卿孟元葛蘊叔忱熙寧元年三
月九日陪明州使君頴川公遊 石存

自金山放船至焦山詩註云吳人謂水中可田
者爲沙焦山長老中許時也 陳微集

焦先生當漢季潔身世外茅茨儼仰以自終名
爲辭榮重山緣得姓香則鍊丹禮星之亭恐亦
未屑後人跡其地而加之卽今之山竹至根下
二三寸屈曲亦稱焦仙杖云

焦山大殿傾圯龍象剝啄環絡塵涅僧湛公募
修郡士大夫歡喜樂施一日江浮二木直抵沙
口賈人貪爲已有僧訴之觀風使者送至焦山
仍捐金若干其木巨可作柱此亦徵天之所興
矣

瘞鶴圖集 十二

黃浩翁云大字無過瘞鶴銘小字無過道教經
今世所傳遺教直唐經生手耳瘞鶴則陶隱居
書山谷學之余欲縮爲小楷偶失此帖遂以黃
庭筆法書之丁未又六月十日

晉人以瘞鶴銘爲陶隱居書謂與華陽帖相
類然華陽是率更文氏停雲誤標之耳 董思
晉齋帖

或問焦先於皇甫士安士安曰曠然以天地爲
棟宇闔然合至道之前出羣形之表入玄寂之

幽一世之人不足以挂其意四海之廣不足
回其顧妙乎與三皇之先者同矣結繩以來未
及其至也豈群言之所能髣髴常心之所能測
量哉

湛上人寫經跋云頃清公從仲氏入京師於
言猶應響予多其根利期之華林既而寫經五
臺饗大福報人人謂人中摩尼寶也明湛始祝
髮禮清公爲導師久之益遠紛華去而業白屏
居水晶庵之東閣寫華嚴經於時趙居士郭處
無事園集 十二

僧慧程飯之福報於是乎權輿矣嘗聞之初
凡諸檀施都無功德清公務以此取重固當遽
成言於肇林藉令明湛繇此而進之視福報若
空華耳雪山穿蘆少室面壁於意云何得意忘
言寧詎知清公之果賢于明湛也寧詎知明湛
之不賢於清公也 太函集

理池實太乙華宜爾酒宜爾茶 郭次甫
焦山四懷詩序云僕將東遊則與有定虎臣爲
焦山約虎臣謂僕吳人郭次甫舍焦山且囊括

六奇一一供游者具而南海歐楨伯北海馮
強夾江而居並守文學掌故廣陵陸無從師
伯京口茅平仲師汝強皆好奇士也淮從明公
後當悉見之及僕先登蓋與季狂同至有定虎
臣後旬有五日至與平仲俱會歐馮待命上宿
次甫鑰戶去矣僕介季狂招歐不至遂舍無從
嗟乎江淮之交諸君子悉與行會相去咫尺竟
未見其人彼生不同時猶將旦暮遇之何說也
有懷快快情見乎辭 太函集

慧月天人品

函六士與諸長者子俱結夏水晶精舍仲氏示
疾方丈室季氏福袒主陀羅尼門時鏡空長者
子朝徹長者子空藏長者子參輔大乘而爲上
首夏之半適一蓮葉沿江下流其上載一天人
翩翩而至至則屏花鬘而衣縞素上謁門徒皎
靈生少廣天與諸天人等諸天具諸相好嗜諸
音樂習諸紛華皎靈猥以非夫客觀無冶音樂
無所御紛華無所濡誠願一躍波流直登彼岸

竊聞大士契無上道演無上乘用獨五漏之身
歸依無漏門徒肅之而入於時繞席奉足五體
投地白大士如初言大士正襟而語天人善哉
希有諸天樂矣若復何求夫樂爲苦因苦則樂
果欲度諸苦去樂爲先苦樂無常皆非真善若
無所苦樂無所樂是則天真脫令汨乎其真則
天人亦一苦也衆生亦一苦也火馳輪轉迭相
循環此有生之微纏大慈之所深憫者也希有
願超彼趣所謂無碍智者非耶爾時天人發誓
檀香爲大士供大士言善哉希有乃然西域名
香胡然而然胡然而然燼然則嚙入燼則嚙歸其
性本然不涉生滅不生不滅何異薪傳性空真
臭性臭真空名曰旃檀實非旃檀是爲旃檀吾
斯無受而無不受矣天人乃笥天衣爲大士供
大士又言善哉希有衣我如是莊嚴珠有牟尼
宛然在袈裟之徑寸同吾袈中希有四鉢亦具
此不亡應不減亦有不增景景夜光珠珠相射
凡我仲季若諸長者哥倫照相同吾禪是衣

無所受此何以故各具故也天何以故聞其
也爾時天人遙巡御步奉青蓮花樹七寶瓶於
是挈瓶而進之爲大士供大士拈華微笑爲天
人言善哉希有供我優鉢羅華是出九品上池
其華千葉葉各趺坐一佛法相如來其斯爲妙
色身卽圓滿報身也其華或出淤泥皓然不染
要其高廣置之大海與大海同其斯以爲千百
億化身也雖芳馨色澤曲暢羣情有目者之所
習觀有鼻者之所習嗅要以無色而色無臭而
臭殆不可得而名其斯以爲清淨法身也夫妙
色身則無盡藏也化身則光明淨也法身則虛
空藏也揆之正法眼藏得無盡則光明得光明
則虛空得光明虛空則無盡希有一三身也三
身一希有也爾母供蓮蓮在爾所無所無非所
是則真如希有勉矣於是天人聞斯義已泣下
需襟吾祖供師師導吾入衆香界及吾再供乃
授我如意珠三供禮成乃內我蓮華藏卽慈悲
父天人師不啻也於是稽首座下合掌而說偈

曰

金粟下生不二尊

以居士身而說法

超我有情墮落趣

歸於無上妙菩提

香雲高蓋本來空

貧子故衣珠自在

願攝三身入三藏

默然獨立總持門

願言有脫解漏身

願言頓悟無生忍

願得名號爲佛子

願得常住化人居

大士聞偈讚言善哉希有乃能發如是心證如是法是用錫爾名號表爾辯才義不重宣第爲

無夢園集 十二

三二 焦山記跡

之偈

皎靈無所著

普照有餘師

字爾曰慧月

號爾曰幼慈

天人聞是偈已引身而退造陀羅尼門歷方丈室謁諸長者子白是名義於時魚龍徧踊瓦礫同宣四象歡喜奉行與淨名等

慧月天人品竟

夫四大非真山河爲幻藉因成果因果俱融絲凡入聖聖凡同軌示淨名之權位演不二

之法門良緣因類示生隨機攝受不可以

例拘也我函大士具宰官身現居士相爲

大開示微言集爲妙論大抵香嚴入悟鼻

澄心也玄珠同寶心相答足也華藏普同

三爲一也領彼一明曲爲千譽慧光內照

月當空能不灑然省乎雖然慾界沉淪泥

咫尺天宮快樂福盡還來若能遠離習染

究苦空增長智芽等超彼所則所謂覓女

了不若得而證阿羅漢不難矣

無夢園集 十二

三二

萬曆戊子秋九月既望 鐵道比丘和南謹

題

禪定智通而慧生慧者照也繼日影而照夜

者月也月以照夜慧以照心而天人之慧

矣今讀函大士譙慧月天人品暨偈讚乃知

慧爲月卽月觀慧離煩惱瑩智光修止觀

定力靈明鏡徹一片清淨心一輪皎潔月

空上乘照不異朗指歸天人宜也第中云

半棹一蓮舟載此翩翩至屏花鬢衣藕

曰天人是耶非邪吾嗚呼知邪繼之繼道
丘又題以數十言於後其稱穢道比丘
何人斯余友錢功甫持此命跋意此比丘
功甫所自幻稱者邪繇此則前所云函太
與天人翩翩必此比丘知之而余何知哉
乎大士以宰官身現翩翩以優婆身現比
以居士身現斯三者天邪人邪而余卒何
焉無乃一幻也乎

萬曆己丑秋七月吉

無夢園集 于二

三

佛弟子真戒焚香盟乎再拜謹跋
慧月穢體乃有淨性無穢無淨亦穢亦淨在
所轉爾是故摩登伽即佛弟子

發光居士屠隆合十書

函大士作此經以雕龍示幻慧月天人持此
經以粉黛示幻錢居士書此經以筆札示幻
問於半偈頭陀頭陀方事維摩詰觀面壁不
語

己丑蜡月與母阿康書之玉樓

哥隱遙洞庭山道士自云角里先生之孫山上
有其祖角里廟角里村言其數世得道嘗居焦
山中學太陰鍊形之道死于崖窟中囑其弟子
曰檢視我屍勿令他物所犯六年後若再生當
以衣裳衣我弟子視之初則臭穢蟲壤唯五臟
不變依言閉護之至六年往看乃身全却生弟
子備湯沐以新衣衣之髮鬢而黑髭鬚而直若
獸鬣焉十六年又死如前更七年復生如是三
度已四十年餘近八歲狀貌如壯年許入隋

無夢園集 于二

三

楊帝聞之徵至東都頒賜豐厚恩禮隆異而懸
乞歸山尋還本郡貞觀中召至長安於內殿安
置問修習之道對曰臣所脩者匹夫之志功不
及物利唯一身帝王修道一言之利萬國蒙福
得道之效速於人臣區區所學非九重萬乘之
所修也懇求歸山尋亦遂其所適 仙傳拾遺
建寺之始舊失其傳宋改今額圖經不載始建
歲月俱云宋改今額僧了元自敘元祐三年春
普濟菴乏主者白太守楊公乞居此院

國朝正統初僧祖心重建殿塑像作東庵九年
僧弘衍作諸殿堂十二年

勅賜藏經侍郎周忱建庫貯之景泰四年鼎創
千佛閣於正殿之東復爲方丈僧堂又築海雲
樓

釋通潤堂募文云堂名枯木何妨確嘴生花地
是焦山豈碍冰河發燄諸比丘攝衣端坐現身
根如附贅懸疣何暇從人乞食衆檀那當見敬
心種福田如奔河赴壑應須給米助薪但辦肯

無夢園集 十二

三 焦山記

心無勞斫額

海西菴水月樓申時行題僧永祥建

寶蓮菴寶蓮閣趙祥題有大銀杏樹一枝寶蓮

石自山頂墜下樹正覆之

自然菴高鑑題沿江一徑古柏如蓋覆短牆入

寺塔江帆徑過

天然圖畫趙祥題又壁聯云樹裏飄橋隨岬轉

月中雞犬隔江聞

隱士焦先生三詔坊題石柱云橋江帶海迴天

地青壁丹崖照古今又題人勝坊石柱云活木
有源頭萬頃雨盈陽不涸崇岡多好處片雲朝
去暮還來

東吳靖海碑吏部尚書朱希周誤暨都指揮湯
公慶巡撫都御史夏公邦謨巡江都御史王公
學夔巡按御史趙公繼本巡江御史周公倫斬
賊首秦璫等六人從賊二百餘人惟黃良等以
二舸逃歸密遣州民說賊黨宋文成斬良首來
降餘賊猶有未散者湯至公復率兵出海斬
無夢園集 十二

三 焦山記

首四人生擒二百餘人絲是無復孑遺而海道
爲一清矣嘉靖二十一年壬寅夏六月十五日
立

楊邃菴一般月色金山寺詩李崆峒曰登臨之
作意興便高也又城頭山色遙連楚詩涯翁曰
寫得出便如登焦山矣

頑石爲山 水壺 事爲我佳處 菴 固

說 作詔丹石無光 剩存蘆沙漁鼓 朝昏

江淮門戶 天山日月與爾 吐吞山足中流

燕鶴雲腰 呼猿 丁寧爲我 佳處石屋
三間 竹根時 夏六月 此石在三官殿後僅餘一徑可入手磨新

焦山舊有枯木禪師故以名其堂

明湛重修大殿號見源有松寥閣三間後有修竹前有雙梧支片石其下乃吳琚所書心經從山巖間剥落而得也經云無色聲香味觸法無無明亦無無明盡無苦集滅道又有大核桃樹華林與雙梧並植松寥閣有水墨三大字像貌無虞園集 于二

筆橋外垂柳單樓頭左一閣臨江渚飛帆正泊沙田北牕紅欄掩映綠竹山樹鶯鳴詩腸鼓吹山樓第一處也

焦山佳處爲最勝佳處背倚峭壁面大江金山若拳石浮水上南北洲渚若帶若練帆橋上下若飛若墜而北固遠相拱若蹲若揖斯夕霽晦雲物萬狀真佳處也佳處迤而南爲大士閣閣後有隙地方二丈許其景不減佳處而閒寂倍之山僧明述久欲捐室以居而愧無資會余入

山僧乃以其地指示余於是捐資構三楹其傍作小軒其右述僧禪習其間而余讀書於左囊火金燈梵音哦響時時在耳目間此外絕無人跡惟白雲自往來耳因扁其室曰飛雲

飛雲室下有郭五游山人禮斗臺傍構有四將殿真武殿二殿下皆洞洞口有五游手植臘梅一林外小樓二間卽五游高隱雲烟閣也

善財石上有亭扁然正對海門海門山下江流無虞園集 于二

如駛坐盤石聽水聲潺湲須臾落霞四起江光盡金紫矣 聞水周可直

煉丹井在佛殿左仰藍殿前楊石涼詩伽藍殿前有古井清如明鏡甘如酒

醉石二字 宋朱晦庵詩 下有蝦蟇石

繫纜石傳聞三寶下西洋繫纜焦山今丹徒壁娘娘山鐵齒存

五聖殿左右柏四株又古柳樹一株合抱五人自五聖殿至江田上坐江岍奔濤齒石洶湧千

狀

朝陽庵 朝陽勝景 董三山題 前臨大江門種稻田

背山巖萬樹叢綠

海門菴前有池水如碧名青玉塢庵內綠竹萬

竿多奇卉古木

宋真宗詔封焦隱士勅有御書之寶玉璽後廢

元戊午冬月甲子太子少傅觀文殿學士陳騄

書金銀玉佛各一尊與詔書俱下其原勅與王

彌勒佛今存

焦隱士墓園集

一斷碑有法界有情齊登彼岍句餘皆模糊、

陸秘觀書 詳前 后云淳熙二年十一月李 立

又有乾坤廣大四字

浮玉二大字趙立本書

一碑張根知劉達公達同遊焦山普濟禪院崇

寧元年三月九日

一碑陳安民子惠曹宣符惠輔章授徵時升卿

明父紹聖三年三月廿三日冒雨至焦山食已

楠霽遂躋絕頂四顧無碍至者咸適

江山萬年國

三詔洞中書漢東南隱士焦公鑽石先生傳公

神在洞左向西南一閣曰華嚴閣

三峰庵今廢壁鐫釋洪恩書圓覺經

三詔洞前有棧道二字

山多鶯盛夏多蛇多脩竹多梧桐碧桃灣下蒼

蒲數畝

山形似獅修竹為尾北一山如毯狀名毯山上

有羅漢洞下臨醉石

焦隱士墓園集

江上壯觀亭

東瀟泉亭 女有汪司馬浮玉銘或云金

水晶菴 是歲十月六日止於此周天時書

水天一碧 江上清風 枕流

漱石 水上禪心 菴對象山風帆往

來壻下卽汪司馬贈徐翩翩慧月天人品處

容聽閣王荆石之所定也杜陵雙樹容聽法取

之以廣佛門閣傍雙柏依然古西天雙柏子不

綠祇樹而登容之為言海天同量法之聽而

靈聽皆起於不容客則入人在佛乘中矣是謂
法本無法聽以不聽一花五葉因果無爲
伴鶴上人造閣三閣閣前有老柏三株故取若
杜雙樹客聽法之句登斯閣者但有舉手稱佛
心卽各聽法卽可入道所謂易簡而天下之理
得也梁谿高攀龍題

自雲聲庵下至海門多怪石奇樹藤花如縷絡
有題霹靂石詩云斗宇觸雷文如斧劈如錐

底海門開徙倚巖業攀夷而斯嶺紅亂石初

無夢園集 十二

急如鋒鏑透迤石室窺江光片鏡出洞口雙峰
立海門有盤石可坐數人

別峰庵有石觀音一尊左蒜山一帶右淮揚環

抱中坐金山沙田內向遠帆如鳥揚州城堞人

家在亂雲間略見微烟而已

焦山絕頂南對象山乳山東大沙圖山拱其外

垣西落脚洲而金山山外遙指五州山北望揚

州文峰塔西南平眺北固而九華黃鶴諸山盡

拱翠焉 有揚州山詩碑

注司馬結夏水晶菴從遊甚衆司馬善恢諧謔

語客曰蚊蟲臭蟲蚤蟲青蠅我有四箇比喻蚊

蟲像响馬強盜急喇一聲就下翦了臭蟲像蠅

子腥羶臭穢蟲像倭子跳東跳西也會殺人司

馬言訖默然客曰青蠅像甚麼司馬曰罷了不

必說了客固強之大笑曰像箇打抽豐的光棍

焦山僧談

焦先日日入山伐薪以布施從西村頭一家起

神仙傳

無夢園集 十二

焦先生字孝然河東人也高尚不仕自作蝸牛

庵淨掃其中營木爲牀布褥其上天寒篝火以

自炙 魏畧

焦光常食白石煮如芋每入山采薪負之與人

親受禪與人別去不知所適 道學傳

焦山之勝不減金山北固而名不甚顯古今述

作亦無膾炙人口者說者謂金山之名以蘇東

坡北固之名以李文饒而焦山直以焦隱君之

故余謂不然堯舜在上下有巢繇周室遺民北

予稱之不置隱若高潔其人品豈文饒所得稱
班但金山在潤州瓜渚之間乃嘆襟要會必緣
之地焦山稍迂僻故遊人較少其幽邃奇絕惟
幽人得專而有之山川在天地間幸不幸有如
此者而況於人乎正德庚戌十月石崇楊一清
識

了元十六題作於元祐四年己巳正月十二日
知事僧義偕惠光正隆福安景定二年辛酉歲
寺遭回祿經斗餘年架屋脩繕尚未周備後至
無夢園集 十二

元十二年庚戌歲南北兵船門首交戰又遭討
擄毀折一空辛巳歲偶得山中古蹟碑本命工
重刻因紀其後住山中如立石延至大明弘治
丙辰歲經綱妙福同住持妙璞又得碑本於一
老嫗泉器中故重刻立石以永其傳

邑庠生胡紀書

雲聲菴

王爾康題并記

記云巖岫迴合蘿徑依微晴沙

移照於海門遠水浮空於木末石羊伏而踞
松蓋偃以留雲何記云抽葦解節標性藏

敷芳綻碧塗黃絢空花而照色沈現記云故空

可以作響擊木可以無聲皆爲各乘印公也

塵錫銘陳眉公繼儒以爲其鄉之鶴也偶見唐

人悼華亭鶴詩集其佳句以作山中清話皮日

休云陰苦尚有前朝跡皎月新無昨夜聲菰米

正殘三日料筠籠休礙九霄程李穀云露滴惟

聞高葉墜月沈休籍半堦明張賁云莎徑罷鳴

唯泣露松軒休舞但悲風丹臺舊敞難重緝紫

府新書豈更通又無端日暮東風起飄散春空

無夢園集 十二

一片雲陸龜蒙云方添上客雲眠思忽伴中仙

劍解形但掩重毛穿古堞永留寒影在空屏又

鄮都香稻字重思遙想飛魂去未機爭耐野鴉

無數徒黃昏來占舊枝棲覩朴云風林月動疑

留魄沙島烟愁似蘊箭雪骨夜封蒼蘚冷練衣

寒在碧塘輕又霜曉起來無問處伴僧彈指繞

荷塘

焦山祠田繼孫碑文嘉靖己未南戶部主事大

梁簡河子李華魯撰文

焦先行不踐邪徑必循阡陌及其拮拾不棄去
穗饑不可食寒不可衣結艸以爲蓑裳披頭跣
跣每出見婦人則隱翳須去乃出
焦先鄉里累世云百七十歲常煮白石以與人
熱如大芋者日日入山伐薪以布施先從村頭
一家起周而復始擔薪以置人門外人見之時
卽鋪席與坐爲設食先便就坐食亦不與人語
若人不見其擔薪往時乃置薪於人門間便去
連年如此結茅菴於河渚或數日一食飲食則
無夢園集 十二
爲人賃作人以衣衣之乃使限功爲直足得一
食輒去人欲多與終不肯取有數日不食時東
晉發蒙記曰廉頗畢老日啖肉百斤
神仙傳
東坡居士醉後單衫遊招隱旣醒着衫而歸問
大衆云適來醉漢向甚處去衆無答明日舉以
問焦山焦山叉手而立
東坡雜記
山有實公少惟沉湎不檢憑江結罾架上設茅
棚竟夜截魚以給酒資一夕漏深就寢棚下聞
江鬼大笑叉開一鬼曰沉溺游魂有何可笑其

鬼言明蚤當有一船自海門來一少年在舟
梳髮我引之入江當別殺生實公聞而秘之明
旦果一船至見少年解髮將梳輒大呼語其
乃得免死至夜鬼擲江礫罵之實公因悔前
之非遂清齋持戒二十餘年
瓜州趙古城老寓水晶菴側與人議論氣象
烈一韓揮使甚富與古城善聞其喜舟居造
栢木舟中實以器物價值三百金貽之趙得此
舟呼弟賞之其弟給以事他往借暫乘之遂
無夢園集 十二
其器物賣其船古城聞而坦然若無事者一日
欲修焦山小樓陸雲臺偶得本客杉木一牌價
不啻百金以助之郭次甫聞之言曰吾得此木
以建雲烟樓快矣古城卽唾手與之了無德色
約史紀聞
有客居三詔洞偏於爐火之術時有某道人自
稱得點化秘訣某師事之十數年道人死終無
所得後有一客衣冠偉麗操舟泊焦山相訪以
名呼之某異之留展待客乃移舟中所有皆

錯方物極其精美少間其妻亦登山禮佛珠翠
燦然客曰吾被妻累兩度詣普陀齋僧所費千
金聞汝久在道中六圖尚無所得某泣下拜懇
客曰吾術皆吾妻知之自宜問之某匍匐叩之
伊妻笑曰吾豫章弋陽王期我夫婦了此一大
事汝可同吾舟附王爲之力少而功多不亦可
乎某踴躍罄携平日所有夜至安慶輒稱舟漏
給某及二童俱岸揚帆而去某狼狽而返不喻
年本 於史紀聞

無夢園集

卷二

七

焦山十七觀

李太白海門詩安得五彩虹架天作長橋仙人
如愛我舉手來相招

馬子嚴挈舟歷觀瘞鶴銘石因請州將張子願
發卒出之

陸務觀諸子踏雪登焦山置酒上方望風橋戰
艦在烟霧間

紹聖三年陳安民諸子冒雨至山食已雨霽遂
晴絕頂四顧無礙至者咸適

無夢園集

卷二

七

了元十六題碑遺回祿弘治丙戌得碑本于一
老婦泉器中重刻立石

子瞻自金山放船至焦山詩我來金山更留宿
而此不到心懷慚同遊盡返決獨往賦命窮薄

輕江潭

瘞鶴銘序宋資政邵亢就山下斷石考次其文
曾公叟以瘞鶴銘蔡邕作焦光贊江淹焦山集

王讚詩爲山中四絕

陸德裕遊金山寺招姪不至詩惜哉佳景子願

來丹楓落盡平沙樹

楊逵卷云自金山放船至焦山看月已三鼓矣

焦山絕頂鄔汝翼諸君晚眺適雨盡眉邊轉因
傳籌卽其聲斷處進酒戲抵催觴鼓節也

中元日汪司馬大作孟蘭佛會放水燈王君叔

承詩胡僧呪食千航沸野鬼吹燈萬火寒

徐武功與姚太守得景之會處于山之西南作

壯觀亭以據之取李白登高壯觀天地間句

汪麟洲記云橄欖黃麥錯雜錦迥俄觀碧柳盡

無夢園集 十二

掉波間連卷異狀巨石偃仰映拂中出

都玄敬正統己丑踏雪尋壑據銘未至銘數十

步見陸務觀題乃知昔人好奇已先之矣

汪司馬結夏水晶庵金陵徐翻翻江上來司馬

贈以慧月天人品經

楊椒山登得月亭賦詩有椒山無意合焦山句

其墨尚新

焦山詩話

江淹詩青莎被海月朱華冒水松

青莎朱華海門庵前尚有存者山之西漸陸

亘長勢接金山昔有玄藏曰金堤相接入頂

仙出世而師在豫章

又詩日暮崦嵫谷參差彩雲重

日暮返照綠雲參差今被沙長障其江光然

倒景藉水色而生綠今不是題詩時矣

李白詩安得五綵虹駕天作長橋

東坡大江東去詞倩將軍擎銅板爲節若此

詩正不必爾予嘗跌坐海門關雙石排闥飛

霞正覆其上駕天作橋亦實相也

李仲殊詩海門碍目山雙聳江北行人樹幾行

韓垂詩一帶分江紀雙峯照海門

日昃絕壑火光青熒疑天帝立清虛之表海

門一帶飛壁刺天奔濤入洞水抄女蘿垂如

綠髮

張耒詩焦山如伏龜萬古浸碧瀛舉頭北顧海

尾頂金剝壯

遙望焦形像一獅首而象峯夾江對峙修竹
爲尾予嘗自眞州下江觀金山像一巨鰲渡
江而西東岼長山蜿蜒似一大蛇隨後逐之
客云鬼磊巨鰲江上渡蜿蜒長虺岸東隨不
向眞州下江望金山形似有誰知

張耒詩松杉數尾髮人物見下上

三詔洞東樹石奇古一山佳處惟集于此吸
江亭雖立山頂未甚峻拔江光縈帶不若雷

雲吞海二亭

吳玘詩江邊春事動梅柳皆可賦

春事一動玉梅香滿谷烟柳色沉江江流浩

渺田疇沙渚輕鷗飛鴈歷亂于前

又詩古刻難細讀斷缺蒼蘚護

客云鑽丹石在人何處瘞鶴碑沉字寂寥

蔡天啓詩齋近鳥鳶集漁殘網畧收

佳木異草上偃旁綴水出其下淙散激射

嘗臥碧桃灣漁蓬掛樹頭入水晶庵風帆片

荒由掌上過

王存詩林深鳥聲悅境靜人自遠

此詩予初不覺其妙三宿水晶庵唯有鶯鶯
宛轉不絕林深鳥聲悅真可與靜者道予

雲侵佛閣行堪掃鷗狎僧堂近不飛

曾公哀詩雨足雲歸岫潮回浪捲沙

予云山樹藏雲溼江葦引浪斜

又詩苔侵雲磴蔓竹隱斷巖花

韓无咎詩觀音巖前竹十尋壯不死知此

宿雲在巔犀峭未出參參調調而木紋如篆

藤絡莎被深樹蒙茸俯可視飛鳥之背焦山

最幽絕也

咸淳石刻詩好花隨意發流水逐人來

予云好花看欲語遠水望無天

蘇軾詩焦山何有有修竹採薪汲水僧兩三雲

蘿浪逐人跡絕時有沙戶祈春蚕

蘇轍詩門無舟楫斷還往說法教化魚龍頑

焦山幽邃類能言之而最奇者海門一帶巨

石鼎屢如走視伏犀樹老巖側不見根攀
嵒哈呀陰洞如聞鐘鼓石罅中江光一鏡出
洞則澎湃異狀而海門壁立矣三宿焦山至
至海門見落霞者一日出者一就船買鮓魚
者一

朱帝詩巖多陰霧龍藏角虹掛蒼林玉露曉

予云鶴隨仙去風連壑龍作人來雲滿山

趙潛詩山足半沉存瘞鶴雲腰中斷却呼猿

客云孤嶼猿寥惟有鶴空江孤仆已無銘

無夢園集 十二

又詩丹石無光古剎存蘆沙漁鼓幾朝昏

客云丹石生光人未見清霜纔至樹光知

胡致隆詩華表竟無新信息斷碑空有碎文章

句亦奇削客云鶴去寥天元未死碑沉空水

厭多銘

郭天錫詩鶴歸幽竇玄烟冷龍捲長江樹石腥

客云龍飛深水雲常聚鶴唳長天月白明

釋了元青玉塢詩莫憂四海無時雨多養龍魂

在此中

昔有龍聽僧說法僧曰如此大旱不作雨來

聽甚麼法龍曰天帝封江海不容取水僧曰

研水如何龍吸研水去大雨彌夕皆墨色

海門庵詩汪洋萬頃吾菴外一任魚蝦作水渾

客云潮上聲疑僧吸海秋澄夜似月空江

薩都刺詩江風入霜林寒葉下疎雨

予云山登霜重楓容變閣俯江深石骨寒

黃常詩鶴背笙簫天籟發龍嘘簾箔夜珠懸

郭天錫詩爐烟已斷燈花落喚起山僧看月明

無夢園集 十二

王焦山詩

二詩妙然置之三山可他山亦可

邵珪詩江流如白龍金焦幾角短

客云金焦對峙雙螺碧江海遙連一鏡寒

王世貞詩潮壓樓臺小雲寒葦蕩高

客云山雲深隱寺潮水遠縈沙

又詩青山望不斷一一鳳皇飛

客云月來潮合通江白雲去山分兩岸青

又詩爭潮漁鼓亂離岸寺鐘微

予云縷烟孤甸夕落月半江明

又詩波迴片片青蓮出日落山山彩鳳飛

客云青蓮自出江難定彩鳳空飛石不知

又詩潮聲吳楚中原盡海色東南太古開

予讀老杜錦江春色來天地玉壘浮雲變古今

今句非後世所能及也

又詩寒廳下抱孤根宿獨鶴遙橫別島還

客云山光下映龍沙日江氣遙浮鶴背雲

又詩精廬雪後留瓢空曲徑春深長薛蘿

予云雪重松廬失春深蘿徑迷

夢園集 千二

陸相詩風迴沙嘴蘆翻雪潮落山根石露青

予云洲迷風色蘆花亂山出雲根江氣消

王叔承詩胡僧呪食千航沸野鬼吹燈萬火寒

客云鳥下聲喧齋後食龍墟雲暗佛前燈

袁宏道詩經堂晝寂眠蒼兕石壁晴空掛野猿

詩尚玄遠而意欲切景青兕野猿此山絕無

但句工耳

陳永年詩風雨不消松葉火烟波無恙水田衣

予云星螢入戶松流火雲薜侵街石作衣

程敏政詩過棹客愁烟樹黑浮家人占雨沙青

客云截江雨白帆迷浦向霽山青閣入雲

高鑑詩江口枯潮人共渡海門落日鳥爭還

予云船渡空江人不斷鳥栖孤島意常閒

唐寅詩日轉露臺明野潦潮隨齊磬韻江湄

客云半夜樓明孤嶂月一聲磬徹滿江風

吳國倫詩塔前片片輕帆過殿角垂垂老樹蟠

客云連檣風渡江光亂飛閣雲開樹影重

劉應秋詩日莫江光遠山空雲樹微

夢園集 千二

客云山削芙蓉清漢上波翻玳瑁夕陽中

郭佐卿詩人家隔岸小漁火出江寒

又詩鳥帶雲歸樹潮隨月上灘

又詩樹色便高枕江光入斷虹

數語模寫落霞孤鶩秋水長天之致盡

釋洪恩詩逕仄林藏雪雲空日射江

客云抱日江龍依石臥迎暄寒鳥出林飛

又詩潮長江天白霞收海日昏

予云海潮催落葉江霧欲沉山

重建焦山塔記

大江中一筆判吳楚吸江海如高才生滔滔無
擇言其筆雄渾而奔放一筆開飛仙之窟挾萬
丈雲霞呼三詔精爽其筆幽奇而峭兀故金山
有筆寫波濤亦寫牙籌其僧如妓其廬如市筆
自不俗用筆者俗之爾焦山無筆如讀萬卷書
不作一篇文字如待詔金馬門十問不一答非
體也焦山宜蒲柳宜葵菜病僧宜黃葉入山惟
見挑水道人洗菜老僧惟聞經聲鳥聲水聲十
六年前與何孺龍共坐水晶庵絕去藥餌沈疴
頓愈再讀書松寥閣閣主人見源煮茗腐夜半
披衣與冷淨孺龍跳盪海門月吐四更則萬如
燒紅橋一蘿而待我於雲聲庵竹籬之下以此
風風雨雨思之不置丙寅服闋重來初杪金山
右予置浮玉十廊山起五州予與冷淨開山構
廬遙挹山容接萬頃天杯因咲世人知三山不
知五州是日放舟焦山五色雲起俄見墻下風
帆錯疑塔影欲移急詢山頭着筆處巖然作勢

成曰圖山重鎮稱江上羽林 上宵旰求治
捷四夷此地不可無一筆而予有感於用筆之
難在古人有李衛公筆令北固之上鐵筆一枝
有餘勁哉

北固山記蹟

山在郡城北一里下臨楊子江又名京江寰宇

記名京口水郡南二十餘里有長山發自天目

屏風三茅至銅坑東卸而來廷袤數里東行爲

馬鞍迴龍諸山北至釜鼎京峴秦始皇遣將水徒鑿京峴爲長

宛以唐王京峴之中抽而右折結爲郡治郡治

之北特起此山三面臨水迴嶺斗絕勢最固險

故名北固李德裕云北固乃京峴之一支李

轉南爲土山晉唐郡治梁武帝改名北顧

無夢園集 十三

西有五聖巖秋月潭宋嘉定中郡守西北有觀

音洞下有走馬澗澗東有海涵河澗上有橋曰

柳溪今環北固而上曰甘露寺寺中有井曰鰻

井僧妙機鑿井得鰻魚二故名西南有天津泉深數丈井

高皇帝嘗駐驛題偶句云甘露生泉天降津以

示臣下無敢對者永樂間

命取 御筆歸 禁中後僧以 天語名其泉

有鳳凰池王臣詩山雲欲到龍初起池水空清屬未還

高皇帝臨池上僧守戒應制獻詩曰冠賊臨京

口 玉師出海邊四方喧動地萬姓獨瞻天節

鼓驚栖馬旌旗耀戰船生擒五千士齊唱凱歌

還 南有狼石白粉詩生諸葛三分北有甘

露港宋其銳倉依此港有上下開下開之外有

北固浦亦史彌甘露壩宋咸平中郡山西南有

栲栳開宋淳祐中夏水暴漲寺宇幾沒郡兩傍

南有甘露門北有跨龍門俱史彌山趾有演武

場唐江准都下有甘露渡每天齊登山望廣陵

城郭如青霄中鳥道荀令州嘗登此山望海

無夢園集 十三

高皇帝率舟師追僞吳戴院判至浮子門盡降

其衆旋師駐蒜山下幸拱真菴大閱僧師一獻

詩云天人西來乘赤龍手握寶劍青芙蓉出師

百萬皆英雄四方上下雲相從大船椎鼓聲雷

同斬蛟射鯨滄海中須臾日出扶桑東波平浪

息天無風歸來奏凱登九重斯民有賴歌年豐

祝皇壽比南山崇邦基永永傳無窮

甘露寺吳王皓所作時歐梵甘露故名寺在進

固山下臨江挾江殊祥特備觀釐堂遷於山

後殿於兵元大德神僧本重張張行後
稍甘露寺在金陵山玉璫唐人詣京以爲金
耳梁天監中武帝幸焉賜大養二貯水飲僧其
遣客百斛後嘗有碧芙蓉生其地僧明本記趙
子昂書寺有張僧繇畫菩薩像於此寺壁有吳
道子畫行脚僧像

甘露寺有石似羊謂之狼石孫權嘗據石其
劉備一云諸葛孔明計攻曹操興地志云有羊巷在
南孫權隨道也曾彦和潤州類集并羅隱
無夢園集 十三

石羊在妙喜寺妙喜卽今因勝寺也甘露寺前
有小石似羊僧因以隱詩揭其傍非也或謂李
衛公鼎建甘露時聚境內奇物實之狼石實自
妙喜遷置然隱與衛公相去甚久石羊在妙喜
隱猶及見之非衛公徙置明甚彦和集作于元
豐中而蘇公過潤亦元豐時則所見已非舊石
矣蔡寬夫詩話

陳天麟記云多景樓不知其所始與所以名
在山東南隅守方公移樓中石刻有米元章詩且云

禪師有建樓意不載何名當元章時尚未樓
寧中東坡過潤與孫巨源王正仲會于此賦江
天斜照傳於樂府不知與米元章賦詩時相去
幾何豈有之而終廢耶或云熙寧中主僧應夫
爲之亦無可考劫火之餘踪跡難辨近有言永

太守方公滋指優婆塞之居爲舊址因以名之
啓聰東向僅得園汝焦石數山長江一曲則還
固未嘗多也下臨峭壁蜀僧化昭危之乃于窺
空西爲屋五楹榜以元章舊跡登者以爲遺得
無夢園集 十三

江山之勝蓋東瞰海門西望浮玉江流縈帶海
潮騰迅而維揚城堞浮圖陳于几席之外漸山
零落出沒于烟雲杳霽間天清日明一目萬里
則是樓也安知非故處耶亦足實其名矣
唐李衛公德裕字文德刺潤州時以州宅後地在
北固山下者予甘露寺爲拓其基宇實曆中于
山之東南造鐵浮圖七級乾符中毀于火鎮海
節度使裴據重建
及留所藏陸探微畫獅子一菩薩二以授持僧
手植二僧至宋尚存後僧發古殿廢基養營則

北粒井石記乃衛公所瘞瘡瘻宗為福者也
元祐中郡守林希創祠寺中以祀之錄其所著
文集會昌集兩朝獻贊記與佛書藏於寺
寺有僧道行孤高李衛公罷任日以方竹杖一
枝留贈竹出自大宛國堅實正方節目鬚牙四
面對出實衛公所寶及再鎮浙日間僧曰竹杖
無恙乎僧喜封曰已規圓而漆之矣公嗟惋彌
日

衛公鎮浙右日甘露寺訴交代常住什物金若
無夢園集 十三

千為新主僧隱用之群像同辭金無可驗獄既
具僧泣曰前後主者積以空文相承實無全也
公惻然立召堯子數乘促關連僧入對咸遣坐
堯子下簾揮門卒不令相見各與泥蠟令摸遞
付金樣以呈然初無形狀彼此揣摩弗能就公
怒劾之皆服罪主僧獲免

唐王灣詩海日生殘夜江春入舊手張燕公居
相府手題于政事堂每示能文令為楷式

元文
韻

劉牧之詩有山掩諸公富真為之句蓋吳商
來立國于南者恃長江天險置中原于度外故

詩深識之云

米芾字元章別號海岳 太原人愛潤州京口溪山之勝

徙家丹徒遂定居焉作淨名齋于山下

廢以所珍研山易蘇學士家甘露寺地以為宅

結菴其中號海岳

元章畫海岳菴圖率意而寫極有天趣自寫其

真刻石寺中

後總領岳公得之為研山

無夢園集 十三

園公好古博雅悉摘南宮詩中語各其勝處

門衙堂曰宜之便坐曰抱雲以為賓至稅馬之

地小萬曰鳳出處表東曰彤霞谷亭曰春洲冠

山為堂遠思有然大書其匾曰鵬雲萬里之樓

盡舉所藏真跡懸高賦味饒曰吟清室曰二妙

亭以植菴柱曰酒若又以會眾方曰靜香得南

宮之故石一品迂步山房室曰聯嵐酒墨廊流

池曰靜研盡得公覽之勝總名其園曰研山云

蔡條云李後主寶一研山徑長纔咫尺前聳二

十六峯皆大猶手指左右則引兩阜坡陀而中

鑿為研及江南國破研山流在士人家為元璋

所得後元章之歸丹陽也將卜宅久弗就而緣

仲容學士之弟者才翁孫也有甘露寺下並
一地多羣木蓋晉唐人所居時米欲得宅而蘇
覲得研千是王彥昭侍郎兄弟共登北固爲
和會蘇米竟相易研山藏蘇氏未幾月索入內
禁矣仲美有詩云研山不易見移得小翠峯
色表書几隱約烟朦朧巖自奇古獨立高
龍安知無雲霞造化與天通立壁照春野當有
千丈松崎嶇浮波澗偃仰蟠蛟龍蕭蕭生風雨
儼若山林中塵夢忽不到觸目萬慮空公家富

無夢園集

千三

七

北固山記

奇石不許常入同研山出層碧崢嶸實天工淋
漓出上泉滴瀝助毫端揮成驚世文立意皆建
原江南秋色起風遠洞度寬往往入佳趣揮灑
出妙言願公珍此石莫與衆物肩何必嵩山隱
可藏爲地仙元章亦有作云研山不復見哦詩
徒歎息惟有玉蟾蜍向余頻淚滴又云此石一
入渠手不得再見每同交友往觀亦不出硯經
彭公直忍人也余今筆想成圖彷彿在目從此
吾齋秀氣當不復泯矣嘉興吳仲圭爲圖

帶荆孟思書文命後携至吳興燬于兵偶因
暇默懷往事漫記千此

崇寧間米元章取小石爲硯山甚奇時硯山石
多青潤而產黃山者色多土脉少可鑄治者
米元章居鎮江常在甘露寺榜其所曰米老菴
二日甘露大火惟李衛公塔及米老菴獨存元
章作詩云神護衛公塔天留米老菴有戲之者
每各添兩字云神護李衛公塔天留米老娘
毫參蓋元章母曾爲官中乳母而得薦故云

無夢園集

千三

北固山記

元章云甘露寺張僧繇四菩薩長四尺一板長
八尺許又陸探微神面黃口角露二向上齒金
甲手持幡下一白獅子神彩驚人殿有二吳道
千行脚僧吾移置行脚僧千淨名齋以避風雨
已上並唐會昌中廢寺處移來千此寺其殿中
置明皇銅像因得不廢宋元符末一旦燬于火
六朝遺物掃地李衛公祠手植檜皆焚焉多景
樓面山背海爲天下甲觀五城十二樓不過也
所存惟衛公鐵塔米老菴遺蹟千此

元章云浙嘉州市中開傍隋臨江故宮基一遺臺曾孝蘊建大亭其上未名而去正對鶴林寺鶴上皇下皇山下視金山旁迎羣峯如圖畫及山傳神也

楊廷秀跋元章登峴二字云某學書最晚雖編衆諸方然袖一瓣香五十年來未嘗拈出也余得見米禮部登峴三大字乃知李密未見泰至耳

祝允明云米九帖中海岱樓望月絕句有云天

無夢園集

十三

九

上若無修月戶桂枝撐破向東輪一詩凡書二過信書亦一難事其用意如此海岱卽海岳之謂又知嘗有此樓東字旁又作西字猶自未定元章志林

唐道士范可保夏月遊月游寺忽有衣褐者自旁入肩輹相拂范素好潔心不悅俄牽一黃狗駕有而出范怒形于色褐衣回顧目光炯炯如電范始懼久之山下人至曰向山上得靈取龍范固不聞也稽神錄

浙右歸吳之明年夏夜素月流空江澄如畫世露寺僧持課忽覩數人自西軒上江亭坐定余酒列殺僧竊于牕隙窺之南向一人朱衣霜簡清瘦多髯東向者曰今恣江南游皆不乏風流僕嘗記公云何人種得西施花乎古春風開不盡可謂越古超今西坐虜服者曰請各述向日臨危一言以代絲竹可乎衆曰唯虜服者執盃乃曰趙壹能爲賦鄒陽解獻書可惜西川水不救轍中魚次至縫掖者曰偉哉橫海鱗壯矣垂天翼一旦失風水翻爲蜃蟻食南向者云功遂侔昔人保退無智力誰言大行險茲路信難陟次朱衣者曰握裏龍蛇紙上鸞遶廻千幅不爲難顧雲羅隱皆塵土歎息何人逞筆端俄而鐘鳴僧戶軋然而啓倏皆散去僧語

無夢園集

十三

一

梧桐柳竹梧杉蕉菊無不露也自五月望至廿六日猶未已因作詩云我思岳麓抱黃閣飛泉元在半天落石鯨吐出流一里赤日露下陰粉薄我坐石上浸足眠用項抵水洗背肩客時放我病欲死一夜轉筋着艾然如今病渴擁爐坐安得縮脚三十年重往石上浸足眠

志林

蘇子瞻自錢塘移守膠西過潤州甘露寺觀李衛公所留陸探微書獅子板使工人摹之置蓋公室中且贊之曰圖其目仰其鼻奮其吐舌威見齒舞其足前其耳左顧右躑喜見尾雖猛而和益其戲嚴嚴高堂護燕几啼呼顛沛走百鬼嗟乎妙哉古陸子

東坡別集

國朝周忱字恂如廬陵人宣德間以工部侍郎巡撫南畿嘆甘露頤敞之久命僧珙理悉力鼎新遂殿延廊煥然有加于昔至請賜藏經于寺創殿貯之復其寺之徭役歸其田之占業于蒙右舊隸戎籍與輪部作悉請原之

北固山記蹟二

世說荀令則嘗登北固望海云雖未觀三山便使人有凌雲之意若秦漢之君必當褰裳濡足謝玄與兄書云居家大都無所爲正以垂綸爲事足以永日北固山下大有鱸魚一出手釣得四十九枚唐元和郡縣志蔡謨謝安作鎮並于北固山上作府庫儲軍實周寶傳寶與僚屬宴後樓及劉浩作亂寶驚起徒跣叩芙蓉門呼後樓兵朱祥符圖經云郡在北固山下

無夢園集

于三

北固山記蹟

梁王屬大同末爲南徐州別駕從事吏武帝幸朱方登北固樓屬隨從輦側備顧問所經山川應對咸有故實賦北固詩辭義清雅帝嘉之陸龜蒙有夢遊甘露寺詩

北固山亭齊梁之前已有之武帝臨朱方刺史靜惠王于宏于正義乃廣其徑路傍施欄隄翌日御小輿以登上悅眺望久之

李德裕題臨江亭云近世二千石畢公宣化厚丞相量納川平陽氣衝斗三賢若時兩所至躋

仁壽丞相者陸參先也畢公畢尚書構平陽府
唐事幹也三賢皆歷潤寺故書此亭

祥符間僧祖宣以國威住寺得賜丹陽鍊湖田
四千餘畝寺山一新

熙寧中僧應夫主甘露寺嘗聚徒五百餘人重
建多景樓號廣照大師曾肇銘其塔

宋太平興國中丹徒令王紀改築縣垣土中得
石函上刻云梁太同五年道人法序瘞真身金

利于此函中銅龕一龕中一銀盒盒內二銀
無夢園集 十三

中有舍利七粒龕後刊唐貞元十一年再加營
奉寧役者張遇獲之遇以端拱元年遷葬于此

因建塔焉散騎常侍徐鉉為記
高宗臨池召見耆儒丁拱辰等有守法守業守

諫之論
龍州劉牧之以詩鳴開禧乙丑過京口岳珂為

糧幕庾吏廣漢章以初輩皆寓是邦暇日相與
撫奇弔古多見于詩牧之多景樓一篇云金焦

兩山相對起不盡中流大江水一樓坐斷天中

央收拾淮南數千里西風把酒閒來遊木葉漸

脫人間秋關河風景異南華神京不見淚雙流

君不見王勃辭華能蓋世當時未遇庸人耳繼

然落鬼豫章遊滕王閣中悲帝子又不見李白

才思真天人時人不省為謫仙一朝放逐金陵

去鳳皇臺上望長安我今四海遊將徧東歷蘇

杭西漢沔第一江山最上頭天地無人獨登覽

樓高意遠愁緒多樓平樓平奈爾何安得李白

與王勃各與此樓長笑兀以初為之大書詞翰
無夢園集 十三

俱卓犖可喜囑珂為刻樓上會兵事起不暇也
程史

丹徒令龐時雍狠石記云漢諸葛孔明與孫仲

謀共議破曹瞞計曾據此石後人因以狠名其

石始重漢迄今于有餘年矣時異勢殊物改而

石隨湮沒不傳余今此覓古蹟得石于北固西

隅疏圃積土中其狀如羊者固宛然在也親其

石猶足動忠臣義士誅奸屏邪之思焉于是因

白之郡守龍溪王公併滕公謚碑記移之演武

場側建亭置扁曰武侯遺石用以鼓三軍之氣

云

甘露達珠禪師上堂聖賢不分古今惟一可謂
火就燥水流濕鑿井而飲耕田而食大衆東村

新志

王老去不歸紛紛黃葉空狼藉

甘露應夫廣照禪師上堂召衆曰江山遠檻苑
如水墨屏風殿閣凌空麗若神仙洞府森羅萬
象海印交參一道神光更無遮障諸人還會麼
良久曰寥寥天地間獨立空何極參主甘露十

無夢園集 十三

正 步園山記類

四年聚徒五百餘人曾肇嘗銘其塔

郡志

玆理宣志間作法堂修多景樓千佛大悲前後

二閣雨華東西二樓復建海岳菴構垂青軒學

士王直記惠璉行詮正統間相繼修葺時詔賜

律諭三藏五千四十八卷金書華嚴經一部

太史唐文獻重修藏經閣記曰甘露寺之

初賜大藏自 英廟始也垂百七十餘年經兩

散失有僧如學來自金陵延耆德次第書補約

四百餘卷結重閣居之馮太史夢禎跋云閣之

成余始倡緣元微作記吾兩人于甘露信有緣
也哉

雷音雨花清暉等扁刻皆宋人書

僧仲殊南徐好十詞六曰多景樓陳天麟謂起
于宋以唐人登覽題咏皆不及也

惠安寺甘露之浴院也

鄭觀察懷魁遊三山樓記云平挈則鰲極若昇
懸瞰則螺黛如撮惟水經別嶺入江之道即禹
貢北江赴海之途吐納靈瀾混俗荆揚之浸朝

無夢園集 十三

正 步園山記類

宗大經縈帶岷嶓之流天風秋揚水雲朝霍勾

吳青雀之舫廣陵白馬之濤連山沉海凌霄下

上魴鱖鯉鯉素以楊柳之枝龜鼉蛟龍并手扶

桑之窟北固繙經記云狼石闕蒼苔之色巨鑊

絢芙蓉之光鐵冶浮圖既憑凌乎半漢銀瓶舍

利乃豔發千千年 又分舟而見月輪則南北殊

照將車而出火宅則大小同歸 又地火水風頗

識假合之體色聲香味漸達常住之心定因戒

以或生緣不斷而能割

三山各有、欽賜田地金山五十七頃焦山五十六頃甘露四十九頃每畝納勸米二升餘盡蠲役因均糧與民田同科今酌議條編料價量行優免甘露地衝盡免此萬曆十八年李兵憲帖尚書陸光祖祭酒馮夢禎皆有記

萬曆二十一年丹徒唐里灣民朱旺一家牛產麟先是旺一家每夜有赤光上騰如火麟產後不復見其狀適體麟紋色清黑玉頂光潤氣氤若雲氣然口紅色頷下有髯項皆細鱗具九孔

無夢園集

千三

北固山記

麟以後具六乳一字排列背腹皆巨鱗橫列長而稍方腹下微紅其腰脊近尾處一巨鱗上有紋橫五豎一如王字形尾皆細鱗尾稍一全鱗裏毛四足亦細鱗近蹄二寸無鱗惟直紋二三見而已甫生聲如洪鐘衆咸指爲怪斃而瘞焉越日鄉人殷士望等聞知往啓而濯之傷悼良久繪爲圖郡侯漳浦王公應麟命瘞于北固山二賢祠左作圖說

萬曆二十五年春旺一家牛復產一麟其牛即

前產麟者之干也麟狀大如前微有毛目赤若流丹額有紋如王字近蹄細鱗尤整密餘皆同前生數日死亦瘞北固山爲雙麟塚五歲再育麟近古希觀云

吳主皓改元甘露故名或云甘露降因以名寺非也洪武初上親選住持甘露釋常欽始至說法聽者千餘人一目忽欽篋中諸物悉以遺其徒而書偈曰諸習因緣本不有怪怪奇奇心與口只今舉似何人看放下依然空兩手擲筆

無夢園集

千三

北固山記

而逝其爲文下筆立成詩亦清圓有損叟集若干悉行于世一時名士如翰林張翥危素參政滕毅俞希魯顧觀咸與遊焉

郡志

張伯雨題元章研山圖云南宮米老書無敵同盟亦有薛河東研山自昔懷清賞石友令人拜下風華蓋天壇承露潔月巖空洞與天通絕憐古學龜成叟一一題詩取次工又題拜石圖云一代清狂海岳老世間稱拔更須論却憐神放樵夫拜不到奇章宰相門按南宮研山有峯洞

凡八處集翠巖臨書之題詩曰玉樞承寶蓋

氣開天門雨露在其下何妨草木蒼右半空巖

桂滿月萬古光不磨直須端正看始得見山河

右月有笋如削玉可表君子林簞龍倘傾日未

容不虛心右玉萬丈極空澄右泓費收歛若作

有物看定自覺幽險右龍舉頭看突兀尺度極

高峻翠色常照人定知根地潤右雲雨受呼

吸猿猱斷板緣豈無逃形者去來小有天右上

嵒如木瓢唇弁如土囊口虎豹無定居風雷有

無夢園集 千三 大北固山記

時吼右方壇耿天界欲上疑天路白鶴不歸

來高秋嫩風露右方元章

馮多福研山園記云南宮研山所藏而歸之蘇

氏奇寶在天地間固非我之所得私以一拳石

之多而易數畝之園其細大若不侔然已大而

物小太山之重可使輕于鴻毛齊萬物于一指

則晤言一室之內仰觀宇宙之大其致一也此

地自晉唐而宋皆名流所居南宮營之以海岳

名菴後百餘年總領岳公始失復其舊岳惟公

姓天設而地藏之以遺其裔乎

稱如京廟在北固山下

劉使君廟在北固山西

真武廟在北固山南之土山

張萊曰三山懸崖亂石間鐫勒昔人詩文及姓

氏實多閱世既達波衝蘚蝕往往無全文焉蘇

子所謂雄草得斷碑不獨甘露然也

宋晁君成登多景樓詩無一字一句之不工曲

盡多景之妙南渡後詩碑克塞如劉改之長律

無夢園集 千三 大北固山記

阮秀實之大篇徒虛喝耳

楊公濟甘露上方詩云雲樺樓臺出天上真佳

句也下句亦稱歐公有云卧讀揚蟠一千首乞

渠秋月與春風以其葩藻流麗與手甫相似律

多景樓屢經回祿楊石淙詩云祝融莫謾憎多

景至巧終難奪化工

羅隱狼石詩云漢鼎未安聊把手楚醪雖美肯

同心時錢鏐高駢徐溫鼎立三方潤介處其間

隱此詩婉而有味

北固山紀續二

朱南宮海岳圖陳叔方嘗寄雲林簡云此圖拙古俗眼罕識前輩嘗評其畫云大米造妙人無言雲林曾次清曠筆意蕭遠當咄咄逼真矣暇日能寄小立軸一紙否陳翁公紀古錄

莫廷韓有米海岳石遠望之其色玄近視之其色澄碧高約七八寸長徑尺多峰巒洞經叩之聲清越雖天燥蒼潤欲滴下刻雲卿二字錄

米元章硯山圖予見之純用焦墨又見徽宗画

無夢園集 十三

主 北固山記續

六石純用淡墨錄

北固山記續

吳琚晉陵人書學米南宮可以奪真今北固天下第一江山題榜是其跡也所著有雲經集玄宰云在京師見宋人挂幅絕類南宮但有雲經印遂定爲琚欲爲跋尾題數行使琚不泯沒也

北固山記續

米老自画東山朝陽岩海岳庵圖率意而寫極有天趣海岳庵西朝陽岩背焦山其側有早來堂其後自書海岳菴賦并五詩筆意奇絕誠佳

物也至正癸卯正月二十九日文璧與士文觀于張松谷家松谷乃士文太山故予得一見

錄

太尉朱崖公兩出鎮于浙右前任罷日遊甘露寺因訪別于老僧院公曰弟子奉詔西行祇別和尚老僧者熟于祇接至於談話多空教所振不甚對以他事由是公憐而敬之煮茗既終將欲辭去公曰簪有客遺筇竹杖一條聊與師贈別亟令取之須臾而至其杖雖竹而方所持向

無夢園集 十三

主 北固山記續

上節眼鬚牙四面對天生可愛且朱崖出所寶之物卽可知也別後不數歲再領朱方居三日復因到院問前時拄杖何在曰至今寶之公請出觀之則老僧規圓而漆之矣公嗟歎再彌日自此不復目其僧矣太尉多蓄古遠之物云是大宛園人所遺竹唯此一莖而方者也

桂苑集

有甘露寺僧語愚云吳王收復浙右之歲明年夏中夜月瑩無雲望江澄澈如畫諸徒侶悉已禪寂竟無人蹤禽犬皆息矣獨某默默持課時

亦惜其皎月沉房廊臨江恰幽靜俄有數人自
西軒而來領僕所挈酒壺直抵望江亭而止
皆詔今宵明月江水清澄得與諸人邂逅相遇
且不辜茲景矣借窺之而思曰中夜禁行客自
何來必是幽靈異人乎乃於窓際俯伏而伺之
既至坐定命酒羅列果食器皿隨時所有東向
一人南朝之衣青陽甚美西坐一人北虜之服
魁梧壺壘北行一人蓬掖之衣指東向者設禮
而坐南行一人朱衣霜簡清瘦多髯飛杯之項
無夢園集 十三 北固山記

東向者語西坐曰項羽重瞳猶有烏江之敗猶
東一目寧爲四海所歸果致如是乎虜服乃笑
而言曰往者賢金昆不堅籬棘見未萌吾子豈
有向衆之忌乎由是二客各低頭不樂而向朱
衣曰時世命也知復何爲且某又忽致此二三
君子以爲何如東向者曰朝代雖殊古今一致
俾公縱無滿宮多少承恩者似有客華妾也亦
恐不脫此難北向蓬掖衣曰此猶可也大忌者
滿身珠翠將何用唯與豪客拂象牀大患此也

朱衣欷歔低頭而已來向曰今日得恣縱汝南
之游皆乏風流矣詩載前集北固山記
陳郎中亞有滑稽雄聲知潤州治迹無狀浙憲
馬卿將按之至則陳已先覺廉按訖憲車將起
因觴於甘露寺閣至卒憲曰將注子來郎中處
滿着陳驚起遽拜憲訝曰何謂何謂陳曰不敢
望滿但得成資保全而去舉族大幸也馬笑曰
豈有此事既而竟不敢發野錄
郎中曹琰滑稽辨捷嘗有僧以詩卷獻琰問
無夢園集 十三 北固山記

其首篇登潤州甘露閣云下觀楊子小茨曰何
不道卑吠狗兒肥次又闕一篇送僧云猿啼旅
思悽琰曰何不道犬吠張三嫂座中無不大笑
青箱雜記

鎮江府甘露寺在北固山上江山之勝烟雲顯
晦萃於目前舊有多景樓尤爲登覽之最蓋取
李贊皇題臨江亭詩有多景懸窓牖之句以是
命名樓卽臨江故基也裴煜守潤日有詩云登
臨每憶衛公詩多景惟於此處宜自經兵火樓

今廢近雖稍復管轄而樓基半已侵地殊所惜也

京口北固山甘露寺舊有三大鐵鑊深天監中

鑄東坡游寺詩云蕭翁古鐵鑊相對空團圓

陀受百斛積雨生微瀾是也予往來數見之

未嘗稽考何物本為何用也近復游于寺因

觀之蓋有文可讀云天監十八年太歲乙亥十

二月丙午朔十日乙卯皇帝親造鐵鑊於解脫

仙古佛殿前滿井泉種以荷花供養于

一切諸仙以仙神力遍至十方盡虛空界窮未

來際令地獄苦鐵變為七珍寶池地獄沸湯化

為八功德水一切四生解脫眾苦如蓮花底泥

清淨無染同得安樂到涅槃城斯鑊之用本在

烹鮮八珍興滌五味生纏我皇淨照慈被無邊

法喜禪悅何取又漫檀爰造斯器回成勝緣如

含碧水又漫發經蓮道場供養永永無邊其後

又云帥吳虎子近禁道真槩懷於佐陳僧圓丞

宋又漫令宣令鄭休之義不可曉疑當時幹造

之人耳又一行云五十石鑊然形製不能容

之五十石蓋古之斗斛小也始知二鑊乃當時

植蓮供養佛之器耳

廬陵劉攽之過以詩鳴江西厄於韋布放浪荆

楚客食諸侯間開禧乙丑過京口余為饑幕廩

吏因識焉廣漢章以初升東陽黃幾叔機數原

王安世英伯遺皆寓是邦暇日相與踈奇弔

古多見於詩一郡勝處皆有之不能盡憶獨錄

改之多景樓一篇

辛幼安北固山詞曰千古江山英雄無覓孫仲

謀處又曰尋常巷陌人道寄奴曾住其寓慨

者則曰不堪回首佛狸祠下一片神鴉社鼓憑

誰問廉頗老矣尚能飯否特置酒召數客使妓

迭歌益自擊節徧問客必使摘其疵孫謝不可

客或措一二辭不契其意又弗答然揮羽四視

不止相臺岳珂時年甚少偶坐於席率然對曰

童子何知而敢有議然必欲如范文正以子金

求嚴陵祠記一字之易則晚進尚竊有疑也

軒喜促膝亟使畢其說珂曰前篇豪視一世獨
首尾二腔警語差相似新作微覺用事多耳於
是大喜酌酒而謂坐中曰夫君寔中予瘡乃味
改其語日數十易累月未竟

荒山堂外紀

張祐於甘露寺觀肇詩曰不謂三吳經此詩也

祐日月光先到山河勢盡來摩日地從京口

斷人自海門回因而仰伏

荒山堂外紀

潤州甘露寺在北固山榜曰天下名山第一乃

天監中武帝御書寺趾有大佛殿楹間刻一聯

無夢園集 十三

三八 北固山記蹟

云北固山北顧好北固山真個好上林花上林

早上林花真個好

昔先友史經臣彥輔謂予阮藉登廣武而歎曰

時無英雄使監子成其名豈謂沛公監子乎予

日非也傷時無劉項也監子指魏晉間人耳其

後予聞潤州甘露寺有孔明孫權梁武李德裕

之遺跡予感之賦詩其略曰四雄皆龍虎遺跡

儼未泐方其盛壯時爭奪肯少安廢典屬造化

遷逝誰控搏况彼安庸子而欲事所難聊與廣

武歎不待雍門彈則猶此意也今日讀李太白

登古戰場詩云沈酒呼堅子狂言非至公乃知

太白亦誤認嗣宗語與先友之意無異也嗣宗

雖放蕩本有意於世以魏晉間多故故一放于

酒何至以肺公爲堅子乎

東坡全集

杜牧之登北固山詩曰謝眺詩中佳麗地或者

謂眺詩江南佳麗地金陵帝王州金陵乃今建

康非潤州也又有詩曰甘露寺作秦丞相或者

又爲史記甘露寺廿二事秦相文信侯呂不韋

無夢園集

十三

三八 北固山記蹟

後因說趙有功始皇封爲上卿未嘗爲秦相也

按北史彭城王徽傳曰昔甘露寺爲秦相未聞能

書儀禮疏曰甘露寺十二相秦未必至五十則

知此謬已久牧之蓋循襲用之耳

野客叢談

李德裕北固懷古詩曰近世二千石畢公宣化

厚注畢構政事爲開元第一丞相陸象先平陽

齊濟三賢皆爲此郡余考之傳獨象先不聞爲

潤州此恐史之佚耳畢構中宗景龍初爲潤州

政有惠愛景龍末召爲御史大夫謂政事爲景

龍間第一可也野客

元祐中郡守林希寫李衛公會昌集文武兩朝
獻贊記與佛書同藏于寺寺舊有張僧繇所畫
菩薩像六東坡詩云僧繇六化人霓衣掛水統
隱見十二疊觀者疑夸謾翟忠惠云僧繇六化
佛生面行差肩米南宮甘露悼古詩序則云寺
壁有張僧繇畫菩薩四所見乃不同又寺壁有
吳道子為畫行脚僧亦見悼古詩序

無夢園集

十三

北固山記

行寺有石如羊相傳謂之狼石云諸葛孔明坐
其上與孫仲謀論曹公也大獲二枚銘梁武帝
所鑄圓獅子一菩薩二陸探微筆衛公所留祠
堂在寺手植相合抱矣近寺僧發古殿基得舍利
七粒并石記乃衛公為穆宗追福所焚也

覽勝

王濤詞翰早著為天下所稱遊吳中江南意云
南國多新意東行伺車流潮爭兩岸矣風正
旌懸海日生殘夜江春入舊年從來觀氣象

向此中偏張燕公居相府手題海日生殘夜
聯于政事堂每云能文令為楷式堯山堂
宋後廢帝元徽三年京口戌將劉萬年夜巡於
北固山西見二男子容止端麗潔白如玉遙呼
萬年謂曰君與今帝姓族近宜有禍曰吾有何
禍答曰去位禍即不及萬年見二人所言益異
之萬年謂二人深謝預聞何用見醉萬年欲請
歸飲二人曰吾非世人不食世物萬年與語之
次化為魚飛入江去萬年翌日託疾遂罷其位

無夢園集

十三

北固山記

後果如魚所言江表異

張于湖知京口王宣子代之時多景樓落成于
湖為書樓扁公庫送銀二百星為潤筆于湖却
之但需紅羅百匹於是大宴合樂酒酣于湖製
詞命諸伎合唱甚歡因以紅羅百匹賞之何氏
李後主嘗買一硯山徑長纔踰尺前聳三十六
峰皆大猶手指左右則引兩阜坡陀而中鑿為
硯及江南國破硯山因流轉數十人家為米老
元章得後米老之歸丹陽也念將卜居久未就

而蘇仲恭學士之第號稱好事有甘露寺下地
江一古基多群木唐晉人所居時水老欲脩宅
而蘇覬得硯於是王彥昭侍郎兄弟與登北固
其爲之和會蘇米竟相易米後號海嶽菴者是
也硯山藏蘇氏未幾索八宮禁矣陸遊避暑硯
白樂天守杭江東進士多奔杭取解時張祐徐
凝俱至祐曰僕爲解元宜矣凝曰君有何佳句
祐曰甘露寺詩有日月光先到山河勢盡來金
山寺有樹影中流見鐘聲兩所聞凝曰善則善

無夢園集 千三

北固山記

矣奈無野人句云千古長如白練飛一條界破
青山色祐愕然凝果獲選唐王保定揚言

上元瓦官寺僧守亮通周易性狂易李衛公鎮
浙西以南朝舊寺多名僧求知易者因帖下諸
寺令擇送至府瓦官寺衆白守亮曰大夫來取
解易僧汝常時好說易可往否守亮請行衆戒
曰大夫英俊嚴重非造次可至汝當慎之守亮
既至衛公初見未之敬及與言論分條析理出
沒幽蹟公凡欲質疑亮已演其意公大驚不覺

前席命於甘露寺設館舍自於府中陳講席命
從事以下皆橫經聽之逾年方畢既而請再講
講將半亟請題甘露既至命浴浴畢整巾縷白
公云大限今至不及回辭言訖而終公聞驚異
明日率賓客至寺致祭適有南海使送西國異
香公於龕前焚之其煙如弦穿屋而上觀者悲
敬公自艸祭文謂舉世之官爵俸祿皆加於亮
亮盡受之可以無愧唐語林

無夢園集 千三

北固山記

寺名甘露高麗李子淵入元朝登潤州甘露寺
愛江山勝致因謂從行三老曰爾宜審視形勢
載胸臆間及還與三老約曰天地間凡有形者
無不相似况我國山川清秀其形勢豈無與京
口相近者乎汝宜扁舟短棹無遠不尋當以十
年爲期三老曰唯凡六涉寒暑始得之於府城
西湖潤州甘露寺雖美但營構繪節之工特勝
耳至于天作地生自然之勢殆未及此凡樓閣
池臺之制度一倣潤州

舊說崔慎爲尼棺寺僧後身崔慎由爲浙西觀察使時所生故七歲猶未食肉忽有僧見之謂其口曰既要他官爵何不食肉自是乃食葷凡世間富貴人多自修行失念中來或世緣未絕有必償之不可逃者房次律爲永禪師後身前固有言之者矣第崔慎略無修行之證但官爵一念失差也往在丹徒常記與葉致遠會甘露寺坐間有舉此事者致遠時有所懷忽忿然作色曰吾謂僧亦未是明眼人不食肉安足道爾

無夢園集 十三

北固山記

以不待其末年執之十字路口痛與百榻方猛快意聳者絕倒

避暑錄

氣之爲雲也雲之爲雨也由地而升者也方雲雨之在上謂之地可平及其降於地則亦雨而已列子言其全莊子言其別此列子所以混內外而直言天端莊子列其序而後見其符合是三者而更爲用則天與人莫之有間矣吾爲舉子時不免隨衆讀此二書心獨有見於此爲丹徒尉甘露仲宣師授法於圓照本久從佛印

元游得其聰明妙解吾常爲言之每撫掌大笑默以吾說爲然俯仰四十年今老矣欲求如童者與論方外之事未之得也

夢得避暑錄

謝靈運從遊京口北固應詔按武帝卽位之後靈運時爲散騎常侍從遊北固應詔而作是詩言居至尊之位者王璽所以驗誠僞黃屋所以嚴等威此二事特爲名教之用耳若乃治化之道自有神機妙理超出於事爲之外者焉且聞昔者帝堯尚有汾水之游今吾皇揚鑣塵外亦

無夢園集 十三

北固山記

豈常情所能測哉然其所以登高眺玩而見夫陽景輝映卉物鮮榮者莫非聖心仁澤之美遠近乎布而萬象無不光昭也詳此則羣臣之受恩寵者各遂所志意有在矣故下文謙言已獨愚拙自宜歸隱山林顧乃枉見繁雜徒慙尸素以此縈想于懷已非一日今因覽物興感而奏此長歌也

六朝選詩補記

李衛公鎮南徐甘露寺僧有戒行公贈以方竹杖出大宛國蓋公之所寶也及公再來問杖無

恙否僧欣然目已規圓而漆之矣公嗟惋彌日
予近在松江攝帥幕暇日與同僚遊甘露寺偶
題近作小詞於壁間云樓橫北固盡日展展雨
款乃數聲歌但沙漠江山煙樹寂寥風物三五
過元宵尋柳眼覓花英春色知何處落梅鳴咽
吹徹江城暮脉脉數飛鴻杳歸期東風凝佇長
安不見烽起夕陽間魂欲斷酒初醒獨下危梯
去其僧頑俗且曠慨然謂同官曰方泥得一堵
好壁可惜寫了予知之戲曰近日和尚耳明否
無夢園集 十三

北固山記

曰背聽如舊予曰恐賢眼目亦自來不認得物
事壁間之題謾巧壞之便是甘露寺祖風也聞
者大笑
詩話

梁書曰大同十年幸蘭陵因賦歸舊鄉詩已面
幸京口城北固樓曰此不足以固守然北望江
山實爲壯觀乃改名北顧因幸面賓亭宴帝鄉
故老及迎候者少長數千人各資錢三下文
御覽

居高山者常患無水京口甘露寺吳下靈岩皆聚

徒數百人而沽水於下有不勝其勞者
唐進士趙中行家于溫州以豪俠爲事至蘇州
旅舍支山禪院僧房有一女商荆十三娘爲亡
夫設大祥齋因慕趙遂同載歸揚州趙以氣義
耗荆之財殊不介意其友人李正郎第三十九
有愛妓妓之父母奪與諸葛殷李悵悵不已時
諸葛殷與呂用之幻惑太尉高駢恣行威福李
懼禍飲泣而已偶話於荆娘荆娘亦憤惋謂李
三十九郎曰此小事我能爲郎仇之旦請過江
無夢園集 十三

北固山記

於潤州北固山六月六日正午時待我李亦依
之至期荆氏以囊盛妓兼致妓之父母首歸于
李復與趙同入浙中不知所止
夢言
予登多景樓南望丹徒有大白鳥飛近青林而
得句云白鳥過林分外明謝眺亦云黃鳥度青
枝語巧而弱老杜云白鳥去進明語少而意廣
予每還里而每覺老復得句云坐下漸入多而
杜云坐深鄉里敬而語益工乃知杜詩無不有
也
後山詩話

宋陸遊入蜀記云狼石古已久寺僧輒取一石充數游客摩挲太息僧及童子輩往往竊笑也住僧善觀見狼石邊有光景掘之得羨泉因取天語名之建亭覆護

唐寶曆初李德裕觀察浙西割居地以廣之鑄鐵浮圖七級奉舍利以資穆宗冥福乾符中燬鎮海節度裴璩重建宋祥符中僧祖宣復遷于山上極爲侈麗建炎兵燬乾道己丑郡守陳天麟重建嘉泰壬戌祖燈復建郡守黃由亦增廣

無夢園集

千三

北固山記

之元至元己丑又燬大德己亥智本重建國初住僧稍繼復之釋心泰記宣德六年僧珎理重加修創學士王直記正統十二年勅賜藏經巡撫侍郎周忱建庫藏之景泰中惠璉行銓繼葺天順癸未燬益淵建而後燬弘治正德間妙福體琰以次復修創之

米元章舊硯石紋如海日狀海岳庵僧掘地得之

陳騷

周文襄公忱巡撫至京口退居北固山下淮海書院訪民疾苦

海岳菴

菴在北固山下長松當戶隙地種

疏仰瞰天下第一江山有堂三間

祀林吳事申崇崖二太守

去思牌二座後一帶稍洪厰後有香圓一株左植修竹參差殿角北固山頭新月初上影落梧桐想見元章掀髯處也

東坡云江山風月本無常主閒者便是主人今日便稱吾輩爲北固山主人有何不可華亭張

無夢園集

千三

五十九

翼軫題壁北固山下前房門有大銀杏一株

北固樓

潤州城西有嶺入江號北嶺晉蔡君謨鎮京口日起樓嶺顛以置軍實梁武帝幸京

口登覽賦詩乃曰此嶺不足須固守京口實乃壯觀改曰北固因名北固樓

三山樓

北面大江甘露道林諸港在其下左

摩雲亭右地藏殿觀音閣其南爲關王殿金焦

兩山雙拱不啻一拳矣

是樓檻隄絕側足望江游者苦之其下崖傾如

棧今霍郡伯樹以欄楯范文正公詩使君應近
凭欄杆庶幾有焉平檻二尺許夜深待燭快讀
楊公濟燈火見楊州句大爲三山增色矣地藏
樓面西其南擁諸山翠遠北臨大江大雄殿五
聖殿在其左對北固山甘露港在其右瞰焦山
沙洲如掌

凌雲亭白雲吏
原各摩雲吳司
理取荷美則語有二樹蟠亭左右可憑而眺也

楊一清跋甘露寺詩云金山之宏淵焦山之幽

無夢園集 十三

北固山記續

遠人之所知然得之江景爲多登北固則長江
金焦一舉在目前回視則環潤諸山送奇爭妍
而城堞邑里宮室池沼之勝一覽無遺所稱最
上禪者非浪語也

三官殿右觀音殿簷前有玄照室 見金

山頂上竹木蒜山口帆牆千集北瞰大江甘露
港兩崖樹樹送綠間以艸舍茅茨時見漁翁布
網落日山卿江光如浴

曉由普覺菴上凌雲亭雨洗苔痕山山新沐風

鳴濤答焦山無片棹忽回首瓜步千帆如雲矣
僧明潮于萬曆十九年在觀音洞右始建艸菴
持尊勝咒郡人爲建大堂三檻即以尊勝名其
堂焉

披雲軒寫舊時阿育王作愼獨上人索詩聊以
應之披雲軒頌江山之勝惜未能倚馬然又不
敢續貂姑應之耳 山陰王思任題

北固山寺之障鐵甕城在其前甘露寺在其後

無夢園集 十三

北固山記續

屹立中峯有真武殿關王殿殿傍披雲軒其下
則

高皇帝所幸鳳皇池通柳溪橋銀蒜金三山參
差樹叢中寺頗湫隘釋淡如苦修募勸華嚴閣

真武殿築地藏樓甘露寺以北固得名類敢不

理福庭增氣象仙磬落昭回安在哉亦此山一
缺典也

東嶽廟爲入山龍北固龍埂路爲出江龍或云
北固山爲珠山巒擁向有回龍顧珠之形

凌雲亭下有石帆亭釣魚臺鐵柱峰俱廢
駐馬坡下有秋月潭飲虹橋蝦蟆池觀
音洞循櫻桃園至甘露港夾路長楊水流清淺
可三里逕渡焦山

自櫻桃園折而西爲蝦蟆池又西北爲駐馬坡
再折而北爲秋月潭爲觀音洞洞口雲房風窟
石壁上盡栽桃花洞之東爲尊勝堂四
顧峭巖而鐵柱峯矗立于摩雲亭下斷碑倒卧
甘露景莫奇于山之陰游人多未知也

無夢園集 十三

北固山記

梁武帝書甘露寺三字體法勁越水浸就毀學

楊升庵云周繇多景樓二詩勝張祐金山詩而
人罕稱之

文集

甘露寺有三賢亭乃劉備曹操孫權時常會于
此故羅隱有詩曰漢鼎未分聊把手楚醪雖美
肯同心過亭者心服焉

青瑣高議

北固山西北隅石壁嶙峋峭峻壯若雲霞色如

錦繡風窟雲房桃花迷路下有觀音洞穹窿涵
靈氣與他洞異游人巡西而東至此則應接不
暇矣大抵北固之前樓殿壯麗可方金焦後石
壁奇絕最似金陵夾驢峯也一郡形勝乃萃於
此

北固舊有接引佛殿在山西麓兵燹毀之址尚
存魯僧孔五峰山人孔承寵族弟也重建之殿
高五仞佛金身丈六周以諸天所費巨千告成
偶構疾將危夜遣舟至金山迎承寵曰吾將殿

無夢園集 十三

北固山記

後造伽藍禪堂奈何欲死尚存銀米不下千餘
金無爲宅人所漁兄可疾取去明日來殯我承
寵笑曰我住金山數載誓不于人豈宜汙此有
三教王者我見伊勤事有能可異之料不負爾
五峰首肯遂呼授之

釣叟紀聞

向有一僧住磨雲亭岩下謀爲不軌連及本寺
數僧時張江陵立法甚嚴即日梟示內有一監
原山西人寄寓寺中初不預謀見邏者捕僧誤
言犯之亦被害其賊僧期日起事同謀者甚多

俱有冊籍姓名郡守恐勳衆致變將冊焚之反側乃定

紉史紀聞

無夢園集

十三

北固山記

北固山十八觀

梁武帝幸朱方王廟隨從御輦側備顧問賦北固詩辭義清雅

荀令則登北固望海有凌雲之意

謝玄曰以垂綸爲事山下一出手釣鱸魚四十九枚

李贊皇題臨江亭詩多景懸牕牖以是名多景卽臨江故基也裴煜云登臨每憶衛公詩

李衛公以州宅後地在山下者予甘露寺造鐵

無夢園集 十三

北固山十八觀

浮屠七級及畱所藏陸探微畫手植二楮

劉夢得和浙西李大夫晚下北固山喜徑於成

陸恨然懷古偶題臨江亭併浙東元相公所和

張于湖知京口王宣子代之多景樓落成于湖

爲書樓扁囑王公備紅羅百疋大宴會樂酒酣

製詞命諸妓會唱以紅羅百疋賞之

白樂天守杭江東進士多奔杭取解張祐徐凝

俱至祐曰僕爲解元宜矣凝曰有何佳句祐曰

甘露寺詩日月光先到江山勢盡來句

蘇子瞻多景樓聽琵琶詩江妃出聽露雨然幽
浪翻空動浮玉

多景樓下臨峭壁蜀僧化昭可寢室西爲屋五
楹榜元章舊迹盡得江山之勝

米元章愛潤州溪山之勝徙家丹徒作淨名齋
以硯山易蘇學士家甘露寺地結海岳菴又移

甘露寺曰米老菴

山有東軒西軒北軒顧利賓詩何時借榻東
下臥看麗珠吐片華杜牧之詩北軒欄檻瞰雷

無夢園集 千三

卷之八

情元喜山西軒詩携得紫簫吹月出喚將白鶴
渡江來

劉改之同章以初輩寓京口暇日相與撫奇弔
古多景樓一篇卓犖可誦

墨莊漫錄熟觀古鐵鑊有文可讀乃當時植蓮
供佛之器

辛稼軒北固山詞使妓迭歌擊節相臺岳珂云
微覺用事多耳稼軒大喜

後山詩話登多景樓南望丹徒有大白鳥飛

青林而得句云白鳥過林分外明

高麗李子淵入元朝登甘露寺愛江山勝致及
還與從行三老六涉寒暑擇形勢與京口相近
者凡樓閣池臺一倣潤州

徐文貞登第一峯有超出六合之想忽大風吹
幾墮巖下退飲佛殿觀人皮鼓蓋以沂東所製
海寇王艮皮輓之

無夢園集 千三

卷之八

北固山詩話

謝靈運詩張組眺倒影列筵矚歸潮

倒影歸潮妙張組列筵自是六朝習氣梁武

帝詩舊嶼石若構新州花似織口吻同也

簡文帝詩霧崖開早日晴天歇晚虹

虹見天開日出霧輝辭意俱盡

盧肇詩路從京口斷山到海門迴

又詩林暗疑降虎江空想度杯

又詩西蜀波濤盡東溟日月開

無夢園集 十三

北固山詩話

張祜喜此詩然祜終勝之

張祜詩日月光先到江山勢盡來

北固詩推王灣其二云潮平兩岸潤風正一帆

懸海日生殘夜江春入舊年于北固未切閱

全唐詩知爲江行紀事畢竟祜詩第一

周繇詩山從平地有水到遠天無老樹多封楚

輕烟暗染蕪

又詩海濤春砌檻山雨酒窓燈

楊用修極稱之

又詩水淨沙痕出烟銷火野平

客云一江水帶山容淨萬歲樓臺寺勢雄

孟浩然詩江風白浪起愁殺渡江人

予云北固船從京口渡南徐樹許隔江看

羅隱詩還有市塵沽酒客雀喧鳩聚臥蹄涔

予云紫鐵風霜纏衛塔白雲江海障焦峯

許渾詩夜燈江北見寒磬浦西聞

予云漁燈瓜渚同星動海船圖山帶日來

皇甫冉詩落日臨川問音信寒潮惟帶夕陽還

無夢園集 十三

北固山詩話

予云鳥逐雲歸飛更疾鐘隨潮落韻偏寒

劉禹錫詩烟散隋宮出濤來海門吼

予云山似龍飛朝建業潮如雲湧到潯陽

蘇軾詩樓臺斷崖上地窄天水寬

又詩雜草得斷碑斬崖出金棺

坡詩懷古幸用蕭梁事蹟襲者紛紛堪塞可

厭地窄天水寬在龍埂路望江尤切客云一

甕中連山勢固二鰲分截水聲寒

翟汝文詩山形鬱長虹掉尾起平川

客云萬里江流遙入海千尋石起半摩雲

米芾詩回首望北固雲藏淨名天

又詩槎浮龍委骨畫失獸遺耽神護衛公塔天

留米老菴

江山屢更興廢游人慨慷至酸楚不堪讀米

老悼古中有壯氣海岳菴前櫻桃雨後古堤

楊柳秋月潭觀音洞峯頭盡栽桃花游人多

未經覽予云萬樹櫻花春湧寺一江烟水日

紫沙

無夢園集

千二

北固山詩

又詩山光隨眺到雲影渡江來

予云禪室夜深雲滿榻女牆月過水明樓

又詩兩州城郭青烟起千里江山白鷺飛

予云烟昏京口船猶渡鐘冥山頭鳥自歸

沈括詩地從日月生時見天到江心盡處回

予云水自雪消來蜀峽潮隨日出繞江城

劉攽之詩江流千古英雄淚山掩諸公富貴羞

又詩北固祇今惟有酒中原再望莫登樓

石齋詩話吳晉以來置中原于度外詩深議

之

又詩一樓坐斷天中央收拾淮南數千里

開禧乙丑與章以初撫奇弔古屬岳公珂爲

刻樓上會兵事未暇也

曾肇詩片雲迥逐斜陽去知落誰山第幾重

予云歸雲隨鳥栖高樹落日憑軒下遠峯

楊蟠詩雲捧樓臺出天上風飄鐘磬落人間

客云曉雲未發帆先亂莫鳥全歸市未收

張靈受詩南朝流下無窮浪長與漁人權短篷

無夢園集

千三

北固山詩

客云江上尚留三國寺雲中無復六朝僧

陸都刺詩雲藏古寺山如畫潮捲東風水倒流

又詩海門不管興亡事只送春潮打石頭

陸游記云狼石亡已久寺僧輒取一石充數

遊客摩挲太息僧及童子常竊笑信之過也

天錫弔古諸詩俱不填事實爲佳

范仲淹詩春山雨後青無數借與淮南仔細看

從容沉著有老杜風客云星亂佛燈天近閣

龍分禪榻海連山

譚用之詩江南好景從來少北望空多故國愁

客云山河自喜清朝合登覽徒悲往事空

元僧偈虛空拓開寶王刹面門迸出蒼龍髯
端有語不可讚北固山高月滿天

北固山志不載砌于僧房覽而奇之此山吟

咏未易屈指也客云寶王界向毫端析鍊若

山從火土生

薩都刺詩地險星河近天低雨露多

客云雲連海氣天容近潮洗江沙山勢高

無夢園集 于三

北固山詩話

王世貞詩六朝天北顧萬古水西來

客云經來白馬日寺自赤烏年

湯胤勛詩埜竹驚風寒犬吠江楓落月曉烏號

客云西江水下龍門遠北固雲歸鷺閣深

汧道昆詩空林不斷秋江色白露蒹葭帶落潮

客云江可截教山勢斷雲難遮絕磬聲飛

喬宇詩徑險松陰綠磴入潮平帆影隔牆看

客云石門曲徑循山轉雲樹千重入寺遙

張祥鸞詩鵬盤寥廓秋風急山闕東南落日圓

北固山遇雨霽霽見落日沉江江湧千峯出

甘露樓臺倒映其下

屠隆詩捫崖手挂蒼藤杖石澗寒潮上古松

客云鳳翥雲中疑閣勢龍蟠石底訝松根

郭佐卿詩海日隨潮白春山過雨寒

予云春日山房供櫻笋曉江烟艇賣魚蝦

陳永年詩青山到江止碧殿待雲歸

予云山根水底連焦鳥寺角雲中接潤城

無夢園集

于三

北固山詩話

三山咏

與霍郡侯

三載循良冠百城，曾緣臥閣頌神明。人傳近日黃金詔，帝憶當年白馬生。法借片霜秋共冷，心同流水月俱清。獨憐荀爽難爲御，元禮于今喜姓名。

其二

訪古何須不下筵，漁樵爭議使君賢。千秋嶽瀆開符史，四海詞章犯歲年。自是懸蒲耽品藻，曾無夢園集 千三

三山咏

象開閣校圖編峯頭一片屏，顏石此日還同悅。首傳

霍郡侯招飲桃源莊賦謝

潤州太守賢豪客，上書早動君王色。五馬乘來破紫霞，單車駐處浮青麥。鄧攸鮑允安足誇，懸魚度虎惟君家。開簾山雨了公事，下榻松風留客樵。顧侯疋馬披雲至，一笑門前空柳絮。解贈應虛趙壹囊，相看不乏王夷甫。顧侯憐才如藝稷，每言陳生多太息。使君意氣青冥高，折簡還

移小山側雄談日，落蛟龍低銀城雪。壁生延仙吏由來不染塵，桃源何必解退秦。如澠未鷄鷄，冷碧曉訝有西江。尊長風吹月來江上，笑長鯨渡洲莽漫道高歌有鬼神。綠雲自繞青天響，傾情倒意開心顏。秦華趙舞都等閒，坐來殘月落松際。山雞忽咽金鰲端，霍使君號神治。明時聊借烹鮮試，爭古尋真退食餘。彩筆憑君古王氣，多君青眼情所鍾。識韓不願公侯封，君不見平原十日足千古。終南亦有裴生從。

無夢園集 千三

三山咏

顧農部牽翁携予過潤置酒三山紀事

男兒踟躕蓬蒿丘，寰中不識五嶽遊。長風吹林鶻鵝愁，白日千里鶻朋求。使君樓船爲予發，共向龍江拾秋月。金焦長揖蛟龍開，北固爲我生超。水底搖動金銀臺，巉巖窈窕忽復來。老龍一吟萬葉落，日月倒挂青冥回。使君揮毫我持酒，朝尋紫僧暮焦叟。山雨江雷筆底斜，林梢木魅空中走。陶潛不耐五斗粟，曼容爲官六百祿。若家有饒座如山，却與銀魚載醴醪。迷花倚石

山氣清醉中度盡長松聲爾我前溪問新聲
雲一隔滄波平滄波平笑相遇君從何來我何
去寒衣贈我淮江鵝醉別南行逐烟霧

與潤州吳司理二首

訟閣秋開引帝丘賢聲重見孔寧州霜威帝
識清時鏡風格人瞻大國珠塵滿梁間魚尚挂
雲來簾外鳳還求十年夢斷荊州識露冕相逢
愧故裘

其二

無夢園集 千三

三山咏

人言棘枳強栖鸞下榻春風見舊歡清比胡威
原類父嚴如孔奮不知官鬼薪論感司空意刻
木名從小吏看寒谷已噓鄒律煖文章應許達
朝端

慈焦山水晶菴張明府以鱗魚見貽賦謝

一首

仙吏名高道益尊花前白鹿夾雙轅訟庭鳳至
同荀瓊漢國雄飛仰趙溫訝有懸魚貽野客詎
緣彈缺傲王孫知君臥閣饒詩思催得寒溝落

海門

仲夏再過三山丹徒荆侯見訪石淙精舍
葛中再理沙棠舟山南風吹十丈蒲舊識沙鷗
靜不去近人谷鳥閒相求奚囊死馬來石淙銀
魚有客尋幽蹤相逢入林笑執手高談擊碎青
芙蓉雞園日斜松影薄小院沉沉動清酌俱懷
逸興生飛濤便有新詞映寥廓璋琛不乾江月
高風雲繞壁驚揮毫刻燭高題氣酣縱嗟予巾
幘若前茅君前茅動吳甸溪水投書孔洛陽山
無夢園集 千三

三山咏

風拾竿何安漢蒼生擊缶桃李開樵翁含笑歌
蕪芽昨日飛見謁天子白虹夜挂黃金臺君
不見陳生十載長安道獻策歸來空笑傲只今
山南還水西白眼狂歌向晴昊使君意氣傾山
谷相逢已有糟丘築興到無煩典鸛鷀醉來獨
自舞鸛鷀明朝莫怨天之涯他日還題滿青竹
北固山懷古

我騎白雲來還穿翠微去白雲一散空翠微翠
微淫我青羅衣可憐茲山多古碑蒼苔絕磴行

人稀憶昔談兵石猶狼柳溪綠烟挂春影山寒
花落還未歸明日飛來照鰈井

甘露寺慈雲閣

又名雲閣

古木給衍翠十尺烈風細雨晴猶溼氣接磨笄
一片霞光搖黃鶴千秋碧朝來忽作雲滿蹊無
人時向閣中棲桺檀爲木原非惡法雨成雲乃
作慈我來但覺衣裳冷一鳥飛來破秋影老僧
相對寂無言坐聽寒鐘發深省

仲春宿香山寺五更踏月忽憶往歲與浙

無夢園集 千三

三山咏一

中吳文長金山夜集悵然有作

山雞忽啼一花落塞蘿入雲度千壑海塘正立
蛟樓間逢揖仙人駕寥廓駕寥廓山河開往年
曾共金釐臺如灑散盡還復來舉杯酌江江更
綠借爾銀濤三萬斛一洗青蓮出寒玉題詩鐫
字都等閒山靈問之鼓其腹昔年向平五嶽無
一字平名亦自壺千世由來蕭艾催芳蘭好舉
靈鷲擊臬鵠吳生大笑生語顛余也醉抱長松
眠仰見明月斜松邊更爲鯨飲吞百川悵不祝

江成涵泉老龍夜訴天公知疾雨長雷倒江樹
紫霞樓上閒石牀擊案長歌坐還臥吁嗟此日
非今時吳生一別空我思躊躇踏月倍惆悵素
紙迎風一賦詩

金山盤陀石晚眺歸宿銀山

江暮鳥飛急輕霞向木殘悠然見漁叟獨立矚
絲寒鳥影半分樹風聲多在篙呼童進烟艇乘
月凌江千古木翠微裏石室青崖端開心獲幽
憩松火明禪關抱琴掃白石時對遠公彈

無夢園集

千三

三山咏

倒流港喚渡至焦山下走筆志之

風吹綠烟柳枝濕港口春瀾倒流急村舫晚入
前嶺青野笠全輕松露溼田上人家凡幾家初
日黃鵬啼杏花小徑有時逢野店石橋無處覓
漁車隔溪長髯鼓舟至牧童笑落黃牛背彼何
馳逐我且閒自踏飛花林影碎憐予見此心悠
然長歌日暮尋焦仙松間白石堪邀月爲索銀
瓶汲酒泉

招隱山絕頂訪昭明太子讀書臺遇雷雨

小山青青叢桂黃高臺畫臥蒼苔荒伊吾却變
山島晴泉語典之相抑揚合情弔古色惆悵太
子不來雲在望長陰忽作乾坤愁萬斛風雷捲
孤嶂

大雨中摩鵲林寺古碑

長空瀟瀟山外來飛泉走瀑交徘徊疾如萬弩
張僕射散如狂風吹落梅老蛟不眠地輒動女
嬋失笑天公回嗔予青策與芒屨手拍危崖發
長叫喚碑百丈封苔衣短褐子圍障泥淖鳥跡

匪夢園集 十三

三山廬

依然隨手呈球琅燦爛俄縱橫昔人用意今所
輕淋漓讀罷心神驚君不見英雄埋沒固無限
我欲置汝黃金殿

五州山歌

芙蓉離離口五州長風吹予最上頭手把玉節
朝帝丘天吳晝舞玄夷愁飛鳥不到驚懸猿寒
崖積雨風颼颼大峯如翁陡莫傳小峯孫列昂
相求江日淘漉天外浮奔雷倒括龍興此須臾
境轉回雙眸中開宿窅森且幽絕壁欲墮當飛

流喬林怪木枝相樛沉霞不散雲常甯墩爲木
旗鑿且修泉名卓錫通靈湫何物巨蟒冠來遊
我欲拔劍還復休翠巖巖我翠不收古洞醉踏
天鵝憂胡爲勃率呼携簪老兔忽挂山南樓仰
天擊壺搗此謳坐令遊跡空千秋

遊九華山

連崖積雲古轉磴知風長餘寒過松雨空翠沾
羅裳漸與鳥聲遠但矚天淪浪倒影接龍窟輕
陰帶危橋蒼茫日爲馭彷彿虹成梁徑折畏天

無夢園集 十三

三山廬

窄壁削林無光悄然見墟落烟火迷斜陽捫葛
海門闢廣陵遙相望巒容宛虬伏吐納歸低昂
森陰易我境合昏侵危岡片靄度不盡萬古咸
高張脩脩碧篠合峯峯青松翔懸泉逼古寺石
磬時飛揚奇言松間月遲我東林傍

予劉儀部體宸墓

曉月纖沙棠披嵐陟林麓幽鳥雲中啼青松露
華沐伊人選難佞蒼靄覆陵谷撥芳意蕭恍醜
酒餘幽穆撫今中莫陳感昔淚可掬公爲懷楚

喬茂節耿靈旭衛國嚴金湯龕暴興霖霖朝申
魏相書暮止秦庭哭婉彼栢棘賢舉爾公侯腹
聊夾霜日低蒼茫大江肅春言邈高緘山風自
謾謾緬昔長安樓清譙同秉燭淒清伯牙絃慷
慨漸離筑緒言微芳規密理破繁煥拊心悼當
岐遺形槐伐木束帶移夕星質晨馬鳴栗猶云
萬里睽未道千秋促解缺空傍徨回轅渺幽獨
興詞慘何將屬意失所告惟瞻空山雲時傍孤
墳宿

無夢園集

干三

李三山

予華司理省衷墓

大江何謂濊巨谷何辜律斯人寄靈異卓犖挺
奇質辨霧臨昌期矢日除氛慝折檻震天子
諱諱特攸迪瞻目念荆楚側身就羈勒積奏都
陽書經受夏侯易誓挾丹蓋居不爲編冠惜清
物由道情蕃戎見篇述肅英薄宵漢芳績垂竹
帛執手阻在今廢言念非昔山雨迎鬼燐江風
起蜀魄德音既長逝情感何由釋欲去迷所從
悲歌向阡陌

予徐儀部振東墓

幽幽巖下泉蔚蔚巖間樹歷歷樹下墳濔濔樹
間霧滴瀝中不偷沾潏潏誰選誰憑細子稟淵懿抗
志洪所負家爲杖毆賢仕有懸魚度桃李青陽
春玉筍巴陵曙王途旣昭洗鑒援歸銘鑄義
峩氷壑標藹藹青雲附皎節貞珪稀德音振韶
護溫春殊未已寒芳墜朝露穆則誰見剛英
規阻予步幽憤莫可宣哀猿寫榛路賢愚等高
丘天地同大墓嗟予千載離失我平生顧當岐

無夢園集

干三

李三山

集鵲鵲白日走狐兔何時麟鳳音復聽雲中墮
同沈朗倩訪金焦諸勝兼送鹽城之遊
片帆秋色海門寒落日同君醉鵲冠屢雨晝舍
江鷺黯蛟烟時鎖鴈漫漫吟來匣劍芙蓉冷別
後征衣薜荔殘欲問相思天際隔白雲愁殺舊
長干

鷓鴣笑屏

萬里雙鷓鴣立破蒼屏曙啞然雲水寒餘音
無處

眠影揪

玉鏡不可拾遊人影亦寒未曾經素練月白處
能看

架天橋

銀浦接飛梁秋虹飲澗長好隨秦帝子携手看
朝陽

送烏塘

無心隨去鳥相送野塘秋更約蘆花白斜陽共
釣舟

無夢園集 十三

詩

咏月磯

夜靜鷗鳴飛啄碎秋蟾影失笑廣寒人桂花亂
前嶺

烏道

倦翼晚猶度寒潮夕上遲由來稀釣艇來去寒
無期

彼岸

鳥解西來旨人看東逝波未須乘寶筏此地隔
恒河

捫蘿峰

回瞻率微路乃在蛟龍底捫蘿弄寒碧笑落巖
江水

折葦汀

何來面壁叟永帶海潮音天花落不盡落雨聲
時深

夢漁墩

江風吹短夢忽墮天邊影何處老龍吟覺來雲
簾冷

無夢園集 十三

詩

采蘋處

弔古秋風裏幽吟伴落霞相思淹去棹江上采
蘋花

梳羽巖

山風寒毳落松露野翎清侶散獨無事背巖梳
月明

北固山華嚴閣記

萬山東趨際江突止迴嶺陡絕踞馬鞍迴龍釜
鼎京峴之勝而長山五州一帶若拱若扞若翔
若舞以障郡治曰北顧山改顧爲固自梁武帝
始當是時武帝臨江賦詩簡文帝侍和隨從諸
臣若王勵者辭義清雅而刺史廣徑路傍施榜
隋武帝御小輿以登作者代興想度怀疑降虎
眈倒影矚歸湖時未有甘露寺寺盛于唐宋之
間然攷有唐劉夢得元微之和李浙西作時文

無夢園集 十三

三

饒晚下北固喜徑松成陰偶題臨江亭白不云
平丹陽北固是吳關畫出樓臺雲水間其風季
謝蓋至多景樓創于宋興廢廢興率多歛歛懷
古始不問蕭梁遺事禘甘露寺而北固不當一
附庸郡其實甘露寺卽北固之支也舊志事創
于吳子亦因其舊及攷康衢國僧會入吳現舍
利始行佛法而甘露寺不載于藏經惟李文饒
舍北固書院荐穆宗事頗覈由斯以談撫狼石
而憶孫劉皆浪傳耳澹上人建北固山之華嚴

閣予嘗雨中整屐坐懷鳳閣其下鳳凰池

高皇帝幸焉須臾萬山聳翠海波浴日倒映井
露樓臺縱眺一岡偏宜構閣嘗閱祥符圖經郡
在北固山下而元和郡縣志蔡謝諸君並作府
庫儲軍實有大力者悉復祥符元和之舊亦京
口萬年之金湯也上人執此以往或如謝東山
一出乎得鱸魚四十九枚而宰官善士譚厥典
故所爲褰裳濡足以赴之者必不後秦漢之君
矣

無夢園集

十三

七

招隱寺記蹟一

王莖在招隱山唐李衛公寄沈大夫詩云玉莖
天中樹金閨昔共窺落英閒舞雪密葉乍低帷
舊賞煙霄遠前歡歲月移今來想顏色還似憶
瓊枝注此花吳人不識因予嘗玩乃得此名內
苑沈大夫閣前有此花每花落空中回旋久之
方積庭砌大夫草詔之暇嘗邀予同賞宋蔡寬
夫詩話載此詩云碑今裂爲四段在通判廳中
而招隱無復此花矣按周文忠公必大王莖辨
無夢園集 下四

證跋語云唐人甚重玉莖故唐昌觀集賢院翰
林院皆有之皆非凡境也往因親舊自鎮江招
隱來遠致一本條蔓如茶蘼冬凋春茂拓葉紫
莖再歲始着花久當成樹花苞初甚微經月漸
大暮春出八鬚如冰絲上綴金粟花心復有碧
筍狀類膽瓶其中別抽一莖出衆鬚上散爲十
餘莖猶刻玉然玉莖之名乃在於此羣芳所未
有也宋子京筆記雜揚后土廟有花色正白曰
玉莖劉原甫移瓊花詩序云瓊花別號八仙花

無夢園集 十四

二 招隱寺記蹟

人謂李衛公所賦玉葉卽此宋徽宗春明退朝
錄后土廟瓊花或云自唐所植卽衛公所謂玉
莖三公博洽無比不知何故疑爲瓊花惟劉夢
得雪莖瓊絲之句最爲中的又曾端伯高齋詩
話廬陵段謙叔有楊汝士與白廿二帖云唐昌
玉莖以少故見貴耳自來江南山山有之土人
取以樂事不甚惜也則知瑒花爲玉莖無疑洪
景廬容齋隨筆玉莖今瑒花又名米囊黃魯直
易爲山礬者在江泉彌山亘野而唐昌所產至
於神女下遊折花而去以踐玉峯之期是不特
土俗罕見雖神仙亦不識也止因好事者爲作
唐人帖故二公皆信之所謂信耳而不信目也
今按蔡寬夫謂招隱無復此花然近年乾元萬
壽宮住持余孟實自招隱山移此花植於宮前
花園時紫泉馬克復有詩里人龔理子中次其
韻然則招隱未嘗無此花也

招隱寺在城西南七里招隱山宋景平元年曇
度禪師所創卽戴顓隱居之地見梁晉安王綱

利銘又云願始至京口常居竹林其後築館此
山梁昭明太子嘗讀書於此元俞用中碑曰戴
顒女捨宅爲院昭明石案尚存寺有石井傳爲
昭明所開珍珠泉及亭李廸構虎跑泉鹿跑泉
唐學士蔣防爲記玉蓋花李沈二公所賦及宋
人題詠玉蓋亭岳珂有詩又有唐宋諸賢題詠
石刻正統中遷于鶴林寺米芾南宋戴顒高士
記斷碑米元章書增華閣萬松關李廸創
唐兵部員外郎李約曾佐李庶人錡浙西幕約

無夢園集 十四

三 招隱寺記

初至金陵於錡坐上屢贊招隱寺標致一日庶
人宴於寺中門曰謂約曰嘗聞誇招隱寺昨遊
復細看何殊州中李笑曰某所賞者疎野耳若
遠山將翠巖迤古松用絲物裹腹臙浣鹿跑泉
音樂比山雞聲此則實不如在叔父大廳也庶
人大笑
王麟洲世懋遊招隱記云南折數百步入山麓
開田疇相望舍桃錯植已循一大樹行可五里
許則兩山對削中厓容徑徑稍紆盤漸入深窅

余從輿中望見山從面起迴抱逕絕乃招隱寺
勝旁出林間觀銀杏樹婆娑奇甚相與陰其下
圍抱竟五人寺僧云是齊梁以前物意且千年
矣從大樹稍折而東南觀虎跑泉泉滙爲二池
有亭界其間池之外爲流觴數曲池之溢而出
山處也又稍左而上爲鹿跑泉泉視虎跑稍清
而據地特勝其亭後臨泉前視大江漫漫若潮
度嶺稍下爲招隱洞陟頂四望則金焦諸山培
壘並出矣稍下並崖而行得所謂招隱洞者洞

無夢園集 十四

四 招隱寺記

可生甘許人其然以洞名者無慮六七所顏王
蓋等名及唐虞守許之告弘正間人筆耳
郡守許國城記一郡之南十里許有歐陽山劉
宋處士戴顒隱居其山之寺名招隱考南史
戴世及鄭中又從京口常告竹林其後築館此
山文帝御覽之至謂東巡之日當宴戴公山
下即其地也元俞用中碑云戴顒女捨宅爲院
後書志于此山之東南因以磨笄名山及梁昭
明太子亦嘗讀書于此今石案猶存而寺則興

宋景平元年曇度禪師始創也寺北有珍珠泉
西有鹿跑虎跑二泉而虎跑之泉有龍窟噴出
引爲流觴曲水稍進舊有玉蓋亭岳珂題咏而
衛公有詩刻之石按志玉蓋再歲始着花出巖
如水絲上綴金粟花心類膽瓶中別抽一莢出
衆鬚上散爲十餘莖猶刻玉然故劉夢得有雪
蓋瓊絲之句世傳神女下遊折花而去以踐玉
峯之期蓋仙品也蔡寬夫謂招隱無復此花而
亭因以廢余偶服登覽曲徑紆迴蒼莽盤桓山

無夢園集

日

招隱寺記疏

前有古隱坊始以入寺環山懷抱四旁羅密真
高隱巖屏也因觀鹿跑虎跑二泉中間頗宏敞
登其麓高幾丈許一覽之兩山開抱若拱若揖
中襟大江若帶遂捐俸鳩工鑿山築堂其間改
其寺之額曰鹿泉寺改其泉上之亭曰觀泉而
堂則扁之曰玉蓋仙踪冀其復有此花以寓思
也

郡人曹慎記曰吾潤江山之勝甲于東南城南
十里得招隱焉地退以僻林莽翁夢自郭之野

平綠被隴道夾橋水秀橫撲眉睫伏沅淙淙
草下紆迴曲折途窮而寺見舍挑千章燦然若
錦殿外兩泉其一爲虎跑石鑿龍口以資泉乳
晝夜噴震作雪湧狀引而曲之傲蘭亭爲流觴
其一爲鹿跑淙淙澄澈可數顧髮昔人登太嶽
尚謂山羸水訕此山數武內雙泉冷冷兩亭如
翼其不强人意乎方丈後古松藂茂蒼鱗駁犖
號萬松關山巔龍從峭拔巖洞窮曲俯首而人
玉蓋下垂如墜授几席可憑可飲洞口碧梧被

無夢園集

十四

招隱寺記疏

之薜蘿綴之青蘚環周綠緝慈蔚使棲霞餐玉
者值此不以爲玄都洞室耶
郡人郭紳記曰寺自門廡臺榭橋梁樓閣悉皆
蕪沒頃猶及見所謂萬松關者往往牛羊外來
麇麇羣行荆棘莽莽遍滿巖谷其東非有寺曰
鶴林舊爲寺之下院今顧稅其地以自贍征租
索賦殆無虛日爲主僧者力不支席未暇暖輒
逃去而正讓者毘陵惠山僧也其人頗聰明恍
禪味適來主寺前太守吳峯林公實倡之至是

煥然也新見者改觀矣

郡中林華記云乙巳仲春閏月既望林子與賓友挈榼携琴復遊招隱山山有亭翼然臨于泉泉之上泉自亭穿崖而下川源出焉於是探石洞之雲巢沿廻巒之盤谷登昭明之書臺反而鼓琴歌咏其間泉聲泠泠與絃相應和諸君曰美哉泉乎清且遠滴林子舍琴鏗然而作咽然而歎曰斯夫子之所謂逝者如斯者乎遂以如斯名其亭

無夢園集

招隱寺記

招隱寺記蹟

昆盧寶閣

陳永年書

原名鹿泉寺

郡居士園未建

招隱東南

曲磴蜿蜒少去數武有石洞者五又東一石屏屹立上書梁昭明太子讀書處

過一

峽羣峰羅列爲廻龍山爲八公洞山勢東抵練湖而盡也

正殿南鹿跑泉方池亭上有石勒鹿跑泉一座前一圓池受兩崖水今廢

無夢園集 十四

招隱寺記蹟

虎跑泉碑

宋居士戴顯高撰

觀泉亭

泉亭下石甃方池有石龍

噴水下至橋流觴九折石橋下遶山而出遠至大江匝樹千株蕭爽可愛而銀杏一株大數圍在正殿右

劉乾賦跋云此寺在潤州之南垵水深山秀烟霞間毛皆不凡予官京口恒企慕之辛丑初秋始得遊之而作賦

修造記至正庚寅重修記郭仲南徐福地成化

大明遠

王書

鎮江招隱寺戴顯宅平江虎丘靈巖寺王珣宅
今何山宣化寺何楷宅既皆為寺猶可彷彿其
故處何山無甚可愛淺狹僅在路傍無巖洞有
泉出寺西北隅然亦不甚壯招隱雖狹而山稍
曲複幽邃有虎跑鹿跑二泉畧如何山皆不能
為流唯虎丘最奇蓋何山不如招隱招隱不如
虎丘平江北數經亂兵殘破獨虎丘幸在嚴陵
無夢園集 十四

九 招隱寺記疏

七里瀨在洞下二十餘里兩山聳起壁立連亘
七里士人謂之瀧訛為龍言若龍中因為初至
為八龍既盡為出龍龍本音閭江反犇湍貌以
為若龍謬也 龍音每語

玉蕊院女僊府志載招隱玉蕊院大部唐

故所錄之

長安安業唐昌觀舊有玉蕊花其花每發若瑤
林瑤樹唐元和中春物方盛車馬尋玩者相繼
忽有一日有女子年可十七八衣祿繡衣垂雙

髻無簪珥之飾容色婉嫵迥出于眾從以二女
冠三小僕皆丹髻黃衫端麗無比既而下馬以
白角扇障面直造花所異香芬馥聞于數十步
外觀者疑出自宮掖莫敢逼而視之佇立良久
令女僕取花數枝而出將乘馬顧謂黃衫者曰
曩有玉峯之期自此行矣時觀者如堵咸覺烟
飛鶴唳景物輝輝舉轡百餘步有輕風擁塵隨
之而去須臾塵滅望之已在半空方悟神仙之
遊餘香不散者經月餘時嚴休復元稹劉禹錫
無夢園集 十四

十 招隱寺記疏

白居易俱作玉蕊院真人降詩嚴休復詩云
終日齋心禱玉宸冤消眼冷未逢真不如一樹
瓊瑤盡笑對藏花洞裏人又曰香車潛下玉龜
山塵世何繇覩薜蘿顏惟有無情枝上雪好風吹
綴綠雲鬟元稹詩云
弄玉潛過玉樹時不教青鳥出花枝的應未有
知人覺只是嚴郎自得知劉禹錫詩云
玉女來看玉樹花異香先引七香車攀枝弄雪
時迴首驚怪人間日易斜又曰雪蕊瓊葩滿院

春羽衣輕步不生塵君王簾下徒相問長伴溪簫別有人白居易詩云

瀛女偷乘鳳下時洞中暫歇弄瓊枝不緣啼鳥春饒舌青瑣仙郎可得知

劇談錄

論玉蓋云玉蓋花所傳不一有以爲瑤花者曾

端伯有以爲瓊花者李衛公有以爲山礬者黃

山谷有以爲米囊者其說皆非也蓋此花條蔓

而生狀如茶藤拓葉紫莖冬凋春茂花鬚出始

如冰絲上綴金粟花心復有碧筍髣髴瓶其

無夢園集

十四

上

招隱寺記

中別抽一莢出衆鬚上散爲十餘莖猶刻玉然

名爲玉蓋乃在於此群芳所未有也今長安唐

昌觀所植存否不可知惟潤州招隱寺之花識

者鮮不爲之嘆賞云

筆叢

戴顓與兄勃並隱皆有名中書令王綬嘗携客

訪之教等方進豆粥綬曰聞卿善琴試欲一聽不

答綬恨而去

朱書

陳景沂書曰戴顓字仲居捨宅爲招隱寺在京

口放鶴門外與鶴林古竹院相望數里孤處於

萬山荒涼之巔所繇山逕石卵累累不絕如綫

有宋米元章隸碑以紀仲居之出處方丈有閣

號增華梁昭明太子選文於中閣之左有亭名

虎跑鹿跑甘泉清泚閣之右有亭名玉蓋亭之

下有玉蓋二株對峙一架其株條彷彿乎葡萄

而非葡萄之可比輪菌磊塊有古君子氣象焉

正德肥遊

無夢園集

十四

上

招隱寺記

鶴林寺紀蹟

寺在城西南黃鶴山下舊名竹林晉大興四年
創宋高祖微時嘗遊焉及卽位改今額是爲律
院唐開元天寶間玄素禪師諱法照者得法于
牛頭山歸主其地始改律爲禪寺又名古竹院
後薛朗劉浩作亂寺燼廢宋紹興中重建改各
報恩光孝禪寺咸淳間僧慶清重修永樂中寺
盡廢僧得月就竹院稍葺蘭若弘治中僧了心
始建堂殿萬曆間郡守秀水鍾公庚陽招禪衲
無夢園集 千四

百 鶴林寺紀蹟

德乘居之冢宰平湖陸公光祖捐金復寺旁地
重建天王殿方丈僧寮蓮亭竹院
黃鶴山在府城西南三里京口記曰有黃鶴山
在縣界晉王恭爲刺史改創西南樓名萬歲西
非名芙蓉樓至今存焉輿地志云俗傳此樓飛
向江外以鐵鍊縶之乃已則此山之名其來已
久而謂宋武帝微時游息于此有黃鶴飛舞其
上而得名者妄也及受命始爲宮室以藏農具
南史戴顒世居剡中又徙京口止黃鶴山故又

名戴公山公女于山頂磨笄誓不適人曰磨笄
山有胡峯嶺秦始皇鑿俗名祖師岡秦潭一名
綠水潭宋紹興間郡守鄭滋改名放生池唐陸
龜蒙詩曰松門穿戴寺荷徑遠秦潭

宋戴顒譙郡鉅人父達尤勃並隱遯有高名衡
陽王義季鎮京口長史張邵與顒姻通迎來止
黃鶴山山北有竹林精舍林澗甚美顒憇于此
澗義季亟從之遊顒服其野服不改常度爲義
季鼓琴並新聲變曲其三調游絃廣陵止息之
無夢園集 千四

三 鶴林寺紀蹟

流皆與世異文帝每欲見之謂黃門侍郎張敷
曰吾東巡之日當宴戴公山下古竹院李涉詩
因過竹院逢僧話之句卽其處也及火燼後蘇
學士培竹蓮池上今名蘇公竹院

龍目湖周孚詩平湖認龍目斷嶺記蜂腰今寺
前有斷峰嶺

昇仙橋或謂緋衣杜鵑花神自橋而騰空故名
寄奴泉泉中有白龜人皆以龍種呼之

愛蓮池周濂溪先生道州人少失父奉母依舅

氏鄭龍圖居潤母卒遂塋焉與鶴林寺僧書涯
交善讀書寺旁鑿蓮池

濂溪祠萬曆丁酉郡守王公應麟建以和靖尹
先生配享尹先生開封人建炎中奉召赴紹興
經鎮江至辛豐鎮夫人郭氏亡遂塋焉及先生
沒後子孫仍家于丹徒世襲奉祀

米元章護伽藍神祠唐開元天寶間玄素禪師
主寺寺前曰祖師岡岡外伽藍護隨師叱之已
米元章聽法於聰禪師嘗言我當護法卒之日
無夢園集 下四

伽藍神忽仆地下咸謂元章代玄素所叱也者
遂祠祀之

慶清跋曰黃鶴山下舊有米元章墓碑稱禮部
郎中米芾父左武衛將軍贈中散大夫母贈丹
陽縣太君閻氏皆塋于此中書舍人蔡肇銘

古竹院祠亭萬曆己亥歲修建

宋武帝賜田山碑

宋高宗御書七佛偈并像碑七座今存三

金剛經碑一座

心經塔一座太湖石香爐一座慶元年造

天雨寶華堂今廢

韓无咎跋云鶴林招隱皆京口勝處也余頃遊
焉鶴林近城猶屋數間招隱迥在山中屋亦無
矣况修林哉東坡所謂古寺滿修竹也惜其未
深者殆鶴林耶周寶爲浙西節度使治賊墮至
鶴林門得古塚棺讀將腐發之有一女子面如
生鉛粉衣服皆不敗寶卽命改塋具車輿聲樂
以送與僚屬登城望之有紫雲覆輶車上行數
無夢園集 下四

里咸見一女子出自車中坐于紫雲冉冉而上
久之乃沒啟棺則空矣

丹徒令馬邦良記曰郡少師石淙楊公愛寺前
松十三株挺秀時來盤桓其下于是構十三松
賦記銘重之亡何兵興賦冗僧衆苦徭役不支
逃亡畧盡而寺坐廢向所爲十三松者不免繼
焦桐爨矣

杜鵬高丈餘春月開花傾城士女遊賞相傳唐
貞元中有外國僧自天台鉢盂中以藥養根種

之每春未開時或窺二女子來遊花下俗傳花神也其後有殷七七者名天祥又名道筌周寶于長安中識之及寶自涇源移鎮浙西七七亦到郡寶師敬益甚一日謂七七曰鶴林之花天下奇絕嘗聞能開非時花今重九將近能開此乎七七曰可乃前二日往花所其夜女子來曰妾爲上帝司此花今與道者開之然此花不久當歸閬苑矣晨起花漸破蓋九日盛開如春寶驚異燕賀累日間數日花俄不見亦無落花在

無夢園集

千四

鶴林寺記續

地後二十年薛朗劉浩亂寶南奔杭州而寶總戎爲政刑殺無辜前上饒牧陳全裕經其境搆之以禍盡赤其族寶八十三筋力猶壯女妓百數盡得七七之術及全裕作厲一旦忽殂七七劉浩軍變之時甘露寺衆見落北崖謂墜江死矣其後人見在江西十餘年賣藥入蜀莫知所之鶴林犯兵火焚寺樹失根株信歸閬苑矣按樂天東坡詩註并容齋隨筆所載皆云山石榴映山紅山躑躅卽此花也宋咸淳八年寺僧廢

清乃以躑躅補其舊廸功卽九州司戶參軍朱正國作記刻石未幾枯瘁元延祐丙辰里人戈道泰家園有此花乃移植故處蜀郡青陽翼爲記

玄素禪師者延陵人也姓馬氏晚泰咸禪師遂悟性宗後居鶴林寺一日有屠者禮謁願就所居辦供師欣然而往衆皆見訝師曰佛性平等賢愚一致但可度者吾卽度之復何差別之有僧問如何是西來意師曰會卽不會疑卽不疑

無夢園集

千四

鶴林寺記續

又曰不會不疑底不疑不會底有僧叩門師問是甚麼人曰是僧師曰非但是僧佛來亦不着曰爲甚麼不着師曰無汝棲泊處

昔王常侍訪臨濟至僧堂問曰此一室僧在此作麼濟曰不看經不坐禪總教他成佛去此話流落叢林舊矣鶴林定殿主要向不看經不坐禪處長伸化喙極力扶持使臨濟家聲千古不墜

中峯
禪師

峽山禪師或問如何是法身師曰法身無相僧

曰如何是法眼師曰法眼無礙

圓悟禪師云西湖然禪師都中相別能自奮志意繼佛性住持甚善凡百日愼一日久之菓熟自馨香也收書叙致殊慙奈他值冗附此相勉領剎作粥主一味公心平直以身先之及應接謙和人乃飯向要潔清梵行然後隨以已所得以開示於人勿自過爲矜衛便是守本也

孫覲曰余寓曹山寺見一僧面壁跌坐如老尊宿問其年曰廿三矣固已心異之一日長老撞

無夢園集 十四

鶴林寺記

鍾選監寺衆論雜然請以山爲之凡五辭而後就區處細務綜練精覈又如老於事者至於辱身勵行芒屨自隨涉水穿雲風餐露宿爲衆人營一飽無厭倦意蓋爲佛法也苟充此心至于刳眼斷臂割截支節無不可者彼尸居不事東就西顧空畫地以欺世取譽爲語吾不信也孫覲啟族孫書言云公住鶴林矣鶴林自杜鵑花收還間苑數百年後鐘鼓一新雲山改色自公始也又啟上山老云每記浮杯卓錫之嘲想

見故人風度聊以自慰也

宋紹興法永撰黑漆光菩薩傳云菩薩諱法明示蹟于萊州卽墨縣荆溝村以試經得度于郡之崇福寺精練法華每遊州邑聚落間遇有胎孕婦往過其門或爲講藥草喻品其娠卽輕免求嗣者卽果遂他郡有木客爲風濤所敗卽示以觀世音菩薩號俾其急誦遂獲安濟後值歲旱民庶禱額不應乃以積薪爲宰堵遂捐身入化火自焚大霆三日雨足開霽衆奔聚觀獨餘

無夢園集 十四

鶴林寺記

真身危坐灰燼曾無少損但益以光明如黑漆宋州牧以聞賜號黑漆光菩薩仍詔漆布其身楊石淙重修光風霽月亭記云先生之學實昉于潤昔有妄人緣此謂先生之學得之鶴林寺僧壽涯是使潤州適爲先生污蠟之地儒先辨之無庸論已聖賢之在世也如水之在地無處無之而其發源經流不可不識先生之於潤坐於斯發迹于斯其母氏又托體于斯此光風霽月亭之所由建歟

按先生祠歷宋而元屢徙其舊入國朝書院遂廢其地

于鶴林寺僧景泰間郡守張公嚴廟前山
新之

郡守王應麟重建濂溪祠并祭田碑記云先生
讀書鶴林寺後之人即其地祀之祠祀當事者
遷主文廟之東清風祠舊祠遂為遊人踏踐蓮
池亦漸淤塞且業于土人矣已丑春五臺陸公
贖焉于是撤丹徒龐君時復之以尹和靖曾寓
君京口配焉深濬其池四面石砌環之以欄池
前建光霽亭園垣內外植桃李桐桂諸木宛然
無夢園集 十四

庭草交翠祠透東閣徑通寺豎周子蓮池坊與
蘇公竹院坊相對以妖僧汪元洪藉沒田百餘
畝向隱占者供歲祭貯其餘以佐修繕周先生
曰菊之愛陶後無聞蓮之愛同予者何人額其
亭曰同予

京口述上

建置沿革

鎮江府在禹貢周職方為揚州之域天文斗分
野春秋時為吳地吳亡屬越越亡屬楚秦併天
下為會稽郭二郡之地自句曲以西屬鄣郡以
東屬會稽郡漢初高帝封其從兄子賈為荆王
都于此賈死以封沛侯濞為吳王濞誅以其地
屬江都國國除復屬會稽郡東漢屬吳郡建安
十四年孫權自吳徙治丹徒號曰京城十六年
無夢園集 十四

遷都建業復于此置京督為重鎮焉圖經曰其
城因山為
壘京江為境兩雅曰丘絕高曰京京口得名以
此吳志孫策使孫河領兵屯京地又云魏賊霸
以輕船乘徐
陵皆指此地

晉平吳為毘陵郡地永嘉五年改為晉陵郡徙
治丹徒元帝渡江都建業乃于京口僑置徐兗
州後雖徐州或鎮下邳或鎮盱眙姑熟皆置
局于京口時號為北府宋元嘉中以南徐州治
京口又置南東海郡隋廢州及郡為延陵鎮屬
蔣州開皇中改置潤州尋廢為延陵縣開皇十

五年罷延陵鎮以蔣州之延陵永年常州之曲
阿三縣置潤州于鎮城蓋取州東潤浦以立名
大業三年廢為江都郡之延陵縣唐武德初復
曰潤州天寶初改丹陽郡乾元初復為潤州又
陞為丹陽軍政和中以徽宗潛邸陞鎮江府元
改鎮江路屬江浙行省

國朝初為江淮府後改鎮江府直隸京師領縣
三丹徒丹陽金壇按丹徒縣本吳朱方齊慶封
之地晉蘇之丹徒邑名之下
不當繁之京口郡名之下也
無虞園集 于四

池

三國時吳目為京城孫韶代伯父河守京城嘗
繕治之唐太和中觀察使王璠始鑿外隍乾符
中周寶築羅城二十餘里元帥耿再成闢四門
東曰朝陽南曰虎踞西曰金銀北曰定波并南
北水關凡六洪武元年起麗譙于門上萬曆十
二年知府吳撫謙于府後築垣與城齊以衛府
治

子城吳大帝所築內外皆甃以甃號鐵甃城晉

此葉天圖配補

郝鑒嘗修之王恭更大有改創南唐刺史林仁
肇復修之東西夾城則唐築也

山

劉楨京口記曰蒜山無峯嶺臨江寰宇記曰山
生澤菴或云吳周瑜與蜀諸葛亮議拒曹操于
此籌算曰算山南唐徐知諤鎮潤州有蜀估持
鳳頭至狀如雄雞廣五寸朱冠金喙一日遊蒜
山除地為塲連虎皮為大幄號虎帳與賓僚會
飲忽暴風裂帳碎如飛蝶鳳頭隨失去知諤歸
無虞園集 于四

疾卒東晉末孫恩率眾登蒜山劉裕擊破之唐
劉展叛田神功將步騎萬餘陳于蒜山蒜山松
林中可卜居蘇子瞻有蒜山詩觀此則山舊寬
廣可容萬人不知何年淪入於江今西津渡口
水中孤峯是也山頂二翁亭新舊太守林希
楊傑同登故名久
廢不致南唐書梁王徐知諤遊蒜山不言蒜山
豈又名蒜耶

京峴山在府城東五里卽秦所鑿泄王氣處宋
王存與刁經臣詩三載京峴居過從不獲屢注

此葉天圖配補

云京峴乃潤之二山世以爲一李德裕祭青龍
師文云北固山乃此山之一支也山下有龍目
湖上有平水大王廟五州山在府城西三十里
相傳山頂望見五州宋曾布詩天際林巒壓壽
丘夾江勢瞰兩三州又云海門西北起崇丘極
目參差見五州蔡肇詩云西升崇丘望嵒巘見
五州然登山頂望惟真楊升潤四州可見顏延
年詩云春方動宸駕望幸傾五州按晉宋之間
惟北道黎僑寓江左疑五州之民居此山左右

無參閱集 千四

三八 京口述

耶山有顯慈寺

馬蹟山在府城東南三十五里山上有黃龍青
龍二洞黃龍洞中舊有石泉一掬四時不竭近
頗止澁青龍洞巉巖嶸嶸入其中冷然風生
洞有大小石龍數條挂石罅中時出青霧霧出
卽雨東有夏禹王廟覆船山在府城西南五十
里一統志舊志以爲卽酒罌山而梁武帝輿駕
東行記以覆船酒罌高驢並列則又似二山也
青丘山在府治西南宋武帝徵時宅基也帝親

卽位築丹桂宮後建慈和普照雲臺諸寺鮑照
從過舊宮詩云東秦邦北門非親誰克居丘希
逸詩曰實惟北門重匪親孰爲奇有壽丘司徒
廟宗忠簡公祠今爲四賢祠按忠簡公義烏人
宣和間以言事請居潤夫人死藁葬于此後尹
開封卒因合葬焉范文正公少隨母讀書隆化
寺文信國公使虜脫難于京口丞相秀夫陸公
亦寓居郡中故並祠焉南麓有龍華寺卽其址
建丹徒縣儒學

無參閱集 千四

三八 京口述

唐顏山在府治西南有羅漢寺五通廟風漪軒
蘇庠詩云竹院旣疎明流泉復清駛
石公山在府城東北八里瀕江與焦山對峙下
有送江亭陳輔之建北東坡宦威輔堂石公山
神廟

圖山在府城東北六十里宋張世傑與元兵戰
于江中不退奔圖山卽此山出火石有上下二
箭洞下有東霞寺

銀山在府城西江口舊名土山以山形壁立塔

之獲金二斤乃袖于懷中愁悶頗息俄見一

著白衣向波心踴立謂進勅曰朝來得存性命

及獲金乃即前者所放諸魚今各報子恩也言

訖不見待且即有魚數十頭又拽一葉舟來橈

棹俱備進勅因得及岸而歸矣余嘗覽佛書見

論十千天子報恩何異於是乎搜神記

京口居人晚出江上見石公山下有二青牛腹

嘴皆紅戲于水際一白耋老人長可三丈執鞭

于其傍久之翁回顧見人即鞭二乎入水翁即

跳躍而上候忽漸長一舉足徑上石公山頂遂

不復見符神錄

太祖初渡江至采石駐薛姬家饑甚坐穀籠架

上問姬此何物對曰籠牀烹線雞為食問何肉

曰鐵雞飯以大麥曰仁飯

太祖默喜蓋龍牀登基人犯皆吉語也天下既

定召姬賞之今有薛家窪云瑯琊漫抄

蘇子瞻渡江至儀真和荆公遊蔣山詩後寄示

荆公公亟取讀至峰多巧障目江遠欲浮天櫟

凡歎曰老夫一生作詩無此二句何氏語林

唐高祖武德七年河間王弁恭征輔公祜宴羣

師于舟中弁恭以金盃酌江水將飲之則化為

血弁恭曰盃中之血公祜投首之兆集異志

周僕射在中朝時能飲酒一石及過江雖日醉

每稱無對偶有舊對從北來周遇之欣然乃出

酒二石共飲各大醉及周醒使視客已腐腸而

死何氏語林

衛洗馬初欲渡江形神慘頓語左右云見此芒

芒不覺百端交集苟未免有情亦復誰能遣此

歷代小史

大業元年春遷都未成勅內史舍人封德彝於

此置宮又勅揚州總管府長史王弘大修江都

宮又於楊子造臨江宮兩有疑暉殿及諸堂墮

十餘所小史

二年二月大駕出楊子幸臨江宮大會賜百僚

赤錢於凝暉殿蒲戲為樂四月勅上工監丞任

洪則開凍都溝渠自宮城南承福門分洛水小史

呼豎土山遶宋英宗諱亦呼植土山劉禹錫詩
土山京口峻卽此元時建寺以與金山對峙易
名銀山上有金雞嶺般若院浮玉亭與同亭天
妃廟關王廟褒忠廟其下第一村孫楚別墅也
浮玉亭在圭山之趾下臨江宋邵守程邁立紹
興間每肄習水軍嘉定間都統制都元鼎重建
郡守史彌堅易名東南形勝

楊子江 湖梁洲港附

大江在府城西北六里卽楊子江也一名京江

蟹夢園集 十四

京口述

東注大海北距廣陵三國志魏文帝將東征出
廣陵臨大江見波濤洶湧不敢渡歎曰天所以
限南北也魏雖有武騎千羣無所用之遂於馬
上賦詩云觀兵臨江水水流何湯湯又云誰云
江水廣可以一葦航類集云水至金山分爲三
瀆水記楊子江南零水第一又李德裕使取金
山中冷泉水蔡祐竹窓雜記石排山北謂之北
瀆江最深處釣者云深三十餘丈
文信公指南錄中有過楊子江心詩題云大海

中一條自楊子江直上淡者是此乃長江盡處
橫約百二十里吾舟乘風過之一時卽鹹水矣
海潮圖經不載然唐人詩每及之如李嘉祐云
北固潮聲滿賈島云潮平京口斜劉長卿云潮
吞海門石然鎮江潮候與錢塘諸處稍異

漕渠自江口至南水門九里又南至呂城堰百
二十四里秦鑿丹徒曲阿齊通吳會隋穿使廣
唐引練湖灌注宋天聖中開新河慶曆中疏蒜
山河皇祐中廢呂城堰添漕河河反狹治平中
無夢園集 十四

三

修夾岡河道紹聖中浚練河易置斗門以便漕
漕政和中開西舊河乾道中自丹陽浚至夾岡
自利涉門浚至江岸淳熙中自京口開漕至江
口嘉定中自江口漕至城南門淳祐中修湖復
開開淤而添元至元大德間屢募民淘濬泰定
初復加濬治國朝天順中重濬復鑿社稷壇西
隙地以通濬塹達於漕河

市河有三其一城西諸山之水匯爲澳合永安
寺聖井泉縣冰西門經唐頰山浚至關開漕

園橋達京口港以入於江其一發源真珠泉繇
鶴林門經西園橋過道人橋分流右折者經社
壇橋至右軍寨與澳水合左折者經皇祐橋渠
皂橋嘉泰橋懷德橋斜橋大園橋亦達京口港
以入于江其一自清風橋側辟折橋石礎橋至
朝真橋北流與皇祐橋水合者則漕渠之溢水
也宋南渡後類多湮塞每加疏導

郡國志曰潤州過坡有湖名龍目湖劉楨記曰
龍目湖秦王東遊觀地勢云此有天子氣使諸
無憂園集 十四 京口述上八

衣徒鑿湖中長岡令斷因改爲月徒令水北注
江而深典乃云武帝望京峴山盤紆似龍屈其
左右爲龍目二湖未詳孰是今失其所在周孚
詩平湖認龍目斷嶺記蜂腰蓋鶴林寺前山有
名胡峰腰者也

伊婁河唐地理志開元二十七年潤州刺史齊
瀚所開接潯傳云州北距瓜步沙尾紆匯六十
里舟多敗溺潯徒漕路繇京口埭治伊婁渠以
達揚子當時瓜州遙隸潤州故潯得以改置繇

白有題瓜州新河餞族叔舍人渡江詩云齊公
作新河萬古流不絕豐功利生人天壤同朽滅
兩橋對雙閣芳樹有行列愛此如甘棠誰云政
琴折吳關倚北固天險自茲設海水落斗門潮
平見沙洲

夾河地勢鋪迴岐分山春相距曠迴行者慨
端熊叔茂詩僻疑昏有虎靜怪曉無鷄嘉祐中
郡守宇文紹彭勦置六舖遂成坦途

歸水澳宋元符間設乾道寢廢嘉定中部守史
無憂園集 十四 京口述上八

彌堅重濬按史彌堅記曰南徐地 邱漕渠貫
通斗門之開而水交下也則爲積水歸水之
澳以極乎渠余至邵祖渠連塞前錄江陰之
倉其東則按行故蹟始復歸水澳然澳西向轉
水爲之去深其近于甘露港者爲上下二
閘又于其間之以通爲秋月潭以藏舟焉
海鮮河在京口關外史彌堅游

金山水陸堂下井舊志言近歲寺僧以取中冷
之艱指此井以爲中冷實非也又其前言用二
竿一餅取中冷之法惜刻本缺誤不得其詳
紫金泉在城中嘉定志紫金山正當市中心四旁

民居舊來猶隱隱見金脚今其泉即嚴氏義井也或云此泉爲天下第二品

泮泉在舊府學西宋元祐間郡守林希鑿井得石刻泮泉二字教官楊邁創亭

潤浦亦曰東浦在城東一里隋置潤尉以此浦得名下鼻浦在城西十八里北入江輿地志吳

置刺奸屯晉郗鑒于浦西築兩壘東有趙廢亭知縣履時廢

樂亭浦在下鼻西七里吳書所謂簞落也王濬無憂園集 千四 京口述

緣江圖爲瀆浦亭北江有貴洲魏文帝曾漂至此洲

徒兒浦在縣東二十里相傳秦始皇將徒兒過此浦因名

西浦異苑記交州阮朗晉永和中出都至西浦泊舟見一青衣女子朗彎弓射之即軒雲而去

朗尋被害唐籍有西浦詩

胡豆洲候景既敗羊鵝密岡之景惟餘三舸下海欲向蒙山會景畫寢鵝語海師此中何處有

夢山汝但聽我處分遂直向京口至胡豆洲景覺大驚將依郭元建鵬拔刀叱海師使向京口景欲投水鵬以稍刺殺之

放生池在子城西南舊名秦潭秦始皇治亦名綠水

潭宋紹興間郡守鄭滋始立爲放生池池水歲旱不涸

荷香池在仁和門內池可二三頃外繁以山花極盛舊有亭不存

慶封井在縣治南按齊慶封奔吳居有此井陸無憂園集 千四 京口述

龜象詩今歌此井示吳人龜綆沉餅自茲始

宋沈內翰括嘗夢至一處登山花水如覆錦山之下有水澄澈極目而喬木翳其上心樂之

將謀居焉後謫官至京口恍然夢中所見因目爲夢溪云

馬林溪在縣南三十里皇甫冉有馬林溪遇雨詩

西津渡去府治九里北與瓜洲對岸舊謂之蒜山渡唐李德裕爲浙西觀察使爭蒜山渡嚴勣

渡還卽今西津渡也

韓橋渡在丹徒鄉宋朱倬詩陽溪人與漁樵渡
江上潮平船欲行

楊子江記蹟

唐中書令岑文本江陵人少信佛常念誦法華
經晉門品曾乘船于巨江中船壞人盡死文本
沒在水中聞有人言但念佛必不死也如是三
言之既而隨波湧出已著北岬遂免死後于江
陵設齋僧徒集其家有一客僧獨後去謂文本
曰天下方亂君幸不預其災終逢太平致富貴
也言訖超出外不見旣而文本就齋子自食椀
中得舍利二枚後果如其言

法苑珠林

無夢園集 十四

楊子江記蹟

李約爲兵部員外沂公之子也識度清曠迥出
塵表與主客張員外諗同官并章徵君况鶻東
遜世不婚娶不治生業李獨厚于張每與張匡
牀靜言達旦不寢人莫得知贈張詩曰我有心
中事不與章二說秋夜洛陽城明月照張八約
嘗江行與一商胡舟楫相次商胡病固邀相見
以二女託之皆絕色也又遺一珠約悉唯唯及
商胡死財寶約數萬悉籍其數送官而以二女
求配始殮商胡時約自以夜光哈之人莫知也

後死胡有親屬來理資財約請官司發掘簡之

夜光果在其密行皆此類也

尚書故事

李舟好事嘗得村舍煙竹截爲笛堅如鐵石以遺李暮暮吹笛天下第一月夜泛江與同舟人吹寥亮逸發俄有客于舫呼舟請載既至請笛而笛甚爲精妙山石可裂暮平生未嘗見及入破呼吸盤擗應指粉碎客散不知所之舟人著記疑其蛟龍也暮嘗秋夜吹笛于瓜洲檣載甚隘初發調羣動皆息及數奏微風颯然立至有

無夢園集

十四

楊子江記疏

項舟人賈客有怨歎悲泣之聲

國史補

唐虔州參軍崔進思侍郎中孫尚容之力充綱入都送五千貫每貫取三百文裏頭百姓怨歎號天哭地至瓜步江遭風船沒無有子遺家資田園貨賣盡盡解官落職求活無處此所謂聚斂之怨

太平廣記

唐潤州攝山栖霞寺釋智聰嘗住揚州安樂寺大業之亂思歸無計隱江荻中誦法華經七日不食恒有虎遶之聰曰吾命須臾卿須可食虎

忽發言曰造天立地無有此禮忽有一老翁橙

舟而至翁曰師欲渡江至栖霞寺可卽上船四

虎一時淚流聰曰爾與我有緣耶於是挾四虎

利涉旣達南嶢船及老人不知所所在聰領四虎

住栖霞舍利塔西經行坐禪衆徒八十咸不出

院若有所事一虎入寺鳴號以爲恒式聰至貞

觀中遷化年九十九矣

唐高僧傳

劉穆之常渡楊子江宿夢舍兩船爲舫上施華

蓋儀飾甚盛以升天旣曉有一姥問曰君昨夜

無夢園集

十四

楊子江記疏

有佳夢否穆之乃具說之姥曰君必位居端揆

言訖不見後官至僕射丹陽尹以元功也

異苑

隋文帝未貴時常舟行江中夜泊夢無左手及

覺甚惡之及登嶢詣一草菴中有一老僧道極

高具以夢告之僧起賀曰無左手者獨拳也當

爲天子後帝興建此菴爲吉祥寺

獨異志

京口有徐郎者家甚褻褻常于江邊拾流柴忽

見江中連船蓋川而來逕迴入浦對徐而泊遣

使往云天女今當爲徐郎妻徐入屋角隱藏不

出母兄妹勸勵強出未至舫先令于別室爲徐
郎浴水芬香非世常有贈以繒絳之衣徐唯恐
懼累膝牀端夜無隣接之禮女然後發遣以所
贈衣物乞之而退家大小怨惜煎罵遂悞歎卒
幽冥錄

隆安中丹徒民陳悝于江邊作魚簋潮去于簋
中得一女長六尺有容色無衣裳水去不能動
臥沙中與語不應有一人就姦之悝夜夢云我
江神也昨失路落君簋中小人辱我今當白尊
無夢園集 十四 楊子江記

神殺之悝不敢歸得潮來自逐水而去姦者尋
亦病死矣命記

天祐七年夏成都大雨岷江漲將壞京口江灌
堰上夜聞呼噪之聲若千百人列炬無數大風
暴雨而火影不滅及明大堰移數百丈堰水人
新津江李陽冰祠中所立旗幟皆淫是時新津
嘉眉水害尤多而京江不加溢焉錄異

吳王孫權曾江行食鱸有餘因棄之中流化而
爲魚今有魚猶名吳餘鱸者長數寸大如筍尚

類鱸形也

博物志

呂師造爲池州刺史頗聚斂常嫁女于揚都資
送甚厚使家人送之晚泊竹篠江岍上忽有一
道士狀若狂人來去奔走忽躍入舟直穿舟中
過隨其所經火即大發復登後船火亦隨之凡
所載之物皆爲煨燼一老婢髮亦盡餘人與船
了無所損火滅道士亦不見稽神錄

廣陵有賈人以柏木造牀凡什器百餘事製作
甚精其費已二十萬載之建康賣以求利晚至
無夢園集 十四 楊子江記

瓜步微有風起因泊山下頃有巨舟其中空唯
篙工三人乘之亦泊于其側賈人疑之相與議
此必羣盜也將伺夜而劫我前浦旣遠風又益
急逃避無所夜卽相與登岍深林中以避之俄
有風雨雷電蒙覆舟所岍上則星月了然食頃
雨止雲散見巨舟稍稍前去乃敢歸舟中所載
柏木什器都不復見餘物皆在巨舟猶在東岍
有人呼曰爾無恨當還爾價賈人所載旣失復
歸廣陵至家已有人送錢三十萬置之而去聞

其人卽泊瓜步之明日也精神錄

避亂錄建炎己酉先兄待制諱舜涉字汝明帥建康與右丞杜充不相能充時領兵駐建康充自遣將來奪取經制司錢物待制聞于朝充往往亦知而後奏朝廷知二公不合十月移待制兩浙宣司參謀是時世忠兵駐鎮江舉家從之小泊于焦山雜于韓軍雜物船中既至焦山船中隘不可居人寺中占其方丈老幼悉安堵但日遊戲于焦山而已時虜已破鎮江日見虜騎

無夢園集 十四

楊子江記類

馳逐于江岍坐見其焚甘露寺但留雙塔世忠以江船鑿沈于開口拒虜人之出虜船實不可出以開口沈船縱橫也世忠軍皆海船陣于江中中軍船長大處于中餘四軍皆分列以簇之甚可觀輜重船皆列于山後予日登焦山頂觀之山前但見作院等船耳二人爲兵器于寺前又有鎮江見任官及寺中之船皆于寺前太守李汝爲亦在焉汝爲亦韓軍中人世忠命爲太守者也王照新志

世忠舟師敗于虜人初予行焦山見世忠東兵

江中而鎮江江口山上有兀立不動下視吾軍者世忠船特大早晚諸將來稟議絡繹不絕皆用小舟明知大者爲世忠自餘匪軍船歷歷可數吾嘗自念吾軍中事虜人莫不目兄耳聞而虜人賊中事吾軍畧不知之亦可慮矣王照新志

世忠所携杭妓呂小小卽以附志初小小有罪繫于獄其家欲脫之世忠偶赴待制飯因勸酒啟曰某有少事告訴待制若從所請當飲巨觥

無夢園集

楊子江記類

待制請言之卽以此妓爲懇待制爲破械世忠欣躍連飲數觥會散携妓以歸後易姓茅楊子江水并惠山泉稱之一升重二十四銖杜康泉二十三銖王照新志

靖康亂後汴河中多得珍寶有獲金燎鐺者以上方物人間不敢留復歸官廨揚州倉卒南渡楊子江中遺棄物尤多後鎮江漁戶于西津沙際有得一囊北珠者太平興國中鄭州修東嶽廟穿土得一玉梓曰以獻亦五代亂時之物金

王沒于地中益亦有時而復出

清波志

水流天地外山色有無中王維詩也權德輿晚

渡楊江詩云遠岫有無中片帆烟水上是用

維語

老學菴筆記

僧法一宗果自東都避亂渡江各携一笠果笠

中有黃金釵每自簡視一伺知之果起如廁一

亟探釵擲江中果還亡釵不敢言而色變叱之

曰與汝共學了生死大事乃眷眷此物耶我適

已爲汝投之江流矣果展坐具作禮而行

筆記

無夢園集 下四

四四 楊子江記蹟

裴慶餘佐李公淮南幕嘗遊江舟子刺船篙濺

水溼近座公色變慶餘作詩曰滿額驚黃金縷

衣翠翹浮動玉釵垂從教水濺羅衣溼知道巫

山雲雨歸

唐詩

晉懷帝永嘉六年鑄一鼎沈于瓜步江中無文

字鼎似龜形

鼎錄

煬帝嘗三月三日江上作鴈船歌云三月三日

向江頭正見鯉魚波上遊意欲垂釣往撩取恐

是蛟龍還復休乃唐興之兆也

外紀

大抵江中多沙初自水底將湧聚傍江居人多

能以水色驗之漸漲而出水初謂之塗泥地已

而生小黃花謂之黃花雜草地其相去遲速不

常近不過三五年者自花變而生蘆葦則綿亘

數十里皆爲良田其利不貲故有辨其水色卽

請射而駕空出稔三二年者予在丹徒聞金山

近南將有漲沙者安知異時金山不復與潤州

爲一耶

蔡寬夫詩話

趙仁甫嘗宿郝伯常家之甥慙菴時霜清月冷

無夢園集

四三 楊子江記蹟

聞角聲寥亮伯常作聽角行以贈其行有云漢

家有客北海使北節落盡頭毛白聽此空今雙

淚垂中原雁斷無消息南枝越鳥莫驚飛牢落

天涯永相失江上舊梅花今夜落誰家樓頭有

恨知何事牽住晴空幾縷霞及伯常拘儀真每

聞角聲因思向來卒章四句便有江城羈留之

兆因作後聽角行以自釋云燕南壯士江城客

孤館無眠心已折那堪夜夜聞角聲怨曲悲涼

更幽咽一噴牽殘楊柳風五更吹落梅花月霜

天裂却浮雲散雁行斷盡疎星接餘音渺渺漢
江去依稀似向愁人說勸君且莫多欸差家人
恨殺生離別可憐辛苦爲誰來凋盡朱顏頭半
白萬緒千端都上心一寸肝腸能幾截當時聽
角送南人南人吹角不送人不如睡著東風惡
拍枕江聲總不聞

外紀

高季迪憶遠曲云楊子津頭風色起郎帆一開
三百里江橋水柵多酒壺女兒解歌山鷓鴣武
昌西上巴陵道聞道處處經過好櫻桃熟時郎

無夢園集

十四

吳夢子江記

不歸客中誰爲縫春衣陌頭空問琵琶卜欲歸
不歸在郎足郎心重利輕風波在家日少行路
多妾今能使烏頭白不能使郎休作客

外紀

解學士九歲時其父携詣江沐浴以衣覆老樹
上命對云千年老樹爲衣架急應云萬里長江
作浴盤歸見馬行草野命對云黑馬尾拖銀掃
帚對云烏鴉頭帶玉繚環父珍愛之甚

外紀

江上取魚用欄灘網日可俯拾濱江人家得魚
留數日俟稍敗方烹或謂何不擊鮮云鮮則必

腥海上有逐臭之夫於此益信茲謂神奇化臭
腐又見故老言承平時淮甸蝦米用蓆裹入京
色皆枯黑無味以便溺浸一宿水洗去則紅潤
如新又歲久佩香以虎子覆一夕芬馥仍舊茲
謂臭腐化神奇或云無是理荅曰藥物中秋石
何自而出

雜志

隋汾陽侯生天下奇士也王度常以師禮事之
臨終贈度以古鏡曰持此則百邪遠人度受而
寶之鏡橫徑八寸鼻作麒麟蹲伏之象連鼻列

無夢園集

十四

吳夢子江記

四方龜龍鳳虎依方陳布四方外又設八卦卦
外置十二辰位而具畜焉辰畜之外又置二十
四字周達輪廓文體似諫點畫無關而非字書
所有也侯生云二十四氣之象形承日照之則
背上文畫墨入影內纖毫無失來而扣之清音
徐引竟日方絕嗟乎此則非凡凡鏡之所同也度
之弟勸遊江南將渡廣陵揚子江忽暗雲覆水
黑風波湧舟子失容處有覆沒勸携鏡上舟照
江中數步明朗徹底風雲四斂波濤遂息須臾

之間達濟天塹躋攝山麴芳嶺或攀絕頂或入
深洞逢之羣鳥環人而噪數熊當路而蹲以鏡
揮之熊鳥奔駭是時利涉浙江遇潮出海濤聲
振吼數百里而聞舟人曰濤既近未可渡南若
不迴舟吾輩必葬魚腹勸出鏡照江波不進屹
如雲立四面江水豁開五十餘步水漸清淺龜
鼉散走舉帆翩翩直入南浦然後却視濤波洪
湧高數十丈而至所渡之所也遂登天台周覽
洞壑夜行佩之山谷去身百步四面光微纖微

無夢園集

千四

四八 楊子江記

皆見林間宿鳥驚而亂飛還履會稽逢異人張
始覺校勛周髀九章及明堂六甲之事與陳札
同歸

異聞錄

唐天寶三載五月十五日揚州進水心鏡一面
縱橫九寸青瑩耀日背有盤龍長三尺四寸五
分勢如生動玄宗覽而異之進鏡官揚州參軍
李守泰曰鑄鏡時有一老人自稱姓龍名護鬚
髮皓白着如絲垂下至肩衣白衫有小童相隨
年十歲衣黑衣龍護呼為玄冥以五月朔忽來

神采有異人莫之識謂鏡匠呂暉曰老人家住
近聞少年鑄鏡暫來寓目老人解造真龍欲為
少年制之頗將懼子帝意遂令玄冥人鑪所扇
閉戶牖不令人到經三日三夜門左洞開呂暉
等二十人于院內搜覓失龍護及玄冥所在鏡
鑪前獲素書一紙文字小隸云鏡龍長三尺四
寸五分法三才象四氣稟五行也縱橫九寸類
九州分野鏡鼻如明月珠焉開元皇帝聖通神
靈吾將降祉斯鏡可以辟邪鑒萬物秦始皇之

無夢園集

千四

四九 楊子江記

鏡無以加焉歌曰盤龍盤龍隱于鏡中分野有
象變化無窮典雲吐霧行雨生風上清仙子來
獻聖聰呂暉等遂移鏡鑪置船中以五月五日
午時乃于楊子江鑄之未鑄前天地清溢興造
之際左右江水忽高三十餘尺如雪山浮江又
聞龍吟如笙簧之聲達于數十里稽諸古老自
鑄鏡以來未有如斯之異也帝詔有司別掌此
鏡主天寶七載秦中大旱自三月不雨至六月
帝親幸龍堂祈之不應問吳天觀道士葉法善

凡七日而止秦中大熟帝詔集賢待詔吳道于圖寫鏡龍以賜法善

與聞錄

崔信明嘗自矜其文謂過李百藥鄭世翼遇之江中謂明信曰嘗聞有楓落吳江冷願見其餘信明欣然多出衆篇世翼覽未終篇曰所見不逮所聞投諸水引舟而去

何氏語林

姚崇傑與盧肇會于江亭肇改令曰遠望漁舟不濶尺入姚遽飲嘔噦還令曰凭欄一吐已覺空喉

彭蠡湖側有鄉人李進勅者以販彭蠡湖魚爲業常以大船滿載其魚於金陵及維揚肆中積有年矣一旦復販魚于金陵夜泊三山之浦其夕風靜波澄月色如晝進勅乃步于舻側聞船內有千萬人誦經聲勅驚而異之伺聽于舻其音清亮非常進勅登舟察之乃船內魚耳進勅曰由我鄙見販易衆生輪迴之身不可言也因悉放魚于江中臨放魚時言曰諸魚既各通靈他日某若困苦敢希方便垂恩矣由是改業販鰯荻薪數年之間大作簾筏載薪于金陵貨之未到間值大風吹溺簾筏一時沈溺惟進勅墮於江中不溺足下如有所履俄而被風颭竹數竿至於進勂身側進勂扶此竹而獲稍其濟乃見大魚數百頭於進勂足下乘之及有竹頭共拽竹而行移時到沙洲乃得登岸回顧諸魚各已散去至夜不待度江卽栖于洲上將更深矣進勂卽獨坐愁苦兩淚迸灑嗟身之蹇躓一至於茲忽見荻叢碎鱗中光芒然進勂卽以手摸

六年四月帝幸龍川宮避暑十二月敕開江南河自京口直餘杭郡八百餘里水面闊十餘丈又掘通龍舟驛官草頓並足欲東巡會稽

伍胥奔吳追者在後至江上有一漁父乘船知伍胥之急乃渡之胥既渡解劍直百金與父父曰楚國之法得伍胥者爵執珪豈徒一劍耶不受一笑刺船而去

景仰操書

彭蠡小龍顯異至多人人能道之一事最著熙寧中王師南征有軍杖數十船泛江而南自離

無夢集

千四

毛詩陽子江記

真州卽有一小蛇登船船師識之曰此彭蠡小龍也當是來護軍杖耳主典者以潔器薦之蛇伏其中船乘便風日棹數百里未嘗有波濤之恐不日至洞庭乃蛇附一商人船回南康世傳其封域止於洞庭未嘗踰洞庭而南也有司以狀聞詔封神爲順濟王遣禮官林希致詔于中至祠下焚香畢空中忽有一蛇墜祝肩上帝曰龍君至矣其重一臂不能勝徐下至几案間首如龜不類蛇首也子中致詔意曰使人至此齋

三日然後致祭王受天子命不可以不齋戒

蛇受命徑入銀香奩中蟠三日不動祭之日既酌酒蛇乃自奩中引首吸之俄出循案行色如濕胭脂爛然有光穿一剪綵花過其尾尚赤真前已變爲黃矣正如雌黃色又過一花復變爲綠如嫩草之色少頃行上屋梁乘紙旛脚以行輕若鴻毛倏忽入帳中遂不見明日子中還蛇在船後送之踰彭蠡而回此龍常遊舟楫間與常蛇無辨但蛇行必蜿蜒而此乃直行江人常

無夢集

千四

毛詩陽子江記

以此辨之

筆談

釋名曰江公也小水流入其中所公共也

說文曰江水出蜀瀕氏徼外岷山又曰江會

稽郡爲浙江

尚書曰岷山導江東別爲沱

毛詩曰江有沱江有汜又曰滔滔江漢南國

之紀

春秋元命苞曰牛女爲江湖江湖者所以開神

潤化故其氣適急

謝承後漢書曰吳郡沈豐爲郡主簿太守第五
倫母老不能之官倫每至臘節常感戀垂泣遣
豐迎母廣陵母見大江畏水不敢渡豐祭神令
子孫對母飲酒因醉臥便渡

續漢書曰張禹拜揚州刺史當過江行部中土
人皆以江有子胥之神難于濟涉禹厲聲言曰
子胥其如有靈知吾志在巡察枉訟豈危我哉
遂鼓而過

魏志文帝伐吳至長江而歎曰天固以限南北
無夢園集 子四 三 楊子江記疏

也

晉書祖逖北渡江中流誓曰逖不靜中原而復
濟者有如大江 又曰吳猛年四十邑人丁義
始授神方因還豫章江波甚急猛不假舟楫以
白羽扇畫水而渡 又曰王濬有奇畧武帝謀
伐吳詔濬造船于蜀其木皆蔽江而下 又曰
陶侃語人曰大禹聖人乃惜寸陰至于衆人當
惜分陰參佐以戲廢事者乃取蒲博之具悉投
于江 太平御覽

孫卿子曰于路盛服見孔子孔子曰由是擔簞
者何也夫江出于岷山其始由源可以濫觴及
其至江之津也不方舟不避風不可涉非爲下
流大耶今汝衣服旣盛顏色充盈天下且孰肯
諫汝乎

三十國春秋曰劉裕次山陽聞何無忌敗績卷
甲兼行將濟江而風急衆咸難之裕曰若有天
命風當自息如其天不助舟覆溺何足可怪卽
命登舟舟移而風止

無夢園集 十四

三 楊子江記疏

重覽吳地記曰夫差立子胥以忠諫見王遂賜
死浮尸于江夫差悔焉與羣臣于江設祭

列仙傳曰江妃二女遊于江濱逢鄭交甫遂解
佩與交甫受佩而去去數十步懷中無佩女亦
不見

列女傳曰楚昭王貞姜者昭王夫人齊女也王
出遊留夫人漸臺江水至遣使者迎夫人亡持
符夫人曰王與宮人約詔必以符今使者不持
符妾不敢行於是使者返取符未還臺已壞沈

水而死

論衡曰儒書言伍子胥恨吳王驅水爲濤而溺殺今會稽錢唐丹徒江皆立子胥祠欲止其濤也

袁山松宜都記曰大江清濁分流其本十丈見底視魚遊如乘空淺處多五色石

新序曰禹南濟於江黃龍負舟舟中之人失色禹仰視天而歎曰吾受命于天死生命也龍弭耳而逃

無夢園集

下四

三八

吳錄曰步騭表言北降人說北多作囊欲以盛沙塞大江吳王曰此曹必不敢來若不如改言當以牛千頭爲君作主人後見呂岱說騭言北欲塞江輒失笑曰此江自開闢以來寧可以囊塞乎

風俗通曰江貢也所出珍物可貢獻也

荊州記云江出岷山其源如甕口可以濫觴在益州建寧漏江縣潛行地底數里至楚都遂廣十里 太平御覽

傳子曰江海所以能爲百谷王者以其不逆之苟有所逆衆流不至多矣

有人泊舟采石夜聞鬼哭旣而若謳吟者達旦大書之詩沙上云長鯨吹浪海天昏兄弟同時手屈原千古不消魚腹恨一家誰識鴈行冤紅妝少婦空臨鏡白髮慈親尚倚門采石江邊腸斷處一輪明月照雙魂讀之亦可憐哉

無夢園集

下四

揚子江記

民並隨渡江從北地當塗來江南自東晉始晉中興書曰元帝渡江歲鎮辰太白等四星聚于牛女間禹時鈞命決曰星累累若貫珠炳燿如連璧帝命驗曰有人雄起載玉英履赤矛鄭玄注曰赤矛瑞星名

輿地志曰伍子胥叛楚出關于江上求渡子漁父漁父歌曰灼灼兮侵已私與子期今蘆之峙子胥旣渡解劍與之曰勿令其露漁父知意遂覆舟而死

吳志曰魏文帝出度陵望大江曰彼有以焉未可圖也乃還

世說曰過江諸人每至暇日輒相要出新亭藉卉飲宴周顗在亭而歎風景不殊舉目有江河之異皆相視流淚惟丞相愀然變色曰當共戮力王室克復神州何至作楚囚相對泣耶

有客行貨金陵舟抵上新河口覓漿船入城舟人見客孤身適風雨驟至故逗遛不進薄暮纔至水西門門闔止宿城下夜竟殺客沉于江

無異園集 十四

三 楊子江記

得所有遂富棄舟不操逾年生一子甚愛甫弱冠家業蕩廢殆盡父或出一戒訓語輒被毆辱惟飲泣而已隣家不平嘆之訟曰吾見稚耳隣有術士能以凡召仙所言甚驗往拜曰吾見不事生業且悖逆有修改時否仙附札書曰六月初三風雨惡揚子江頭一著錦汝兒便是搭船人請君自把心頭摸悚懼而退不數日憂鬱死金陵陶文靖爲言之

楊子江記

搜神記曰有物處于江水其名曰蜮一日短狐

能含沙射人以術方抑之則得沙石于肉中

潤州一監征與務胥盜官錢皆藏之胥家約曰官滿分以裝我胥僞諾之既代去不與一錢監征不敢索悒悒渡揚子江竟死于維揚胥得全賄遂富告歸治田宅是年妻孕如見監征塞帷而入卽誕子甚慧長喜讀書使之就學二十歲登第胥大喜盡罄其產挈家至京師爲桂玉費其子調官南下已匱乏至中途子病瘞所餘召醫及維揚而死胥無所歸族寓貧索無聊亦死

無異園集 十四

三 楊子江記

宋或可談

沈括存中入翰林出塞垣爲聞人晚娶張氏悍虐存中不能制時被箠罵粹鬚墮地兒女號泣而拾之鬚上有血肉者又相與號慟張終不恕余仲姊嫁其子清直張出也存中長子博毅前室兒張逐出之存中時往贖給張知輒怒因誣長子凶逆暗昧事存中責安置秀州張時時步入府中訴其夫子家人輩徒跣從勸于道先公聞之頗憐仲子乃奪之歸宗存中投閑十餘年

紹聖初復官領宮祠張忽病死人皆爲存中賀而存中自張亡恍惚不安船過楊子江遂欲墮水左右挽持之得無患未幾不祿或疑存中平日爲張所苦又在患難方幸相脫乃爾何耶余以謂此婦妬暴非碌碌者雖死魂魄猶有憑藉

可

江州刺史張又新煎茶水記

故荆部侍郎劉公諱伯芻于又新丈人行也爲

學精博頗有風鑒稱較水之與茶宜者凡七等

無夢園集 十四

三 楊子江記續

楊子江南零水第一

無錫惠山寺石水第二

蘇州虎丘寺石水第三

丹陽縣觀音寺水第四

揚州大明寺水第五

吳松水第六

淮水最下第七

斯七水予嘗俱瓶于舟中親挹而比之誠如其說也客有熟于兩浙者言搜訪未盡予嘗志之

及刺永嘉過桐廬江至嚴于瀨溪色至清水味甚冷家人輩用陳黑壤茶潑之皆至芳香又以煎佳茶不可名其鮮馥也又愈于楊子南零殊遠及至永嘉取仙巖瀑布用之亦不下南零以是知客之說誠哉信矣

廬山康王谷水簾水第一

無錫縣惠山寺石泉水第二

廬州蘭溪石下水第三

峽州扇子山下有石突然洩水獨清冷狀如

無夢園集 十四

三 楊子江記續

龜形俗云蝦蟆口水第四

蘇州虎丘寺石泉水第五

廬山招賢寺下方橋潭水第六

楊子江南零水第七

洪州西山西東瀑布水第八

唐州栢巖縣淮水源第九

廬州龍池山額水第十

丹陽縣觀音寺水第十一

揚州大明寺水第十二

漢江金州上游中零水第十三水古

歸州玉虛洞下香溪水第十四

商州武關西洛水第十五未嘗泥

吳松江水第十六

天台山西南峯千丈瀑布水第十七

彬州圓泉水第十八

桐廬嚴陵灘水第十九

雪水第二十用雪不可太冷

此二十水余嘗試之非繫茶之精粗過此不之

無夢園集 十四

楊子江記廣

知也夫茶烹于所產處無不佳也蓋水土之宜

離其處水功其半然善烹潔器全其功也李寔

諸筭焉遇有言茶者卽示之又新刺九江有客

李滂門生劉魯封言嘗見說余醒然思往歲僧

室獲是書因盡篋書在焉古人云瀉水置瓶中

焉能辨淄澠此言必不可判也百川學海

維揚之擾衣冠皆南渡王邦憲客宛陵與其鄉

人相遇作集句云楊子江頭楊柳春衣冠南渡

多蕭索柳條弄色不忍見東西南北更堪論誰

謂他鄉各異縣豈知流落復相見青春作伴却

還鄉爲問南淮米貴賤其敘事有情致爲可喜

近時集句初未有也竹坡詩話

晉毛寶時年十二歲戲行于江口見漁人釣一

白龜寶以錢贖之放之江中後二十餘年寶守

邾城與石虎將軍交戰戰敗投江腳如踏石渡

寶至岸回首視之乃昔時所放白龜也長四尺

餘廻至中流猶及顧有不忍捨去之意善誘文

趙靜齋淮被執于溧陽豐登莊至北府辭家廟

無夢園集 十四

楊子江記廣

云祖父有功王室德澤霑及子孫今淮計窮被

執誓以一死報君刀鋸置之不問萬折忠義常

存急告先靈速引庶幾不辱家門卽登棹船發

至瓜洲被刑無有敢埋其屍者有一寵姬在焦

僉省處此姬啓僉省云趙四知府今日已死矣

妾元是他婢于望相公以妾之故許妾將屍焚

化也是相公一段陰騭事焦許之乃作一棺焚

之又啓收骨撒之于水亦從之遂以裙盛骨殮

到江邊大慟投江而死又聞其孫享祭靜齋降

筆云生居四代將門家不幸遭逢被虜卒死在
瓜洲無葬地幽魂夜夜到長沙其兄冰壺潛自
京口遷金陵北兵至棄家而逃南徙不返死葬
海旁山上 山房隨筆

吉州龍興觀前大江數夜居人聞江水風浪之
聲至旦有漁者見江心有一紅旗水上流下漁
者棹小舟往接取之則見金鱗光耀波濤洶湧
漁者急迴始知蒲牢關傷江龍 玉堂閒話

段文昌從弟某者貞元末自信安還洛暮達瓜
無夢園集 十四

三六 楊子江記續

洲宿于舟中夜久彈琴忽外有嗟歎聲止息即
無如此數四乃緩軫還寢夢一女年二十餘形
悴衣敗前拜曰妾姓鄭名瓊羅本居丹徒父母
早亡依于嬸嫂嫂不幸又沒遂來楊子尋姨夜
至逆旅市吏子王惟舉乘醉將逼辱妾知不免
因以領巾絞頸自殺市吏子乃潛埋妾于漁行
西渠中共夕再見夢于楊子令石義竟不爲理
復見冤氣于江石尚謂非烟之祥圖而表奏抱
恨四十年無人爲雪妾父母俱善琴適聽君琴

聲奇弄翕響不覺來此尋至洛北河清縣溫谷
訪內弟樊元則少有異術居數日忽曰兄安得
一女鬼相隨請言遣之乃張燈焚香作法頃之
燈後率率有聲元則曰是請紙筆也即投紙筆
于燈影中少頃旅紙疾落燈前視之書盈于幅
書若雜言七字辭甚悽悽恨元則遽令錄之言鬼
書不久輒漫滅及曉紙上若煤汚無復字也元
則復令具酒脯紙錢乘昏焚于道有風旋灰直
上數尺及聞悲泣聲詩凡二百六十二字率敘
無夢園集 十四

三七 楊子江記續

幽寬之意語不甚曉詞故不載其中二十八字
曰痛填心兮不能語寸斷腸兮訴何處春生萬
物妾不生更恨香魂不相遇 酉陽雜俎

舟師始于吳越惟曹劉赤壁爲大戰南北分境
伏以防江建炎南渡始有防海之說沈與求言
虜造海舟慮爲虛聲以懼我議者多欲于明州
向頭設備聞海舟自京東入海必由泰州港口
通州料角東則通明鎮等次至平江而北洋次
至金山次至向頭料角水勢湍險一失水道幾

必淪溺得沙上水手方轉射胡人捨馬不能有所爲一舟客幾馬可謂至當之論

戴氏風瑛

江中魚化爲蝗而食五穀者百歲爲鼠

遠異記

張慶餘佐李公淮南幕嘗遊江舟子刺船蒿穢

水涇近坐公已變慶餘作詩曰滿額鵝黃金縷

衣翠翹浮動玉釵垂從教水濺羅衣涇知道巫

山行雨歸

推言

唐彭博通者河間人也身長八尺曾于講堂堦

上臨堦而立取鞋一輛以臂夾之有力者後板

無夢園集

干四

揚子江記

之鞋底中斷博通腳終不移牛駕車正走博通

倒曳車尾却行數十步橫板車轍深二尺皆縱

橫破裂曾遊瓜步江有急風張帆博通捉尾纜

挽之不進

朝野僉載

昔真州一巨商每歲販鬻至杭時有挾姑布子

之術曰鬼眼者設肆省前言皆奇中故門常如

市商方坐下坐忽指之曰公大富人也惜乎中

秋前後三日約數不可逃商懼卽戒程時八月

之初舟次揚子江見江濱一婦仰臥於號痛哭

焉答曰妾之夫作小經紀止有本錢五十緡每

買鷄鵝過江貨賣歸則計本于妾然後持贏息

易柴水餘皆盡付酒家率以爲常今妾偶遺失

所留本錢非惟飲食之計無所措亦必被筭死

寧自沉商聞之歎曰我今厄于命設令鑄金可

代我無虞矣彼乃自天其生哀哉亟贈錢百

緡婦感謝去商至家具以鬼眼之言告父母且

與親戚故舊敘承訣閉戶待盡父母親故宛轉

寬解終弗自悟踰期無他故復之杭舟阻風偶

無夢園集

干四

揚子江記

泊向時贈錢處登岸散適此婦襁負嬰孩遇諸

道迎拜且告曰自蒙恩府持板數日後乃產母

子二人沒齒感再生之賜者豈敢忘哉商至杭

便遇鬼眼所驚顧曰公中秋胡不死乃詳觀形

色而笑曰公陰德所致必曾救一老陰少陽之

命矣商異其術捐錢若干以報之

輟耕錄

太祖初渡江御舟頗危得一橋以免令樹此橋

于一舟而祭之遂爲常制今在京城清涼門外

已逾百四十年矣有司歲修祀給一兵世守之

居舟傍免其餘役或云卽當時操舟兵之後也

歷代
小史

劉導字仁成沛國人梁真簡先生獻三從姪父
審梁左衛率導好學篤志專勤經籍慕晉關康
曾隱京口與同志李士烟同宴于時秦江初霽
共歎金陵皆傷興廢聞松間數女子笑聲乃
見一青衣女童立導之前曰館娃宮歸路經此
聞君志道高閒欲冀少留願垂顧盼語訖二女
已至容質甚異皆如仙者衣紅紫綃縠馨香襲

無夢園集

十四

楊子江記

人俱年二十餘導與士烟不覺起拜謂曰人間
下俗何降神仙二女相視而笑曰住爾輕言願
從容以陳幽抱導揖就席謂曰塵濁酒不可以
進二女笑曰旣來敘會敢不同觴衣紅綃者西
施也謂導曰適自廣陵渡江而至殆不可堪深
願思飲焉衣紫綃者夷光也謂導曰同官三妹
久曠深幽與妾此行蓋謂君子導與夷光曰夫
人之妙固爲導匹乃指士烟曰此夫人之偶也
夷光大笑而熟視之西施曰李郎風儀亦足相

匹夷光曰阿婦無容貌豈得動人合座喧笑俱
起就寢臨曉請去尚未天明西施謂導曰妾本
浣紗之女吳王之姬君固知之矣爲越所遷妾
落他人之手吳王沒後復居故國今吳王已老
不任妾等夷光是越王之女越皆貢吳王者妾
與夷光相愛坐則同席出則同車今者之行亦
因緣會言訖惘然導與士烟深感恨聞京口曉
鐘各執手曰後會無期西施以寶鈿一隻畱與
導夷光拆裙珠一雙亦贈士烟信訖共乘寶車

無夢園集

十四

楊子江記

去如風而音猶在耳頃刻無見時梁武帝天監
十一年七月也 出第怪錄
大兵渡江賈似道卽出檄書播告中外曰洪惟
藝祖肇造我邦至于高宗爰宅吳會以仁守國
以德配天未嘗行一不義殺一不辜可以質諸
無疑證諸不悖理宗四十一年忠厚之澤著于
生民先帝一十載恭儉之心何負天下不念元
溫羣從上受耶翼之恩李陵一門初無毫髮之
損國家厄運一至于此人心忠義夫豈無之洪

皇后七奏之聖躬今天子孤惇之冲質在人情猶知恤鄉鄰之老幼豈臣子忍坐視君父之貼危寧無邦國忠臣亦有兩河豪傑共合唱義之旅載馳勤王之師如陶士行慷慨之征申張魏公忠赤之志救日之弓救月之矢便直指于旌旗如礪之山如帶之河尚永堅于盟誓檄到諸路咸使聞知

三朝野史

嚴泰江行逢漁舟問之云有龜五十頭泰用錢十千贖放之行數十步漁舟乃覆其久乃有五

無夢園集

下四

三陽子江記

十人詣泰門告其父母曰賢郎附錢五十千可領之緡皆沾淫父母怪之及泰歸乃說贖龜之異聞

開元志

瓜村有漁人妻得勞疾轉相染著死者數人或云取病者生釘棺中棄之其病可絕頃之其女病即生釘棺中流之于江至金山有漁人見而異之引之至岸開視之見女子猶活因取置漁舍每多得鰻鯪魚以食之久之病愈遂為漁人之妻今尚無恙

精神錄

王恭欲請江盧奴數為長使晨往詣江江猶在帳中王坐不敢即言良久乃得及江不應直喚人取酒自飲一盃又不與王王且笑且言那得獨飲江云卿亦復須邪更使酌與王王飲酒畢因得自解去未出戶江歎曰人自量固為難

小史

元帝過江猶好酒王茂弘與帝有舊常流涕諫帝許之命酌酒一酣從是遂斷

小史

愍度道人始欲過江與一僧道人為侶謀曰用

無夢園集

下四

三陽子江記

舊義往江東恐不辦得食便其立心無義既而此道人不成渡愍度果講義積年後有僧人來先道人寄語云為我致意愍度無義那可立治此計權救饑爾無為遂負如來也

小史

蔡司徒渡江見彭蠡大喜曰蟹有八足加以二螯今烹之既食吐下委頓方知非蟹後向謝仁祖說此事謝曰卿讀爾雅不熟幾為勸學死

小史

唐王令望少持金剛經還邛州臨溪路極險阻忽遇猛獸振怖非常急念真經猛獸熟視曳尾

而去流涎滿地曾任安州判司過楊子江夜風
暴起租船數百艘相接盡沒唯令望船獨全後
終亳州譙令 報應記

晉周昉少時與商人泝江俱行夕止宮亭廟下
同侶相語誰能入廟中宿昉性膽果決因上廟
宿竟夕晏然晨起廟中見有白髮老翁昉遂擒
之化為雄鴨昉捉還船欲烹之因而飛去 述異記

宣城郡當塗民有劉成者李暉者俱不識農事
嘗用巨舫載魚蟹鬻于吳越間唐天寶十二年

無夢園集 十四

楊子江記

春三月皆自新安江載往丹陽郡行至下查浦
去宣城四十里會天暮泊舟二人俱登陸時李
暉往浦岍村舍中獨劉成在江上四顧雲島間
無人跡忽聞舫中有連呼阿彌陀佛者聲甚厲
成驚而視之見一大魚自舫中振鬚搖首人聲
而呼阿彌陀佛焉成且懼且悚毛髮盡動即匿
身蘆中以俟之俄而舫中萬魚俱跳躍呼佛聲
震地成大恐遽登舫盡投羣魚于江中有頃而
李暉至成具以告暉暉怒曰豎子安得為妖妄

乎唾而罵詈且久成無以自白卽用衣資酬其
直既而餘百錢易荻草十餘束致于岍明日遷
于舫中忽覺重不可舉解而視之得緡十五千
簽題云歸汝魚直成益奇之是日于瓜洲會羣
僧食餅以緡施焉時有萬莊者自涇陽令退居
瓜洲備得其事傳于紀述 宣室志

采石江口李太白墓在焉往來題詠殆遍有詩
三絕云采石江頭一杯土李白詩名耀今古來
的去的題兩行魯班面前掉花斧後人見之從

無夢園集 十四

楊子江記

此絕題 西樵野記

餘姚儒士張幹甫處塾于江北弘治庚申清明
日歸家舟宿建業客中落寞吟曰節物催人到
客邊江南風景迴堪憐魚兒池館新生水燕子
人家又禁烟幾片落花寒食後數株高柳夕陽
前春衫曉試香羅雪駿馬嬌嘶白玉鞭綠水青
山渾似畫煖雲芳草最宜眠松膠有客邀村社
麥飯誰家掃墓田自愧道傍楊子宅十年閉戶
飄生蘊吟訖俄聞狂風大作江水沸騰乃見云

物一者尖首大腹而其體白一者方首多目而其體黑一者長角長股而其體黃捕魚衝浪湧躍而來作人言曰我輩遨遊江海積有年矣惜哉今皆為廢物也言罷大笑共趨幹甫之舟浪花拍天舟幾覆沒幹甫叱曰吾乃越中儒與汝故無警隙何故乃爾三物曰吾輩初為戲君其意實不欲害君也遂相率而沒卒不知其何異也西樵野記

瑞陽有陳姓者謀殺一販藥商人席卷其資以歸蓋與商之僕共圖之也遂開張藥局遇發賣時每開一裹則有所殺商人之頭在內裹裏皆然陳大驚呼一躍而卒吉州張真元鹽商也泊舟江畔值洪水漂一婦人抱衣厨中江而下大呼求救張以小舟往濟之見厨中皆金帛遂取其金帛復推婦人于水越四年所居為水所漂一家十餘人皆溺死嗚呼殺人取財人雖未報而天必報也靈驗記

徐氏名觀妙歷陽人江陳曹閭中之女也嫁郡

士張弼建炎已酉虜犯維揚官軍望風輒潰弼肆虜掠和人大恐弼與隣皆往移溪避賊獨徐氏不去為虜兵所掠大罵曰朝廷畜汝輩以備緩急今虜犯行在不能赴難而乘時為盜我恨一女子力少衰弱不能斬汝等肯為汝曹所辱以苟活耶賊慚志以刀刺殺投之江中嗚呼士方平時自視霄漢抵掌大言以節義自許一落賊手則蠅營狗竊乞賊旦之命或出力而助虐者多矣徐氏眇然一婦乃能奮不顧死其秋霜烈日爭嚴嗚呼壯哉古今說海

鯢身圓頭匾謂之蛇頭鯢生江中味將鯢魚謂之鯢鼻府志

鯢出江中四月鯢魚盡則入市爾雅鯢大鰻小者鰻郭云鰻似鮠而大白色蓋今之鰻魚歟東坡詩粉紅石首仍無骨雪白河狔不藥人府志

大江在城北六里西接上流東注大海北距廣

陵所謂天限南北險過湯池者也魏文帝有廣陵五年秋至廣陵時江水盛漲數日魏雖有武騎千軍無所用之乃魯秀之臨江觀兵見源壽海

漢書曰固天所以限南北也周世宗開孫思江
南庫實對曰長江千里險過湯池可敵十萬
師亦謂之京江水見家宇記許渾詩呼嗟樓下
京江水又謂之京口水圖又謂楊子江張又新
清江子江南零第一按長江千里所歷之地各以
異名呼之此自廣陵以來謂之楊子江但未審
始所志

萬曆辛卯滁州應試五人沉于江屢顯靈異建
五英祠祀之越數載同郡應試者出嚙語抵舟
至江心風大作幾覆皆墮巾長年云適見黑雲
中五位官人將頭巾去客大驚異江上談

無夢園集 十四

三 楊子江記

鮪俗名鱖魚張敬兒作六檣船獻齊高帝曰奉
槎頭縮項鱖一千八百頭孟浩然詩鳥泊隨陽
鴈魚藏縮項鱖又詩試垂竹竿釣果得槎頭鱖
杜甫詩復憶襄陽孟浩然清詩妙句盡堪傳卽
今者舊無新語漫釣槎頭縮項鱖習鑿齒襄陽
耆舊傳曰漢水中鱖魚甚美禁人捕以槎斷水
謂之槎頭鱖今楊子江中鱖絕清美當不殊漢
上耳府志

東坡詩云竹外桃花江雨春江水暖鴨先知

蓼花滿地蘆芽短正是河豚欲上時此正是盛
月景致是時河豚已盛矣但欲上之語似乎未
穩若溪漁隱

王元之江豚詞云江豚江豚爾何物吐浪噴波
身突兀依憑風水恣豚豪吞陷魚鰕頗肥腩肉
腥骨硬難登俎雖有網羅嫌不取江雲漠漠江
雨來天意爲霖不干汝事文類聚

李白過采石酒狂入水捉月而死五侯鯖錄

長江萬里入言出于岷山而不知元從雪山萬

無夢園集 十四

三 楊子江記

壑中來山亘三千餘里特起三峯其上高寒多
積雪朝日曜之遙海晃若銀海杜子美草堂正
當其勝故其詩曰窗寒西嶺千秋雪正是謂也
陳君公

子胥遇丈人于吳使人求之江上則不可得每
食必祭之祝曰江上之丈人天地至大矣將奚
不有名不可得而聞身不可得而見呂氏春秋

余嘗酌中冷劣于惠山殊不可解後考之乃知
陸羽原以廬山谷簾泉爲第一山疏云陸羽

經言瀑瀉隘急者勿食今此水瀑瀉隘急無而乃以爲第一何也又雪液泉在谷麓泉側山多雲母泉其液也洪纖如指清冽甘寒遠出谷簾之上乃不得爲第一又何也

太平清話

晉陵曲阿楊曉資財數千萬三吳人召取直爲商估治生輒得倍直或行長江卒遇暴風及劫盜者若捉晚銓多獲免清曉死後先所埋金悉移去隣人陳家陳嘗晨起見門外忽有百許萬緡封題是楊晚姓字然後知財物聚散必由天

無夢園集

千四

楊子江記

運手

無苑

王濬徵拜右衛將軍除大司農車騎將軍羊祜雅知濬有奇畧乃密表畱濬于是重拜益州刺史武帝謀伐吳詔濬修舟艦濬乃作大艦連船方百二十步受二千餘人以木爲城起樓開四出門其上得馳馬來往又畫怪獸于船首以懼江神舟楫之盛自古未有太康元年正月濬自成都率巴東監軍廣武將軍唐彬攻吳丹陽

尅之擒其丹陽監盛吳人于江險磧要害之處

並以鐵鎖橫鎖截之又作鐵錐長丈餘暗置江中以逆拒船先是羊祜獲吳間諜具知情狀濬乃作大筏數千亦方百餘步縛草爲人披甲持伏令善水者以筏先行筏旣行過鐵錐輒著筏去又作炬長十餘丈大數十圍灌以麻油在船前遇鎖燃炬燒之須臾融液斷絕于是船無所

吳志

黃初三年車駕幸宛使夏侯尚率諸軍與曹真共圍江陵權將諸葛瑾與尚對江瑾度入江中

無夢園集

千四

楊子江記

渚而分水軍于江中尚夜分時油船將步騎萬餘人于下流潛渡攻權諸軍夾江燒其舟船水陸並攻破之

魏志

梁朱超舟中望月詩大江濶千里孤舟無四隣

唯餘故樓月遠近必隨人

山堂肆考

謝尚字仁祖鎮牛渚秋夜乘月率爾與左右微服泛江會袁宏在舫中諷誦聲既清雅詞又藻拔尚遣問答曰是袁臨汝郎誦詩卽其咏史之作也尚卽迎迓舟與之談論達旦不寐注云臨

汝郎宏父嘗爲臨汝令也宏字彥伯

晉書

白樂天百鍊鏡篇太宗嘗以人爲監監古監今

不監容乃知天子別有鏡不是揚州百鍊銅

山

考

晉賈充渡江謂夏統曰能作卿土地間曲乎統

曰國人痛伍子胥忠烈爲小海唱于是以足扣

舷引聲清激風起晝暝衆皆恐懼充令妓女盛

服金翠繞其鉉三匝統若無聞充曰此吳見木

人石心也

晉書

無夢園集

千四

山

唐袁天綱字客師嘗渡江扣舟而還或問故曰

船中人鼻下氣皆黑不可以濟俄而一男子跛

而負就舟客師曰貴人在吾可以濟矣江中風

起幾覆得免跛男子乃婁師德也

山

傳玄歌有女殊代生涉江採菱華又郭璞江賦

水物怪錯則有玉珧海月土肉石華

山

漢建初中張禹拜揚州刺史過江行部中土人

皆以江有子胥之神難子濟涉禹厲聲言日子

胥如有靈知吾志在理察枉獄豈危我哉遂鼓

楫而過郡邑深幽之處莫不畢到

山

江水始出岷山其源可以濫觴及其至于江津

不方舟不避風不可以涉

家語

德至泉則江生大貝

李

白樂天諷諫百鍊鏡篇云江心波上舟中鑄五

月五日午時書背有九五飛天龍人人呼爲天

子鏡予亦嘗有一聯云願儲醫國三年艾不博

江心百鍊銅

容齋隨筆

沈珍從姚彪貸鹽彪覆百斛于長江曰明吾不

無夢園集

千四

山

惜鹽惜所與耳

山

江豚俗呼爲拜江猶狀似狔鼻中有聲腦上有

孔噴水直上出入波浪中見則有風無鱗黑色

多脂膏以其腦中有井故又名井魚人取江豚

子繫著水中毋自來就而取之其子如鱧魚子

數萬爲羣隨母而行

山

江上多楓樹故唐詩云青楓江上秋天遠

宋張浚視師江上四方之士莫不傾心健將悍

卒見之者必咨嗟太息下至兒童亦知有張都

督每使者至金其國必問汝今何在

今人呼楊子江不知所由名按隋江陽孫有楊
子宮遂名楊子鎮唐改爲楊子縣後陞爲真州
治楊子政和七年賜名儀真楊子江之名以此
楊忠愍有詩曰楊子懷人渡楊子乃以楊子爲
洋子誤矣

御龍子集

楊子集

十四

存笥小草六卷附遺稿雜集一卷

〔明〕冒日乾撰 附 冒守遇撰

清康熙六十年冒春溶刻本

北京大學圖書館藏

冒義元存寄草序



不佞嚮領一麾出守鄖子
國適廣陵義元冒公來令
吉陽吉陽為鄖巨邑且在
邦城之中余所首蒞之地

序一

與公所治之地同昕夕延
接晤對密邇公丰神嶽峙
浩然鷄群鶴立余相視莫
逆懽逾平生聽其談鋒迅
發語語皆練達機宜上觀

百世下觀千載罔不燭炤
數計如指諸掌至群生之
利病風土之淳澆物情之
幽顯則又胸有成竹目無
全牛蓋吉陽負山抱水介
襄郢申漢之間繁劇難理
夙稱盤錯公至而百弊俱
釐六案畢飭俾陪尾雲夢
之區為陽春為冬日為嚴
霜秋肅為皓魄宵澄窮節

序二

騰歡碑聯萬口不啻升座
之歌何暮如中丞臺直指
使者具悉公治行第一露
章交薦固知余言有徵非
阿所好耳余不佞處轂漫

序三

驅拆線無長媿不逮龔黃
遠甚正苦簿書浩汗形神
都困得公為之勸勸佐予
不及凡六城中有積疑莫
決者資公剖晰片言立解

余用是重公如鼎彛倚公
如左右手而心折公則又
如景星鳳凰令人可望不
可即也爰自大庭以迨退
食促膝忘形契洽敦摯一

序四

日不得公一面則余衷為
大不慊公見而無事不言
無言不中知我者公知公
惟我所謂異姓異地骨肉
我兩人庶幾過之非僅僅

一時共事之雅也公早挺
英姿弱冠登賢書聲名大
噪屢上春官不料竟艱一
第余謂以正不必為公惜
彼從來與南宮之選者固
不乏人求其炳炳麟麟駿
楨仕途流馨來襁者榜不
數人人不數事以公振奇
表異籠蓋儕耦即鉅鄉碩
輔誰能出公右者豈但余

不佞北方學者未能或先
耶夫鍾山之玉不能無類
夏后之璜不能無考惟公
以肅鵠翔鸞之品而濟以
截蛟刺兕之才以飲冰茹
檠之操而運以燃犀觀火
之識衆美悉臻有媿必備
即以秉鈞當軸宰天下而
丕登熙皞之隆裕如也詎
區區一令足盡公表建示

詎區區一甲榜是為公重
輕哉逖稽往哲若左馬楊
劉文采著矣而經濟無聞
隆慮長葛茂績垂矣而雄
藻弗彰公循吏名儒合為
一轍以文章煥經濟之色
益濯製錦之光以經濟徵
文章之實不同剪綵之華
即余從郵筒中得公所論
列爰書隻字片辭一一錄

今鑄古役典驅墳禪實用
而勒不朽他可知已憶不
佞自鄖量移備兵荆西亟
歆疏
請以雲杜界公如吉陽晤
對勤勩為快會東事借箸
特簡漁陽情與事違余不
禁撫然如有所失嗣是宦
轍萍梗音問浮沉每懸旌
在摩訶龍游之側偶不佞

謬官司農令子長君過訪
衡齋因出公存笥小草屬
余弁其簡端披閱再四如
挹光儀覺當年同舟之誼
宛焉如昨遂娓娓不能已

序九

於言也如此公著述如林
富有日新惜多散逸不傳
茲編特其一斑然寸莛識
全鼎之味一勺具大海之
觀殺青行世國門名山定

當各置一座奚事余贅
賜進士出身資德大夫正
治上卿戶部尚書前本部
左侍郎督理邊餉兵部左
侍郎奉

序十

勅總督五省軍務巡撫河
南都察院右僉都御史分
巡荆西湖廣按察司副使
長垣通家侍生王家禎頓
首拜撰



存筍草序

此予友冒孺文所為存筍艸也
孺文為馬少保公夫人侄孫予
忝為夫人子偕以故情敢肺附
誼叶宮商非君過從敝郡即予

序一

負曳雉城至則說經說史談古
談今晝則對案夜則聯床蓋不
數執明之手猶煩下堂留髡之
驩不必臧燭者矣故其風襟玄
秀詞旨清嚴英孺文若其博綜

九流戲獵百史英孺文若其擁
麈監江左之錄薪論於西京之
角亦英孺文若說者謂孺文嫻
于左氏有昌歆之嗜以司馬子
長佐之故能驅役筆端挾擲紙

序二

上其鞭風駕霆移山走海務極
其材情而止予曰吾昔擲河東
好國語得其精而棄其滓蘇文
忠得莊子之神縱橫排蕩而無
其旋孺文發負雋聲握三寸管

樹千秌葉一種欹寄落穉之致
風抱耿耿特偕茂登嶧而天馬
拋棧神鷹掣講顧眉戀戀于已
腐之鼠乞露刻木之爲也哉嗣
後孺文出山理世予亦小輩逐

序三

塵不通聞問者數十年猶憶戊
辰秋七夕華堂招讌短髮深杯
彼此俱咽不謂靈鵲河邊遂成
永別所幸副本藏之名山有穀
詒之君子孺文之不朽將存

乎若曰盲史耶腐史耶其殘膏
剩髓孺文能爲之而能不爲者
也

歲在庚辰清和月崇川友弟凌

孫題



序四

存罰小章弁辭

自世鮮通材文章政事遂裂
兩塗以設名法之流尚尚鉤距
爰書之嚴屹若山嶽世所號而裨
若者是已要其風流文采寔無足
觀豈堪入苑苑而登騷壇哉乃若

陳序一

綴文之家相与諧音以節摘條浮
英俾鏗鏘發金石山陽通鬼裨
彬、盛矣抑或採春華忘秋實
尤無益於殿室也論者疑山不
魚鰲澤不摩庶冀得一備衆裁而
稱長者無有爾余今觀儒文冒

先生未嘗不強義論之也先生
博聞辨智微儻非常故翔中飛
外世罕其儔一時龍鰲鳳起海內
鴻生鉅儒輩咸切景從迨其括括
多難借箸彊圉所係佚而經營者
不可勝數即至時格勢禁之非究

陳序二

生者之也詩有之客勿怪事莫敢
告芳無罪無辜謗口謫之先生勉
力從王反見憎毒庸何傷今其存罰
章具在耶而讀之則光明俊偉之胸
特達規時之志見乎辭矣是豈不忠
忠其文章政事之從來乎余承之

膠庠得與今似輩游心儀先生者
久之以不獲一覲繫念為恨雖時通名
刺往履嚮往耳今幸得親芳草以
有神遇及手披數帙不覺喟然曰先生
生於斯道可謂忘其室而濟其猷矣
固知道文麗藻出自性成而多以歲月

陳序三

味以道腴自是而潛所蓄積又安禁其
涉歷無涯故或溫也如春暎明也如秋
江舒也如散綺潔也如玉冰極意所
之神與才會才與法傳直欲襲襲
六為七類頑古人況乎根抵性情
貴以徑術於民瘼國計抵掌詠列



一志抵牾校世之語設工紙上言若何
當千里具首義備即國門名山直可
兩擅不朽余因稽古昔綜晚近以文
章垂政事孰有若先生之炳烺昭
耀橫絕一代者哉注問諸子之序歐
陽曰論大道似韓愈論事似陸贄

陳序四

江寧似司馬遷詩賦似李白余於先生
生之文亦云先生杜門却掃日從事
於恬淡無為年歲及暨常危生之
室煦煦比於僑居海內人士遐興感
發得斯篇而誦讀沐浴之則先生之
文章之政事已大見於世矣今似言

斯篇得於散逸之後憾其未足又
烏知在海內視為珍璧者存先生且
以為徑寸珊瑚也

崇禎丙子花朝日虎林陳賡泰撰
并書



陳序五

叙

習心費耳者多隨聲唱喏
惡知持之有故而口鑒之難
精也自北地教人不讀秦
漢以後雖多宗工墨守

序一

其說幾嚴功令抑讀已而
知其不可讀將讀已而愈知
其不可不讀也試予空同集
中必求先秦兩漢上不可
得獻吉自為政已年當時

王莽武已置喙焉而欲一
語抹殺千古英雄欺人訖
至歷下而公移志飾左馬奔
州推為當代一人將至受其
刑焉之盟而益堅左右袒

序二

乎唐詩一選遂謂千秋定評
公安竟陵諸公特起極其
詆呵而東家公考典所謂知
人之善者而惡好必察焉
為一善云唐詩盡於此一代

沈寬果何事豈忘文人相知
而投進乎道者惡能以流俗
相遺也耶天之靈鑒昭回地
之川岳海峙時外物中流登
而未始為窮文士靈心若動

序三

與相終始唐家金元亦猶
倉庫鷄鶩候玉則鳴而
鷄塵豕零時為之希也
間與多人論文謬謂古今風
氣隨世遷流要惟真才最

維才其則至所不可隨有
經慕自湛不折即位學人
惡婦偶持襟抱情之
語工者自失焉不自思其
才而真才之自不容掩也

序四

其所謂殆天授非人之耶
家季父郡丞公武元氏自
舞勺之年已解贊史屬今
吾不歸師授其是丈夫德豈
最嚴制舉之外不令當選

他童公既癖嗜古文初重選
家訓僅以安頓括帖一囊酬
應塾師免呵責耳然其文
筆敏妙弱冠輒登賢書乃
益縱觀典墳正索屬有所

構泚筆至就終繹者會典
龐以則曲赴其胸懷之所欲
暢真豪端多力廣長恣吐之
而不知其情文相生之所自
得公一舉蹕步如鼎呂乃公

意不屑也惟究心於程躬經世
之學孝親淳至課子誼方居
家樸素務砥末俗奢淫之習
而風格秀整風志澄清不減李
元禮陳仲舉一流人顧獨才異

序六

遇舛屢蹢公車乃竟隳牒為
楚令尹才賢之聲沛然四溢遂
為大僚欽遲特薦充異量移
同守永平叅贊遠尼而大僚實
副復自用莫展借箸壽久之竟

以病廢雖著作甚富亦罕佚
於風塵鞅掌之餘惟余從弟
元穎其主器也趨庭挹澤時
所錄公餘雜草以并簡括數句
所存僅得如干篇都為一集

序七

爰壽之梓有詩數卷盡逸
於游囊晚因卧病久廢筆次
槩不錄嗣氏既俟命余具術
所以為大人先生之言在而余又
何能贊一詞也顧余夙所感於持

論者之多奮辭而竊有聚於茲
集也秦漢邈矣如世所稱誦諸
大家尚書不盡載於人心即我
李何而後號稱中原才子而後
不下數十人蜚弧先登者滿南

序一

婁東麗甄太函寥々數人耳
餘子靡々指不多屈不々取青
姬白啄腐暖殘竄子期而借云
晏以噉名當世而已況其數々々
乎以吾族氏之宏才與學無境

不窮追所見而破餘地視彼拳
拳塞々之質而扼黃蠟澤以賈
技者吾知其不類也則誠所謂
真才也者真則未有不傳者也
夫既悟文而疾即功而廢天若

序二

嗇之穆拜有言曰祿之失者不
可謂不朽而名山之業已居一焉
言之已嗇之而實奢々々々太玄
法之傳々至今豈必朽乎哉吾
聞其語矣吾見其人矣

崇祿九年山厥次丙子夏月

從子超 處頓首拜謹撰



后十

存翁遺稿小引

余童時猶及覩師顏先生筆字
尚憶其筆儀峻整操行屹然如
嶽峙雅尚善古文辭概不多見
後進者咸切仰止矜為玄程筌

引一

仕得真陽令善政累民有神
君之誦建生祠祀名宦祝之以
奏昆調巖邑聿著賢聲尋有
專城之寄迄今兩邑一物歌蔽
常者不玄比蓋不徒峴山龜龍

之石已也當其在高陽時全似
永平公年終舉象先生督課
通嚴刻延孫公顯陽為塾師
豫按其弟愷陽太史於龔年傳
伍中課之衍齋與永平公聯研

引二

席受未為愷陽魁大廷顯陽亦
聯翩玄會不服先生之譽識厥
後永平公英年登捷南希腹
背吻華博洽淹通字內艷稱
作者實先生趨庭之訓有以貽

之也適見先生遺稿僅數篇耳
如獲片玉莊誦而抽繹上言悉
經書字挾風霜知先生吏治文
章才有兼長惜字才不蔽信以
字全效一刻之用卷帙繁又每

引三

患其讀之易竟雖歷嘗一商者
知昇味窺半豹者識全又又何
存乎見少也全孫長公祖拯賦
才標穎尤篤嗜古為諸生有聲
膠庠而今日蜚英大館中不忍

祖烈之湮抑也搜輯遺文與其
先大夫永平公存督小篆并付
梨棗先後輝映相為合璧則
則貽孫謀繩祖武于茲為媳美
矣不佞樂觀其成因致數語于

引四

首簡得垂紫辱天吳之待而被
以繫乎益不勝其唐突已

崇禎歲在丁丑仲夏後學余庚

更生甫頓首謹撰



昌義元先生存笥小篆徵引

今天下搢觚之士汎濫百家而篆字摘白
屬事山詞終不過邯鄲之步傍如之
影響而能為一家以成言 義元先生
不佞外勇尊人也每愧生晚不獲窺其
涯溪側聞才幸天授慕自性鍾承承

序一

馬蚤堂鹿宴他書無所不嗜好駢排班
馬主國有呂欽之餅食息寢夢喜不
以之故其為文動與神會子長即堅掌
悉供其驅役辭之鍊金者采其渣以取
九錢皆金也釀酒者取生母以取九水
皆酒也此巨篇大翰片語小文卒成一

家之嗣以公車謁選得吉陽令經濟文
章暫效牛刀之試迺為幕府所推舉謂
可參帷幄治平任紓

廷東顧之為奈柄事者僅以平州佐
攝遼左司李日惟執掌簿書卒允出
納待至發生乎不測又安能以不親任

唐二

之身為尺璧一木之文哉此耿耿之衷
不能上白甘謏諂之生集唯爾為以
注而已追謝事歸杜門却掃後為
鶴之遷庭代孫惟慙情情吐曾膝而
抒忠藎者謂一時忽之或可他日探之
為事蔽之或可局外收之又豈代為為

有矣可勝懷惜哉廼念外舅長公元領念
生尊人素顧之未酬也爰哀其鄭累之
所獲附以家居所藏書得若干卷為不
過什之二三得倖不佞編集而詮次之以請
於公之璽然曰是存翁之餘燼乃為是
德余之生平哉未生乎有大恨望仕而

唐三

子拙于遇著書而稿在控兵安得有憤
焉者世吾遇發明吾難明之隱隱為心之
痛者是乎所大幸也子盡圖之若曰成
一家之言吾豈敢因不揣固陋輒據
執其言至言易之重三都有諸巨公
雖據在事也子直囑矢云爾

崇禎己亥仲夏上浣之吉孫培張維慶

仍雅公後重石於中軍



揚郡顧湘靈館余家攜其鄉前輩冒公羲元文集徵序於余余聞羲元公以名孝廉出爲楚令再遷永平通守值明季疆場多故未竟所施然其集中作令時條議便宜碩畫井井楚中士民受其煦咻感其誠懇家尸而戶祝之而應山楊大洪先生服公善政崇獎尤至迄今手書累累盈於簾笥公之文孫春溶尚葆持而世守之至於送行一序刻在楊公本集者又無論也初藹

陽孫相國愷陽先生為諸生時
兄弟齊名公隨父宦學畿南相
與共硯席者數載登堂拜母驩
若同生未幾孫公以鼎科持鉤
軸而公尚浮沈郡佐孫公重故
誼所以慰藉公者甚至而公故

序二

淡然書牘自寒暄而外無他語
公之自重孫公之愛人以德皆
可傳也公之由安陸而遷僉判
也薦公者為江夏熊大司馬時
邊事方殷熊公以宿望膺推轂
特疏請公假永平節推叅預戎

務此至軍中執持剛介於幕府
多所裨益其事詳於家傳也嗟
乎士君子達視其所與觀公之
見重於三君子皆一時魁壘鉅
人則公之品亦從可知矣公之
令子初刻其遺文於家塾比年

序三

頗有殘軼五世孫春溶復補苴
而重新之余維今之故家能不
墜其先人之緒者漸已少矣冒
公以一廉吏傳百年詩書之澤
不絕其子孫尚能敬守其遺書
而為之傳世可為賢也抑亦公

之經畫其愛民憂國未大暢於
生前故不於其身而在其子孫
又未可知矣時

康熙五十七年歲在丁酉冬十
一月

經筵講官內閣學士兼禮部侍

字四

郎新擢都察院左都御史掌
院事茗溪蔡升元拜撰

冒司理傳

冒司理諱日乾字義元孺文其號也始以三策薦名南都繼以一官往難東土其德業文章彪炳鵲壇流布象郡可謂前無往後無來者矣予也誼薦芳蘭曷勝九原之歎淚枯宿草不斬片言之矜于是作冒司理傳

冒之先爲勝國東林公兩世贈公瑞以子鸞貴如其官季子鵬生訢訢生承祐公王父也父德慶公負文譽董以恩選領仕版論者謂積中之璧不售而發于扉端之弧此亦張弓之理也母薛大君果以

世廟

癸亥坐草生公矣公清淑妙敏委弁卽補弟子員先是德慶公令高陽公從署中與孫相國愷陽共編摩之業爲鄧文索公所鑒賞

神宗乙酉

舉于鄉丙戌幾奪錦不果俯就一令令楚安陸古郎子國也地衝民瘠一切郵傳之繁脯食率餽請以襄陽應山諸邑協濟而郎民不苦于奔命矣里有冤爲仇家所中卒填園室者經年公至質勸屢詳得從末滅方之于公之德寧有讓哉若夫創書院以育俊復河道以溉畦懲巨憝以剔奸又其奏刀之餘技而烹函之剩緒也臺使者以卓異聞議調京山經

府熊公過安陸欲俱與遼行于是有永平之推贊畫

幕府先後發帑金三百萬公司出納茹藥飲水一絲不染漢涼州張奐馬如羊金如粟抵地弗視何以加焉維時軍興旁午秦紀紛劇公口不輟荅手不停批耳不疲聞目不眴覽似徐穆之一流人會有遼遼策者謂客兵不必調調兵不必用以調兵之餉餉遼民以餉遼之民守遼城遼民果勇習騎射南兵弗及也遼民剛悍耐霜雪南兵弗及也又遼民諸里道善防禦虜至則堵截虜去則歸耕南兵弗及也南兵以不相習之技當不可測之虜遇虜豺見虎則嘶屠民狼

冒司理傳

二

攫羊則啖言言侃論公遼之格于經府不能用島帥與經府不協思以法繩之公曰此莫非王臣也力爲調停而止至寄客兵民居遼人思亂者什九又斫伐城壕樹木盡撤其所爲遼虜者公再四苦阻不聽公材紕于時而心窘于力李左車之并臣范亞父之鴻門可柰何已遼城弗守此一片盧龍玄菟地拱平而授之犬羊公痛哭南嚮曰臣力竭矣遼人愛公護公始達公廣寧歸卷其經濟以其所不盡者發之古文辭吐班欽馬牙橋一議樹功于崇皇兩邑者國議未伸而野澤則護不獨文苑之鉅匠矣公天性孝友其

事德慶公撫弱弟有萊子颺秋姜伯共被之風焉晚
年簡出卽邑大夫或賓朋過從俱謝絕欲一觀其丰
采不可得諸縷縷載魏昭陽誌中不具論論其治行
之張楚理遼者系之傳

隱史曰天之生材爲世用也用而不竟其用豈天之
無意于斯人耶樹穀者豐壤亦無全獲留存餘以還
造化耳所著存笥小草孺文之不朽將在茲矣

崇川友弟凌燕石侯父著



閔文姓氏

孫承宗愷陽

高陽

王家楨軒錄

長垣

葛寅亮岷瞻

錢塘

高出玄圃

萊陽

程註芸閣

孝感

楊連大洪

應山

姓氏

吳弘功鶴澤

江陵

樊尚嘯鍾陽

進賢

吳嘉賓灕石

巴縣

甘籌大衡

安陸

王珍錫大還

咸寧

王念祖孝先

武進

蔣允儀澤壘

宜興

姓氏

韓上桂月峰 番禺

陳賡泰廣集 杭州

管鳳鳴 江陵

蔡龍文紫璜 莆田

羅後亨貞之 南昌

于緯小穀 東阿

李秋方 蘇州

徐維理 興

門人

熊應元長人 安陸

寇登良 安陸

吳周 安陸

丘奔畊 安陸

劉奉永 漢川

姓氏

孫壻

張雅度伯雅

李之聘夢名

兄

夢鶴汝鳴

侄

趙元公

趙雲

編輯男

孫秉祖拯

李秉祖祈

原刻泰開姓氏

漢陽周嘉謨 許士

江夏熊廷弼 芝岡

高陽孫承宗 愷陽

長垣王家楨 軒篴

錢塘葛寅亮 此瞻

應山楊連 大洪

景陵鍾 惺伯敬

姓氏一

萊陽高 山古國

孝感程 註芸閣

易山魏應嘉 賓吾

東阿于 緯小毅

義興蔣允儀 澤墨

杭州陳賡泰 廣集

編次姪

趙處虞 冲

起宗 崇少

男

繇表 元穎

孚表 祖穎

四世孫

志同 于野

余垂髫時即聞先君子口述永平府

君之學行比稍長捧書入小學會先

姓氏二

君子方搜集公之遺文謀重梓以行

世蓋去崇禎間元穎公刻集之時已

百餘年漸殘缺矣梁木蚤頽自傷孤

露追維先君緒言宛然在耳懼祖宗

遺書或久而放軼以重藐孤之罪也

乃奉先君遺意搜補而重刻之並識

其歲月於卷尾五世孫春溶謹記康

熙辛丑夏四月

存簡小草目錄

第一卷

叙文

贈德安太守王公入 觀序

贈其巡湖西大叅彬宇劉老先生請告東旋

序

賀明洲高大夫奉中丞臺嘉命序

贈畢大夫公奉御史臺嘉命序

賀王邑侯三載考績奉直指薦序

送邑侯王公遷刺史之沔陽序

存簡小草

賀張聚薇父母榮獎序

送李素軒父母入 觀序

賀邑侯王大還父母榮封奏績序

鹽運分司李公陟雲南提舉序

贈邑傅李潤堂擢諭西充序

贈臬邑尉侶竹黃君遷楚藩序

贈章希亮游太學序

賀希宜范君授鴻臚序班叙

贈石春谷授例授廷尉序

賀為弦室新第成序

熊新宇制義序

抱璞編序

贈陳生

壽錢方伯六表叙

壽新泰令李明戴先生八表叙

壽明府左泉盧公八表序

壽章近泉七十序

壽孫母薛氏孺人六表叙

壽盧外母石老孺人八表序

壽許母張太孺人八表叙

存簡小草

芝簡 壽張太親母蘇老孺人七十

傳

李學傳傳

張烈婦傳

第二卷

碑

邑侯宋公泰鏐去思碑

邑侯王公太還去思碑

揭港守備管公德政碑

記

督理蘆政太監關西党公碑記

議

塞牙橋議 戴縣誌

鹽筴議

清優免議

所籍優免議

發賑議

覆書院議

驛傳議

供應議

人役議

應山馬價協濟孝感議

酌官徵潞租議

江濟水夫銀附司解部議

鬻茶議

保陳小衛父母免 覲議

記

重修東水關記

疏

重建關帝君祠疏

修城隍廟疏

觀音蘭若募建三官閣疏

徙築泮池疏

禱神土地疏

策題

楚涓較士策題

第三卷

行狀

明嘉議大夫順天府府尹淑湖錢公暨配封

宜人許氏行狀

墓誌

明先室盧宜人墓誌銘

明廣文先生顧紫垣暨配冑宜人合葬墓誌

銘

明登仕郎淳梁簿左泉盧公暨配仇孺人合

葬墓誌銘

明文林郎上津縣知縣直懷王公暨配饒孺

人合葬墓誌銘

明處士陸公少坪墓誌銘

祭文

祭錢京兆

祭錢南崗

祭顧都憲文

祭邑侯劉希玄

祭郭封公

祭李一川

祭李篤生

祭馬心田

祭承天陳節推封公

祭顧正吾

祭顧東川

祭宋年伯文津

祭范少泉

祭福清令張雲臺代

祭友人代

祭麟郊叔祖

祭薛興齋外祖

祭章文橋

祭石鄉環

哀孫君代

五

祭左泉盧公

祭文學張四維夫婦

祭環川叔

祭盧姊代

祭王兩孺人

祭許宜人

祭上輯軒太夫人

祭范母姑媳

祭盧母

祭周母

祭叔母陳孺人

祭劉孺人外祖母

祭孫母

祭長妹

哭長女

祭馬岐石

祭宋新昌

祭汝南宋封公

祭陳如岡大司馬

祭廣文羅先生

六

祭顧母

祭錢繼岡姑丈

祭顧母并兩似君

祭薛紹龍母舅

祭盧象山岳翁

祭盧岳母石老孺人

祭余信菴夫婦

祭余信菴夫婦

祭顧中垣親翁

祭李克生

第四卷

四六

敬太史孫愷陽窓丈

中秋敬張聚薇父母

敬周明陽父母 壬子秋送學

敬吳澈如年兄

敬張聚薇通州太守

敬張聚薇

敬馬梓石表叔

敬褚元水年兄

送學博計偕 舊輯縣志

敬張水部

敬陳父母 代序友

敬鮑司理

敬糧儲道

敬德安王郡尊謝薦

敬王郡尊入 觀

敬王郡尊入 觀轉分守道

候德安節推吳澁石分較武關

敬都諫楊大洪

敬蜀巴吳封公

敬王方伯考滿

敬武昌守道劉公齋 萬壽表

壽糧道陸公敬

敬王太還父母

贈王大還父母同擢京兆別駕幃語并詞

尺牘

覆吳澈如年兄

東袁九際同袍

東袁九際除開封丞

東錢淑湖周卿
東陳小衡父母
東陳小衡父母
東晏懷泉
東晏武進
東晏懷泉給事
東王冲吾
東錢還補
與杜明府
與桑南梅
東江大名震宇
東顧東岱年兄
復王顯思年兄
東丁澄宇年兄
東李湛臺年兄
寄王顯思年兄
東石鄉懷親翁
東吳涵海其馬
寄喻時齋
與友人

東王督戎
與黃思泉
上孫顯陽老師
東孫顯陽老師吏部
東職方孫顯陽老師
復孫愷陽太史憲丈
又
東宮允孫愷陽
上張聚薇父母
復陳望臺父母別駕衡州
上周明陽父母
復宋泰錄父母
上宋泰錄父母
復宋父母 <small>補任薪水</small>
奉薛衡紀母舅
東雲間李公實
又
東白下黃丈
與謝明宇地理
與友人

東李公實

東宋泰宇年兄

與顧紫垣

與薛存吾

與吳善夫山人

覆彭定州

東馬九真

東顧中垣姊丈

又

東郡中同袍書

寄簡小亭

目錄

十一

下十三

東顧紫垣妹丈

東褚元水年兄

覆陳父母

東友人

東給諫晏懷泉

上屯鹽道憲副朱公菊水

曹德安太守

上荆西分守泰知高公

上樞儲道憲副劉公

東樊鍾陽應城

東樊鍾陽調示江文

又

東隨州晉實丈

東諸鄉紳

東計部楊峒嶼

東顧玄嶽年兄

東應山楊大洪都諫

上方伯王公

東柯太守

上樞儲道陸公

上屯鹽道朱公

寄簡小亭

目錄

廿一

上吳推尊澧石謝薦

上王郡尊人 覲

東呂公原

東洛望熊父母

寄李龍門親翁

東李漢冲親翁

又

覆杜尊義

東袁州汪司理

東宋楚侗

東懷柔唐明府

復周蓮峰年兄

東錢惺宇年丈

又上王郡尊

上分巡荆西憲副陳公

東雲夢黃寅丈

上禮垣晏懷泉

東王大還父母

東蔣澤壘侍御年丈

覆侍御蔣澤壘年丈

存詩小集

目錄

十三

一七七

東吳鶴澤父母調繁江都

又東鶴澤吳父母誕日

第五卷

獻語上卷

第六卷

獻語下卷

存笥小草卷之一

廣陵冒日乾義元父著 五世孫韓

贈德安太守軒繇王公入 觀序

王公爲尚書地官大夫出守邳千凡再踰朞治平爲天下第一邳介郢鄂間北控中原稱嚴郡實瘠壤也幅員狹而民貧千午道啟繇繁賦重蒸莽溢望城郭半虛閭闔蕭然不知有生之樂焉蓋拊綏鳩輯泣者達遄難之自公爲邳子一意興咻與之更始爲五約以程屬吏節愛惠養所可以佐百姓者不惜以身殉之屬旱被爲崇公率將吏士民躡屣步禱踰月彌虔存笥小草 卷之一 序 三七十五

已而歲大稔民嗷嗷櫟釜相視莫必其命公亟下教緩常賦勿徵奏記部使者罷輓漕以鐵代已乃條上荒政十七策發郡邑積儲粟數萬石復出帑金告糴于湖湘以益之以首春按籍而大賚焉民寒而不能火往卽飼于官恃爾耳公以爾可投潘易厲也乃易以針人一簞自郡城以迫屬邑日餉踰萬人四閱月而罷其次予賑其次予貸又其次予平糶又按贖鐵數百緡以便宜予民而踈秋以穀償發卒治渠荷甿者三千人人予饒日七升決月始竣寓興發於工作固救荒一策也公旣以在郡日臨視支節蒙袂狀而

惠收之則又馳而之屬邑傾困括藏遍存枵腹之衆咸使果然老稚扶携搏頤車下公歛歔揮謝之益獨以身往卽中涓不得從俱煩廩人也邳人賴公全活者以數萬計人人謹舞謂非公實生我知捐于溝壑矣而公亦以夙宵拮据神殫而頹爲悴焉公曰嘻頹悴何患患民色菜爾公勇于興釐卽民所欲舉立爲擘畫諸靈偏爲貽爲民患苦悉蒐罷之郡民故勤于杆機四方之市布帛者麇集旣而絕不來生計日縮公下令罷開市之征招徠商聞漸至城西閭頗河歲爲水噬公環以石堤其長千丈高踰數尋夏五水

大至賴堤禦之無蕩析憂潯藩賜租增多倍徵吸髓烙膚民痛次骨公歸催科之柄于有司而約其羨什而靡一百姓若出湯火安陸賦額重役者窺籍千士紳以免繇免逾多賦逾重民力竭矣而士口甚囂當事者數欲滌之而未能決也公毅然汰之歲減賦數千金屯卒出穀以餉材官蹶張而猾胥上下其手使甲乙更兌賂多者與善屯罷卒苦之公稽尺籍爲繇次以某屯受某不相借也先是輓卒休沐所餘裝于五百緡久而爲羨鎗公稽故府得之以畀卒爲今年裝調歲賦一軍戴之公尤廣厲學官簡俊又而陶之

一語合道嘉興獎進而又築官授餼以大莧士而修業焉是秋獲解者十二人人文斌斌起矣公敏而具慧識事至卽時決遣無留牘而又善矜物情兩造譴張以片語折之各厭其意去執法不阿豪暴子弟恃勢扞網以三尺繫之無所縱舍而持議平不爲訥詆其以呈誤嬰微盤務解姚予輕比焉新店哨捕盜多枉濫赭衣銀鑄疊疊而至時獻得其寃狀破械出之馭下嚴不假以頗笑桀胥黠吏凜凜不敢嘗一語與人惻欵見其情憐一票于至誠而冲虛負朗鑒善相士任人務盡其才士以此益歸之公問遺無所受贖錄不取日用薪粢鹽政先予平價不以煩市令郡篚縑千歲輸京師而以餘縑上公府隨陽之漕粟歸美于郡帑亦歲以爲常公咸却之額賦二千五百金名府米強半爲公使錢公悉推以旣廩更士靡留者絮已勤民操嚼然不滓其廉同天植也以故再踰背而邛大治庭有清颺間有杲日野有膏雨治行遂爲天下第一其以入 觀行也邛之旌倪矜赫裴徊佗係如嬰兒啼乳不能一時去母懷而州邑之長奉公德意以子惠元元凝于公左深咸邑邑若不勝情者因屬不佞某使擇言焉余惟公郎比部時獲僞篆事連

存詩小草

卷之一

序

三

四

銓曹公悉按治不貸士論題之其以司農督儲濟上也餉士法米與金錢相半而公以歲稔用便宜盡給米米翔貴先給者得善價愈後愈減稱不平公持籌部署數萬之儲以一日出之無譁者齊人賴之卽人以例格公公不恤也及公空廩以賑邛而臬使者亦驕囁謂宜稍留時以備急公撫然曰今急矣而不圖又何憊焉卒不爲撓能天靈遂以有年輸餽相屬倉庾復充然後知膠柱處鐸者難以語非常之原而公之才之美爲匪夷所思也蓋公識膚則不眩于幾量淵則不局于受守定則不撼于剿三者脩而出之淡泊之宇劑以精詳之慮持以兢翼之衷斯以稱天下才而以搏挽一世裕矣奚有於邛今程氛告警 當宁交席大眾宰上公計而 天子嘉之且以鈞軸留公不得復私邛矣夫公蒞邛則澤在邛公去軸則澤在天下然而澤在天下未嘗不在邛也相道得而萬國理邛尤其所首暨者耶邛人須矣

存詩小草

卷之二

序

四

三

贈兵巡荆西大叅彬宇劉老先生請告東旋序
傳平劉公泣楚而天子南顧津梁之上無宵旰憂乃
移鎮湏總五閱月遽以請告去湏之守若令以及父
老子弟奔走留公咸欽欽佗僚不能已已而竟莫挽
也公以名進士起家爲廷尉平按行冤獄拉明凡之
譽出守淮陽卧而治之多惠政已爲治兵使者按察
彭城肅度貞軌吏畏而民安之所至炳煜咸言底績
而其最著則在楚楚幅員廣歲輸漕輓幾半南國唯
是民力竭矣又人輕剽易動除戎戒祁于時爲急而
玩者徂焉公初入楚以藩叅王備政則綜十五郡之
芻粟而調劑之去美去溢三量皆減一焉于是人樂
爲輸而舳舻鱗次踰淮涉河無後期也大司農課公
績最晉公泉大夫已又晉公叅知政而以湏屬公湏
雖小郡北通申汝西控樊襄亦漢東一扼要地而武
備單匱兵不滿千蓋先後臬使者未嘗一憑軼而觀
焉公註謂官以儲兵名而目不知兵謂職何于是立
中軍以統之爲大蒐以閱之稽伍符較騎射陳藝簡
乘而精彩一新士皆夾拾矣國之大事在食與戎而
紆繭絲于閭閻崇保障於輶鈴德莫厚焉威莫戛焉
江漢潛沱間其沐浴公之膏澤而徽赫濯者寧有既

哉而公不寧唯是也日諏湏之疾苦而煥休之興祚
學正服色嚴衙官清案牘輕繇薄稅諸規緒總總嘉
與百姓更始而充鯁鯁荒政從郡大夫請出谷萬石
以大資於湏使稂莠之遺黎得飽半菽不捐爲溝中
瘠者皆公賜也方交秋時霪雨彌月且泄瀉矣公禱
于神立霽變乃登其精誠感格如此蓋公之政最著
在楚而其被德尤深則又在湏湏之人方尸而祝公
謂公寔生我而詎能釋公去乎則湏守若令以及父
老子弟欽欽佗僚以莫挽公去爲憾者固其懷恨不
能已已而公於此時亦豈能遂恣然哉雖然公不終
去湏也公碩望在朝廷膚猷在郡國蓋當寧傾注久
矣旦夕召公起田間而以節鉞鎮撫楚則湏其所首
賢也湏人士俟之

賀明洲高大夫奉中丞臺嘉命序

國家列令長授我民則有若郡大夫若監司陳臬督程之而按之以部使者于是總之以中丞臺中丞臺歲簡守令以下能其官者檄書勞之維是明洲高大夫以治行首列焉夫中丞臺視古四岳連帥之任進良莠采所賢不肖必登之天官卿天官卿上計吏之條得失名實必視中丞臺所推舉至起家通顯以故郡國令長非規緒卓異竭忠盡智以俾實有不叙不得一當於中丞臺而乃今於大夫丞推轂也豈不亦異數哉夫廣陵帝股肱郡也而臯允瘠大夫以不世有荷小節

卷之一 序

七

卷之一

少大夫且亟旌異謂大夫何所得長者之政而行之而後乃今大夫益愈益自信操其成軌以迄有底績稱古循良則中丞臺稱知人大夫稱達志矣大夫以經學鳴天下揣摩墳史而出之其文雅馴度越一時迨今持三尺從事簿書然不廢學也人謂大夫政事本于文章而儒行飭之史治不其然與先是大夫爾奉御史臺若同署旌今再奉中丞臺中丞臺視御史若同署實與重焉蓋元元信之如列眉矣天子旣罷江陵相之政與天下吏始務爲一切渾傳敦大之治以佐百姓而乃如臯之政實有長者之風稱上

卷之一

卷之一

卷之一

卷之一

卷之一

卷之一

指意中丞臺行言之上厥有顯庸以尚乃不綴余見大夫功業在廟廊而風采在天下也

贈臯大夫針公奉御史臺命叙

蓋歲熟火之次而江淮饑臯尤異甚上聞以爲憂拊
卹曰嗟乎嗟與紆余民者而往令之大家寧舉濟陽
針公先是公未至臯民啓啓空徒四壁立而原有粟
不得發旦夕覆釜泝泣相視獨則呼賢之聲舉突聞
閭則吏攘臂而呼某通賦某貸某某告緡舉舉連
對簿矣民愈益駭展轉歸頭什九爲溝中瘠者公乘
適而至則從遮公與涕承於膝公圖視大息曰嗟乎
誰使民實罹此極也而終不一手援以周與憲王澤
而旋天和是責在我于是下令主粟吏毋急請令
有司小率
年租諸株引逮繫嬰微盤而獲大創者立論出之發
在吏之粟以與饑者宴而不能火官爲糜以餉之爲
白上移粟如干損值以與民糴又三老以徇于境中
相鼓以義能出粟佐民者得檄書勞焉蓋浹月而枵
腹之衆人人含哺以有生色也然力本絀矣方播穀
時而野多懸耜者公請發帑金省其不足而助之田
民甫田又早燠苗則盡稿乃素服麗舄齋禱惟虔天
乃雨歲已復稔則力爲懇裁上部使者又蒐民而平
其徭因微軫最甚憊者脫之以無重因此災獨也民
以此益激於公驩然誦義謂公假令復一日不至將

吾儕小人靡有遺孑而萬一有當歲始得公來哀而
生之不至罹此極也蓋德公深矣政聞直指使者署
公實循吏檄旌公而不佞乾則以播于衆曰於錄矣
御史知公哉漢循吏則丞相霸水衡使遂並以治郡
顯然左右都畿民困而吏不恤以使負鉏之夫帶牛
佩犢孰與夫穎素善地而又京兆尹馮翊所先後拊
循士大夫也繼治世者其道易更敝絃者其道難斯
大較矣以臯如彼以公治如此操刀而當族譟然士
委于以眈遊刃於有間者孰多焉公嘗語余天則奪
民食而令歲饑然饑而能令不害者又往往旼應之
其好生固也令實生民而歸之歲曰歲矣胡父母爲
而要于百姓奚賴焉是真有予辜已饑之思者哉何
論漢吏也今 上方勤於總核之務以拯卹時艱而
臯大夫獨五閏月而報政稱塞德意行不次顯之以
風于天下將海內氓均被澤焉又寧惟是御史臺一
褒書足概公也哉

賀王邑侯三載考績奉直指薦序

代

今上世有三祀歲在降婁之次南平王公爲我事逾三載例報政于是邑中列公治狀上郡大夫若臺使者暨御史大夫咸督公考高第語人人媿也而直指使涇陽牛公適已於事而較首疏公治狀薦之 閏下若曰臯令某材識諳練政尚惻惻際戎庚則保障一方興教化則絃歌百里治行當爲第一帝曰俞哉其下大冢宰省中覆覆上如直指使議制報可于是薦紳間翕然多推轂如臯政者余時自侍從徒領司隸在交戟之下瞻直指狀既自幸喜乃薦紳先生存菊小章 卷之一 序 上 四〇二

將不可勝用也倘能豫矣三老司鐸諸先王之謨令目計國人而訓之其有不率者但任爲條約紀三因而狐鼠外則狡獪貪緣爲姦逮治罔縱能用典矣其民之贊也徒者徠之餒者粥之士有加惠孝有勞施澤周溫矣蓋大夫爲臯而政章章如是今牘上語第學擬耳未具論也于是薦紳先生指臂高蹈曰美哉沮洳乎如臯政哉直指上之稱知人矣今海內凋敝上凜凜憂之而吏無以稱也高者矜其請張卑之曲爲纖翰百相炫也百相媚也而使者不察輟署曰能夫請張被褻則惻惻者皆矣纖翰延譽則請練者細矣卽保障之長才絃歌之雅化夫孰從知之而又孰從薦之故令長皆如臯則上有實意而下不以名應也監司皆如直指則下有實政而上不以名闕也名實嚴則吏治飭吏治飭而海內又矣余乃避席捐手而謝之曰臯大夫誠賢得直指疏而彰得薦紳先生之問而益信余不佞實有賴焉且余聞之令甲郡國史逾三載考而有直指薦者例當封臯大夫其庶幾封乎薦紳先生曰然余於是輾然而喜更爲書聯鄉之父老曰臯士氓亦厚幸矣哉大夫之封不遠矣

送邑侯王公還刺史之汙陽序

楚汙陽缺守銓曹以聞曰維某其可乎乃命之
大夫南平王公晉刺史守汙陽先是銓曹既徵郡國
長令賢聲優著者補給事御史漕臺司徒諸公首以
大夫應詔大家宰孫公列大夫牘前上請會上意不
欲丞相官既留中御史大夫襄公復奏記請如家
宰議不報而一時長令列牘前者資當還不得久待
次乃稍稍徙尚書郎州刺史而大夫政得汙陽汙陽
襟江帶湖右控鄖郢北走唐鄧爲江漢間一都會當
事者藉大夫之重卧而治之蓋簡畀也大夫爲臯幾
有司小阜
卷七十一 序
五載節愛牧養一切與民休息義里甲禁科擾勸樹
藝撫流移繕城隍除戎戍嚴保伍申鄉約所可以佐
百姓者不辭力爲之而大指務比於寬仁民以投牒
至率姚解之不爲苛詆即稍傳爰書亦每傳生議文
無害曰奈何當盛世而毛舉驚擊令民重足爲其惠
心獨孚蓋天性固也諸大吏行部往往稱臯大夫長
者競下檄書勞之而中丞臺若直指使暨問卿先後
薦之闕下璽書進大夫階封大夫父如其官母妻皆
爲孺人制詞崇獎輝映一時蓋當宁推轂大夫之日
久矣耳目之寄豈有愛焉而以汙耶漢宣以蕭望之

明經持重可大拜爲欲詳觀其政事乃從少府出守
汙陽而宋制京朝官非歷典大郡有不得入爲將
從蓋刺史綰維綬擁朱轡南面而提吏民上宰制在
手興除任意其才請易爲見耳當軸者雅知大夫非
百里才而臯彈丸地小不足展騁足非歷試難以觀
其全故以汙陽移大夫政詳觀大夫之政事而大用
之也環銓司條議守若令均親與令得入而後官而
郡守高第不過尚書郎無以酬異等謂自今用部署
改父郎故事刺史得入爲給事御史此政大夫雄飛
時乎大夫行矣以治臯者治汙陽治行且爲天下第
一
有司小阜
卷七十一 序
一天子親楚上計書而雖然喜曰汙陽守良二千石
昔者嘗令臯家宰以冬拜薦者也豈不終不爲給事
御史哉

賀張聚薇父母榮獎序

江淮以東傳海則臯稱善地云頃者吏衰而民窳事
傷蟻蠹叢蟻集邑大夫率以替月過徙去蓋三年三
徙令矣薦紳先生至懾懾相戒臯不易治于是大冢
宰簡海內脩砥行倜儻非常之材以寧東土而斷
春張公實被命令臯公蓋三閱月輒奉觀察曲公勞
書云公長者所治務持大體不撓發苛細而節愛惠
養所以佐百姓者不憚與之更始也故善訟訟輒
引諸生爲左證類首對簿令長病之公至首進青衿
而與之約所有事于僊之室已爲政而令不爲受理
令負士所非已爲政而謬以涓令不敢阿士且士
業以被儒服稱譽髦口暮翔翔青雲之上而乃匍匐
廡下消跡輿臺獨謂上氣何士聞公言靡不灑然革
心易慮者蓋士習爲之一變而公復時時爲揚挖經
義月必數臨較試之又謹視官牆計其圯廢而加飭
治焉會邑有大駟于令甲公爲白上得令出贖錢爲
庀材費士以此益歸公人人誦義矣大江經邑南而
善噉蓋三壤委之洪波者七十里有縮畝而無減賦
世世患苦之頃歲稍聚沙水中百不能一而郡復籍
以餉士又虛增額至十浮其七民不堪重困矣公再

涉江而南躬履畝爲履實釐之不辭率也治渠之役
市驢十餘輩負綠窺名董治爲姦利公罷勿遣擇一
人爲植而已迄渠通而卒多受平賈渺沒使者掘港
軍興故仰給臯第以名餉不得盡覈也公走海上按
籍大蒐人召而人餉之較愕然至不得舉其契爲免
胃謝久之始解比歲不登荏苒多警巨盜基者黨數
百椎剽澤中公嚴沈命法發卒捕治之赭衣銀鐐日
竊而就縛公一日行部東遇揭竿于途親部吏士鼓
擒數人益以益強稍稍進三日杜高枕卧矣公論議
娓娓忘中治經而冲虛能下問請所規緒必嗒嗒咨
於故實其遇士大夫推誠折節咸當其情人人謂公
親已至聽兩造亦曲爲開譬務多解曉卒未嘗巧詆
之蓋三閱月而政聞觀察使者檄書首勞焉實異數
云余不佞旣溉于公深而樂公之政聞也乃從鄉之
縉紳某君走慶庭下而君更屬余屬諸言余惟公楚
產楚材故甲於寓內公先大夫方伯公殿歷中外爲
當世名臣而公以碩彥蚤捷楚關克昌其世至臯下
車輒慨然謂士氓曰先大人清白貽余余今無樂奉
以周旋罔敢失墜遇佚其家聲爾有衆誌之此以矢
也以故政行三月而德意翔洽榮問鵲起所從來矣

久之政成部使者且言之上而天子股肱耳目寄之
于以踵先方伯公之令躡則公之宏施寧有既哉余
不佞拭目蹙矣

送李素軒父母入 覲序

今上御極之四十有三載郡國令長以上計詣闕下
臯大夫素軒李公當行邑三老薦紳先生博士弟子
麋集中丞臺御史臺留大夫母行中丞陳公御史唐
公雅憐憫臯人意而又心善大夫之能得臯民也爲
特疏請事下大冢宰以例趣大夫行大夫竟行臯人
士念不能輓大夫行意怏怏不能已于是鄉縉
紳某輩儼然造余而問曰冢宰統百官均四海而中
承臺以節鉞鎮撫一方御史按郡國稱直指唯是共
將天子德意以進良采收又安黔首故中丞臺御史
臺所條上科指冢宰按牘而覆之不相盤也今兩臺
慨然爲臯民請命而冢宰以例觴之何居無乃非共
勤百姓意乎且大夫之爲我臯也周澤渥矣臯介江
淮間稱瘠壤大夫以命世才鳴琴而治之發奸擄伏
纖惡弗遺率作興事百廢俱舉其大者塞牙橋溝漕
渠繕崇樓捕巨鹽清徃積庾諸規緒總總咸言底績
于是未期月而政成聲翔洽薦紳間直指王公謝公
問卿劉公先後踵大夫治行上之而其他監司部署
以檄書勞大夫者踵相望於道蓋臯人慕而戴之不
能一日釋大夫去獨奈何以例格中丞臺御史臺議

也豈其惠愛編列而懸賞之乃以例爲辭詭謂東顧
津梁之上無有急難哉將百姓奚賴焉余曰嘻諸君
子以不能竟留大夫邑邑不能無望耶雖然冢宰非
闕民隱而情大夫政也自大夫蒞茲土而治行爲寓
內第一兩直指暨周卿相繼疏大夫政藉甚 天子
心識之茲政上計時郡國吏羣集闕下有如 上顧
冢宰問阜令安在何以治阜使盜息民安亟爲部使
者推轂也令是時大夫而不與計中安置對又安所
受長者之言而稱之如王生語渤海稱塞 上指哉
冢宰不難格中丞臺御史臺議而檄大夫趣入計者
存寄小 卷之一 序 十九 三

其在斯乎大夫行矣入伏謁交戟之下具陳阜民疾
苦狀 上聞而憫之駿發曠恩嘉與百姓更始則大
夫之覆露阜也豈必不以上計行耶而又奚悅焉諸
君子輟然高蹈曰辨矣子之言而後乃今得聞此也
然有布于子 令甲守若令著勅倬絕不俟報政得
驟迁大夫已於計事而竣卽奉璽書錄異等以大夫
爲給事御史願從 闕下復借冠君河內其許我哉
余曰其然許諸君子矣

賀邑侯王大還父母榮封奏績序

國家功令 天子有大慶軍恩郡工馳封所自惟京
朝官得有之其後浸廣德意施及外吏亦惟藩臬牧
伯寶蒙簡畀不桀暨也今 上初元益擴殊恩諸郡
邑之長治行輝赫數奉薦疏署上考稱卓異者得不
次予封與中外大吏等于是阜大夫王公以入覲在
闕下躬膺寵命階文林郎太公郡學博封如公官
毋太夫人夫人咸封孺人捧璽書而旋蓋于流膏霈
澤之中而寓嘉善旌賢之典誠異數也公 觀旋數
閱月卽以考滿奏績臺使者若鹽司郡大夫人人誦
公治行爲海內第一踰聞應封而公業先以卓異封
矣夫三管之褒希世之殊榮五服之章生人之希邁
以奏績封固難而以卓異封尤難也公爲阜三月而
民甦替月而化浹三年而政成葦鬣序領多士而時
肆之則使又興矣歲役民饑窶而不能火者爲糜以
食之則溝瘡起矣大猾竊投匭之權以誘盜人而獵
其貲人畏之如虎公艾之引繩批根空其窟穴則蠹
賊屏矣市井羣不逞椎埋探丸作姦扞網者藉而懲
之威懼不敢肆則稂莠鋤矣力拒羣困之加賦而沙
兵之逍遙江上者汰之使不復冗食則民力寬矣闢

惡有禁凡以機逮者罷勿與第爲白見其事狀而上
亦輒然聽之則強梗懾矣息訟簡呼而薄其贖兩造
紛然以片語折之人人厭其意去則厄弱殺矣諸善
政揔揔未易更僕數而至其自御則矚然不滓水孽
之操雖懸魚留犢不足喻也蓋其廉足以勵世其斷
足以當幾其惠足以孚衆其定足以鎮勢其誠足以
動物其肅足以燭遠而又務持惇大不爲毛舉鷙擊
以博名高至于撼之不撓清之不動如摧縮燭雲焰
而退巨室虎而翼者旁午于庭而公力持之巨室得
以無害自非毅然有執而確乎不可拔者詎能擔荷
乎以故公入觀而民徯之若望歲焉公觀旋而
民依之猶解倒懸也安危介于一時愉戚判于俄頃
公至之日阜之人望前旌而郊迎其僮呼鼓舞之狀
從來父老所未睹也豈不卓然而異于世之從政者
乎方今國步維新求治若渴上旣不次封公且不
次召公矣公秉鈞軸而以治阜者治天下其德澤
之所究又不于阜首被哉

鹽運分司李公陟雲南提舉序

今國家鹽筴蓋極敝矣其原自鈔法廢始也夫國家
藉民使煮海爲鹽鹽成而輸之縣官酬以鈔數楮止
矣卽有餘又不得挾以自潤第縣官爲出值收之亦
鈔數楮止矣此鈔數楮者準以緡錢不能易斗粟也
夫煮海之夫披荆棘觸寒暑冒霜雪颶風之所侵烈
日之所暴胼乎胼足以僅成擔石之鹽而易不能斗
粟則有束腹餓耳奈之何不困且盜乎以故江淮間
私販四出高橋大帆負矢挾刃至羣逆使者之頗行
而不能禦也永和李公佐謹兩淮目擊而心慨之曰
吾不能使法之母予鈔也又不能強民而使鈔之必
行於下也然投醪於水飲可使醉拊而巡之豈遂爲
夾纊而士忘其寒者何則募義無窮也吾不能廢法
而有以濟法之窮不能強民而使民常見德焉庶其
有瘳乎於是節愛惠養一切與民休息民告饑公出
粟餉之復爲糜以食之民病疫公躬往存之復購藥
以給之民有轉徙去者公召使復之復乎貲以安之
額卽靳充而要束不苛催卽務完而撫字不廢胥吏
閱情以巧伺務搜其弊無使蠹民總役負饒而苛細
務抑其橫無使瘠民與臺儲法以求精務簡其追呼

無使廢民卽民意所欲舉必爲措注卽民意所欲除必爲罷置郡人有與寵爭田者積歲不解部使者若郡大夫以至旁郡之守若倖行部東按之以十數多首鼠兩端莫爲堅決公毅然持議移牘誼臺爲白之各厭其意無敢譁者蓋公之于民可謂至矣以故自公莅兩淮而民喁然知有生之樂焉困者更憊者起逋者復恬衣愉食而鼓腹乎東海之濱豈復往者遺黎哉民力饒則私鬻息私鬻息而正額踴躍樂其庶幾就理手雖然銀帛易而邊虛輸課重而償倍奏帶行而實開守支若而商困又寧唯是鈔法廢哉譬能存可小革

卷下 一

王

三

治之而上不使此賈生所爲太息也公今以迂濱行矣以治淮者治濱三載報政上繇是益知公之果深於鹽筴也且不次顯公舉海內睦政具以屬公使釐刷焉將國計民生尚亦有賴哉

贈邑博李潤堂擢諭西交序

國家推擇明經行修者布列羣國爲諸生師其道嚴重內視上庠分相等而綜文典冊優游著作之林至與芸臺秘署並稱文學吏蓋華秩也我臯闢學樹師擢臯比而托于二三子上知凡幾乃以余所睹記及長老論說硯躬飭教師表人倫稱國家推擇至意獨有黔中李先生云先生天授自奇而取材甚富窺二酉之秘藏其中不減武庫而雅嫻於文辭弼中彪外踴躍百氏爲菟林飛將軍至駢四驪六組官織商令觀者辟易尤獨建旗鼓于是聲藉其薦紳間學使者及藩臬郡大夫咸推轂之試必哀然前矛而黔中才豪士惟先生實執牛耳矣顧數絀有司不得雋久之以明經待歲非其志也先生舉明經明年總踰強仕得除爲郡邑吏而薄簿書不爲乃以博士之臯先生之臯則晚祿常度棲志大雅謝費却修惇執振乏士游其門者如坐春飈暴冬日人人自以爲得師焉先生居臯六載而教遂大決中丞某公臺使者某公先後檄書勞之于是大家宰以先生能其官而欲其教之遠被也乃擢先生諭蜀而先生弟子不忍舍其師去留先生數閱月始得西蓋先生之凝于臯人士

卷下 一

王

四

深矣余選游黔中習聞先生才士蓋心嚮往之比返
初服而先生以秉鐸至因得私淑其教又知先生君
子也先生負偉抱而奇於數其在臯待益砥其業意
屹屹不休今且入蜀蜀多佳山水岷峨瞿峽嶽嶠瀟
瀟爲海內鉅麗之觀而先生羅之胷中若司馬子長
涉沅浮湘探禹穴畧邛笮而學益進文愈益奇豈終
詫不遇乎奏賦承明橫經虎觀余蓋以先生行誼文
章券之先生其謂余知言與哉

贈臯邑尉侶竹黃君遷楚藩序

黃君尉臯一旦有去志奏記當路願得自罷臯民鰥
鰥然惟恐失之左袒一呼羣而留君者踵相接也居
無幾何而君竟以遷楚藩去其去也士詫於較商嘆
於途田叟牧豎相與投耒扣角而歛歛於野依依焉
皇皇焉若不勝情者黃君賢乎哉夫尉於邑幕也其
上有佐又其上有長尉弟參畫其間不得有所專決
而君又斤斤醇謹不輕受記然而百姓之所質成不
之長佐而之君會府之所叢委不之長佐而之君學
士大夫之所稱誦不曰長佐嬾而曰黃君嬾也君明
而習于法而才又通敏善得物情蓋撻姦不避怨任
事不辭勞質直而能斷不爲脂韋治河渠詰暴客戢
羣飲督通賦所可以勸令長裨百姓者事及之卽危
行事不及之卽危言以余所睹記尉臯而賢者獨黃
君耳喜君之來則悲君之去慨於君者久則係思於
君者深臯士氓所爲佗條嗟嘆歎歎而不能自己者
其在茲乎夫世之智效一官行徵一國而聲藉一時
者其茂蹟顯伐豈不亦甚著而去之日民無得而稱
焉其甚者至以台爲口實恣三已而加之何者其
所孚於世未數數然也假令君適時遇合都尊宦躋

靡仕而識澤不留於人心遺思無聞於去後于以視此孰多焉寵辱係一時之升沉是非關千載之褒貶余固知君之有以不朽者誠在此不在彼也君往矣固無缺望於此行哉雖然方今海不恬波羽檄旁午當守之需才殷矣以黃君賢而置之散局使無以自見其長豈所稱知人善任使乎將國家奚賴焉余于是益有慨乎其中不獨爲我臯惜也

贈章希亮游太學序

章君希亮弱冠爲博士弟子學使者暨他直指若郡邑大夫凡二十六試咸第一七入棘闈儼廩二十五年矣一旦跳而入太學惜希亮者謂希亮二十五年廩於庠且暮且以明經舉而奈何取諸其懷而棄之期希亮者謂七入棘闈而七不第憤而改玉以操奇勝而責榆收其取途捷矣乃希亮則爲余言其束髮受書謂顯庸可立致發憤下帷銳意進取卽嘗有玄間之慶而不爲喜繼有殞珠之感而不以爲戚以吾之齒未也今冉冉逾強仕矣然而未有微蘊者吾且存前小章序卷之一序三十八月祠弓禡禱高襟以庶幾一應而又安能敵敵焉屈首咿唔從博士弟子較長角技銷竭其精魄以殉不可知之數哉吾嗟矣吾願息矣人以太學爲梯榮之階而吾以爲息肩之地余豈其薄明經而弋捷獲如議者所稱指吾滋惡矣余聞希亮言而察其色有邑邑不自得者余乃驟然曰嘻希亮奚慮焉夫希亮負瑰姿抱淵識穎敏曠軼而又博極載籍綜輯千古攷攷矻矻窮日夜亡間也其發爲文詞蕭煥而饒深湛之思刻羽流徽道然獨上稱蕤林飛將焉至其爲人則又恂恂爾爾行非服念不蹈也言非擬議不

效也蓋希亮二十六試咸第一往學使者柯公讀其
文而奇之爲驛致陪都獎許優渥郡邑大夫至者靡
不折節希亮或假希亮代斷爲名高希亮聲傾一時
而逡巡恭謹不一語濁有司余與希亮交逾二紀未
嘗見其有忤色疾言也夫世有才如希亮積學如希
亮而不第者乎世有就就砥行不愧月且如希亮而
其後不昌者乎假令璞終不剖而弓冶遂以靡托則
天生才何爲而積學砥行人事盡不可憑耶必不然
矣昔崔宗伯東洲亦七蹶棘闈洎入太學遂領解首
爲廷對第三人雲間陸文定公以耳順之年舉子猶
及見其登朝宗伯鄉先達而文定子伯遠余同籍此
近事可按也希亮行矣優游賢關尚友髦譽勿挫其
精亦勿挫其志更二年所而竟業焉正肄士時也希
亮必首拔赤幟歸而覘其門且有懸弧焉快矣樹鴻
伐於當年垂燕貽于來裔若兩公者詎爲希亮多哉
希亮將以季春挾策南其及門士某某若而人懷希
亮之樂育而難其別也爲祖取道而臨祝之曰吾師
識之冒生語不虛矣

寄司小序

卷之二

序

五

三五六

賀希宜范君授鴻臚序班叙

范君希宜應詔佐主計謂選人爲典客典客清秩也
入侍交戟之下與給事御史肅班聯而適其不恪者
以柱後惠文彈治之出則奉簡書詠皇華乘傳而使
于四方稱貴倨矣希宜榮乎哉然而希宜欲有以用
其才非苟爲詡而已也希宜偶儻有大志惻極載籍
撮要鈎玄靡所不窺而其發爲文章伉爽凌厲矯矯
不羣稱莠拔飛將焉弱冠補學宮弟子員居無何以
高等入試棘闈士林推之以爲一第不難也先是希
宜大父以贊雄里中已而中落希宜既屈首受書攻
苦食淡陰煬洎如又數絀棘闈不得舉于是希宜喟
然而嘆謂士當身名俱泰何至以蹇蹙語人李倫言
不誣乃于鉛槧之暇稍稍修業而息之聞智爭時率
以奇勝非必苦身戮力而能者輻輳蓋二十年中積
質累巨萬視其先世不啻過之然不廢學也朝持籌
暮擲管方圓並晝而學與貨且競殖入謂希宜殆兼
材焉久之遂挾策遊上庠復數入棘闈亦不售希宜
乃更喟然而嘆謂士乘時致身苟有以自見豈必一
第司馬長卿嘗入賞爲郎矣其後從長楊諭巴蜀功
名爛焉良玉在璞弗剖弗寶獨奈何坐俟河清乎吾

寄司小序

卷之二

序

五

三五六

思以自效矣于是罷帖呼上王計謂爲典客而人遂謂希宜階一命以爲寵乎非深于希宜者也昔人論治生產比于伊呂之謀孫吳之畧智不能權勇不能斷強不能守仁不能取予者終不能傳其術希宜之才蓋大有過人者而惜也其未究于用也太史公不云乎上則富國下則富家計然七策范蠡用其五于越而越霸已而之齊止陶致產數于萬則以其施于國者用之家耳希宜既以用之家而著績矣詎寧靳馬而不節施于國耶方今海內脊脊南北交訌三韓百粵之間日費金而饑土者踵相望也國家當三

年簡小序

卷七

三

三

贈石春谷援例授冠帶序

石君春谷奉例人賞得尚璽大將軍省中久之以次待銓天官冠進賢被章服束帶曳韓閒雅甚都里中人榮之春谷慷慨有大志少讀書爲舉子業弗就乃去就例期有以自見非苟爲榮而已也國家立賢無方士抱一長慮無不表于世而輒近溺于章句見爲梯榮躋膺匪繇六藝之科弗與然束髮角莚名場獲雋而去者伯不一其次以旣廩待歲徘徊諸生間什不一夫士業以屈首受書勢不得復他徙業而次且呻佔僂焉牆下髮種種老夫不能綰半通以自效何沒沒也蓋楊子曰雕虫小技壯夫不爲以故偶倘非常之士往往跳於格外而以他途進大者倖郡小者佐邑下亦不失乘郭類能展采錯事知効一官能微一國以自豎于明時蓋其見才甚易而其取徑甚捷若先朝大司馬徐益暉氏奮迹掾史中而况吳郡以文無害致身二千石並爲世名臣其效爛然可睹已春谷顧背美姿容磊舉不與俗伍而又方盛年負偉抱異日者捧檄而出其建明寧減往哲乎石故世族自其先世卽以貴雄里中而春谷益拓其業裘馬翩翩稱豪舉矣然遠遯好行其德其事母孝且夕洗纓

年簡小序

卷之一

序

三

三

唯謹而處昆季劑少分甘怡怡如也春谷賢乎哉方
今海波傳警當宁拊髀正豪傑嚮用時春谷勉矣榮
名詎可量哉

存詩小集

卷之一 序

三

三十九

賀錢弦室新第成序

錢君弦室治第成余與薦紳先生發焉晉其門魏如
躋其室恢如歷其序揆如立而四睇雕甍繡闥瓏如
蔚如蓋壯麗遂爲邑中冠于是薦紳先生酌而進曰
美哉室焉夫先京兆公不有故第乎君推以與其弟
而東構于此薙茅剪棘不憚經始舍其舊而新是圖
志何偉也已復有酌而進者曰美哉室焉京兆公之
欲並營此久矣經畫垂十年未就而君克成之庀材
鳩工百堵並作繼踰時而屹然隅峙才又何敏也已
又有酌而進者曰美哉室焉夫京兆公之創爲巨厦
也稱宏摹哉然猶有闕焉君接棟加崇而締構過之
个相偶楯相屬重檐曲檻囹圄焉盤盤焉規制脩矣
識又何卓也余曰辨哉薦紳先生之善頌也三懿具
矣雖然吾効其大者而薦紳先生擇言焉吾聞之明
德之後必有達者自古名公鉅卿膚猷峻伐當吾世
而不竟其施天必太啟其子若孫使丕承之先京兆
公文章行誼卓然一時方其由郎署歷藩臬公名赫
于燕楚黔粵之墟正嚮用矣而遽以疾告旣以起家
掌問寺領大官從尹京兆列於九卿化行轡轂平采
著于 朝端當軸者且以執政處公而公不待焉蓋

天將畱不盡之用以貽後人也乃弦室君婉愉嫠母
邪異幼弟推恩諸父斤斤篤于大誼而性機穎絕人
應待批棼靡不導疾往者渠洩鼓吻衆象狷狷多麟
斲君者君夷然弗爲動徐袖椀狎之而耳去矣于
是人人服君之明智而君又慷慨負大志卽以少年
展成業爲貴介公子而能折節下帷博綜羣籍每延
儒碩辨晰經義必夜分以爲常至其發爲文詞思騷
涌而態霞蒸聲砰鉤若出金石也以弦室君才卽取
上第致身通顯以光昭令緒寃京兆公未竟之施詎
可限哉宋王晉公以青宿逮事建隆興國當時望以
介荀小章
爲相而竟不大拜乃植三槐于庭曰吾後世必有爲
三公者已而其子文正公光補定陵爲太平賢相功
業爛焉議者謂晉公殖德于已責報于天取必於數
十年之後若持書契交手相付而因益信天之果可
必也京兆公文武忠孝不減晉公而名位亦畧相當
晉公知子明必能耐其志故不至謬爲期滿而弦室
君當委弁時亦輒爲京兆公器重京兆公在邸中每
得弦室君所致傳士藝未嘗不灑然昇之蓋先是京
兆公治第成而卽以不盡名其堂倘亦隱然寓晉公
指耶弦室君勉之夫京兆公之明德遠矣豈其庸猷

峻伐不盡見於身者復新于後而令三槐之符文正
獨擅哉于是薦紳先生矍然更酌而進曰嘻大夫之
言燦矣吾乃今知弦室君之志與才識之宏也經營
四方猶一室矣而曷者猶沾沾相詫以土木之盛以
是概弦室君不已細乎請更以大夫之稱說爲弦室
君頌可哉余慨然領之曰諾

熊新宇制義序

蓋寓內秉鉅而掉執執林者習至盤矣議者目攝而心知其非言修士於家而已背教典常俛仰問世于以推諸政業將世道奚賴焉則文學吏溺其職而發率不立也宜采成私特所舉以式天下而嚴之功令重振教鐸者于是昆明能君以鉅儒殖望簡蒞臯矣君來臯奉行科指惟謹旦暮屬其徒而告之曰今國家釐士習而廣屬學宮之路則再舉士首被命焉豈其不以實應而慙實之以佚遇 上意使四方眎之謂再都士實然謝求志何謹與士約月有試人有會亦惟是再雅雅也以其能於正經無如往議者所指則豈惟士將不殺有賄藉手以無殺其職斯大願矣蓋士誦君之言而因以有味乎其文請遂鐫而式焉而以謂余余惟君少年博雅才名精甚屬乙酉舉舉曠典分遣廷臣較士下國而君首以雋異起滇南拔登天府迨南宮復爲大官大夫黃公所奇而聲愈益著薦紳先生靡不推轂君者顧安取而以余言重乎雖然余聞之文有意有法夫意無方而法有體也今經生掇無方之意而至驚於法之外所繇絀於議爾爾迺君汰謏俗而吐其胸中之奇綜羅千戶神遊八

極恢之彌廣按之彌深意豈不亦獨至而一麗于矩不軌散其法以媚意斯以駸駸乎大雅而卽令與成弘諸君子挈長而論相伯仲矣嗟乎以今士之茅靡波流失其正始卽有賢智漸漬顧化而君拔濯泥滓之中一滌習染較然不欺其志蓋所謂離類絕倫足當命世者也以斯發率稅壇而繇臯士以風于天下將天下士翕然響應文章復古而世道還醇則君之功居多焉而其又難一第也君往矣迺不憚勝筭哉

抱璞編序

向臯人士所爲聞風仰止者則中都有張先生焉蓋歲在癸未而先生實被命師表臯人士臯人士孜孜幸喜先生旣振鐸則士風翕然丕變焉先生雅善獎進諸人士時時譚經藝必悉其窾綮端委而月數試試數目躬爲揚扨也諸生旣月趨就試則必請先生文爲旗鼓先生亦輒不受出視諸生諸生旣月趨就試人人自得也而已讀先生文則又人人自失也詭謂技蓋至此乎轉相傳習競先覲想之爲慶幸顧病不能人人給而相與謀鑄之乃先生謝不文諸生踴

存詩小集

卷之一

序

三七

九十四

曰博士家言如先生固玄黃之靈籟也先生重謝不可謂此實舉子業而局時變其何常之有諸士重跪曰所爲聞經義而翼往傳者舉子業視他所著述實先之而且文也者神理也神理至卽終古常新也因日夜固請先生重違其請又雅不欲爲表著方可否兩端而諸士持議甚堅愈益請念必欲得請先生意不能奪其請然每出一首意未嘗不踧踖自紉也蓋鐫累百而先生遽命曰止諸人士疆更益之不得請則噴噴以不能竟爲望焉雖然引商刻羽其在多乎諸人士家陳於座上而丹鉛其旁還能一一手摩而

色按之否先生天性甚卓折節讀書了徹作者之指會其神而靈明出之以獨請其至而陶鑄成一家言實爲起乘而上當是時縉紳賢豪搜才中都所推轂必先生先生才名遂聞天下而顧難一第也蓋天實老其才以大其用哉臯人士旣向自嚮慕而乃今益得先生樹羽儀於上薰漬衣被至循渥也意者其有蔚然而興乎則尤先生意所屬望焉

存詩小集

卷之一

序

三八

九十四

贈陳生

臯故無軍興嘉靖中寇躡海上泊兵使者以便宜檄發帑金二千緡餉士掘港久之寇去解嚴而臯遂嚴發金爲額不復有議罷者矣然掘港戍軍興故資給不乏非素仰餉於臯也獨其中一二大猾視爲居奇而陰結邑曹掾黃緣爲姦利歲飲百姓錢二千金公共瓜分爲已有卽歲甚稔室如懸磬上且獨常賦罷一切勿急而此二十者一毫不得減民有逋者則悍卒參伍攘臂其家迫責之不賺不休百姓驚然畏其樂生之心蓋二十年於茲矣余竊痛之而獨以王者右閭小阜

余與二三君子者詆掌譚而幸而勝之得不辱命又何愉快也蓋始臯奉治兵使者檄發帑金餉卒也則德清嵇公實令臯拒不應而掾某給公潛移牒上報稱便公比覺則事業以成無可奈何遂皆厲以迄於今而幸陳君掾戶曹乃得與更始以一人成一人病百姓利病之權迺在掾吏哉

壽錢方伯六奏叙

大方伯淑湖錢公致其楚政之九年蓋萬曆紀元十有八載而爲年六十是歲也諫大夫陳公上疏言上日孜孜求治焦勞矣而海內迄未底于至寧則吏溺其職而老成遺佚也方伯臣某天下才宜起置要列使竟其施卽讚廟謨而襄至治不難矣書奏天子以爲然趣召公公固讓奏記當軸陳其不可出者八薦紳益高之至相謂曰錢君不起如蒼生何始公以治郡高第入按察三輔時政府柄國而善識拔天下士士多附之所推轂立致位通顯而公獨秉正不存司小章

卷之一 序

四

三

阿不一字抵政府乃政府獨雅重公擢公總憲楚時政府方謁假還楚故藉公以自重而公覘其意不欲褻裳就之乃間道還里中不與事會比政府至楚則自開府以下郊迎屬鞶索道左度憲使且詫知遇駿奔罄折以從羣大夫共色奉之如不及而更見遠邇如是大以爲望然公素介潔無可指乃稍遷轄南粵尋以大方伯覽黔中實疎之也居無何政府終重公奈何以修却故而坐淹名臣萬里外乃移公轄楚時縣官方大括天下田而中丞臺以史政府故復其郡憲以賦移課旁郡公持其議略不與復政府乃更直

公而薄中丞臺欲遂拜公開府而公終不欲以受知政府故進乃曰吾幸備位大藩爲天子方岳豈以一節鉞易吾操且如初志何遂上既移疾歸歸時年總五十耳眸然少容也公歸杜門披吟書史足跡未嘗一躡有司之庭而亦絕口不談時事一特物情推之部使者五疏上公行而最後奉諫大夫章如此蓋輿論云公才敏而果敢深計其擘畫盡百年規守廣信則流寇不敢窺其境治兵瀕陽單于巧不敢南下牧馬保釐黔中則舉廢平蹂躪行于徼外所至炳烺民戴之如父母而其最著則在霸湖地下而九河注

存司小章

卷之一 序

四

四

之滙爲巨浸蓋民幾魚矣公爲築防禦之延亘百里而獨家朱口者流湍甚頻噓不可祭公投茭與河伯誓忽大風漂舟至塞其口民謹以爲神一年沮洳盡爲沃壤民廼立祠報祀公命詩歌之公執法不避權貴副大將怙權跋扈監司目攝之莫敢問公至立按之壬午當鄉論士而公實蒞楚故事提調與羣執事分牘閱而公時微覘主者有倖實卽謝弗閱主者憚公而以兩卷嘗公問可否公輒涉筆署罷之其峻毅不可以私干乃爾公學問淵源而嫻於文詞得子長之精卽一赫蹏著隻言靡不大雅而議鑑瑩朗善相

士無失者又冲虛負雅量遇人無少長咸與執禮士
以此益歸之故于公六十也展幣屬詞奔走爲公壽
者至傾閭右而余不佞暨大夫某某辱公姻雅與公
好其幸喜更百于恒情焉于是乃舉觴前壽公曰於
鑠哉公所稱名世者也其才足以經世其識足以察
幾其守足以廉俗監蹕絕而施通顯豈虛也耶夫建
必然之畫策非常之助以當于世用者代非盡無才
也至臨岐路而鏡得失之林幾不容髮非甚庸哲孰
能識之乃欣厭畦町情奪其中至往往列方從之者
何則守未堅決也以才如公令往者少折節即台樞
存詩小序 卷之一 序 四

立至而公終不以彼易此豈晚近世所能有哉蓋公
始成進士調爲郎宜授要署而公以當軸有懿親力
引嫌請南補其砥行礪節不濡跡於權路所從來矣
今公年六十而齒髮若平生 天子終用陳公言固
召公起家秉政更數十年而余與兩君從海內士前
壽公當是時公大業能更僕數哉

壽新泰令李明戴先生八表叙

明戴李先生以 今上乙卯良月幾望開八表其鄉
之薦紳學士薰先生之德比閭閻族挹先生之惠郡
邑長貳若傳士之泣茲土者欽先生之誼而憲其言
相與以班舉爵前爲壽而猶未也則有械詞寓幣浮
江而北爲先生壽者南司寇平原之宋公也則又有
摘詞抽賦踰河涉淮翩然而南磬折庭下爲先生壽
者新泰之羣博士弟子也先生嘗爲此兩邑然其去
之已二十年而又在數千里外山河而間之乃兩邑
人能識先生之年而又相與遠來壽先生自非先生
得兩邑人深孰能有此不可誼者乎蓋先生之貳德
郡也奉檄守平原令已而新泰闕令則又移守新泰
令兩邑德先生咸願先生真爲令羣請於部使者部
使者上言狀詔先生爲新泰令新泰故奉符邑岱宗
之麓壤瘠而民窳又比歲被其需賢令尤亟故 上
獨以屬先生而平原顧益執鞅曰 縣官急新泰乃
薄平原耶此我公奈何奪之先生爲新泰輿咻拊摩
所可以佐百姓者不愛以身殉之麥秀兩岐歲則大
有民歌咏之爲立祠且俎豆於學宮焉平原雖不得
先生爲真令其去而見思亦不減新泰然則兩邑于

先生雖百世不誼可也獨今日乎哉先生賦異才博洽工文詞聲藉甚諸生間洎升上庠名益噪初受毛萇詩更受三禮鈎玄扶微遂撮其要著禮記摘註摘講行于世而數奇不第士論惜之通籍爲郎丞大官出補滇臺叅軍已同知德郡所至有惠政足紀而爲令最著其爲人長者折節下士海內薦紳賢豪咸與交驩歲時守令修養老禮必以先生爲祭酒邑有大政未嘗不統而咨焉夫學不難掇第難于程世仕不難躡難于獲民先生言成一家而治微一國文苑循吏當兩傳之其不朽詎以年哉先生子兆義君諸存詩小草

卷之一 序

五

一

壽明府左泉盧公八表序

代

左泉盧公之泣我浮也余方爲諸生數數從函丈抵掌譚藝莫逆於心蓋沐浴膏澤之日久矣迨余繇比部外補裴徊海上驟如公公高蹈不亟見余未嘗不軼其闕去久之獲覲公貌益粹神益王而年則已開八袞矣于是里閭姻族輻輳稱觴庭下余局于官不獲從其後謀寓雙言爲公祝禧而公嫗某君偕二三友生政徵言于余余蓬處時習公政治郡時習公行知公故莫如余者于是颺言曰懿哉公所稱鄉先達而國之耆碩也夙負環瑋才著聲膠序扶策遊成均名藉甚一特大司徒馬公國子先生李公咸器重公以大受基之竟數奇不第謁選人綱紀浮浮囂邑也壤沃而民怵吏吏稍自潤賂遺腐集矣公雅以清白自矢矜然不滓賦故上上鎔而公狃之歲數數百金例爲主者橐中裝咸謝不取歲時轉漕北走建業而走會城唯是脯資餽率例哀如千緡亦峻却之曰若苦飛輓棘矣余奈何重困若公卽斤斤稟成事不輕受記而部使者若郡大夫廉公能諒以牒移公公務爲兢解大者傳爰書餘立罷遣去不私一錢也豪某睚眦殺人獄數具數以賄解最後以屬公懷金

存詩小草

卷之一 序

五

四

伺外舍三日不得通達公有重客至宛轉屬客微語
信之公變色遽應客出趣案獄論豪如法某甲以貨
雄里中亡嗣族人爭嗣公爲之其倫次兩嗣之爭遂
解人謂公稍嗜嘖嘖即千金也至公不屑也公在事未
載未嘗一緣糜百姓去之日至無以治裝而邑故有
梗楠百士民願餉公爲道路費公笑曰行矣謝諸公
意厚余待罪薄書幸以不賄聞而乃更以賄終耶蓋
其廉固天性也所治重彙章厲風教持法不饒人不
敢干以私俗男女總成童卽合婚而其治喪尤悖甚
初第龔吉董治一切久之踰歲或數閱月始持服公
下令禁之風爲一變郡購劇盜積數歲不得公知刺
姦竅墨盜貴陰爲耳目密呼詰之具首服而明日盜
以斃聞矣黠少年某習爲不逞憐公不敢踐閭市公
一日以他事至其地人或恐少年盧公至矣行逮治
若其悞卽雉經亡賴子六傳至聲貴不恤公繩以法
終公去無呼盧聲爲人所警服如此其事上個幅絕
不爲纖嬖賴而遇令無苛禮他佐或曲事令至不敢
爲釣敵而公非之曰同官爲寮兄弟也令中丞婺州
徐公時爲令亦雅重公事必密公所不能剖具移公
驩然相得樂相成也人賢徐公而益重公不阿公卽

抗直不撓而必子惠嘉與百姓與咻士有寡者輟俸
賜之方守罷淮陽歸貧不能具朝餽公高其誼數存
之不厭也市渠環學官歲久淤塞青烏術稱不利公
毅然濟之而余與今水部陳君給舍朱君輩相繼獲
傳人文斌斌起矣士論以此益歸之公爲浮再踰考
奉大司農若中丞臺御史臺暨漕使者檄書相勞以
數十計其邑人自藩侯王縉紳學士以至田畯牧豎
靡不擊壤扣耒而誦盛治所著聲詩歌咏記叙評引
十思八政繪爲圖奏以誌口碑者至盈篋而不能縷
舉倚歎盛矣公之澤浮輿浮之戴公者蓋兩屬不麾
哉公歸而室無姬侍門鮮雜賓手一編自娛于于如
也口不啻時事足未嘗一躡有司之庭而鄉人化之
或舐姦嬰微蓋輒戒勿使公知令吾愧見長者其族
人千指咸嚴事公推爲省祭事質成焉先世嘗出粟
佐縣官奉 詔表其閭而歲時膜臘故有祠以奉鄉
合歲久均圯公兩新之他懿行取暇稱是以公治浮
若彼爲德於鄉又若此其施厚矣其所溉及宏矣昌
江以西溥海以東其祝公而願公年者又可啻量乎
以故年八十而貌益晬神益王綽約乎若藐姑射神
人焉則天之報公而得全者全昌也余於是慨然舉

爵東嚮酌而祝之曰公狷特似吳隱之方毅似包孝肅文無害似黃次公令行不敵似董安于而雅量冲穆挹之鄙吝都消似黃叔度礪世範俗羽儀一時又似陳太丘公云則公之年其不似倅伶彭錢也與哉且也長君餽廩較中質有其文行而季服穉益拓亦克肇卒咸能養公志諸孫繩繩竝振羽矣天之壽公而俾食其報者又在茲乎于公高聞余操左券踐焉

壽章近泉七十序

自昔儻儻非常之士材請不爲世用類爲積居營什一之業以能試有所長鳴夷子皮用計倪策沼吳霸越退而施之家三致千金彼固以見其奇非苟爲贏而已也太史公言廢著之概鬪智爭時若孫吳用兵商鞅行法其論著詳矣乃世穰穰走利如鶩豈其遺方而讓財者耶或反以競敗而廉賈五之何以稱焉蓋余里中稱善治生術推章君近泉見弟云章故蘇胷自其先世卽以貴雄閭右近泉君修業而息之遂以益饒邑萬家之城所用棟桷楹桶椀桮之具歲率計千章而近泉君恆其利他治是業者數輩輒多亡失不及君至設權變矜懷恆以武一切駕而出其上然終不及君也其數輩遞起遞廢率驟徙業去而君久久更富于是人共詫君有心計潛窺君所爲君聞笑曰迺公非能操他謬巧如傳所列曹邴郭縱之徒與時俛仰終以奇勝令世稱善賈也自吾業是數十年矣賤之微貴不加勸貴之微賤不加阻所贏得卽過富不爲色喜卽稍稍絀亦不爲色慍張歛利鈍伐陳于前而不入其舍蓋吾於技至樸矣亡其設誠一而能者輻湊耶于是里中人人自以爲治生術不

及近泉君近泉君仁足以取予驢足以有守即坐而收其奇麗此無爲智盡能索耳所謂來之以德者乎君性惻惻無脂韋其與人交質直不爲貌語尤雅不欲敵人印人訛之亦不報也邑中豪或飭冠劍連車騎爲遊閑富貴客而君深藏謝客不炫爲名高謂吾弟其食美其服安其居日奕棋爲樂有以自適足矣安用蕙蔥蘭蘭廣交延譽聲折貴人前幸色一少假致生得失更中目憐去也然細縫中有宴而無以自存者又未嘗不收恤之無怙色益廣幾富而好行其德矣今歲在視翠大淵獻而君年七十之孟陬其懸弧辰焉君從子蘭石先生偕其族黨謀所爲壽君者而擇言于余余惟太上尊生其次順適之彼披裘而拾穗行吟隴上躬之不闕矣遑知生之爲樂而卷婁之士以簪裾爲桎梏又往往疲精敝形于庸勛以稿伐其真此以希稊壽盤已君市隱東海之濱無名實繫縛而又比于素封不以窮愁耗其營慮即湛浮七策中亦直以意寄焉益顧和引恬快其志之所自娛以徜徉稱得意而靡薛越之君子謂近泉君殆治生而善養生主者耶君今年七十而貌甚澤齒髮若平生即以推之于後其得箕詎可限哉太史公且

著列仙傳紀君松喬軒翥間不獨澀澀傳貨殖矣

壽孫母薛氏孺人六表叙

余母姨氏薛孺人矢志栢舟踰二紀於茲矣歲在商橫淹茂甲子政一週良月既望其設悅辰焉余從母倩張君周君奉觴前爲母壽相與誦母之賢微獨以節著雖其才亦烈丈夫也始愛山公見背時母年終三十餘耳三女子大不踰十齡小者方呱呱啼於襁間攬惠帳之遽空偃尺孤之何在母於斯時不難捐生以見志而獨以號嗷孺輩置此安托不得不不少忍喘息以爲之地而茹荼冒夢操燭然與日月爭光蓋二十五年如一日也孫故鼎族愛山公少業儒麗茂無他腸不問家人生計產益中落而母以悼逝深榻拊一切從厚至剪脰鉉以給費所餘不足供朝夕陞一壁煬一竈汨如也母督僮僕操作孳畜撝拾稍修什一之業而躬勸慕組以佐之費用益饒母卽愛憐三女劬劬相依爲命然式訓迪之不廢闢教也咸淑慎端靚雅稱閨房之秀爲相依而歸之施衿結褵九十之儀爛焉初母亦少孤其出閭也練裳竹筍殊草草母不以爲望迨母資送三女甚脩人噴噴詭之謂丈夫不及也母相愛山公愛而能別平生未嘗以語語相加遺婉奉翁嫗嫗操新婦莊鮮當意者獨於母

色怡曰是善事我處諸似和符子姓惠而有禮咸嚴事母而憚之庭幃滌灑及伏臘踐更費與伯仲間更出迭供不以嫠爲解歲時問遺內外通慶喧無失者其善綜理有幹局過人如此余惟母大節章章與共姜伯姬比烈尚矣假令伯華不夭而孟宣有後其以貧春成夫之志劉薦立子之名卽鴻妻侃母豈足多哉而傷哉其感黃鵠而悲徵蘭也君子蓋惜其才而慨其遇云雖然恒尉延譽於元禮樂令馳聲於衛玠得張君周君而女之翩翩質有文行稱快婿矣則母之所藉以不朽者其在茲乎又奚憾焉

壽盧外母石老孺人八泰序

余外母氏盧丹石老孺人之誕也歲在己酉至 今上初元凡閱四百八十一甲子矣陽月九日其設悅辰也里中嫗戚士紳咸稱觴爲孺人壽于是長君上舍儼然造余而以文請余諸曰不能文也上舍君曰此吾母志也余又謝曰不忍文也孺人嫗長女而施及余今子若女暨中外諸孫翩翩庭下而獨少一人焉率先弟妹舉璋爵跪母前而壽之余且哽不能語而又奚文焉上舍君曰足下推先娣而于外氏誼甚篤先大父七泰實徵惠于足下迨大父躋八泰而足下存簡小章

卷之一

序

五

四

復載筆焉讀者咸稱善蓋吾母耳而避之稔矣今吾母年八十而足下有遐心蔑以憫吾母矣卽先娣不將有餘恫乎余于是憮然爲間曰孺人之待余厚矣苑枯不以異觀丈夫難之余獨奈何不以一言闢其綴而令嘽嘽焉爲不嫌于志乎自余爲孺人壻委禽以來垂四紀矣閨懿親承未易更僕數論其大者孺人舅爲浮梁少尹時姑仇孺人以疾留閣中支離牀第載踰寒暑孺人旦暮爲扶持而案枕之湯液醴澀必親嘗以進取中裙廁膺身自浣滌每唏噓服臆涕承于睫也迨浮梁公致少尹歸而孺人處一室不無摩

詰之感孺人嚴事之有加焉其膳滌灑非手割不以饋浮梁公一加七則躍然喜不者心怦怦如有失矣浮梁公居恒隱几客至款語則相對怡然孺人覘之烹鮮澆旨不戒而具以順適其意蓋自爲新婦以至彬彬白首靡幾微不當舅姑意者孺人之孝足稱也廣德公二十補博士弟子七十貢于大廷八十司訓于廣德屈首叩佔凡五十年每手一編伊吾至夜分則孺人必爲佐篝填之鷄未鳴而已戒旦矣中閭榮粹異時愉拂異境恬躁異情而孺人一以婉承之未見其有遽言厲色也廣德公之官或謂不宜雙耄踰存簡小章

卷之一

序

五

四

江陟坂孺人不當留不往耶孺人曰否否自吾結髮而事夫子未嘗不朝夕繼見今冠進賢爲廣文先生而乃使獨身之官令夫子視盤中苜蓿而憶吾舉案特顧安得從于里外竭廕而前意屬屬齊眉奉之乎竟與偕往非久視廣德公合得以無憾人皆嘆之孺人之順足稱也孺人一子二女愛之異甚拊摩吻煦惟恐傷其意上舍君遊膠序負笈咸均工計然之策權子母微貴賤以與特俯仰操其奇勝遂以貴稱里中而孺人以義方誨之恒欲留餘以示不盡晚而得孫愛之甚于其子既長習制舉藝爲損珮行束修

是訓是迪不廢勞焉其泣子孫婦也無以異于女謂
吾愛吾女而人已于愛乎女鞠之而已孺人之慈足
稱也以至處婦奴以睦待羣從以禮接娣姪間党以
和而其自御則躬服儉素澣衣蔬食以爲適卽老恃
鬻鮮常珍曰吾見若爲生難不忍糜耳端重藹然一
嘖一笑不以假人而仁厚不忘人德人有過客之不
加誚讓闔以內雍雍如也則孺人之懿行其足稱者
指詎勝屈耶夫世之談內則者多溢詞其言宜妻侃
母以及織履晝夜之倫尚矣顧或以一節著未有微
音婢節閭儀醇備如孺人者爲邦之媛矣孺人今年
正八十而神益王食飲不少衰天之所以畀孺人者
一何渥乎蓋來之以德矣孺人大父古松少府九十
有四以余卜孺人之年當不啻過之更二十年所而
孺人壽踰百稱人瑞 天子且以璽書封孺人而采
其家範付之彤管以風于天下則余不佞是文爲孺
矢矣

存節小序

卷之二 序

五

三

壽許母張太孺人八袞叙

蓋余雅習心谷許君云許君負曠世才學甚富文藝
工而倜儻多亮節不侵爲然諾學士先生雅嚮慕之
稱瑰璋非常之士必曰許君而因嘆其母張太孺人
之賢以爲非太孺人無以成許君者蓋許君失太公
特絕踰冠而兩弟少季甫七齡顧所遺泊如也太孺
人泐然拊膺語許君若初被服爲儒而余奈何以治
生計黷之謂而父期爾何若弟肆力於學無問家矣
季也慧差可世業以累若仲令其服穉耳太孺人則
嚴筭鎗躬杆軸稍入繙笈咸手自會計而工苦食淡
以節縮佐之于是許君不虞內顧得一意摩厲其業
蒐二酉之藏漱六藝之澗而且成其季使競爽也非
太孺人力哉太孺人精敏有心計既以勤儉致饒而
許君業益進聲日益噪每試必先諸士諸士多從之
遊歲時餽廩及束修以上咸以太孺人太孺人爲
綜理稍修業而息之家益大裕腴壤華棧雄里中矣
石季倫謂士當身名俱泰何以至薨樞語人而長貧
賤驕語仁義太史公以爲足羞顧學與殖相餉而各
實不並收也士當其屈首咕嚕時兼之難矣許君振
藻一時而身致千金以有太孺人主家素耳然太孺

存節小序

卷之二 序

五

三